



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

ՀԱՅ ԴԱՍԱԿԱՆՆԵՐԻ
Գ Ր Ա Դ Ա Ր Ա Ն

ՄԻՍԱՔ ՄԵԾԱՐԵՆՑ

ԵՐԿԵՐ

ԵՐԵՎԱՆ
«ՍՈՎԵՏԱԿԱՆ ԳՐՈՂ»
1988

Բնության հաղորդակցվելը իր զանազանակերպ դրսևորումներով Մեծարենցի քերթվածներում ունի հասարակական ենթիմաստ: Նա բնության միջոցով բաղձում է մի ուրիշ աշխարհ, որտեղ չմտնեն «հեք երազներն իմ որբուկ», որը նրա համար դառնար «ծափ ու ծաղիկ»: Գրողը տազնապաժ հարցնում է. «Ո՞ր, արդյոք ուր պիտի հանգի Կույս ու ծաղիկ երազներին դեղձան շառափը մարմրուն»: Հաճախ նրա անուրջի թելը «լուսածրար երկինքներու ճամբաներն լայն ու լոխն» տանում է «կայքն աղամանդ աշխարհներուն» («Կապույտ հաժուներ»): Նա լսում է «դյուրիչ» աշխարհների «տարտամ», «անուշ» ու «հեռավոր» ձայները, «որոնք անդին գիս կը տանեն երանաստան մը բաղձոտ» («Գետնափի երազանք»): Նրա տենչանքների մեղուները թառում են «հեռավոր ծաղկաստաններում» («Մեղուները»), և բանաստեղծի հոգու մեջ անդրադառնում է «անձանոթ աշխարհներուն» «կըրկներևույթը գունագեղ» («Ցայգն է պայծառ...»): Մեծարենցը հավատում է իր Երագին և սպասում նրա իրականանալուն:

Անձուկին բոցը գիս պաշարե՞ց. Ըսպաման հիվա՛նդն եմ.
Հոգեսարս դողերով և հուրքով միշտ ցայգերն են հըղի,
Գիշերներն ես համբուն կըսպասեմ ծիրանի այն դարձին,
Ու ցայգուն ալ կանցնիմ ավազուտ ափունքե՛մ՝ դողաճար՝
Սրտաթափ ու խանդոտ երագի կայծերով աղըցուն:

«Ծիածանում» Մեծարենցը բնությանն առնչակցվում է ամենից առաջ գիշերվա միջոցով: Մինչև Մեծարենցը մեր բանաստեղծների համար գիշերը եղել է բնանկար, գիշերային պատկերները ողեկցել կամ հանդիպադրվել են զգացմունքին, երբեմն կրել աշխարհայացքային ինչ-ինչ երանգներ: Մինչդեռ Մեծարենցի համար գիշերը ոչ անցողիկ հրապուրանք է, ոչ էլ սուկ տևական թովչանք, այլ աշխարհայացքային առանցքային ու մնայուն գիծ: Մեր բանաստեղծության մեջ Մեծարենցն ստեղծեց իսկական գիշերերգություններ՝ դառնալով ամենամեծ գիշերերգակը: Նա հանձնվում է գիշերներին՝ ազատվելու համար աշխարհի սին ճղճիմություններից, ամոքելու «օդ ու լույսի, երգ ու ծիծաղի կարոտ» հոգին: Այդ միտումն անթաքույց է արտահայտված «Ցայգանվագ» արձակ քերթվածում. «Որքա՛ն քաղցր է սուզվիլ քո պայծառ խորհուրդիդ ջիւնջ անհունության մեջ, թո՛ղ որ հանգչեցնեն հոգնաբեկ ճակատս սփոփանքիդ շողերով և մոռանամ պահ մը անսահման խանդաղատանքիդ մեջ փանաքի վրդովումներն աշխարհի ունայնություններուն, ո՛վ սուրբ ու պաշտելի գիշերը հոգիներու վերածնունդին...»: Գրողը չի ուզում և չի էլ կարող ապրել այդպիսի «վրդովումներով»: Եվ գիշերը դառնում է «աշխարհի ունայնությունները» մոռանալու միջոց:

«Ծիածանը» բացվում է մի բանաստեղծությամբ, որ վերնագրված է «Ձմրան պարզ գիշեր» և որը գիշերերգության մի ճշմարիտ գլուխգործոց է.

Համբույրիդ, գիշե՛ր, պատուհանս է բաց,
Թո՛ղ որ լիստառ ծծեմ՝ հեշտագին
Կաթը մեղմաճուս լույսիդ տարփանքին՝
Ու գով շաղերուդ կախարդանքը թաց:

Պարզ, լուսածածան, հրաշալի՛ գիշեր,
Հոսե՛ սրտիս մեջ դյուրանքիդ ալիք.
Ծերմակ երագիդ ցայտքերն մեղրիկ
Պուտ պուտ կաթեցո՛ւր հոգվույս սիրաջեր:

Ընտրված են ամենանորը երանգները, ամենաշքեղ ու անսպասելի փոխաբերական պատկերները: Քիչ բանաստեղծների է տրված տեսնել ձմեռային գիշերվա **ներմակ երագի** ցայտքերը, զգալ շաղերի **թաց կախարդանքը...** Բայց քերթվածը գիշերվա հրաշագեղությունների մասին չէ: Մեծարենցը չի գրել փառաբանություններով, այլ պաղատանք-երկրպագություն: Դրա համար էլ շեշտերը հոնտորական-հանդիսավոր չեն, այլ աղաչական-աղերսալի: Գիշերն ամենից առաջ մի սըրբություն է, որի անմեկնելի խորհուրդները միայն կարող են իրեն բերել ամոքանք, մոռացնել տալ «աղի» հուշերը: Բանաստեղծը ծնրադրում է գիշերվա առաջ՝ տենչալով անէտնալ նրա մեջ.

Ցնորաբե՛ր գիշեր, ա՛հ, ընդունե՛ գիս,
Ընդունե՛, միստիք ո՛վ անորորություն...

Նա միայն չգերվեց «անուշ», «հեշտագին», «հաշիշով ու բալասանով» օծուն գիշերներով, միայն կախարդված չբացականչեց. «Ի՛նչ հեշտին է մթնշաղն այս սատափե»: Արևելքի «ջիւնջ» շափուղազարդ երկինքով՝ գիշերվա մեջ բանաստեղծը չտեսավ սուկ «հեշտություն» ու «բուրմունք» («Ցայգանվագ»): Նրա հոգին նույնպես մի «անձիր ցայգ» էր, որ սպեղանու և գրգանքի կարիք էր զգում: Դեպի խավար խոնարհվող իրիկվա «բուրմունքներու հաշիշը» նրա հոգում ցանում էր նաև «հեշտանք մը թույլ» («Խոնջ իրիկունն արագորեն...»), նա հափրացած, ուշակորույս, ըմպում է «գիշերներու զինին խավարածոր» («Մեղուները»), վերջալույսի մեջ որսում «անըջածուփ, մվաղ բույրերն երերուն» («Իրիկվան ձայներ»), անձկում «հեշտ», փափվում գիշերներու անորորություն մը ցնորական» («Ցնորոտ անորորություններ»), գիշերների մեջ երջանկանում՝ ունենալով իր «երագի պահերը»: Մեծարենցյան գիշերները վեհացնում են ու երջանկացնում: Նրա գիշերերգերում, իր իսկ բառերով ասած, «սերը միշտ կը վերածաղկի»: Երբեմն գիշերն արթնացնում է «սիրո հուշեր լուսավետ», և բանաստեղծի հոգում վերստին այրվում է սիրած աղջկա աչքերի «ծիրանեծին բոցըն հրուտ» («Կայծեր», «Թրթոռումներ»): Երբեմն էլ մթության մեջ նա ավելի սուր է զգում «ցավոտ Սիրո հարվածը» («Նուպաները»): Հոփից ու ծովից գիշերով եկող համբույրները նրա համար դառնում Տոն ու Կիրակի.

Բայց լայն իմ հովտուս քիչ քիչ կը մաքի,
Շրթունքս եմ ծարավ միակ համբույրից...

Ես կեղագեւ ծառերում տակ ու կըսպասեմ խղարայրս
Լույս պարիկին՝ որ իղծերես պղտակելու պիտի գար:

Բանաստեղծի քնարական հերոսին նույնիսկ թվում է, թե իր հոգին ունի «սիրո խանդ ու հրայրքներուն ձանձրույթը»: Բայց սրանք վաղ-անցիկ պահեր են: Մշտակա է մեկ այլ զգացում, որ այնպես խոր ու սեղմ արտահայտված է «Այգերգ» քերթվածի մի տողում. «Տարիներով իմ երագս էր սիրո գարուն մը խաղաղիկ»: «Ծիածանի» սիրերգության մեջ իշխողն ահա սիրո այդ երագանքն է, որով ապրում է Մեծարենցը: Նա այլևս չի որոնում իրական, երկրածին ու մարմնավոր սեր, սերը դառնում է «երագանքի թոշ ծաղիկ», տենչում է լոկ անըջական համբույր ու հուրիներ: Ու դարձյալ «զգնության է հասնում ամենապիղիչ գիշերը.

Այս գիշեր քեր ու երագված կայծեր հոգվուս խորերն իմկան.
Կը մարեմ լույսը բանավորիս ու վերագեմ ճորտիկեան:
Ծանթե աչքեր, բոցե թեւեր մըտածոնախ կանցնեն քոյին.
Եվ հուրիներ՝ նոր հողանած պապաստորը իրենց կոտորեն՝
Որոնց համար շրթունքներըս անթիվ իղծեր կը թողովեն:

«Ծիածանի» բնութենապաշտական հյուսվածքում գիշերը երագ է, Սեր, այլև՝ Սպասում: Գիշերվա խավարի մեջ բանաստեղծը միշտ էլ տեսնում է Լույսը, որոնում «լուսեղեն ճածքան»: Նա կապույտների խորհուրդի մեջ, երագում է «վաղորդայններն երջանիկ», «բողբոջ գարնան» արևաշող հույսերն են վերադառնում գրողին, երգում է «Արե-վին կյանքն հրեղեն, Արևին փառքն անստվեր» և թախամանում է.

Հիվանդ եմ, բարի՛ արև, շողա՛, շողա՛...
Հոգիս թռչնիկ մըն է,
Օդ ու լույսի, երգ ու ճիծաղի կարող...

Մեծարենցը չի նախապատվում ոչ քաղաքային կյանքի ժխորը, ոչ էլ բնության խոտվահույզ պահերը՝ շանթ ու ամպրոպ, փրփիկ ու ծո-րեպից քամի: Նրա համար մտերմիկ են միայն բնության մեղմ ու տըխ-բաբույր պահերը՝ անտառների մեջ մենիկ լախող հեղեղատի սիրերգը, լույս ու տապով գինովցած արասիաները, բարդիների խարշափը, հնա-մի ծառերի տարտամ ձայները, ուտի հեծքը, մոմերի լույսի արցունքը, խունկի թափիչ մշուշը, արևմարքի ծիրանի հեքը, ուտիների հեղուկ նվագը, սուսի թախծոտ օրհներգը, իրիկվան տարփոտ ձայները և այլն:

Մեծարենցյան բնապատկերներում հաճախ կհանդիպեք հեքիաթա-յին հավերժահարսերի և ոգիների՝ օդանույշների ու պայիկների, ըզ-ձանույշների ու հուրիների, պարիկների ու ծաղկանույշների: Փղանույ-շը լոկ ոսկեծոպ լույս չի հյուսում, ոչ էլ պայիկն է հագնում լույսի մե-տաքի թելերով բանված իմ պատմունանը. բանաստեղծը ոգիներից և փերիներից է ակնկալում իր երջանկությունը.

Մեծարենցի ազատաբնակ երագներն ու տենչանքները, ցնորք-ներն ու տեսիլները գեղագիտական ընդդիմություն էին ժամանակի ու իրականության հանդեպ: Միայն թե այդ դիմակայումը, նրա ցավն ու մորմոքը երբեք չընդունեցին կրքոտ, բուռն, հուզախոտով ձևեր: «Եր-քեմն ուզած եմ ուժով գրել, բայց չեմ հաջողված,— խոստովանել է նա:— Իմ գործս չէ պոռալը, ես գործվոտ, ես եռանդապաշտ կուզեմ ըլլալ, ու իմ ձայնս շշուկ մըն է, փսփսուք մըն է աչապես»: Դրա համար է, որ Մեծարենցը Դուրյանի քնարը համարել է «թունդ», իսկ իր բա-նաստեղծությունները ոչ միայն շշուկ ու փսփսուք, այլև՝ «աղոթք» ու «պաղատանք»: Բնության խաղաղիկ և թախծաշունչ պահերը համա-տրոփ են «Ծիածանի» քնարական հերոսի զգացմունքներին, նրա շար-ժունները դառնում են պաղատագին, շունչն՝ աղերսակոծ, ճակատը՝ հոգնաբեկ, բազուկները՝ խաչանիշ: Ժողովածուում բնության և զգաց-մունքի կապը երկկողմանի է ու անլուծանելի: Նրա տաղերում բնու-թյունը նույնպես արքեանում է ու տխրում, այլև երագում ու ըղձում: «Գե-տըն համբույրի մը երագով դեպի ափունք կը թեքի», «Դաշտերու մեջ հարսնուկներու բոսոր իղծերը կը ցամքին», «Ջահերն հիմակ կը երա-գեն համակ գյումրյուք մի քերթված, որտեղ «զգացմունքներն ու մտածում-ները» լինեն ինքնագո, հանդես գան առանձնակի: Ամենուր դրանք հանդերձված են «տեսարաններով» «ծիածանված» բնությամբ:

«Ծիածանը» ոչ միայն Մեծարենցի ինքնահաստատումն էր որ-պես բանաստեղծի, այլև դարասկզբի արևմտահայ գրականության մեջ քնարական այնպիսի նոր մակարդակ, ինչպիսին Վահան Տեղյանի «Մթնշաղի անուրջներ» ժողովածուում արևելահայ բանաստեղծության համար:

1907-ի աշնանը Մեծարենցը հրատարակեց «Նոր տաղեր» ժո-ղովածուն: Դեռևս «Ինքնադատության փորձ մը» հողվածում բանաս-տեղծը դիտել էր, թե «Ծիածանն» «ամբողջովին բնությունով տոգոր-ված չէ» պարզաբանել էր. «Բնությունը գլխավորով լեռն ու դաշտը, հեղեղատն ու առուն չեն միանալ»: Իր նոր գրքովկում ահա նա բնու-թյունը ներկայացրեց ավելի ընդգրկուն: Բանաստեղծը միայն չի զըզ-վում իրիկուններին ու կարոտում արևին, սուկ մառախուղ ու ամձրե չի նկարագրում, գրուցում ծաղիկների ու լուսնի հետ կամ վագում աշ-նան հերարձակ հովի ետևից: Այստեղ նրա ստեղծագործական հիմնա-բար սկզբունքը՝ զգացումների ու մտածումների «ծիածանումը», բնա՞վ չի թախտված, բայց բնության մեջ ներառված է նաև գեղջկական առ-օրյան ու մարդը: Մանկության գրեղ ու անջինջ տապափրությունները ավելի քան մեկ տասնամյակ հետո վերակենդանացան «Ջրոտոք» քերթ-վածում: անեղծելով գարնանային իրական, ամբողջական և հյուսելով պատկեր.

Հովհո՞ն, գետը կը թըջե ցայգուն քամակն արծաթված,
Իր հորձքին մեջ ծեծելով անդուլ խարակն ու խութեր.
Հովհո՞ն, առուն հորդատատ դալարին ծոցն է Անտվեր
Գաղջ տարփանքովն իր ջուրին՝ ուր արևը կապրի դեռ:

Մեծարենցի սերը «Նոր տաղերում» դարձյալ երազային է, բայց «Զուրեն դարձին» բանաստեղծության մեջ նրա սիրո առարկան միանգամայն երկրային է: Նա գեղջուկ աղջիկն է՝ Աերկայացված կենդանի ու տեսուն: Ժողովածուում չկա մի բնանկար, որ չունենա «գյուղական ծագում», իսկ «գյուղին տեսարանները», ի տարբերություն «Ծիածանի», հաճախ վերարտադրված են նկարչական այնպիսի մանրամասնություններով, այնքան առարկայական են, որ արթնացնում են իսկական տեսապատկերային զգացողություն: Ահա, օրինակ, գյուղի առավտոր.

Աղավճիներ, լաչակներու պես մետաքսե գունագեղ,
Ծամբե ճամբա կը թռչըտին թույլ ծածանքով վաղանցիկ:
Աղբյուրին լուրջ ջուրերուն մեջ ճառագայթ մը կիցնա շեղ,
Աղբյուրին հարթ քարին վըրա՝ ձայնն հոտաղին երգեցիկ,
Աղբյուրին զով ծորակին հույ՝ համբույրն հովին առաջվան:

«Գյուղին տեսարանների», գեղջկական ստորյայի և բնապատկերների նման նկարագրությունները աննախադեպ էին արևմտահայ բանաստեղծության մեջ: Գավառը դարձել էր արձակագիրների՝ Թլկատիցիի, Ռ. Զարդարյանի, Մշո Գեղամի (Տեր-Կարապետյան) և այլոց ստեղծագործությունների նյութ, բայց մինչև Մեծարենցը իսպառ մնացել էր բանաստեղծների տեսադաշտից դուրս: «Նոր տաղերով» Մեծարենցը ներկայանում էր այն անզույգ ստեղծագործողը, որը արևմտահայ բանաստեղծության համար հայտնաբերեց գյուղաշխարհն ու նրա հմայքը:

«Նոր տաղերն», իրոք, բանաստեղծի ծննդավայրի «հարազատ ցուլացուցիչն» է: Բայց հիմնականն ու գյուղական «մտերմիկ տեսիլները» չեն դառնում սուկ հուշի և քնարական խորհրդածության առարկա: Ժողովածուում ընդլայնված ու խորացված է «Ծիածանի» բնութենապաշտական գիծը: Այստեղ բնության ըմբռնումը հիրավի համապարփակ է: «Ինքնադատության փորձ մը» հողվածում հեղինակը մատնանշել էր «Ծիածանի» առանձին բանաստեղծությունների «հիվանդագին, ընկճող տխրությունը», որի պատճառը սեփական խոստովանությամբ իր իսկ կյանքի անձնական հանգամանքներն էին: «Նոր տաղերը» կազմելիս գրողն ավելի ծանր հիվանդ էր, զգում էր Անխուսափելիի շունչը: Ժողովածուի մի քանի տաղերում նա վերստին խոսում է իր «մթառ հոգու», «ցավի» մասին, բայց դա արդեն ուրիշ ցավ էր: Անձրևը, համանուն բանաստեղծության մեջ, գրգանք ու անուրջ է պարզևում բանաստեղծին, տամկանում իր «ծարավահյուծ», «որբեկայրի» իրիկունների կապույտ շուշանի վրա:

Մեծարենցն ունի երազների, ցնորքների, անուրջների, իղձերի, քաղձանքների ցավ: «Ծիածանում» դրանք դեղևում էին անորոշ հեռուններում, որոնում «դյուրիջ», «աղամանդյա» աշխարհներ»: Իսկ «Նոր տաղերում» նա արդեն գտել է իր երանաստանը»: Դա ընդհանրապես Բնությունն է, «բնությունը գլխագիրով»: Բնության Հյուղում բանաստեղծն ընդհանրապես երջանիկ կլիներ, այն կարող էր իրենը լիներ, բայց իրենը չէր, մոտիկ էր ու միաժամանակ հեռու: Այստեղից էլ Մեծարենցի տաղերում անթեղված ներքին, չճշացող, խուլ տառապանք: Բնությունը նրա համար մնաց որպես անհասանելի երազանք, որպես իղձ ու փափագ: Ուստի «Նոր տաղերում» էլ «Ծիածանի» նման դարձյալ ու դարձյալ օգնության է կանչում պարիկներին, ծաղկանույշների, նայաղներին, օդանույշներին ու շահարիկներին՝ հասնելու համար իր Երագին.

Օ՞հ, զիս հիմակ Հյուղակին դուրը տարեք,
Լուսաշապիկ օդանույշներն իրիկվան,
Ավազանին մոտ, ուռիին ջուրին տակ՝
Օ՞հ, զիս հիմակ Հյուղակին դո՞ւրը տարեք...

Սա այն է, ինչ Սիամանթոն անվանում էր հայրենացավ, իսկ վարժանը՝ կարոտախոս: Մեծարենցի ստեղծագործության մեջ հասկանալի պատճառներով կարոտախոսը չէր կարող ունենալ քաղաքական կամ հասարակական շեշտված միտում: Նրա քերթվածներում Բնության կարոտը նույնանում էր ծննդավայրի, սիրո, երջանկության կարոտին, այդ ամենը միահյուսվում ու շաղախվում էր բնութենապաշտական ընկալումներով:

Բնության մեծարենցյան ըմբռնումները, անկախ դրսևորման եղանակներից, ուղեկցվում էին բացերև կամ թաքուն փիլիսոփայական խոհերով: Անգամ «զուտ նկարագրական» տաղերում, որտեղ բանաստեղծը վարագործել էր իր «եսը»՝ մնալով «չեզոք», նկատելի է բնության ու մարդու ներդաշնակությունը: «Իրիկնային» քերթվածում արևն ու մշակը բաժանվում են միմյանցից հարազատի նման. «Լո՛ւտ՝ ձեռքերին ճակտին դրած մեկմեկու. Ո՛ւ՝ թիկնադարձ՝ արևն ա՛լ տուն կը դառնա Լեռներեն վեր՝ ինչպես մըշակն իջավ գյուղ»: Բնության հետ գրողը սրտակից էր, հասնում էր ճշմարիտ փոխըմբռնման: Ահա սքանչելի «Հովը»՝ մեկը այն «նկարագրական» գործերից, որը սակայն մղում է փիլիսոփայական մտորումների: Աշնան հերարձակ հովը մատնահարում է բանաստեղծի պատուհանն ու անցնում: Ինքը ընդունում է այդ հրավերն ու վազում հովի ետևից: Բայց սա խույս է տալիս, դարպասում թփին, ջրին, տերևին, ընկնում լճակի գիրկը կամ թառում ծառի կատարին, ջրքջում, «Ծաչ, ապտակ մը կը զարնե երեսիս» ու նորից փախչում.

Եվ երբ հուսատ կը հեռանամ թիկնադարձ,
Կըռնակես վե՛ր կը մազի,
Կամ մազերըս կուզե համբել, կամ հանկարծ
Ուժգին մեջքիս կը փարի:

Ո՛չ մի տրտունջ, ո՛չ մի քրթմնջում: Բանաստեղծը դարձյալ «օտար» է, ոչինչ չի ասում իր զգացածի ու արարումների մասին: Դրա հարկը չկա էլ. այն անմիջականությունը, շարժուն, խաղացկուն տողերը, այն զվարթ ոճը, որով ներկայացնում է այս «աննշան» դրվագը, համոզում են, որ իրեն անչափ ախորժելի է «անատակ» հովի ընկերակցությունը: Նրանք հասկանում են միմյանց: Նրանք մտերիմներ են:

Ծաղիկները, բույսերը, արևը, լուսինը, տերևները, իրիկունը, անձրևը, հովը, մառախուղը դառնում են «տիեզերքի հետ խոսակցելու», հույզերն ու զգացումները «ծիածանելու» միջոց: Բանաստեղծն իր «անուրջի ցայտքերը»՝ «վարդով զծծված անհույ շուրթերու», «աննյութ» ու «անանց» համբույրը ակնկալում էր հուսամից ու ուրցից, վարդի թերթերից ու թեֆարիզից: «Բնության սիրով» բարախելու մեծարենցյան պահանջն ուղղված էր անհատապաշտության ու եսականության դեմ: «Եսին տաղտկալի ոչնչաբանություններին» ու «անմարդկային անձնաբանություններին» նա հակադրում էր բանաստեղծի սրտի «համաշխարհիկ բարախումները»: Սա Մեծարենցի աշխարհայացքի առանցքային գիծն է, որի ամենամտեղ արտահայտությունն է «Ըլլայի՛, ըլլայի՛» շարքը: Այս ընդհանուր խորագրի տակ ամփոփված բանաստեղծություններում հեղինակի ցանկությունը մեկ է՝ ամոքել, օգնել ու երջանակացնել մարդկանց: Բայց մարդասիրական միտումը դրսևորված է ոչ թե ավետարանական «սիրեցե՛ք զմիմյանս» բարոյախոսությանը, ոչ թե անհատի ուժեղ կամքի դրվատմամբ, ոչ թե անձնագոհության ցույցերով, այլ իրիկուն, հով ու հյուղ դառնալու իղձով: Բնությունն ինքը ամենամեծ մարդն է և ավելի լավ կարող է հասկանալ ուրիշ մարդկանց: Ուստիև Մեծարենցը մարդուն սիրոյելու համար բաղձում է փոխակերպվել իրիկվա, հովի կամ հյուղի: Բանաստեղծի համար իրիկունն, օրինակ, օրվա սուկական պահը չէ. այն լի է թոչունների, մարդկանց երգով, տրոփուն է «տարրերուն աղաղակովը», լեցուն զանգակի «երկնաձեռն դողանջներով», օվկիանոսի «գոռ ծափով» ու սյուրի «ծաղիկ մեղեդիքովն», այն նաև «համայնական է, չքեաղ, քաղցրիկ լուսագես»: Հետևաբար միայն նա կարող է «ամեն անցորդի», ամեն հոգիի» և «ամենուն» տալ իր համբույրը, հուրն ու ոսկին: Երբ Մեծարենցը խոսում է «ամենուն» պիտանի լինելու մասին, ապա սրանից չպետք է մակաբերել, թե նրա հումանիզմն ունի ինչ-որ անորոշ, վերացական կամ «տիեզերական» բնույթ: Հենց նույն «Իրիկունը» քերթվածում նա տեղնում է իր ցուրթից «ոգևոր աղջկան մարող ճրագին» բոցեր տալու մասին, ինչը ամենայն որոշակիությամբ վկայում է, թե ո՛ւմ էին հասցեագրված նրա «ըլլայիները»: Դա ավելի են հաստատում «Հովը» և «Հյուղը» քերթվածները, որոնցում արդեն աներկմտորեն հիշվում են «ձկնորսները», «ձյունին մեջ սատող մարդը», «անձրագ խողերը», հողի վրա գալարվող «տղաբերը», «անսվաղ մանուկները», «որդեկորույս մայրը», «ձյունապատ հեք մարդը»: Նման հումանիստական ըմբռնումները հարկավ հայեցական են (ուրիշ կերպ չէր էլ կարող լինել բնութենապաշտությամբ տոգորուն հումանիզմը), բայց և

անտարակուսելի է, որ դրանք պատանու աշխարհայացքին հաղորդում են դեմոկրատական վառ երանգ:

Գրողը հրաժարվեց բառի սովորական, բառարանային գործածությունից, նախընտրեց բառի ու պատկերի աչաբանականությունը, բազմանշանակությունը, իմաստի տրամախաչումը: Դրանք նրա պատկերներին հաճախ են հաղորդում անսովոր ու ինքնօրինակ բնույթ: «Անիկա նկարիչ ծնած է,— գրել է Հակոբ Օջականը:— Ու անիկա զգացումները իբրև գույն տեսնել է ետք, փափաքները, ներքին էդնույթներն ալ իբրև գույն դուրս պիտի տա»: Անբարյացակամ բննադատները ջանացել են Մեծարենցին անվերապահորեն կապել խորհրդանշականության (սիմվոլիզմի) հետ: Բանաստեղծը չէր ժխտում, որ իրեն ազդակ է ծառայել նաև ֆրանսիական գրականությունը, սակայն անմիջապես զգուշացրել է, թե այդ ազդեցությունը չպետք է բացարձականացվի: Այս կապակցությամբ ուշագրավ կարծիք է արտահայտել ֆրանսիացի քրննադատ Լյուկ Անրի Մարսելը. «Ան սիրեց ֆրանսիացի խորհրդապաշտները՝ առանց վարակվելու անոնց թերություններին... Մոլորություններ չունի Մեծարենց՝ արվեստակյալ թե ոչ... Աչքերը բաց խորհրդապաշտ մ'է անիկա»:

Մեծարենցը տեղնում էր վերադառնալ իր ծննդավայրը, փայփայում էր ստեղծագործական նոր ծրագրեր, որոնք տարաբախտաբար չիրականացան: Կյանքի վերջին տարիներին, ի շարս մի քանի գործերի, նա ստեղծեց նաև հայ բանաստեղծության ամենահոյակապ հրաշալիքներից մեկը՝ «Տո՛ւր ինձի, Տեր...» քերթվածը, որ հեղինակը համարել է «Արդի մարդուն Հայր մերը»: Դրանով իսկ նա իր արդթք-բանաստեղծության մեջ դրել է նոր, ժամանակակից բովանդակություն, առաջադրել իր ընկալումները քսաներորդ դարի մարդու բարոյական դավանանքի վերաբերյալ, հակադրվել բուրժուական եսամոլությանը: Մեծարենցը պնդելով պնդում էր, որ արդի մարդու հավատո հանգանակը պետք է լինի հրաժարումը եսական երջանկությունից՝ հանուն այլոց երջանկության: Նա սուկմամբ է մտածում, որ ինքը (կարդա՛ արդի մարդը) ի սեր անձնական ուրախության կարող է մոռանալ ուրիշների վիշտն ու հոգսը.

Տո՛ւր ինձի, Տե՛ր, ուրախությունն անանձնական,
Ու չըլա որ ուրիշներու կոծն ու կակն
Խեղդել ուզեմ ջըրվեծին մեջ դափիս ձայնին:

Տո՛ւր ինձի, Տե՛ր, ուրախությունն անանձնական,
Ու չըլա՛ որ ծափիս ձայնին երբ գուժկան
Եսիս սեճյա՛կն ունեճա՛ ցո՛ւրտ առանձնարան:

Երբ մտածում ես, որ այս տողերի հեղինակը մի պատանի էր, որ գամված էր անկողնին և զգում էր մոտալուտ մահվան շունչը, որ ամենից շատ ինքն ուներ «անձնական ուրախության» կարիքը, բայց տանապում էր «պարզ մարդերուն՝ գեղջուկին, բանվորին» համար, չես

կարող չխոստովանել, որ մեր առջև հիրավի մի վիթխարի անհատա-
կանություն էր՝ բանաստեղծական, քաղաքացիական ու մարդկային
ազնվագույն նկարագրով:

... 1908-ը Միսաք Մեծարենցի կյանքի վերջին տարին էր: Պատա-
նու երկրավոր կյանքը ողբերգականորեն կարճ տևեց: Բայց նրա մահ-
վան տարեթիվը դարձավ սկիզբը մի «հրաշալի հարության», մի երկ-
րորդ՝ ոգևոր կյանքի, որով ապրում են միայն մեծերը և որը երբեք չի
ավարտվում:

ԱԼԲԵՐՏ ՇԱՐՈՒՐՅԱՆ

Բ Ա Բ Ա Խ Ո Ւ Մ Ն Ե Ր

< 1901 — 1903 >

ԳԻՇԵՐԻՆ ԵՐԱԶԱՆՔԸ

Աղջամուղջին մեջ գիշերը կ'երազե
Պայծառ այգուն վառ շրթները կեռասե.
Ու ցնծության լույս աստղերը կը ժպտին
Հրաշափառ գոգն հրճվանքի կապույտին.

Բայց երբեմն ալ մղձավանջի մը մեջ թունդ
Գիշերն այգը կ'երազե գերթ մեկ անդունդ.
Ու հեքեն վերջ ունումներու բիրտ հովին
Անձրևի հորդ արցունքները կը թորին:

1903, հունվար

ՀԻՇԱՏԱԿԸ

Կ. Մկրտիչյանի Ռիշատակիմ

Զմրան ցրտին հովերեն վերջ
Զըվարթ գարունը ժպտեցավ.
Ընձյուղեցան թուփերն, ու պերճ
Մաղիկները ծլան կարգավ.

Բայց հիշատակն անոր, ավա՛ղ,
Հողին տակը թաղված մնաց.
Լքված հոգվուն անունը վաղ
Մոռացոնքի վիհին գնաց:

1902, հոկտեմբեր

ՓՈՒՆՁԵՐԸ

Գ. Ծառիցյանի Ռիչատակին

Դեռ շողջունած երազներու ջինջ առտուն՝
 Հովեն փշված մոմի մը պես շիջար դուն:
 Տերեկին հետ հովերն ըզբեզ ալ տարին
 Միացընել մահվան ահեղ շրջպարին:

Հիշատակի ծաղիկներու փունջեր թարմ
 Քու շիրիմիդ վըրա սըփռել կ'ուղարկեմ.
 Փունջեր՝ ցողված արցունքներու շիթերեն,
 Զոր հեռավոր բարեկամեդ կը բերեն:

<1903, հունվար>

ՆՈՐ ՏԱՐԻՆ

Այս գիշեր հագված, սզված նոր տարին
 Առտվան լույսին կըսպասե տենդոտ.
 Ոգիներ անդարձ կորզեցին տարին
 Մեր գրկեն հինին ձայները ծանոթ:

Նոր տարվո ընծա պայծառ լուսինկան
 Սագեր է գյուղին լեռները բոլոր.
 Երգերը ծերին, ճիչերը մանկան
 Կ'արձագանգեն թունդ խազերով մոլոր:

Իղձերու շարք մը պլլված սրտին՝
 Վառ հույզերու մեջ կ'օրրե զայն ուժգին.
 Բորբոքած հուրքովն հույզերու անշեջ
 Կը ծփան սիրտերն ըղձանքներու մեջ:

Գիշերվա վերջին պահերուն լոին
 Զայներն ու լույսեր հանկարծ կը մաքին.
 Եվ բեհեզներովն կապույտ կամարին
 Պճնըված աշխարհ կու գա նոր տարին:

1902, դեկտեմբեր

ԱՍՏՂԵՐԸ

Լույսի բիծեր ծիրանի
 Կ'ասղնտեն քողքը մութին.
 Լուսնի ցուլեր կ'անհետին
 Խորքը ծովուն հոլանի:

Կապույտը կը ծածանի
 Կամարին ջինջ ու հանդարտ.
 Հրապույրն անոր գեղանի
 Կ'առինքնե աչքերն անթարթ:



Աստղերը լուռ կը հալին
 Մութին մեջ մինչև առտու.
 Նման ցավոտ սրտերու,
 Որ թաղված են առանձին:

Անշեջ հուրքով մը վառած
 Կ'այրին անոնք հավիտյան.
 Իրենց վիշտը միշտ կու լան
 Լույս արցունքով տխրամած:

1902, դեկտեմբեր

ԱՐԵՎԱԳԱԼԸ

Հորիզոնն վար լույսի պար մը կ'իջնե,
 Ընդելուզված՝ ճաճանչներով ոսկեհյուս.
 Շուտ կ'անհետի մութն ու խավար կու տա խուլս,
 Աշխարհ արփովույն հուր գալուստը կ'ողջունե:

Կենդանություն կը հագնին դաշտ ու լեռներ,
 Զվարթ երգերը միշտ կը լսվին գեղջուկին.
 Ու զմրուխտի, ազամանդի երանգներ
 Կը փողփողին մեջը լույսի վառ զբրկին:

Խորհուրդներու մը ալը շուտ կը մարի,
Բընության այս հըրատ զարթոնքին հանդեպ,
Ու կը հրճվի հուսահատ սիրտը կարի՛:

Կը սրբըվին թոնուտ աչքերը տըխուր,
Ուրախության ժպիտներուն տակ անհուն.
Ցնծուն երգով կը լեցվի սիրտը թափուր:

<1901, հունիս>

ՄԱՐՄՆԻ ՎԵՐՔ, ՍՐՏԻ ՎԵՐՔ

Մարմնի վերքը՝ արտաբացված դանակե՛
Ի՛նչ արցունքներ դառնակայլակ կը քամե.
Ի՛նչ հուզումով ու տխրությամբ համակե,
Մարմնի վերքը՝ արտաբացված դանակե.

Սրտի վե՛րքը, ո՛հ, դառնագույն է, Աստվա՛ծ,
Սևով անքակ, խոցերով ժանտ է պատած.
Խեղճ ու թշվառ կամ տարամերժ ու լքված
Սրտի վե՛րքը, ո՛հ, դառնագույն է, Աստվա՛ծ:

Մարմնի վերքը սպեղանի ունի բույժ,
Անցնելով նա մոռցուկ կ'ըլլա շատ կանուխ,
Զանգակ շունի նա տխրահունչ, մահագույժ.

Սրտի վերքը մինչ գերեղմանն երկարած
Ուղի մ'ունի, արցունքներու զերթ մեկ ուղիս.
Սպեղանին անոր երկինքն է պահված:

1901, հունիս

ԿՅԱՆՔԻ ԵՐԳԸ

Ահաբեկիչ կնճիռներուն մեջ կյանքին
լալահառաչ, սուր հծծյուններ ինձ ըսին.
«Ամեն հույսեր մեծ պարապին կը հանգին,
Ունայնություն մը կը պրկե կյանքը սին»:

Ամեն ծաղիկ խամրում մ'ունի իրեն մոտ,
Ու ամեն կյանք՝ մութ ստվեր մը իր ետին.
Մաղիկներու բուրումին պես խնկահոտ
Ամեն հույսեր դեռ չըծլած կ'անհետին»:

Բայց մխացող խոհերուս մեջ ծիրանի
լույս մը հանկարծ սըպրդեցավ շողալով,
Կյանքի փարփառ երգն ոսկեսար, գեղանի,
Որուն ցվերջ ունկնդրեցի դողալով:

«Տխուր ողբեր թող չքանդեն քեզ,— ըսավ,—
Թող շցնդին ոսկի հույսերդ ցիրուցան.
Իր վերջն ունի ամեն կնճիռ, ամեն ցավ՝
Զինք մոռցնող ժպիտները լուսացան»:

Ահա ի՛նչպես, տես, կապույտն ալ կամարին
Մերթ ամպերու գորշությունով կ'աղարտի,
Անձրևին տակ իր ժպիտներն կը մարին,
Անձրևն,— այդ լաց,— սակայն երգն է ավարտի:

Ամեն անձրև արև մ'ունի իրմեն վերջ,
Ինչպես ամեն լաց իր ժպիտն արփենի.
Ու տևական ուրախություն մը միշտ պերճ
Պիտ՝ հաջորդե ժպիտներուն երբեմնի»:

1903, հունվար

ՀԻՎԱՆՈՒ ՀԵՎՔԵՐ

(Յայտերգ)

I

Վանդակին մեջ փակված հեք
Թռչնիկին պես մենավոր,
Բանտը վեցան սրտիս սեռ,
Վարդ բաղձանքները բուրբ:

Դուրսն ամեն բան կը խայտա,
Մառ ու ծաղիկ կամ դաշտաբ.
Սրտիս մեջ սև պար մը կա
Նվազներու տրտմաբար:

Թռչնոց ճիշին պես հիմար
Եվ նվաղկոտ կ'երկեքքին,
Թույլ խաղերու մեջ տկար՝
Մութ երգերս կ'երկաքքին:

II

Լուռ քերթված մը կապույտի
Կ'երգե ցայգը լուսավոր.
Լույս երգերով կը ժպտի
Ցերեկներուն հոծ ժըխոր:

Մայթին վրա մոտավոր
Քայլերը միշտ կը շտապեն.
Արձագանգ մը հեռավոր
Թողլով իրենց ըշտապեն:

Կապված անոնց շշուկին
Կու լա սիրտս սրգավոր,
Խուլ թափի մը մեջ ուժգին:
Պատուհանեն հեռավոր,

Ծրգեհոնի ձայնը մը ցունց
Կը հանե սիրտըս տխուր.
Իր շեշտերուն թափն ու ցունց
Կը խրոտվեն զիս անուր:

III

Անշարժ կեցած մեկուսի
Կը հեծեծեմ սգավոր.
«Վայելքն ինձմե կը խուսի,
Կը հատնի կյանքն օրե օր:

Պիտի ըլլա՞ օր մ'արդյոք,
Որ դառնամ հին օրերուս.
Պիտի շնչե՞մ լիաթոք
Զըվարթութունն անոնց կույս...»:

Բայց բնության հըրճվածքն
Հույս ու ժպտ կը քաղեմ.
Հույսեր հանկարծ կը ճեղքեն
Մտածումներս դժխեմ:

Եվ անուրջներ սսկեզօժ՝
Լուս՝ մաքիս մեջ կը պարեն,
Դուրս վանելով անոր հոծ
Թուխպը լույսի փապարեն:

1903, հունվար 29, 30, 31

ԴԵՂԻՆ ՎԱՐՂԵՐ

Փթթեցե՛ք միշտ, դեղին վարդեր, լքված վարդեր,
Խորհրդանիշն առանձնացած հոգիներու.
Միշտ կը հուզեք դուք իմ հոգիս խոտվքով մ'աղու,
Անհուսության դալուկն հագած տժգույն վարդեր:

Անհուսութեան դաշտուն հագած տժգո՛ւյն վարդեր,
Ջձեզ հավետ պիտի սիրեմ ես սրտագին.
Ու միշտ սիրել պիտի շուզե իմ դառն հոգին,
Կարմիր ու ձյուն ճերմակ վարդերն ուրախաբեր:

Կարմիր ու ձյուն ճերմակ վարդերն ուրախաբեր
— Սուր հեգնանք մը ցավով ճմլած հոգիներու,
Ինծի երբեք անուշ հրապույր մը չեն ազդեր...

— Կույս ու զվարթ Կրանութեամբ օծված վարդեր,
Երգեցե՛ք միշտ ընկճվածի երգերն աղու,
Լքված հոգվոց դուք մըտերիմ, տժգո՛ւյն վարդեր:

1902, մայիս

ՀԻԾԱՏԱԿ

Գիշերն է լուռ, մութը պատած է շորս դին,
Մըտածում մը կը սավառնի վեր, ետին,
Ստվերամած ու մթասքող ամպերուն.
Եվ կիսատված խորհուրդներս թև կ'առնուն:

Մտածում մը կը սավառնի վեր, հեռո՛ւն,
Խորհրդավոր քողարկումի մութին տակ.
Ու աչքերս խորհրդամած, սևեռուն,
Բյուր խորհուրդներ կը բերեն ինձ անհատակ:

Խորհրդավոր քողարկումի մութին տակ
Լուռ անձկութիւն մը կը պրկե զիս հանկարծ.
Կարթըննա մեջըս բյուրավոր հիշատակ:

Լուռ անձկութիւն մը կը պրկե զիս հանկարծ.
Մութը խորին, ու բույլ մ'անշեջ հիշատակ
Սարսուռներով կը համակեն զիս անկարծ:

1902, հունիս

ՏԵՂԱՏԱՐԱՓ

Մութ մը թանձր ու հոծ պատեր է շորս դին.
Ամենի հեքը կը լսվի ծովուն.
Տենդեր, բյուրավոր խորհուրդներ մթին
Կը ցնցեն հանկարծ միտքըս վրդովուն:

Օձաձև լույսի երիզներ ճերմակ
Կը փայլատակեն շողունով արագ.
Եվ որոտումներ, ահավոր համակ,
Գոռ դըղրումներ կը տեղան վայրագ:

Շորդ անձրևներու տարափներ թոնուտ
Խոլ ջրվեժներով մայթը կը ծեծեն
Խառնակ շողուն մը երկարելով բութ՝
Իրենց մուկներն ու վայրագ ծեծեն:

Իմ սիրտս ալ տրոփուն կը փղձկի հանկարծ,
Եվ զայն կը ծեծեն հույզեր անհամար.
Անհաս տենչերու ճիգեր մշտարծարծ
Կը լուսավորեն իր մոռյլ կամար:

[1]903, փետրվար. 12

ԱՆԴԱՐՁ

Գյուղին արևը կը հատնի լոին.
Նեղ արահետեն, մոտեն բլուրին,
Կապույտ-Դարն ի վեր դագաղ կը տանին.
Շոն կը նիրհե խոր, դժբախտ պատանին,
Ճերմակով հազված անդա՛րձ ուղևոր:

Ճերմակով հազված անդարձ ուղևոր,
Կը թողու հայր մ'ու մայր մը սրգավոր.
Սև օճախի մը մեկ հատիկ բոցն ալ՝
Ցուրտ հովեն փչված պիտ' շըշողա ալ.
Խրճիթն ալ պիտի մխա օրե օր:

Խրճիթն ալ պիտի միտա օրե օր,
Ինչպես գիշերն որ կը խոկա տխուր,
Արագ խուսափումն արեփն փարփառ՝
Զոր ուրվականներ տարին անբարբառ,
Բոց դրոշներով, ցնծումով կարմիր:

Բոց դրոշներով, ցնծումով կարմիր,
Այգուն կը տոնեն սեզ վերադարձն իր,
Ու սև պրկումներ գայն շուտ կը թողուն:
Բայց կսկիծը սուր, սուգը վրդովուն,
Ճերմակ պատանքն ա՛լ չեն քակվիր տղուն:

[1]903, փետր. 15

Ծ Ի Ա Ծ Ա Ն

1903—1906

ՋՄՐԱՆ ՊԱՐԶ ԳԻՇԵՐ

Համբույրիդ, գիշե՛ր, պատուհանս է բաց,
Թո՛ղ որ լիառատ ծծեմ՝ հեշտագին
Կաթը մեղմահոս լույսիդ տարփանքին՝
Ու դով շաղերուդ կախարդանքը թաց:

Պարզ, լուսածածան, հրաշալի՛ գիշեր,
Հոսե՛ որտիս մեջ դյութանքիդ ալիք.
Ճերմակ երագիդ ցայտքերեն մեղրիկ
Պուտ պուտ կաթեցո՛ւր հոգվույս սիրաչեր:

Կուգեմ որ դադրին ձայներն այս պատիր,
Ու նեկտարիդ դողն ըմպեմ ես անհագ.
Կուգեմ որ մեռնի՛ն տիվ ու ժամանակ՝
Ու դարբիրներուդ իյնամ ծնրադիր:

Ու դաբիրներո՛ւդ իյնամ ծնրադիր,
Այս պաղատագին շարժուձևիս մեջ,
Ու մինչ կ'ողողեն զիս ցուլքերդ անշեջ,
Աչքերս ալ մոռնան տակավ այս նատիր:

Ցնորաբե՛ր գիշեր, ա՛հ, ընդունե՛ զիս,
Ընդունե՛, միստիք ո՛վ անդորրություն,
Իմ աղերսակոծ շունչիս սոսավյուն,
Եվ համբույրն անանց՝ զոր կու տա հոգիս:

Սենյակս է լեցուն հուշերովն աղի
Երեկի հովին վայրագ տարփանքին.
Ու դեռ կը հծծեն խորշերն ողբագին
Վախը գրգանքին անոր կատաղի:

Նե՛րս խուժե ուժգին, նե՛րս պատուհանես
Ու լեցուր խցիկս, մինչև կաթոգին
Քու սրբությունով իր խորշերն հորդին,
Եվ ես արթննամ վաղնջուց քունես:

Համբույրիդ, գիշե՛ր, պատուհանս է բաց,
Քո՞ղ որ լիառատ ծծեմ՝ հեշտագին
Կաթը մեղմահոս լույսիդ տարփանքին՝
Ու զով շաղերուդ կախարդանքը թաց:

ՍԻՐԵՐԳ

Գիշերն անույշ է, գիշերն հեշտագի՛ն,
Հաշիշով օժուն ու բալասանով.
Լուսեղեն ճամբեն ես կ'անցնիմ գինով՝
Գիշերն անույշ է, գիշերն հեշտագի՛ն...

Համբույրներ կու գան հովեն ու ծովեն,
Համբույր՝ լույսեն, որ շորս գիս կը ծաղկի,
Այս գիշեր Տոն է հոգվույս՝ Կիրակի՛,
Համբույրներ կու գան հովեն ու ծովեն:

Բայց լույսն իմ հոգվույս քիչ քիչ կը մաշի՛,
Շրթունքս են ծարավ միակ համբույրին...
Ցնծագին գիշերն է լույս ու լուսին՝
Բայց լույսն իմ հոգվույս քիչ քիչ մը մաշի...

ԿԱՅՑԵՐ

Հոգվույս դափ ու թմբուկի
Կ'իջնե ծիծաղն այս գիշեր.
Մնծղաներու պես ցնծուն՝
Ծափ կը զարնեն իմ հուշեր:

Բամբիռներու երգին հետ
Քու շահենի աչքերուդ
Ծիրանեծին բոցն հըրուտ
Կ'այրի հոգվույս մեջ նորեն:

Գինով՝ աննյութ նեկտարեն
Համբույրներուն ծաղկանույշ՝
Հոն խոլաբար կը պարեն
Շարժուձևեր բամբիշի:

Ցայգն համրորեն կը մաշի՛,
Ա՛հ, քի՛չ մըն ալ, քի՛չ մըն ալ,
Կ'ուզե հոգիս գինովնալ
Նայվածքիդ մեջ հրահոսան:

ԵՐԱՋԻ ՊԱՀԵՐ

Լույսը մարած սենյակիս մեջ,
Ուր կը հոսին գալար գալար
Հորդ ալիքները մութին,
Ու կ'անհետին
Արծաթ շողերն երազի.
Ես կը փնտռեմ մըտամուլար
Ըղձանուշի ձեռքն այն փափուկ, երկնային՝
Որ պիտի տար ինձի ծաղիկն ըսփոփանքին:

Ես կը փնտռե՛մ,
Ըսպասումեն հոգիս համակ պարտասած,
Ու տենչանքով մշտահած.
Ես կը փնտռեմ,
Հորիզոնին վրա նրսեմ,
Լույսի շող մը՝ զոր կը մարեն անդու վարանքն ու կասկած:

Ու տակավ,
Կ'իջնե՞ ձանձրույթն երազանքիս,
Հանդիսավոր ու տրտում,
Ու կը պատե իր մըշտուհ պարուտակին մեջ հոգիս
Անձկությունով անպատում:

Մըտածումը, ինչպես ճամփորդ ուղեկորույս,
Կ'անցնի փութով, անձկագին,
Երկարածիգ, մերթ լուսավոր ու մերթ անլույս,
Ճամբաներեն իմ մտքին:

Ա՛հ, կը շտապեն, կը փախչի՛ն
Ճամբաներու լույսերն ամեն,
Հանկարծական խուճապի մը մատնըված.
Ճառագայթի հազիվ վերջին
Բիծ ու խաղեր կը համեն
Քովը ճամբուն մթամած՝
Ուր համագրավ կը տարածվի վեհունի ցայգն համորեն:

Ես կը փնտռե՛մ,
Պատըզգամին վրա կանգուն,
Զույգ մը աչքեր՝ մեղեսիկե, որոնց ճըրագը վառի
Հոգվույս մեզ ու խավարի
Անդոհության մեջ դժխեմ:

Պատըզգամին վրա կանգուն,
Ձեռքս հոգնաբեկ ճակատիս,
Մինչ կը հոսի գիշերն ինչպես ծով անհուն
Դեպ ի ասիունքն երազիս՝
Ես կը սպասեմ հորդ ու վըճիտ լույսերուն՝
Որոնց բոցը պիտի ցուա անծիր ցայգուն մեջ հոգվույս:

ՇԵՐԱՄԻՆ ՆԻՆՁԸ

Շերամատան մեջ կը հնչեն բոժոժները զիլ՝ դափին,
Որուն հուշիկ կ'ընկերանա ձայնն երգեցիկ կիներու,
Եվ կը մարի մերթ ճարճատուն ծիծաղներուն մեջ ծափին,
Պատուհանեն լուսնի լույսի շափրակներ ներս կը թափին:

Ըսթափանքի ժամն է պըրտո, փափկամարմին շերասին՝
Խածումն որուն՝ կը քթքթա տերևութին մեջ դալար.
Ու սատափներ, ու վյումըյութներ, ու շողակներ... միասին.
Մեկ փաղփի մեջ կը նույնանան շերամ, տերև ու լուսին:

Երազանուրբ անասնիկին օրհասն ու մահն ըսպիտակ,
Վերջին քունն ալ դափ ու ծափով պիտի տոնեն վաղ գիշեր,
Օդանուշի ձեռքով բանված դանակածոպ լույսին տակ
Հինգ աղջիկներ հուսկ օրորը պիտի երգեն վաղ գիշեր...

ՄՏԵՐՄԻԿ ՏԵՄԻԼՆԵՐ

Ու կը դառնան ջըրանիվներ ծերունի,
Կափկափելով համբարուի հեքեաթներ.
Թախծապատում բարբառի հո՛ծ կըրություն,
Որ կ'ակոսե լուռն աշնանի գիշերին:

Ու մարմանդին գլուճրյուժ՝ պայիկն օդանուշ
Նոր կը հագնի լույսի մետաքս թելերով
Շարամանված պատմուճանն իր մըշուշն՝
Ուր մերթ շողակն օդաքարին կը վառի:

Ու բոժոժին ձայնեղ՝ գանգյունն արծաթե...
Ու սայլորդին ըստվերն որ՝ գո՛րշ՝ կ'երկարի՛,
Ու սրկառին ծուխն՝ որ բիլ բիլ կ'ամպանա՝
Ու լազվարթն գիծը ճամբուն հեռացող...

ԾԵՐՄԱԿ ՎԱՐՂԵՐ

Ըսպիտակ վարդեր, ըսպիտակ վարդեր,
Ձոր հովն անտեսեց այս ճամբուն վըրա,
Շամբուշ հովն աշնան՝ որ կը դզրդեր
Մուլեգին՝ հողին ընդերքն համորին:

Ճերմակ գաղափար, ճերմակ գաղափար,
Սշնան մալուցքն գողահար հիմակ,
Համբու՛յր շուշանի, դյութանք ձյունեղեն,
Փերթ փերթ լուսինկա, ապրշում համակ:

Բե՛ր ինձի իղձիդ կաթը խանդաղատ:
Մենավո՛ր վարդեր, որ մեկամաղձիկ
Մառախուղներուն մեջ դեռ կը ժպտիք,
Ապրեցե՛ք հոգվույս մեջ հավերժօրեն:

ԱՔԱՍԻԱՆԵՐՈՒ ԾՈՒՔԻՆ ՏԱԿ

Սաղիկներն հաշիկ թերթեր կը թափե.
Բուրումներով օծուն հովիկն իրիկվան,
Հոգիներուն կ'իջնե երազ մը բուրյան,
Ի՛նչ հեշտին է մըթնշաղն այս սատափե:

Աքասիաներ, գինով լույսե ու տապե,
Օրորվելով մաքուր շունչ մը կը հեան.
Մինչ կը ձյունե ծաղիկն իրենց հոտեան՝
Ձոր խոլաբար հովը գրկել կը շտապե:

Ու լույսն անոնց, անխոս հուրի՛ դյութական,
Հըմայագեղ ու վարսքերով արծաթե,
Շատորվանին կ'իջնե գուռին մեջ կաթե:

Ձուրը ցայտքեն ծաղիկ ծաղիկ կը կաթե.
Վըճիտ, ինչպես լույսե արցունքը մանկան,
Նըվագն անոր կը հեծեծե հեշտական:

Սաղիկներն հովը թերթեր կը թափե...

ԱՅԳԵՐԳ

Սարերուն մեջ կը կոծկոծի այգուն՝ կոշնակը վանքին,
Եղնիկները մըթնշաղին դեպ ի գետափ կը դիմեն.
Աղշիկ մըն է կարծես հովը՝ գինով մուրտի բուրումեն՝
Որ ջուրերուն վրա կը դառնա սարսուռի պարն հեշտագին:

Վանքին քովի արահետեն կարավանները կ'անցնի՛ն,
Բոժոժներուն երգը լալով գիշերին մեջ տրամորեն.
Մինչ կըսպասեմ ջինջ լույսերուն՝ որոնք ծագիլ կը համեն.
Ու կը լըսեմ շշուկներն՝ որ կը հծծեն մեջը ցանկին:

Կիրճին խորը, ժայռին ծոցն է գյուղանըկարը փոված.
Տարտամորեն, հսկայական, արծիվի մը ձևերով,
Մագիլները խորասուզած խորշերու մեջ մըթամած:

Սրբշիտ բույրեն՝ զոր կը բերե ինձի առտուն անխըռով,
Ես կ'երագեմ ծառերուն տակ ու կըսպասեմ խոլաբար,
Քույս պարփկին՝ որ իզձերըս պըսակելու պիտի դառ:

Գյուղն համորեն կը մըրափե ծոցն արևոտ ժայռերուն,
Տիվանդորրի պահն ըմպած է մեղկ հեշտություն մը սյուփի,
Որ ջուփեքուն վրա կը ցանե գինովի դողն իր թրթուուն,
Գետն համբույրի մը երազով դեպ ի ափունք կը թեքի:

Գետեզերյա ծառաստաններ, միջօրետքի այս պահուն,
Ինձ անծանոթ թավուտքներն կը խրկեն բույրն հեշտանքի,
Որ համրորեն կը ծավալի ծաղիկներեն այն լըջուն,
Ասդին անդին տարտըղնըված՝ որոնց հոգին կը ցամփի:

Եվ հընամի ծառեր գյումրյութ միայնությունաց ընդմեջեն,
Կ'արտածորեն մուշկի բույրեր ու ժպիտներ ալ բոսոր.
Կիսամըրափ կ'երազեմ, զիս աղաղակներ կը կանչեն...

Ձայներ՝ դյութիչ աշխարհներե, տարտամ, անո՛ւյշ, հեռավո՛ր՝
Որոնք անդին զիս կը տանին երանաստան մը բաղձոտ
Ու կը նիրհեմ արբշիո՛ւ հովին դյութիչ նեկտարն ըմպած հոտ:

ԽՈՆՁ ԻՐԻԿՈՒՆՆ ԱՐԱԳՈՐԵՆ...

Խոնջ իրիկունն արագորեն կը խոնարհի դեպ ի խավար,
Բուրմունքներու հաշիշն հոգվույս մեջ կը ցանե հեշտանք մը թույլ,
Երգի խազեր կը կրքոտին տակավ տենդոտ հուզումնավար:

Անօրինակ մըրափի մը մեջ կիսազգած կը թափառիմ,
Ցնցված ձայնեն ճոկաններուն՝ որոնք կու լան դուրսը անդու.
Պատուհանեն կը խրկե ինձ հովիկն համբույրն իր մտերիմ:

Մութ սենյակիս մեջ կը շրջիմ առջի համբույրն անրջելեն,
Ու շրթունքներս են բոցավառ ջերմութենեն երազային.
Փակ են աչքերս, և կամ հանկարծ մերթ անձկությունամբ դուրս կը նային,
Ա՛հ, լըռությունն որ կը տեե՛, և ըստվերներն ու կը քալեն...

Շուրջիս անփուլթ իրերն համակ հարցումներուս հանդեպ խուլ են,
Հանդիսատես կ'ըլլամ մտքիս պատկերներուն քայքայումին...
Դուն շե՛ս գիտեր թե ի՛նչ կըզգամ գուրգուրանքես երբոր իմին՝
Քեզի համար տենդով հյուսած երազանքեն՝ ըս իսկ կը խըլեն...

Հեշտ, փալիլըուն գիշերներու անդորրություն մը ցնորական...
Գողտչներու մերթ կեղերջներ լուսին սրբույթը կը լլկեն.
Մովախորշին մեջ ընկղմած լույսե աչքեր՝ որ կը խոկան՝
Հոգնա՛ծ, մաշա՛ծ իրենց տարփոտ, իրենց բոցեղ տրտմութենեն:

Ցայգն է ժայթքած իր շողակի շատրըվաններն անրջական,
Հեռուներեն ուտի՛մը թավ հեծքը կու գա դողզողալեն.
Այս գիշեր ջերմ ու երազված կայծեր հոգվույս խորերն ինկան,
Կը մարեմ լույսը լամպարիս, ու կ'երազեմ մըրափելեն:

Շանթե աչքեր, բոցե թևեր մըտածումիս կ'անցնին քովեն.
Եվ հուրիներ՝ նոր հուլանած ալապաստրը իրենց կուրծքին՝
Որոնց համար շրթունքներըս անթիվ իղձեր կը թոթովեն:

Որմին վըրա տրտմություն մը կը ցանե բիլ եղրևանին,
Դաշտերուն մեջ հարսնուկներու բոսոր իղձերը կը ցամփին.
Մինչ ես կ'ըմպեմ հաշիշն անհագ ցընորաբեր այս գիշերին:

ՎԵՐԱԴԱՐՁԻ ԵՐԳ

Կսկիծ կա սրտիս մեջը վիրավոր՝
Ձոր արևին լո՛ւյսն անգամ չի բուժեր.
Խորունկ ու ցավոտ մորմոքում մը որ՝
Ա՛հ, պիտի լայննա՛ երբ իջնե գիշեր:

Կը հյուծին ցուքերն լույսին հեռավոր,
Խարույկի մը պես՝ որ վաղ է մաշեր.
Բայց դեռ կը հուզե զիս տեսիլք մ'աղվոր՝
Ձոր ինձ կը բերեն անցյալին հուշեր:

Ու պիտի ապրի՛մ, վիշտը նոր ուժեր
Կը բերե հանկարծ հոգվույս սիրավեր,
Կյանքին կը դառնամ դեռ ջըրած գիշեր:

Փուշեր նետվեցան օրե օր վերքիս,
Ու հոն հեծեծանք մը բերին հովեր,
Բայց սիրո հույս մը կ'արևե հոգիս:

«... Եկե՛ալքս ի մտանել արեգական
տեսաք զոյս երեկոյիս...»

Հուշիկ փախչող իրիկվան ծիրանի լույսն է զըվարթ...
Ոսկի թելեր՝ պլլըված խունկի թավիշ մըշուշին.
Կապույտ ծոպեր, ծիածան, ծըփուն ձայներ, միստի՞ք վարդ,
Լույսն արցունք մոմերու՞ որոնք հանդարտ կը մաշին:

Խունկի ծարավ իմ հոգիս կը ծըծե պահն այս հանդարտ,
Ոսկեկըրակ աչքերով բուրվառներն երբ կը ճոճին.
Պակուցում մը հոգեգրավ հոն կը թողու զիս անթարթ,
Կը զգամ համբույրն իմ հոգիս պարուրող բիլ մարմաշին:

Մեղեսիկի երանգներ կ'օծեն պարույրը խունկին.
Խորհուրդին եմ ծնրադիր բազուկներըս խաշանիշ՝
Ու կըսպասեմ որ ծագի հոգվույս պայծառ Կիրակին...

Ջահերն հիմակ կ'երազե՞ն համակ գյումրյութ ու թարշիշ...
Կամարներեն, խորանեն կը ծագին լույս ու ծիծաղ.
Հոգիս քիշ քիշ կը թաղվի անուրջին մեջ այս շքնաղ:

Հուշիկ փախչող իրիկվան ծիրանի լույսն է զըվարթ...

Մթության մեջ վըհուկի մը պես թախծադեմ,
Ցավոտ Սիրո հարվածն է որ կ'իջնե կուրծքիս.
Ու Տենչանքի ծիրանիեն հրաշեկ հոգիս
Դեռ կ'ընզգրկե հիշատակներ՝ զորըս կ'ատեմ:

Բոլոր լույսերն ալ մարեցան հետըզհետե.
Ես կը սիրեմ այս խավարը տառապագին,
Ուր վիշտ մը լայն՝ սիրտըս կուրծքես դուրս կը նետե,
Եվ ես կ'ըմպեմ սև հեշտանքը ցավոտ Կյանքին:

Խավարին մեջ չունիմ խարխափն Երազանքին,
Ու կը դադրիմ սերերու շուրջ թափառելեն.
Բոցեղ աչքերս ունին կայծակ մը թախծագին,
Սիրտես ցավերն հեծքեր վայրագ լոկ կը խըլեն:

ՏԱՊԻ ՆՈՊԱՆԵՐ

Ջըրաշոգին գետին վրայեն ամպանըման կը բարձրանա.
Կը փողփողին լազվարթ գույներ ճամբան ի վեր Կապույտ-Դարին.
Շինականներ արևահար ծերունի մը գյուղակ տարին.
Արեգակի բորբ ընծյուղներ կ'այրեն ամեն իր անխընա:

Դարուղիեն կ'անցնին դանդաղ ուղտերը գորշ կարավանին,
Թաթավելով իրենց հոգին հըրայրքին մեջ այս տոթական.
Երազանքնին կիսատ թողած, գինով գինով վարդերն ինկա՞ն,
Առանց սյուփի ու պլպուլի կը հեծե ցավն իր վարդենին:

Տիվագուլի երակներով բացավայրերն են բոցափայլ,
Ծաղիկներու հոգեվա՞րն է, ժամն արևոտ տաղտապանքին.
Բազմազեղուն բուրմունքներն են հեշտագրգիռ ու տապագին,
Մենաբաղձիկ անտառին մեջ ո՛չ հեծություն կա, ո՛չ դայլայլ:

Ժայռերն անփույթ դեռ կը տաքնան, հանդարտորեն, լուսափողփող,
Գիրկն անդորրին այս կիզանուտ և երագին տակ բոցավառ,
Հնձողներու ձեռքեն հոս հոն հանկարծ կ'իյնա գերանդին վար,
Ամենուրեք կը խըլտի նոպան տապին տափտապարող:

Ըսպասումն է հեղզ ու շերմին, կ'ուշանա դեռ հովն իրիկվան,
Որ զովացիկ, պիտի մեղմն տենդն անպարփակ այս թալուկին.
Ջերմակարոտ, փաղփուն օձեր լեռներեն վար կը սողոսկին,
Եվ՝ հրրաշունչ արբշիռ ու բոցերազ՝ մերթ կը հեան:

Դաշտերու մեջ ընկուզիներ կը քրնանան հոս հոն ցանցիր,
Ո՛չ ճամփորդ կա, ո՛չ ալ թռչուն իրենց շուքին տակ ապաստան.
Հսկա խորխի պես կ'երկարի, լայնատարած, մենիկ ճամբան՝
Ուր սըլացքի ու քայլերու հետին մրմո՛նջն իսկ չի հածիր:

Թուրինջ գույներ ջրբանդկար... ծիրանի հե՛վք արևմարին...
Մբշակներ ու ձիավորներ պարտեզներեն կը դառնան տուն,
Խարխուլ կամուրջն անոնց բեռին տակ կը հեծն խոնջ ու նրկուն,
Գետեն անդին երանգ ու ձայն հետըզհետե կը մարմըրին:

Ահա գիշերն ալ ծանր ու մեղկ կը գըլորի սարերեն վար,
Ու տապահար դաշտավայրեր կը հագենան աղջամուղջով.
Կենսանորոգ շունչ կը բերե ըսթափանքի կազդույրն այս զով,
Բայց ցորեկին դեռ կը տեե բազմալեզու տենդն հրրավառ:

ԱՇՆԱՆԱՅԻՆ ՀԵԾՈՒԹՅՈՒՆՆԵՐ

Իրիկուններն ես կը խոկամ,
Ամայության երգը կ'անցնի
Պատուհանիս երբ առջևեն,
Անկապ ձայներ զիս կը թովեն,
Հոգվույս մեջեն մերթ Աշունի
Կ'անցնի հանկարծ ուրուն տարտամ:

Գիշերն համբուն ես կ'երազեմ
Ցավը կյանքի Աշուններուն,
Ու շամբուշ հովն՝ որ կը տանի
Դեպ ի տամուկ խորշեր նըսեմ՝
Ջորս տերևի տեսիլն աղփուն
Որ օդին մեջ կը տատանի:

Եվ ցուրտ այգուն միշտ կը դիտեմ
Պարուտակը մըշուշներուն,
Ջոր գիշերվան անտես ձեռքեր
Թույլ միջոցին մեջ են ձրգեր,
Վըհատության պես մուրրուն՝
Ջոր քաշած է սերն հոգվույն դեմ:

Բայց թափառի՛լ կ'ուզեմ ընդծիշտ,
Մտախուղին ու հովուն դեմ,
Ու դաշտերուն մեջ ամայի,
Ուր աչքն ահու՛կ միշտ կը նայի,
Դիտել՝ տժգույն ու դալկադեմ
Բարձունքներուն տամուկն ու վիշտ:

Հոգիս հիմակ հափրանքն ունի
Սիրո խանդ ու հրրայրքներուն,
Ու ծաղկալից եղկ ջերմության
Վայելքեն վերջ բազմաբուրյան,
Կ'ուզե մըշուշն այս օրորուն,
Ու ցրտագին զովքն Աշունի:

ԳԱՐՈՒՆԸ Կ'ԱՊՐԵՑՆԵ

Կը թանձրանան
Տերևներուն
Շեղջեր լըքուն,
Մինչ կը դառնան
Դեռ ծառերուն
Մեջ համորեն
Հովերն աշնան,
Պարն ամեհի:

Ու դեպ ի տուն
Միշտ կը դիմեն
Շեշտերն ամեն
Միծաղներուն.
Միշտ դեպ ի տուն

Ու գեպ ի ներս
Բուր ի գծերս
Ա՛լ տարիք գուն,
Զքնա՛ղ աշուն:

Դեպ ի տամուկ
Պատուհանին
Ա՛լ կը հառին
Աչքերս հիմակ,
Ու սե՛ր համակ,
Երգը կ'իջնե
Սրտիս՝ ուր նե
Իդձ մը ճերմակ
Պիտի գտնե:

Զէ՛, հովերուդ
Հետ ցավը չէ՛
Որ կը տանջե
Սիրտըս հըրուտ.
Այլ կը դառնան
Ինձ, հուզմունքեդ
Բողբոջ գարնան
Արևաշող
Հույսերն հավետ:

ՀՈՎԻՆ ԱՆՑԲԸ

Անդնդագալար օվկիանի պես
Կ'ուռի այս գիշեր հովն ալիք ալիք,
Կը ծրծեմ լեղի սարսափն իր ճամբուն...
Իր լալոնին մեջ սենյակս է ծրփո՛ւն,
Հոգիս՝ իր անհեղ կոշիկն խաղալիք՝
Մինչ լույս շավիղ մը կ'երկարի մտքես...

Լեռներն կ'իջնե հեքն իր մալեկան,
Իրար բերելով ձեռքերս՝ անձկագին
Մինչ ես ծնրագիր՝ կ'ունկնաբեմ Երգի՛ն,

Երգին խոլարձակ, Երգին թախձագին...
Ե՛րբ պիտի հասնի իր հանգրբվանին
Արհավրոտ Ուխտին այս գոռ կարավան...

Բուն համեմունքով իր շունչն է լեցուն.
Ու կ'աննե ծովուն գույներն աղտաղտով՝
Մինչ զայն կը տանին պայերն ամբարձիկ,
Համբույրն իր կու գա մինչև իմ խցիկ.
Եվ ես հըպումեն կը փախչիմ գաղտուկ,
Հըպումեն՝ վայրի վիշտով ակաղձուն:

Մարած է քրքում լույսը լամպարիս,
Հորդող մութին մեջ հեղին տրտում.
Ես դեռ կըսպասեմ այեկոծ Անցքի՛ն,
Նայվածքըս լեցուն իղձով կաթոգին,
Ա՛հ, քո՛ւկդ եմ արդեն, ո՛վ մխտօք ցնցում,
Ո՛վ ձայն, մինչ ուժգին հոգվույս կը փարիս...

ՍՈՆԱԴԻՆ

Միջոցին մեջ կը թռչնի
Լույսի ծաղիկը թրթռուն.
Ըմպած մըռայլն ամպերուն,
Տըխտը է ծովն աշունի:

Ցորեկներուն կը հակին
Գորշություններն հոգվույս մեջ՝
Ուր գիշերվան երգը գեջ
Լացավ թոնով մը մեկին:

Ամայության մը տրտում
Կու գա ինձ ցավն երբեմնի.
Եվ երազանքս անպատում
Կը կոծկոծի՛, կ'արյունի:

Հովը կ'ոռնա խուլորեն,
Ու գիշերը կ'երկարի՛.
Ալիքներու ժըխորեն
Ու սարսափեն խավարի:

Դալուկ սիրո մ'աշնանային
Կը կաթն դողն հոգվույս մեջ,
Ուր հուրիներ կը նային
Անրջածին, լուսամեջ:

Բայց կը վախնամ որ նորեն
Խուսափի՝ լույսն երազին,
Ու մըշուշներ գաղտորեն
Վայելքներու շուրջ հածին:

Աղաղակ մը, մեջն հոգվույս,
Արագորեն կը ձայնե
Մահվան պարը սրտահույզ,
Մեռած է կույսը՝ ձյունե:

Տարփատենչիկ, զաղփաղփուն,
Աղչիկն է ան անուրջիս,
Երազունակ ու փաղփուն
Հոգին կանգնած է առջիս:

Ու կը տեսնեմ դեռ շողուն
Փայլը սրտին իր նըսեմ.
Մոգութենեն աչքերուն
Հափշտակված կ'երազեմ...

ՎԱՏՐԿՑԱՆՆԵՐ

Ո՞վ սիրական խավարներ: Կենդա-
գի՞ երագ դանդաղ գիշերներու, ուր
կի՞րքը միայն նայվածքներ ունի: Ու
մի՞շտ, մի՞շտ, անխո՛նջ կեր-
պով, անպատում մելամաղձությունը
Համբույրին:

ՌԵՅՄՈՆ ՊՈՒՅԵՆՐ

Հըրայրքիս մեջ գիշերը գայն կ'երազեմ,
Շրթունքներու պատրաստ իր մեղկ համբույրին.
Բայց ժըխորին մեջ կը մոռնամ վերստին
Այն պահերն՝ ուր գայն սիրած եմ մոլեգին:

Ու կը մոռնամ ես նոպաներն ալ բոլոր.
Հորդ կիրքերու ժամերն ամեն ըղձածոր՝
Երբ կ'իյնամ ոտքն իր տեսիլքին՝ մինչև որ
Անշարժանամ պաղատանքիս մեջ մոլոր:

Ու չեմ հիշեր ցորեկն ասոնք, երբ խունկե
Ա՛լ ավելի հեշտ բուրմունք մը մեղկօրոր
Իր ծրփանքին մեջ հույզերըս կը լկե:

Այդ բուրումի եղկությունն, որ միշտ անկե
Կը ծորի և կը պարուրե գիս՝ բոլոր
Հոգիս անծիր մոգությամբ մը կը խնկե:

.

ԱՅԳԵՐԳ

Այգն է ծաղիկ երազով լի ու բալաձիգ՝ թեթևորեն,
Մըշուշն անծալ շրվեծի պես ամբարտակեն վար կը հոսի,
Իր շրփույթին մեջ կը շիկնի ոսկի աղջիկն արշալույսի,
Այգն է ծաղիկ երազով լի ու բալաձիգ՝ թեթևորեն:

Երկու բոցե թևերու մեջ ծովանըկարն է սխրալի՜.
— Կապույտի՜ փառք ամրափակված շրջագիծով ոսկեզրվագ,—
Ուր ցնծալից թևճակներու հեշտերգն ունին կուր ու նավակ.
Երկու բոցե թևերու մեջ ծովանըկարն է սխրալի՜:

Պիտի ըմպե՛մ բոցն արևին, ճառագայթի՜ եմ ծարավի.
Պիտի ծըծեմ բույրն առտըվան՝ հոգվույս համար՝ որ հիվա՛նդ է.
Հոգվույս համար՝ որ կ'երազեր գգվոտ ու մեղմ շունչն հարավի,
Պիտի ըմպե՛մ բոցն արևին, ճառագայթի՜ եմ ծարավի:

Քիչ մըն ալ դո՛ւն ժպտեիր, ա՛հ, հոգվույս համար՝ որ հիվա՛նդ է.
Նայվածքի խաղ՝ որով դառնա աշխարհն ինծի ծափ ու ծաղիկ,
Տարիներով իմ երազս էր սիրո գարուն մը խաղաղիկ,
Քիչ մըն ալ դո՛ւն ժպտեիր, ա՛հ, հոգվույս համար՝ որ հիվա՛նդ է:

Սեր-Արևիդ բոցն երկարե խորերն հոգվույս իմ պատանի,
Ջերթ արևին լեզվակն ոսկի՜ որ կը ծըծե մըշուշն այգուն.
Ո՛ւր է ճաճանչն, հուրքը ջերմին՝ որ մառախուղն առնե տանի,
Սեր-Արևիդ բոցն երկարե խորերն հոգվույս իմ պատանի:

ՄԹՆՇԱՂՆԵՐ

Վերջալույսի աղջիկն է իր կուսության մեջ քրթում.
Ինչո՛ւ մինակ մընացի երազիս հետ թախծագին.
Թ՛մբիններու բույրին տակ, նուռիններու ծաղիկին՝
Ա՛հ, ինչո՛ւ ես մընացի գիրկն երազին այս տրտում:

Ո՛վ դուն հիրիկ ծաղկանույշ, երբ անցար հետ լույսերուն,
Բան մը փըլավ հոգվույս մեջ, քայքայումով ողբագին.
Դարձիդ քի՛չ մըն ալ ժպտե սա՛ լուսաբաղձ հիվանդին՝
Որ քիչ առ քիչ կը մեռնի՜ կառչած իր խոլ հույսերուն...

Մութը կ'իջնե հոգվույս՝ ուր վաղո՛ւց գիշեր է արդեն.
Ըսպասումի՜ ցայգ՝ ուր դեռ շըշողաց լո՛ւյսն երազին.
Հագիվ քիչ մը բույր ծըծած մոռացումին ես վարդեն
Նորեն քեզի՜ կը դառնամ, ա՛կն արեխ ոսկեծին:

Լուսնի պայծառ տիվին տակ պիտի համրեմ անդադար
Բուստե զարկերն ոգևոր՝ առույգ սիրո երազին.
Ա՛հ, քիչ մը լո՛ւյս, ժրպի՛տ մը՝ որ կյա՛նք ինծի պիտի տար,
Եվ փարատեր լըքումն՝ որ կը ծանրանա իմ ուսին:

Եկո՛ւր, արդեն կը մըսի՛ն հեք երազներն իմ որբուկ,
Ա՛լ հոգնած եմ անցնելեն կածաններե մենավոր,
Անձրև կ'իջնե հոգվույս մեջ, կըզգամ մահվան սրբփութք,
Ձեռքս է պարապ մընացեր դատարկին մեջ սըզավոր:

ՆԱՎԱԿՆԵՐԸ

Նավակներ մեկնեցան ամենն ալ, բաղձանքով ակաղձուն.
Հեռացան ամենն ալ՝ ծըփանուտ Երազիս ափունքեն.
Անձուկին բոցը գիս պաշարե՛ց. Ըսպասման հիվա՛նդն եմ.
Հոգեսարս դողերով և հուրքով միշտ ցայգերն են հըղի.
Գիշերներն ես համբուն կը սպասեմ ծիրանի այն դարձին.
Ու ցայգուն ալ կ'անցնիմ ավազուտ ափունքեն՝ դողահար՝
Սրտաթափ ու խանդոտ երազի կայծերով առլըցուն:
Դարձուցե՛ք նավակներս հողմավար, ջրանո՛ւյշ պայլիկներ,
Դարձուցե՛ք նավակներս դյուրավար, իրիկվա՛ն հովիկներ...

ՄԵՂՈՒՆԵՐԸ

Տենչանքներըս, տարագնացի՛կ մեղուներ,
Ոսկի երիզ մը բանալով
Ու զանակներ անձրևելեն
Թըռան գացին երամ երամ.
Անցան գացին դարուղիեն,
Կիսաթափանց մըշուշներու ապրշում քողքը պատռելեն
Եվ հածելեն մեջն արևին ոսկեծաղիկ մառախուղին:

Արևակի, սուտակներու ու գյումրյութի
Փաղփուկ երանգը ծրծելով իրենց շորս դին.
Մործորներեն, բացավայրեն
Ու ցորենի գաղիշներեն անցան անդին.
Ես գետափին մոտ մընացի վարատակա՛ն,
Մելամաղձիկ երազս հըղած
Դեպ հեռավոր ծաղկաստաններ՝
Ուր թառեցան մեղուններն իմ տենչանքներուս:

Մեղուններն իմ տենչանքներուս՝
Միջօրետքի պահերեն վերջ,
Որոնց դարձին ես կըսպասեմ՝
Ուղեկորույս զակատելով:
Ահա՛ օրն ալ մըթագնեցավ,
Եվ ես ի զո՛ւր տարածամ
Դեռ կըսպասեմ անոնց հեքոտ ու մեղրազօծ վերադարձին:

Ա՛հ, այս ցայգուն
Պիտի անցնիմ դարձյալ վախիս ճամբաներեն.
Ալ հափրացա՛ծ, ուշակորույս,
Գիշերներու ըմպած գինին խավարածոր,

Պիտի անցնի՛մ ես այս գիշեր՝
Երկյուղիս սեպ ճամբաներեն,
Իմ գանկիս տակ
Հույսի ոսկի բոցին անուրջն առկայծելեն:

Ալ հոգնա՛ծ եմ
Ըսպասելեն տենչանքներուս մեղրին անույշ,
Ու տարածամ այս հածումին մեջ երջանի՛կ պիտի ըլլամ՝
Եթե թունեղ խա՛յթ իսկ բերեն
Ուղեմուլար մեղուններն իմ տենչանքներուս:

ԲՅՈՒՐԵՂԻ ԴՅՈՒԹԱՆՔ

Մանուկ մըն է, որ կայներ դեմն հըրածամ արևին,
Կ'օծե հոգին իր շուշան լուսացնցուղ երազով,
Ու կը ծըծե հոտեան խտղանքն ու դողն այգուն զով,
Մինչ մեղեսիկ աշուկներն Եսին ցուլքով կը վառվին:

Նըշուլագեղ ու պայծառ ցուլքով վճիտ իր Եսին՝
Երկինքն՝ որուն հրճվանքի ակեր ունի կապուտակ.
Ու կյանքի սերն հորդած է հոն: Լեռնածին գերթ վըտակ՝
Ուր կաթիլներ ու ցայտքեր հետզհետե կը հոսին:

Բյուրեղ մը կա ձեռքին մեջ՝ զոր կը ճոճե դարձդարձիկ,
Յոթը գույնին տե՛նչն ունի, լույսի անհուն խաղերուն.
Երանգներու, շողերու կ'ըղձա անուրջն օրորուն,
Եվ արևին կը նայի միշտ կաթոգին ու բաղձիկ:

Ա՛հ, ի՛նչ դյուլթանք, ծիածան ծոպե՛ր ունի ամեն բան...
Շափյուղակենե՛ր... կարկեսա՛ն... գյումրյո՛ւթ, շողակ ու թարշիշ...
Մովն է լեցուն գույներով ու ծիրերով ոսկենիշ,
Ինչպես դաշտերն ու լեռներ, ինչպես մարմանդն ու ճամբան:

Ծափ կը զարնե, ծիծաղեն ծըլե՛ր է ծիրն իր այտին,
Անո՛ւշ արև մանկական, ամպ ու մեզի անգիտակ,
Իմ երկինքս ալ կը հրճվի ոսկեծիծաղ լույսիդ տակ,
Ու մոռցըված բուրմունքներ զիս կըզգլխեն վերստին:

Պրիսմակ մըն ալ ե՛ս ունիմ, ու կը դիտեմ ցնծագին
Սիրույդ արևը պայծառ, սիրույդ արև՛ը ջերմին,
Ու խանդաբորբ իմ հոգիս հանդեպ անոր պաշտումին,
Մանո՛ւկ մըն է որ կայներ դեմն հըրածամ արևին...

Կես գիշերվան բուրումնահեղց վարդերով,
 Որոնք գինով ցող ու շաղի կրսպասեն,
 Պիտի հյուսեմ մանյակ մը նուրբ
 Շուրջն սպիտակ պարանոցիդ.
 Եվ այգուն
 Պիտի գտնես ցողված՝ վարդերն այդ անույշ՝
 Իմ արցունքիս ցողերով:
 Ու օր մըն ալ,
 Երբ թարշամի
 Քայնն այդ ծաղիկ անուրջին,
 Պիտի հյուսեմ նոր նարտաներ ոսկեկար
 Անոր հուշքին տեղ բոսոր,
 Իմ համբույրիս բոց ու բուրյան վարդերով:
 Երազանուրբ ձյունաթորմի ձեռքեքուզ
 Պիտի բերեմ մեղեհիկե մատնիներ՝
 Ու քողեքներ արևակե.
 Եվ երբ անոնց ցուքը մարի աննբշույլ,
 Տենչանքներու բազմերանդ
 Բոցով զանոնք պիտի վառեմ անդադար:
 Ու լարերուն տեղ վինին հինավուրց
 Պիտի զընենք արծաթ թելերն ըղձանքներուդ՝
 Որոնք հավետ պիտի թրթռան
 Տրոփումներովն իմ սրտիս:
 Գինով՝ դյուրթիչ բուրմունքներեն ծաղիկներուն ըզզիտիչ
 Ո՛վ դյուրթանույշն իմ սրտիս,
 Պիտի հաժինք միասին,
 Հնթադրելով բույս ու ծաղիկ ու դալար,
 Ու լալով
 Բուրումնացան մահն անոնց,
 Պիտի հաժի՛նք,
 Լույսի արծաթ անձրեին տակ
 Ու ծոցին մեջ
 Թավուտքներու կիսաթափանց գիշերներուն,
 Ո՛վ երազին իմ աղջիկ:

Համատարած անդորրության մը մեջեն,
 Կիսաթափանց մըշուշներուն մեջ հալած
 Ուրվագիծը տուներու՝
 Որոնց լայնաքթիթ պատուհաններեն
 Կը ժայթքեն
 Լույսի ցայտքեր՝ տարփագին ծաղիկներուն պլլրված:
 Ու հեշտոտ ու մարմըրուն
 Աղաղակն ալ նրվագներուն լարավոր
 Կը ծաղկեցընեն դյուրթանքն անդորրիկ,
 Գիշերվան մը երջանիկ:
 Ու կ'երկարի՛, կ'երկարի՛
 Խմբանկարը տուներուն՝
 Տարտամորեն փաթթրված
 Մեջն ապրշում մըշուշին,
 Ու լայննալո՛վ, լայննալո՛վ
 Դեպ ի ծովափն՝ ու երկշոտ
 Կըսպասե
 Ալիքներու համբույրին:
 Ու եզերքեն հանդիպակաց
 Ծայրը դալար հրվանդանին,
 Ուր վաղուց
 Մեռան ճիշերը ցորեկին,
 Ծովին փոթ փոթ երանգածուփ թավիշին վրա
 Միապաղաղ կ'անդրադառնա
 Ուրվանըկարը խուսափուկ
 Լույսի ծրփուն ծաղիկին՝
 Որ կը ծըլի փողփողուն ծովեզերքի փարոսեն:
 Ու դեռ հեռուն,
 Քաղաքեն ու բացավայրեն ալ անդին,
 Կ'ընդնշմարեմ արտևանները ցըցուն
 Մանիշակե լեռներուն
 Մարմաշի մեջ պլլրված
 Հսկա հարսեր հեշտամոլ՝
 Որոնց տարփանքը կըզգաս
 Հեռուններեն, հեռուներե՛ն...
 Ու կը լրսեմ վարերեն թեճակներու նրվագն ալ,

Ջուրերուն վրա թըրթըռուն,
Ու կը լըսեմ ծաղիկներուն ալ երգը
Աղաղակ մը սիրածուսի՝
Սահած ծոցեն դաշտերուն՝
Ուր ցաները կը վետովետին սիրատարփի:
Ուր երկիրնքն ալ կը քնանա,
Կապույտներու խորհուրդին մեջ երազելով
Վաղորդայններն երջանիկ:

ԱՐԵՎԻՆ

Հարավի մեղմ ու լիաշունչ հովին հետ,
Որ վաղուց երազված համբույրի մը պես
Իմ սիրակարոտ հոգիս հեշտանքով կը լիացնե,
Շողա՛, ո՛վ արև, շառափներովդ ոսկեծայր,
Մառախլապատ Երկունքիս մեջ՝
Ուր Մտածումը կը դեգերի ուղեմուլար,
Շողա՛, շողա՛, բարի՛ արև, հիվա՛նդ եմ...
Պատուհանիս հեղուկ ծոցին մեջ ինկած խելահեղ,
Միջօրեի հեշտադալար ու բոցակապ երազին գիրկը,
Թևատարած կըսպասե՛մ.
Պլևե՛ գիս բոցեղեն ցանցերուդ մեջ
Ու օրորե՛ ջերմագին
Ու կիզանուտ համբույրիդ տակ.
Թող հոգվույս մեջեն անցնին կարգավ
Մանուկներն ընդարմացած:
Մինչև որ
Կանգնիմ նորեն ու անցնի՛մ դարձյալ
Տարփանքիս խանդաղատ ճամբաներեն:
Հիվա՛նդ եմ, բարի՛ արև, շողա՛, շողա՛...
Հոգիս թռչնիկ մըն է,
Օդ ու լույսի, երգ ու ծիծաղի կարոտ,
Բայց երգը, որ իր ալուցքեն կը թռչի,
Անտես ու ստվերոտ սանդուխներու վրա
Կ'իյնա շնչահեղձ:
Շողա՛, շողա՛, բարի՛ արև, հիվա՛նդ եմ...

Ճառագայթող գուլիդ մեջ հեշտագրգիտ,
Մինչ կը խժա տարօրինակ, խոլ պարը՝ զամբուռներուն՝
Հուրքե՛դ գինովցած՝
Ու, մինչ թուփ ու ծաղիկ ծարավեն կը մարմըրին,
Ծս կ'ըմբռչխենեմ խտղտանքն անանուն՝ երջանիկ տիվանդորրիս,
Համբուրեն ու գիտակից
Գինովությամբ հեշտագին:
Քի՛չ մըն ալ դեռ,
Ա՛հ, շողա՛, շողա՛, բարի՛ արև, հիվա՛նդ եմ...
Վերջին անգամ մըն ալ,
Դեռ իրիկո՞ւն շեղած
Ու, դեռ տամուկ գիշերին վըհուկը գիս շընդգրկած,
Վերջին անգամ մըն ալ,
Փարե՛ հոգվույս խանդաբորբ ու կաթոգի՛ն,
Հիվա՛նդ եմ, բարի՛ արև, շողա՛, շողա՛...

ՅԱՅԳԱՅԻՆ

Լուսնի մահիկն երբ
Սանդուխներու վրա
Մեղմով կը տեղա
Լույծ, անձրևակերպ
Սահանքն իր լույսին:

Եվ երբ մանիշակ
Գոլորշիներուն
Մըշուշն անապակ
Կը ծաղկի թրթռուն
Մովերուն վըրա:

Խորն իմ սենյակիս
Կը հանգչի հոգիս.
Փակաչք ու անթարթ
Կը ծըփամ հանդարտ
Հստվերի գորշ գորշ
Լըճակներուն մեջ:

Հայելիներուն
Հոգին պըրիսմակ
Կը դողա համակ
Երբոր սարսըռուն
Աշտանակներուն
Միրանի ցուքեր
Կը սահին անոր
Վըճիտ ծալքերեն:
Հոգվույս ալ մեջեն
Տակավ կ'երկարի
Փափուկ արծաթի
Շավիղ մը ձայնի:
Ու ճառագայթներ՝
Որ զիս կը կանչեն
Հոգվույդ ալուցքեն
Կը հասնին ինձի:

Հապօ՞ն, կը մեկնին
Իմ անրջանքին
Թիթեռներն ամեն,
Ու միջոցին մեջ
Հուշիկ կը զըժեն
Շառայլ թըրիչքին
Ակոսն հեշտագին:

Ակոսն հեշտագին՝
Որ ձայնիդ կառչած
Կ'երկարի մինչև
Քու սրտիդ արև...

ՍԻՐԵՐԳ

Ճառագայթի պես ոսկեվարս ու նրբին,
Երբոր ճամբեն կ'անցնի հըպարտ, լուսարագ,
Բան մը սրտես կ'ըլլա բոցին պատարագ
Իր աչքերուն՝ ուր կը մոռնամ ևս արփին:

Երազային, ծաղիկի պես նրբավոր,
Երբ կը ժպտի պատուհանին ետևեն,
Թոխներ հոգվույս մեջ լուսաբաղձ՝ կը թևեն
Խոլ անուրջով կապույտներու հեռավոր:

Ու երբ կ'երգե ջութակին հետ սարսըռուն
Մեղմածավալ հեշտերգն իրեն ցայգային,
Կարծես աչքերն իր լուսափաղփի կը նային
Տենդոտ պահին՝ մեջն իմ հոգվույս ալքերուն:

Ա

Ուռենիներ, լացե՛ք, լացե՛ք անդադրում,
Արտասուքնիդ շիթ շիթ հոգիս կ'արծաթե.
Ես կը փարիմ մենիկ պահին այս տրտում՝
Ուր ձեր հեղուկ նըվազն հուշիկ կը կաթե:

Մաղիկներուն գոտին դեղին, լայնարձակ
Արոտներու զյուժրյութ իրանն երբ գրկե,
Ու միջօրի արևն ալ՝ խուրձ ու տրցակ
Շողերն իր՝ բիւ ժապավենով մը պրկե:

Կուզան կույսերն իմ անուրջիս, հերարձակ,
Մանիշակե բըլուրներեն ու դաշտեն,
Ես կ'ունկնդրեմ հապըշտապ ու համարձակ
Քայլերուն՝ որ լուռն ուժգնորեն կը շեշտեն:

Ու կը պարե՛ն, իրենց նազանքն հարսենի
Ու նայվածքնին քողքած կազի մը շուշուով,
Իրենց վարսքին հետ կը խաղա սյուք մը զով
Եվ այտերնին կակաջի պես կը շիկնի:

Իրենց մարմինն՝ ակնվանի թափանցիկ,
Իրենց հոգին՝ համբույր համակ ու շուշան,
Իրենց սիրտը՝ հուր շրջմուխիկ ու բաղձիկ,
Իրենց ծիծաղն՝ արշալույս մը ջինջ գարնան:

Բ

Ուռենիներ, արտասուեցե՛ք տրտմագին
Գորովակաթ արցունքը ձեր արծաթե.
Քաղցր է ինձի զեղումն այդ ձեր թախձանքին՝
Որ տրտմանույշ կայլակներով կը կաթե:

Տիվանդորրին համբուն՝ ժամերն են ոսկի,
Ձեր սաղարթին գորշ ու տարփոտ շուքին տակ՝
Ուր բուրմունքը կու գա ծաղիկ ու հասկի
Եվ կը հնչե հուշքերուս ծափը խայտակ:

Ուր մերթ ձայնն ալ թմբկիկներուն հեռավոր,
Ու ծիծաղը բամբիռներուն արծաթի,
Ու գնչուհի երգիչներու տարփավոր
Միրերգներուն արձագանքն ալ կը ցաթի:

Ու երբ դարձյալ հովիտն համակ ընդգրկե
Անդաստանին վայրի լուռը թևավոր,
Ու երբ ծառուտքն ալ արբեցած խոնջենքե
Անշարժանա իր խոկին մեջ մենավոր:

Արագիւ մը կ'անցնի հանկարծ անվրդով,
Ցուցադրելով կարմիրն իրեն կտուցին
Ու կը տաքնա մեջն արևին հուր ցանցին,
Ու կը ցանե հոս հոն կափկափն իր թոթով:

Գ

Ուռենիներ, շիթ շիթ արցունք ցողեցեք,
Մինչ բուրմունքնիդ իմ հոգվույս մեջ կ'ամպանա,
Եվ այս չքնաղ անդորրության հեց՝ թող հեք
Երազանքըս պահիկ մը գեթ հեշտանա,

Եվ երբ իջնե լեռնեն հովիկն իրիկվան,
Ու սրսբիա թախձոտ օրհներգը սոսին.
Երբոր ցայտքերն ավազանին մեջ հոսին
Ու ձեր շուքին տակ թռչնիկներ թուլըռան.

Ու երբ արևն ալ քրքմաներկ վրձինով
Ոսկեզօծե սրգատամուկ ձեր հոգին,
Երբ համբույրի պես փաթթըվի ձեր շոգին
Անոր ցուքին՝ եղկ, տարփագին ու գինով.

Միշտ, համրագին կաթկըթեցեք դուք նորեն
Արծաթելու համար խորհուրդն անպարփակ
Որ շուքե շուք կը թռչըտի լայնորեն
Ընդգրկելով ամեն դալար շրջափակ:

Ու երբ ցայգն ալ ծառաստանին մեջ սահի
Սև մագիլով ձեր ջինջ հոգին ճանկելու,
Լացե՛ք նորեն, դուք համակերպ ու հըլու
Գողղըղագին ձեր տագնապին մեջ ահի:

ՑԱՅԳՆ Է ՊԱՅԾԱՌ...

Ցայգն է պայծառ անհունորեն
Ցուցըլանքովն իր խոլապար.
Օդանուշներ՝ որ մեղմաբար
Քնքշանքով զիս կը պարուրեն:

Բուստ համբույրով՝ որուն կարմիր
Կարոտովն իմ հոգիս կու լար,
Ինչպես փանդիո մը մեղմալար՝
Պոնդերու տակ մեղկ ու ցանցիր:

Պարզկա ցայգուն անուրջին մեջ
Լըվալ կ'ուզեմ հիմակ հոգիս,
Եվ հրահրել՝ երբեմնի շեջ
Աշտանակներն իմ երազիս:

Մըտածումըս կ'անցնի նորեն
Շափիղներեն իր լուսավետ,
Հեշտություններ հոգվույս հազվետ
Բերելով իր ճամբաներեն:

Գինո՛վ եմ ես ծաղկանց բույրեն,
Տարաշխարհիկ ու գրբավիշ,
Ու ձայներն ալ՝ որ քիշ քիշ
Իմ երազներըս կ'օրորեն:

Եվ անծանոթ աշխարհներուն՝
Անեզրին մեջ խորհրդագեղ՝
Կ'անդրադառնա մեջն իմ հոգուն
Կրկներևույթը գունազեղ:

Պիտի ըզգա՛մ ես տևաբար
Բուրումն անոնց ծաղիկներուն,
Որոնք հեշտին կը դառնան պար՝
Լուսացնցուղ ցողով լեցուն:

Պիտի ծըծե՛մ ես անդադար
Հոծ երազանքն անոնց բալին,
Ու շողերն՝ որ կը փալփալին՝
Ոսկեպաղպաջ՝ ինչպես նեկտար:

Պիտի անցնի՛մ ես խանդավառ
Այդ լուսոտոգ ուղիներեն.
Ես՝ ուխտավոր ուղեմուլար՝
Խորհրդածուփ թափառելեն:

Պիտի անցնի՛մ ես Անհունին
Հավերժալուռ երկինքներեն,
Մինչև հույզերս ամեն թոշին՝
Ու ես երկիր դառնամ նորեն:

ԻՐԻԿՎԱՆ ՁԱՅՆԵՐ

Կ'ալեկոծին տարփոտ ձայներն իրիկվան,
Հորձանքին մեջ հոգնակոհակ հովերուն.
Անրջածուփ, նըվաղ բույրերն երերուն
Վերջալույսին մեջ ոսկեզօծ՝ կը հևան:

Խըրախության աղաղակներ հեշտալուր
Կը պլլըվին այդ ցնծածայն նըվագին.
Ու կ'անհետին՝ մեջն այդ ծըփուն հորձանքին՝
Հեշտերգությանց թույլ ծըվեններ կցկըտուր:

Զիլ գեղզեզներ ու նըվագներ վրդովիշ,
Ու ջութակի սարսուտին գիծը կարմիր...
Արևմարքին ծաղիկն, որ չի՛ թառամիր,
Ինքն ալ գինով ըզգլխանքեն այս թովիչ:

Աղմբկահար սուլն ու արշավն հովերուն,
Հծծյունները ծաղիկներուն խատուտիկ,
Բարտիներս խարշափն ու ծափն հանդարտիկ,
Եվ համերգը խանդոտ՝ գետին մոլորուն:

Կըստվարանա ալիքն հրճվոտ այս ճիշին,
Ու կը բաղխի հոգվույս պորփյուր քարափին,
Ու կ'ոռոգե զիս: փրփուրին մեջ ծըփին
Երբ խնկագույն լույսերն ինձմե կը փախչին:

Արծաթ լույսերն հիմակ տակավ կը ծաղկին,
Ու կը ցայտե թավ հեծեծանքն ուտերուն,
Կազվարթ ժամեր լուսնի շիթ շիթ կաթիլքին
Մեջ կը թրթոան իրենց համբույրն անանուն...

Եվ հոգիներ կ'իյնան անոնց ծնրադիր,
Սիրերգությանց ըմպած հըմայքն հըրեղեն,
Պայեր անոնց միստիք ճամբան կը պեղեն,
Ու կը ցնծան լույսով՝ զենիթ ու նատիր:

Ու կը բացվի փալփուն՝ գիշերն երջանիկ,
Արձագանգներ կը խաղան դեռ հոս ու հոն.
Քերթված մըն է ցայգն համորեն, ջի՛նջ գեղոն՝
Որ կ'երփներգե ծափ ու ծիծաղ ու ծաղիկ:

ԱՌՏՎԱՆ ԱՌԵՎԻՆ ՄԵՁ

Ահա՛ կ'անցնի ցայգս անքուն,
Մութին ծածքը կը մաշի.
Ու կը կայթե կույսն այգուն
Իր քողքին մեջ մըշուշի:

Անցան սայլերն ալ դանդաղ,
Ու մըշակներն երգեցիկ,
Ու բանվորներն ու հոտաղ՝
Ճամբաներեն բալաձիգ:

Ճառագայթներ խուսափուկ
Լիճերուն մեջ կը խաղան,
Եվ հանկարծ թույր մը դեղձան
Կը ներկե ջուրը փափուկ:

Ու բոցեղեն լեզվակներ
Կը ծըծեն մեզն համորեն,
Արևին կյա՛նքն հըրեղեն,
Արևին փա՛ռքն անըստվեր...

Հոգիես ներս կը խուժե
Քրքումն ալիքի նըման,
Եվ հովիկին առտըվան
Գինովությունն հաշիշե:

Լիճը բոսոր հարսնուկի,
Ցորենի ծովը կանանչ,
Կը հծծին տաղն անձանաչ
Մըտերմասաց շըշուկի:

Ու մարմանդները ճանճկեն,
Ու սարերը կապտորակ
Եղկ հծծյունով մը կ'երգեն
Լույսին ոսկի պատարագ:

Տունկեր ոեհան ծաթրինի
Կը ծըխեն խունկ մը վայրի,
Որ կ'ամպանա ու կ'այրի
Բուրվառին մեջ արփենի:

Հոգիես նե՛րս կը խուժե
Քրքումն՝ ալիքի նըման,
Եվ հովիկին առտըվան
Գինովությունն հաշիշե...

Կը դառնան ժիր կախիլներն իմ ապրըշումն անրջանքիս,
Ոլորելով դեղին, ճերմակ մահն երբեմնի շերասներուն.
Խըռովանքիս մեջ կըսպասեմ, ո՛ւր, արդյոք ո՛ւր պիտի հանգի
Կույս ու ծաղիկ երազներուս դեղձան շառափը մարմըրուն:

Դառն հրճվանքով ես կը դիտեմ խելխուլ շրջպարն այդ դարձդարձիկ,
Գիրկն անդորրիս կիսամըրափ և անձկանքիս մեջ ամրափակ,
Տենչ մը դալար բաղեղի պես կը պլլըվի հոգվույս բաղձիկ՝
Ձոր տենդագին կը գալարեր հուր սերերուն ուժգին պապակ:

Հապօ՛ն, անցի՛ր, ծըծե՛ հեշտին համբույլն անույշ լելակներուն,
Ու թևաբախ սուրա հոն՝ ուր զույգ մը դաշտեր բիլ սմբուլի
Քեզ կըսպասեն՝ խնկապատար ցայգուն ցողովը թաթավուն,
Իրենց անհուպ միայնության մեջ՝ սրգավոր ու հեշտալի:

Շրջանն ըրե մարմանդներուն ու ծաղկածին հովիտներուն,
Անցիր տըմուչն ըստվերներու մեջ աղոթող անտառներին,
Գոտի հյուսե շուրջն ալետր քարշկպներուն ու գալարուն
Գետին վըրա՝ որ կը վազե հըռնդալեն ու հևալեն:

Անցիր փաղփուռն հյուսիսայգին բորբ աշքերու շամանդաղին,
Մինչև երդեմն արտոսրազօժ՝ կանացի բոց հոգիներուն,
Ըսե կրակոտ նայվածքներուն թե մանո՛ւկն եմ իրենց խաղին
Ու տար անոնց դողն ըստվերոտ պաղատանքիս իմ մոլորուն:

Այս իրիկուն, լուռ, անշըշուկ, օրհասին հետ բզկուններուն,
Ու խաղաղիկ հորձանքին մեջ թռչուններու ցայգանդորրին,
Այս իրիկուն, թե՛ ին անուրջիս, գընա՛, անցի՛ր, հուշիկ հեռո՛ւն՝
Լուսածըրար երկինքներու ճամբաներեն լայն ու լրդին:

Խուլ դարձիդ մեջ, գընա՛ պահ մը կայքն ադամանդ աշխարհներուն,
Ժապավենիդ վրա շարելով անոնց արցունքը գունագեղ.
Խորասուզե ծոպդ ոսկեզօժ՝ ծովածիծաղ ու թրթըռուն
Քընարին բիլ նայվածքներուն ծփծփանքին մեջ հոթազեղ:

Ու շնչահատ վազե մինչև միգամածներն ոսկեփոշի,
Ու ցնծագին անցիր անոնց մըշուշապատ շավիղներեն,
Բայց անոնց բյուր շըլացքներեն քու ճղճիմ հուրքդ երբոր մաշի,
Փութով ինծի՛, փութով ինծի՛, փութով ինծի՛ դարձիր նորեն...

ՎԱՅՐԿՅԱՆ

Թույլ շրջուն մը, հետո բույր մը մշկենի.
Նվ համրագին գիրքը ձեռքես կ'իյնա վար.
Երազներու պերճուհին է որ կ'անցնի,
Ու կը փոթի ծովակն հոգվույս մեղմավար:

Ու կը փոթի ծովակն հոգվույս մեղմավար,
Նվ ալիք մը թևը բացած կը վազե
Գրկել ափունքն իղձիս ոսկի ավազե:

Ո՛վ քաղցրությունը նայվածքին իր ծաղիկ.
Ո՛վ պերճությունը գընացքին իր հըպարտ.
Ճամբուն վըրա՝ իր քայլերուն հետքը վարդ՝
Ուր հեշտորեն կը հածի դեռ իմ մենիկ

Սիրտըս՝ բո՛ց մը՝ մըթնշաղին՝ մեջ անհետ...

ՋՈՒՐԵՆ ԴԱՐՁԻՆ

Երբ բըլուրն ի վար
Աղբյուրեն դարձին,
Իր վարսքի խորձին
Մեջը սողոսկի
Նուրբ մատիկն ոսկի
Արևի լույսին.
Հիր սափորն ուսին
Երբ բըլուրն ի վար
Աղբյուրեն դարձին,
Մեղմով ծածանի
Լաջակն հողմավար՝
Թևով թռչունի.
Ու ծիածանի
Թույրով պսպղղա
Աչքն իր գեղանի.
Եվ երբոր ցնծա
Հնչյունը՝ ծնծղա
Ջարդոսկիներուն.
Տենչանքով անհուն
Հոգիս պիտ՝ ըղձա
Գանձեր՝ զոր շունի:
Ծարավ շիղին պես
Պիտ՝ ըղձա անի
Երկու կաթիլ ջուր
Շուրթերուն իր կեզ:
Եվ իր ճակատին՝
Ձովացքը ցրտին,
Ճակատին կըրակ՝
Ձովացքը ցրտին,
Կարմիր սափորի
Ջուրին սառնորակ
Ցողովը բերրի՝
Կակաջ ձեռքերու...
Ա՛հ, այս իրիկուն

Սափորն իր ուսին
Աղբյուրեն դարձին՝
Սիրույս անանուն
Ջերմ սարսուռներով
Կը դողա սոսին...

ՄԱՌԱՆՈՒՂ

Նայ շոգոլին կապտորակ, թևատարած կը նստի
Ավաններուն լըռանիստ՝ նըվաղումին մեջ ոսկի.
Կարծես ծուխ մը հողն անդուլ դուրս կու տա իմ ծերպերեն:

Ու կը խայթե իմ հոգիս պարապն այս հոծ կապույտին,
Բիլ պատմուճան լուսաթել՝ որուն փախեր է կույսն հին:

Ու մըշուշը կը լայննա, ու մըշուշը կը լենա
Արտերուն մեջ՝ ուր խարտյաշ խորձերն ինկան գիրկ գրկի:

ԱՆՁՐԵՎ

Բացաստանը վարագուրեց անձրևին քողքն ամպային.
Գյուղակն համբուն ողողեր է ջուրին ծափծափն ընդհանուր.
Անդերու մեջ կը կաթոտի ճերմակ փրփուրն արծպային:

Օ՛հ լիությունն որ ամեն կողմ հրճվանքի պես կը գեղու.
Օ՛հ, քաղցրությունն ուր կը թափ անուրջս անհագ զերթ մեղու

Տարափն անդուլ կը լըճանա, կը շափշափե միշտ խայտակ,
Եվ արևի պես կը փայլի ճամբուն սալարկն ըսպիտակ...

Լուսնի լույսը ծառերեն ծաղիկի պես էր կախվեր.
Ապրիմ-մեռնիմ մը ձեռքըս՝ սիրույս ճամբան ես ինկա.
Ա՛հ, լըսեի՛ր, տերևին հովը ինչեր կը հծծեր:

«Կը սիրե՛ զիս, շի սիրեր, քի՛չ մը, բընա՛վ... տարվազի՛ն...»
Մեկիկ մեկիկ փետուեցի, գաղձերուն հետ ձանձրույթիս.
Եվ արյունոդ փուշին հետ սրտիս մխվող թախժանքին:

Ինչպե՛ս կրկնեմ բարբառը երիցուկին մարդարեւ,
Հե՛ք ծաղիկ, զոր խեղդեցի գայրկյանի մը մեջ անհույս՝
Ուր ձեռքիս մեջ կը սուրար ձեռքիդ երազն համապարեւ:

Ինչպե՛ս կրկնեմ տաղերը նարկիսներուն ու վարդին,
Ու վրպերզը՝ կեռասե բաղրոններուն վրա ձյունոդ
Ճերմակ բուրջան շափրակի բաղիչներու մեղեդի՛ն:

Շամանդաղին մեջ՝ թել թել կ'իյնա ջրցայտքն անտարբէր:
Լուսնի լույսին կ'երկարին առվակի զույգ մը թևեր,
Ու շրջավայրը կ'ըլլա աղապատանք մը տարփոտ:

Ճամբուն վերա կը կրկնե աղբյուրն անվերջ հեքեթներ,
Գուն հիացիկ մանուկի աչքի մը պես է բացվեր.
Ջրրաբքին մեջ կ'ուրվազրե լուսինն աղջկան մը պտուկեր:

Թավուտին մեջ թեաքաց, ահա՛, ահա՛իդ է կայներ.
Այժտերևին հոտուտի մատերն հերթըդ կը շոյեն,
Ու տերևներ վեհերոտ կու տան իրենց համբույրներ:

Մառախուղով կը լինա հին շրջագիծն երազիս,
Ուր ամբարձիկ մարմինիդ հըպարտ շուշանն է կեցեր.
Հոգվույդ կարմիր կարոտին, ա՛հ, պատարա՛ց ըրե զիս:

Ապրիմ-մեռնիմ մը ձեռքըս՝ նորեն դաշտերն ես ինկա
Ու տենչանքներըս գրկած լացի մարմինդ ըսպիտակ.
Դարձիս՝ ճամբան՝ սառե՛ր էր՝ տամուկ՝ լո՛ւյս ու լուսինկա...

Տրցակ մը հուսամ ու տրցակ մը ուրց
Բե՛ր, ձեռքերովըդ դիր զույգ քունքերուս
Խուցիս մեջ ցանե յուզեր հինավուրց:

Դափը ձեռքս առնեմ նորեն այս գիշեր,
Ու ձյուն լույսին հետ հոգվույս ցրցքնե
Բամբիոի ծափեր, վարդի թերթ ու շեր:

Բամբիոի ծափեր, վարդի թերթ ու շեր,
Բուրջան շոգիներ համալար ու մուշկի,
Որ կ'երփնաղօծեն երեկվան հուշեր:

Քիչ մը թեֆարիգ, քիչ մը վարդի ջուր,
Արև փծաղի, ծաղիկ ծամերու,
Զարդասկիներու բազմաճաճանչ հուր:

Եվ համբույր աննյութ, և համբույր անանց
Վարդով գծգծված անհուպ շուրթերու
Կուսածին այգիը՝ փաղփուն լուսացանց:

Անուրջի ցայտքեր, ըղձակաթ գիծեր,
Դո՛ւք, շարժուձևեր կաքավ ու պարի՛
Հոգիս բանտեցիք դղյակին մեջ ձեր:

Հոգիս բանտեցի՛ք դղյակին մեջ ձեր,
Ճերմակ ըստեղներ հուր դաշնամուրին,
Պըղինձի թույրեր, սակեցու կայծե՛ր...

ՋՐՏՈՒՔ

Հոյհո՞յ, գետը կը թրջե ցայգուն քամակն արծաթված,
Իր հորձքին մեջ ծեծելով անդուլ խարակն ու խութեր.
Հոյհո՞յ, առուն հորդառատ դալարին ծոցն է նետվեր
Գաղջ տարփանքովն իր ջուրին՝ ուր արևը կ'ապրի դեռ:

Հակուրջի մը առկախած գյուղական անդին կ'օրորեն
Անրջական հյուսվածքով խումբ մը ժայռի ըստվերներ.
Վանքին բակը՝ կ'աղոթեն հսկա ծառեր տարորեն՝
Որոնց տամուկ շուքին մեջ Աստվածամարն է կայներ:

Ու գյուղական դեմ նստած, երիտասարդ ու պշրոտ,
Պարտեզները՝ վերեն վար վազող ջուրին կըսպասեն.
Ա՛լ հափրացած խոլ գետին անարգավանդ դարպասեն,
Ու լոռությունը խածնող լուսանքներեն արհավրոտ:

Գիշերային ջրտուքի ժամն է. լույսին մեջ կայնած,
Մըշակն անքուն կըսպասե՛, ոտքը բուպիկ, բահն ուսին.
Պարտեզներուն վրա կ'իջնե թեթև քողք մը միգամած,
Ու ծղրիդներ՝ լուսնակով արբշիտ՝ անվերջ կը խոսին:

Ու կ'երկարի լուսարծաթ ժապավենն այդ բարբառին,
Ինչպես փախչող ասուպի կոթունները կաթնավետ.
Ավազին վրա ջուրերու կ'իյնա շառաշը վետվետ,
Խարույկները՝ ոսկերաշ՝ ուրեք ուրեք կը վառին:

Հոյհո՞յ, առուն կը հասնի ցանկապատին քովերեն
Եվ երգի քուղ մը կու գա պլլըված իր գոտիին.
Սյուք մը կ'անցնի, տերևներ ծա՛փ կը զարնեն ցնծազին.
Վարեն ջուրը կը խայտա, կը խնդա լույսն ալ վերեն:

Թումբերն անդուլ կը բացվին, ջուրն անդադար կ'ոռոգե
Վարդենիքը, թըթաստանն և ածուները բոլոր.
Բահի երկու հարվածով նայիս առուն կը թեքի
Օձաճապուկ ձևերով հեղուկ իրանն իր ոլոր:

Ջուրն անընդմեջ կը հոսի, ածուները կը լենան,
Ու, դարձուցե՛ք, կը կանչե ծեր մը մութին ընդմեջեն.
Խիճերուն ու սիկին մեջ, բահերը՝ խո՛ւլ կը հնչեն,
Ու, դարձուցե՛ք, դարձուցե՛ք, կը կոչե ձայնն անխափան:

Աղջընակ մը, արիշին տակ նստած, շե՛ր կը կանչե,
Ու հոգնաբեկ մըշակին օրորի մը պես կու գա.
Հողը ծրծեց ջուրերուն տարփանքն՝ որ դեռ կը հնչե,
Եվ հիմակ՝ թա՛ց՝ կը խոկա իր երկունքին ապագա:

ԱՍՏՎԱԾԱՄԱՐ

«... Ահա կաթիլ մի կաթին քումը
կուսութեան յանձն իմ անձրևեալ...»

ՆԱՐԵԿԱՑԻ

Կաթնածաղիկ ու կապտերակ գիշերին մեջ,
Մեղեսիկի փոշի մըշուշն ըլլամ ըսփյուռ,
Եվ առիգածն արծաթ՝ ջուրին վրա հոլանի.
Ու ձա՛յն ըլլամ, ըլլամ ծաղիկ, ըլլամ գեփյո՛ւտ՝
Ամեն իրի հըպիմ փափուկ թևերով գեջ:
Ըլլամ ջրվեժ, ըլլամ գետափ մը գեղանի,
Ըստվե՛րն ըլլամ խնկագունած այգիներուն,
Կամ գետերու հողմիկ ափաշն, ու գետաձայն
Հովին անցքը՝ երկնասլացիկ կատարներեն:
Կաթնածաղիկ ու կապտերակ գիշերին մեջ
Պատկե՛րն ըլլամ սրբազնացած ես համայնին.
Օղամանյա՛կ մ'ըլլամ ես թանկ և անմարմին.
Ու շուշփա մը՝ հաղորդությանը կաթնաձիր.
Գետեն անդին կանչե՛ս ինձի. Անցի՛ր, անցի՛ր.
Մեժ դյութության կայծակ մը տաս մըթար հոգվույս,
Ա՛հ, չըգայթի՛մ կոհակն ի վար ցընորքներու.
Թող համբուրե՛ աչքըս շահումն աչքերուդ կույս,
Ու չըգայթի՛մ կոհակն ի վար ցընորքներու:
Ահա՛ մագլիմ պիտի ցավիս սարակն ի վեր.
Երազներու սատափ ճամբեն ցրվե ամպեր.
Եվ իղձերու կապույտին վրա, վարդ ամպը դուն,
Վարդ ամպն եղիր՝ մերթ լուսինկան պատմուճանող:

Դո՛ւն, աստվածայան գեղեցկության արփափո՞ր հարս...
Սրբության հո՛ւյսը ձյունածիր ու հըրավարտ
Գիշերին մեջ կ'իջեն դեռ ուղիս լուսեղեն,
Գաթիլ մը կաթ՝ ծովացած բու սրբութենն.
Ու տե՛ս, ահա՛, կը մանկանամ, Աստվածամար,
Ու տե՛ս, ահա կը մանկանամ՝ գիշերին մեջ՝
Ուր լըսեցի ես աստվածայան ձայնին վայրէջ՝
Որ կը շաշեր աստվածարյալ հոգվույս համար:

ԱՌՆՉՈՒԹՅՈՒՆ

Այսօր կաթվարդ երազե մը արթնցա,
Գիրկս անսահման գրգանքներու է բացվեր.
Այսօր, Հոգի՛ս, պիտի բերեն քեզ ընծա՝
Նոր տարփանքիս թիթևոնիկին հիր թևեր:

Այսօր իդձով իմ հոգիս է կաթոգներ.
Ու վարդի պես կը բացվի սիրտս իբր ընծա.
Այն լուսոտոգ պատարագին սրբանվեր՝
Զոր ծափեցին իմ երազներըս ծնծոգս:

Երեկ գիշեր իմ հոգիս էր ինկած, ա՛,
Թավիշին մեջ կախօրրանին ոսկելույս՝
Զոր ճոճեցին մինչև առտու, մինչև Հո՛ւյս,
Ըղձանույշներն իմ Տենչանքիս նախընծա:

Այսօր լույսի ծովի մը մեջ արթնցա,
Գիրկս անհամար գզվանքներու է բացվեր.
Այսօր, Հոգի՛ս, պիտի բերեն քեզ ընծա՝
Մանուկ բույրեր և աղջրկան պես հովեր:

Մանուկ բույրեր և աղջրկան պես հովեր՝
Որոնց շուրթերն էին փնտոնը ընդերկար,
Ու գրկանքին խանդաղատ գիրկս էր բացվեր.
Երանությո՛ւն, լույս բոպեին մեջ երկա՛ր...

Եկո՛ւր, անցնինք ծառաստանն և յա՛ լուսին,
Ու բացատքեն Գույնին, Զևին ու Բույրին...
Եկո՛ւր, Հոգի՛ս, եկուր երթա՛նք միասին,
Մինչև Կրկնի՛ն աստվածածայն, մինչև կրկն...:

ԱՆՁՐԵՎ

Համբույրն անձրևին կը թրջե շափշափ
Վարդե գիծն անտես բերանի մը շուրջ.
Օ՛հ, աս ի՛նչ գրգանք, օ՛հ, աս ի՛նչ անուրջ,
Որ կը տամկանա, գաղտ ու հապըշտապ,
Իմ ծարավահյուծ, իմ որբևայրի
Իրիկուններու շուշանին վրա լուրջ:

Անձրևոտ գիշեր, գրթա՛ծ քահանա,
Թոթվե՛ սրբենի այգ տեղատարափ,
Զերթ մասունքի ջուր, մինչև որ լինա,
Մինչև որ լենա՛ բաժակն այս պարտապ
Իմ երազներուս՝ որ ոսկեմըրափ
Կեցեր է ցրտոտ մաքմարին վըրա:

Օ՛հ, աս ի՛նչ գրգանք, ո՛հ, աս ի՛նչ անլուրջ
Կու տաս դուն ինծի, անձրևո՛տ գիշեր,
Դո՛ւն, բարեբարի, գրթա՛ծ քահանա,
Որ հին կլկանքին ժողվեցիր փուշեր,
Եվ հնչեցուցիր բարբառո՞՞ ոսկի՛ մուրճ՝
Որ մտքիս նոր նոր զուռեր կը բանա...

ԶՅՈՒՆԻ ՑՆԾՈՒԹՅՈՒՆ

Պարճ է նյունին, փրսփրսուքը պարփկներուն,
Որ տանիքին վըրա ճերմակ էջ մը կ'ըլլա՝
Ուր կը հաժի գիրն անուրջիս իմ օրորուն.
Որ հոգվույս մեջ ալ ըսպիտակ հորձք մը կ'ըլլա,
Ու կը խուժե սարերեն վար գորշ խոհանքիս:

Եվ արևի՛ն կըսպասեմ ես ցնծապատար,
Միտքս երազով լեցուն համակ, ձեռքս ծափո՛վ.
Ունկնդրելու զանգակն անոր պատարագին,
Ու դիտելու լույսե աղջիկն՝ որ պիտի տար
Առջի բոցը՝ հուղումներու մարած ճրագին:

Ու տոնելու՝ ճերմակին փառքն այս ձյունեղեն,
Որ կապույտին կը լըծորդվի հորիզոնին,
Ու կանչելու համար հոգվույս մեջ վերբասին
Ճերմակ հույլ մը վաղընջական անուրջներեն,
Ու ծիածան մը գույներե վայրավատին:

ՄԵՌՆԵԼՈՑ

Ձըմեռ օր մը, ձյունին մեջեն, մի՞ս մինակ,
Ձյունին մեջեն, տարի դամբանն իմ հոգվույս,
Ժըպիտով մը ժընած նախկին սեր մը կույս.
Ըսպիտա՜կ վարդ՝ որ սառեցավ ձյունին տակ:

Գարուն մըն էր, և համբույրով մը բացված
Դամասկյա՜ն վարդ, գինով արփին գաղջ գուլեն,
Նըվաղեցավ ուրիշ սեր մը. սե՛րն, Աստված՝
Զոր թաղեցի՝ հուսատ՝ կյանքին կանչելեն:

Ամրան վերջն էր, նայվածքով մը բողբոջած
Դեղին վա՛րդս ալ ինկավ աշնան շունչին տակ.
Զայն վերցուցի՝ արդե՛ն եղած հիշատակ՝
Ու նետեցի փոսին մեջ, ցա՛ծ, ա՛հ, շա՛տ ցած:

Հիմակ ամեն մեռելոցի ես կ'երթամ
Անոնց մարմար դամբանին վրա ցրտաշունչ,
Աղոթքով մը, կորած մեզին մեջ տարտամ
Անոնց հուշքին, մըտաթափառ, լուռ ու մոռնջ:

Ու մըտածումս ալ, հե՛ք նժդեհ քահանա,
Խաչ հանելով կ'ըսե բառեր լուսեղեն.
Ու նայվածքըս կը բաժնըվի երբ հողեն,
Հոգիս զանոնք անգա՛մ մըն ալ կը մոռնա...

ԵՐԿՈՒ ՍՔԻՆԳ

Սըրինգ մը կա մեջն երկդիմի այս առտըվան,
Մայրի մեծ ծառին դիմաց ու փըլուզակ
Մոլոշագույն որմին ներքև. սըրինգ մը որ
Կը սրսրփա ցավը լույսին, որ չի՛ ծագիր...
Երգը՝ իղձի և հառաչի թեկ մըն է հիր՝
Որ կը հյուսվի անկյուններու մեջ արփավոր
Ու կ'անհետի մըշուշին մեջ՝ որպես սուզակ՝
Որ ընդերկար հավետ չի՛ գար ա՛լ երևան:

Սըրինգ ձքն ալ այս առտըվան մեջ մանիշակ.
Սըրինգն է ան այժհորանի անդեորդին,
Որ մեզին մեջ կը ծագեցնե երգ մը՝ արև
Ու ասմազուն ըմպած դաշտին տեսիլն ոգող:
Ու տրամուծյունն այգուն՝ կ'իյնա պահ մը զերթ քող.
Ու պարիկ մը քուսայթ՝ հոգվույն կու տա բարև.
Ու ծառերու ծաղկանըկար սրահակն հեշտին
Ընդնշմարել կու տա լիճին կույսը խածակ:

ԱՆԱՆՈՒՆ

Վայրի՛ ծաղիկ, անունդ ի՞նչ է.
Ըսե՛, մասուր ու կանանչե
Ցանկապատին շուքին նստած
Վայրի՛ ծաղիկ, անունդ ի՞նչ է:

Ըսպիտակ, կաթ ու մազտաքե
Բուրող ծաղիկ, անունդ ի՞նչ է.
Ըսե՛, քի՛չ մը գեթ շե՛ս դողար,
Հովիկն անույշ երբոր փըլե...

Հըպա՛րտ ծաղիկ, անունն ի՞նչ է
Պարիկին, որ անցավ քովեդ,
Հեզուկ ու սև սաթի վետովետ
Ցայտք մը ձրգած իր քամակեն:

Գիտե՛ս, ծաղի՛կ, անունն ի՞նչ է
Դողին՝ զոր քեզ տըվավ հովիկ,
Ու ձայնին՝ որ զիս կը կանչե...

Առտուն, մանուկ՝ որ գերթ ծաղիկ կը ցնծա՝
Եվ հոգիին կը բերե բույրն իր նորոգ:
Եվ ամեն կողմ երթալ ուզող գերթ մանուկ՝
Առտուն՝ իմ ալ թևես բռնեց ու տարավ
Բըլուրեն վեր, դեպի դաշտերը տամուկ:
Եվ անապակ իր աչքերուն նայեցա,
Եվ աշխարհնե՛ր տըվավ հոգվույս իբր ընծա:
Հորիզոններ՝ ուր լույսն անհուն կը ցնծա:
Եվ հոտեան ձեռքին եղա ուշադիր՝
Որ շեշտակի Գարնան Հյուղը ցույց կու տար,
Որուն դրբան առջին կանգուն կը խայտար
Մաղկապատար Հյուղին Գարունն անպատիր:
Մաղիկ մըն էր, ա՛ն ալ, փափուկ ու բուրյան:
Մաղիկ՝ վարսերն ոսկինարգես՝ ու ծաղիկ՝
Թարթիչներն ու աչքեր, ճակատը շուշան,
Եվ այտերը կակաջ, բերնակն ատրուշան,
Թուշը շափրակ, այծտերեխ՝ իր ձեռքեր:
Եվ իր հոգին բուրմունքի հեշտ երգն ուներ,
Արփիացող, ջերմին ինչպես ծաղկանոց:
Ու կը կանչեր գունեղ Գարունն Հյուղին՝ գիտ
Իր համբույրին՝ ինչպես նայադն երազիս...

Գ

ԵՐԳԸ

Ժամը վեցն է. հյուղակը ծառերուն դեմ կը խնդա,
Ու շարանճար հովիկն ալ՝ ծաղիկներուն խաղընկեր՝
Կը պղպրջա անհանդարտ, պզտիկ երգեր կը կարդա,
Եվ կամ նայիս մերթ գաղտնի լրճակին ծոցն է ինկեր:
Ես երազուն, ջրեզրի ուռենիին կոթընած,
Միջօրեին մեջ անհետ՝ թելն ըղձանքիս կը փնտռեմ
Մըտամուր. և հանկարծ նուրբ կամրջակ մը ոսկի՝
Հյուղեն երգ մը՝ կ'երկարի մինչև ափունքը նըսեմ,
Մինչև ափունքն իմ հոգվույս՝ ուր կոհակ մը հեղակարծ՝
Ոսկի գետեն արևին՝ եղկ ու հանդարտ կը պառկի:
Օ՛հ, Գարունն է Հյուղակին, շատըրվանը իմ հոգվույս՝
Որ լուսասփյուռ ցայտք մըն ալ ինձի նըվեր կը խրկի.

—76—

Ու միջօրեն բովանդակ մետաքսահյուս ցանց մըն է,
Ուր բռնըված կը կանչե բաղձիկ թռչնակն իմ հոգվույս:
Պիտի սիրե՛ք եզ հոգիս, պիտի սիրե՛, սիրո՛ղ ձայն,
Քու հոգիեդ բաժնըվող ցայտուն կոհակն արծաթի՝
Որուն փըշուրն անհամար աստղերու պես կը ցաթի
Տիեզերքին մեջ հոգվույս՝ ուր ուրտաներ կ'իյնան լայն...

Դ

ՄՐՈՒՐԸ

Իրիկունը, մետաքսներու պես փափուկ,
Իրիկունը՝ շարբաթներու պես քաղցր է.
Իրիկունը բաժակն է՝ շուրթը տամուկ՝
Զոր նայադ մը հըրամցընել կը բերե:

Օ՛հ, գիտ հիմակ հյուղակին դուռը տարեք,
Լուսաշապիկ օղանույշներն իրիկվան,
Ավազանին մոտ, ուռիին շուքին տակ՝
Օ՛հ, գիտ հիմակ հյուղակին դուռը տարեք...

Այս բաժակին հեղուկն ո՛րքան հոտեան,
Այս բաժակին հեղուկն ո՛րքան հեշտին է.
Թավուտքներուն մեջը քիչ քիչ կը մթնե՛.
Պիտի փշրի՛, ավա՛ղ բաժակն իրիկվան...

Շրթունքներըս վերջին պուտին են ծարավ,
Ու ես Գարնան Հյուղին տարփոտ շուքին տակ
Կը մոտեցնեմ երկչոտ՝ բաժակն իմ բերնիս.
Դիրտ մը կա հոն, զոր հեզ հոգիս դժվարավ

Ու դառնությամբ կ'ըմպե մինչև իր հատակ.
Հյուղին կույսն է՝ որ մըթնշաղն իմ սրտիս
Կը սևցընե՛ հեծկալուքով մը գիշեր...

Կը հեծեծե՛, ու չի՛ գիտեր թե քարին
Քավող սի՛րտս ալ ինկավ ցայգուն մեջ խորին:

—77—

ՀՅՈՒՂԻՆ ԱՇՈՒՆԸ

Այժամարդեր հովին քընարն են կապտեր,
Ու պարտեզին մեջ անդադար կը զարնեն
Խառնանրվազ եղանակ մը խուլական,
Որուն ջուրն ալ կը խառնե մերթ իր կերկեր:
Շահպրակները մընացեր են առանձին,
Լըճակին շուրջ, թաղարներու մեջ թիթեղ,
Ուր կայլակ մը կ'իյնա կարմիր, ամեն հեղ
Որ հովն անխիղճ ենթարկե ծառն իր ցունցին:
Հյուղն աներազ կու լա ծըպիտ մը դաժան.
Պատուհաններն՝ անվարագույր, անթաղար,
Տժգույն բաղձանքն ունին լույս ու կապույտի:
Ու ցավագին և անթարթիչ զերթ կոպեր,
Ուր անծաղիկ աշնան մը թուխալը խաղար՝
Հոն անանուն թախծություն մը կը փթթի:
Բայց, երիզված ժապավենով ճառագայթ՝
Ամպերու գորշ վիժակներուն ետևեն՝
Կ'երևա բիւ շարեշապիկ մը անգայտ՝
Որ երազել կու տա հյուղին, ոսկեղեն
Պերճությունը նոր գարունի մը կուլսին...

ԸԼԱՅԻ՛, ԸԼԱՅԻ՛

<1> ԻՐԻԿՈՒՆԸ

Սա իրիկունն ըլլայի ես
Եվ հրպեի ճակտին ամեն անցորդի.
Չքնադագեղ ու նըվաղուն համուրդի
Սա իրիկո՛ւնն ըլլայի ես:

Սա իրիկունն ըլլայի ես,
Լի երգովը թոշուններուն, մարդերուն,
Ու տարրերուն աղաղակովը տրոփուն՝
Սա իրիկո՛ւնն ըլլայի ես:

Սա իրիկո՛ւնն ես ըլլայի,
Թույլ, նազենի, շըղարշային, վարդաբույր,
Ու ծըփայի զերթ ոսկեսար վարագույր
Վըրան ամեն հոգիի:

Սա իրիկունն ըլլայի ես,
Լի զանգակին ղողանջներովն երկնաճեմ:
Ինկապատար, օծուն, ջահված ժամի պես
Սա իրիկո՛ւնն ըլլայի ես:

Սա իրիկունն ըլլայի ես,
Իմ անդորրիս մեջ ոգևար աղջըկան
Մարող ճրագին բոցեր տալու իմ ցուքես.
Սա իրիկո՛ւնն ըլլայի ես:

Սա իրիկունն ըլլայի ես,
Լի գոռ ծափովն օվկիանի ջուրերուն.
Սյուքին ծաղիկ մեղեդիքովն ակաղձուն,
Սա իրիկո՛ւնն ըլլայի ես:

Սա իրիկունն ըլլայի ես,
Որ կը մարի սատափ բարձին վրա ցայգուն.
Թոթափող վարքսը զունագեղ ու ծըփուն,
Սա իրիկո՛ւնն ըլլայի ես:

Սա իրիկո՛ւնն ըլլայի ես,
Համայնական, չքնաղ, քաղցրիկ, լուսագես.
Եվ ամենուն տայի հուրքես, ոսկիես:
Սա իրիկո՛ւնն ըլլայի ես:

<2> ՀՈՎԸ

Ալիքներուն վրա ոստոստող հովն ըլլայի,
Ու ջուրերուն խուլ մրոտնջին մեջ ամայի՝
Զկնորսներու ականջն ի վար փսփըսայի
Սիրված երգեր, քաղցրությունով օծուն բառեր:

Հովն ըլլայի կատարներուն վրա պարանցիկ,
Ու ձյունին մեջ սառող մարդուն համար լայի.
Հովն ըլլայի՝ հողվրտիքին մեջ երգեցիկ՝
Ու ծրծեի տակավ գաղտնիքն ես Անդիի:

Զմեռներուն ես ամպավար հովն ըլլայի,
Եվ անձրբազ խուղերու ճիշն հորձքիս ձուլած,
Անցորդներու հոգվույն վըրա փշըրվեի
Իբրև ալիք: Ու տանեի հոն կոծն ու լաց

Տըղաբերին, որ հողին վրա կը գալարի
Եվ անսրվաղ մանուկներուն, ու գրկաբաց
Մատաղատի, որդեկորույս մորն ալ՝ որուն
Տարիքին բոցն հոգվույն մուխին մեջ կը մարի...

<3> ՀՅՈՒՂԸ

Դաշտի ճամբու մը վըրան,
Կամ ըստորոտը լերան,
Ուղևորին ժամանման
Հսպասող հյուղն ըլլայի:
Ու գգվանքիս կանչեի
Ես ճամբորդներն անժաման,

Ու ճամբուն վրա մենավոր,
Ու ճամբուն վրա ոսկեման,
Եկվորներուն դիմավոր՝
Մըխանիս ծուխն ամպեի:

Ու գրգանքիս կանչեի
Ուղևորներ պարտասուն,
Ու բարևի մը փոխան
Հազար բարիք ես տայի:
Հազար բարիք ես տայի.
Գուր կրակին ճարճատուն,
Կուժքը բերրի դաշտերուն,
Բոլոր միրգերն աշունի,
Ու մեղր, ու կաթ, ու գինի...

Ու լըսեի ես ցայգուն,
Քովը կրակին ճարճատուն,
Երգն իրիկվան եկվորին.
Ու ջամբեի ես ցայգուն
Երազներով պատարուն
Նինջ՝ իրիկվան եկվորին:
Ու լըսեի ես այգուն,
Սրտապատար ու տրոփուն

Գովքն իրիկվան եկվորին.
Ու դիտեի ես այգուն,
Ու խոկայի օրն ի բուն
Երթն իրիկվան եկվորին...

Ու ձմեռներն ալ համբուն,
Հըրավիրակ զըվարթուն,
Կանգնեի քովը ճամբուն.
Ու ձյունապատ հեք մարդուն
Ծս հայրորեն, լայնաբաց
Երկու թևըս պարզեի.
Մի՛շտ քաղցրադին, նյութացած
Հըրավե՛րն ես ըլլայի:

Ա՛հ, ըլլայի՛, ըլլայի՛,
Գաշտի ճամբու մը վերան,
Կա՛մ ըստորտուր լերան,
Ուղեորին ծամանման
Ըսպասող հյո՛ւզն ըլլայի՛

ԲԱՂՁԱՆՔ

Արտաշես Հարությունյան բանաստեղծի

Բարձունքներու լայնշի ճամբան ըլլայի,
Որ ծաղկահայու կողերի վեր կը մագլի,
Ու զագաթին հասած՝ նոր ու հեշտալի
Հորիզոնին սնդուս գիծին կը նայի:
Ու տանեի հոն հոգիներն ըսպառած,
Ձանձրույթն՝ որոնց ուրտին վրա կը փլչի:
Ու ցույց տայի՛ լայն հորիզոն անուրջի՛
Բերրի դաշտերն ու ճամբաներն անմոռաց՝
Ուր քաղցրությունն հոգվույն կ'ըլլա հակուրջի:

Կատարներուն, հազած երանգ հինայի,
Մրգաստանին, այգիներուն, դաշտերուն
Մեջ պարագնաց հովին խմբերգն ըլլայի:
Եվ ըլլայի ձայներիզը թրթրուն,
Աղբյուրներուն, կապուտաչի ահերուն,
Լիճին խազաղ, ծալծալ մրմունջն երկրուն,
Շառաչն հրզոր՝ օվկիանին, գետերուն,
Համայնական Ձայնն ըլլայի, Ձայնն անհուն
Ու խնժիղովս անպարագիծ ու կայտառն:
Քերթողներուն լեցվեր հոգին ամայի:

Անտառներու մենուֆյան մեջ սխրալի,
Ամբարձուքեջ ծառերու մորճ թևերուն
Վըրա թառող լրտությունն՝ ես ըլլայի:
Կամ ըլլայի արահետը փնտրույնս:

Մառաստվերի մութ ձորձին մեջ պլլովող,
Կամ ըլլայի կոհակուռույց ալելուն
Հարևանի հեղեղատին լուսաշող,
Ու քերթողին տաղես վանկեր ես տայի:

Երգն ըլլայի թռչուններուն ծնծղաձայն,
Ու դառնայի ուրախության ճիշ մը լայն,
Բանաստեղծի հոգիներուն մեջ նրկուն,
Ուր կը թախծի խոհանքն ամպոտ, անանուն՝
Ինչպես որի՛ թառած շիրմի մը գլխուն:

Եվ ըլլայի լույս, Ձև, Երանգ, Թրթրում,
Կյանքի փաղփուցն պատմուճանը ծիրանի,
Կենսաբաղձիկ հոգվույն երազն անպատուճ:
Եվ անձրեկն վերջ անարև ու տրտում,
Հառաչաձայն անձրեկն վերջ երբեմնի,
Նըշուլի ես վայրկյաններ երջանիկ,
Արևաշող ժրպիտ, ծափեր ու խնդում՝
Բանաստեղծի հոգիներուն մեջ մենիկ:

ՀՈՎԸ

Պատուհանըս մատնահարեց ու անցավ,
Հովն հերարձակ աշունին.
Չարաճըճի ինչպես աղջիկ մը, ինչպես
Խաղընկեր մը՝ դրրան ետին մոռցրված՝
Պատուհանըս մատնահարեց ու անցավ,
Հովն հերարձակ աշունին:

Իր ետեկն կը վազեմ ես շնչահատ,
Ու շըվարուն ու հոգնած:
Ինք խույս կու տա իմ գրգանքես, թևերուս
Պարապնդումն է դատարկ.
Բայց ա՛նառակ՝ երկու ձեռքես կը փախչի,
Մինչ ետեկն կը վազեմ ես շնչահատ,
Ու շըվարուն և հոգնած:

Մինչև դաշտերը կը վազեմ հետապինդ,
Մինչև անտա՛նն իսկ կ'երթամ.
Բայց ամենուն կրնա ընել ինք դարպաս.
Թուփին, ջուրին, տերևին.
Ու լըճակին գիրկը կ'իյնա, կամ տեսնես
Սառին կատարն է թառած:

Մանուկի պես կը պլլըվի երբեմն ալ
Մայր թուփերու քըղանցքին.
Եվ երբ զինքը կը կանչեմ ես սրդողած՝
Կը քրքըջա ինք անդին:
Շա՛շ, ապտակ մը կը զարնե մերթ երեսիս,
Նույն վայրկյանին կը փախչի,
Եվ ես ի զո՛ւր կ'իյնամ նորեն ետևեն,

Մինչև դաշտերը կը վազեմ հետապինդ՝
Մինչ անտա՛նն իսկ կ'երթամ...

Եվ երբ հուսատ կը հեռանամ թիկնադարձ,
Կոնակես վե՛ր կը մագլի,
Կամ մազերըս կ'ուզե համբել, կամ հանկարծ
Ուժգին մեջքիս կը փարի:

Եվ երբ ցասկոտ նորեն ետիս ես դառնամ՝
Վաղո՛ւց փախեր է արդեն,
Ու շորս կողմըս կ'ավրըշտըկե ու վարդեն
Կ'առնե անոր սակավարյուն շափրակներ.
Ու, դարձյալ՝ երբ կը հեռանամ թիկնադարձ՝
Կընակես վե՛ր կը մագլի...

ՏԵՐԵՎՆԵՐԸ Կ'ԸՍԵՒՆ...

Ոսկի շաղով օծեցիր
Կապույտ ծաղիկն ակերուն,
Լիճերու պորտը սարսոռուն,
Ու գետակներն ավինածիր:
Արև՛, մե՛զ ալ ոսկեղօծե, արև՛, մե՛զ ալ, ա՛հ, մե՛զ ալ...

Ոսկի թույրեր սրսկեցիր
Բըլուրներու կողն ի վար.
Փայփայեցիր հողմավար
Դաշտերուն վաբաքը ցանցիր:
Արև՛, մե՛զ ալ զգվե մոտեն, արև՛, մե՛զ ալ, ա՛հ, մե՛զ ալ...

Ոսկի մատիկդ հըպեցիր
Եվ համբույրիդ դըրիր բոց,
Իրիկվան մեջ այս հեշտին,
Մարիներուն ու մարդոց,
Աղջիկներուն՝ կաթնածիր
Ու վարդ մըշուշ ճակատին:
Արև՛, մե՛զ ալ ողջագուրե, արև՛, մե՛զ ալ, ա՛հ, մե՛զ ալ...

Ոսկի կյա՛նքը մեզ տըվիր.
Եվ առանցքը դուն եղար
Մեր ավիշին հոժ տենչին.
Տակավին մի՛ բաժնըվիր
Եվ հնչեցուր ոսկելար
Անհուն քընարդ՝ հե՛ղ մըն ալ.
Ուզե քիչ մը համենալ,
Համբուրե՛լ մեզ վերըստին:
Ու չը ծագած դեռ ջնջին,
Բայց անգորով ու ցրտին
Լույսն անհունեն մոլորած
Լուսավորին առաջին
Կենսավետե մեզ ամենս ալ, արև՛, ամենս, ամենս ալ...

Կ'ԵՐԹԱ ԱՐԵՎՆ ԻՐ ԶԱՏԻԿԻՆ...

Կարմիր, նախշուն հավկիթի պես
Կ'երթա արևն իր Զատիկին.
Ահա՛ կ'առնեմ, կրկին կրկին,
Մեղույշ բարևն՝ իր ծառերեն
Ներս երկարող հույր թաթիկին:
Անցա՛վ ծովեն մեծ կույսն հրավարս,
Ու կապույտին եղավ ինք հարս:

Ու ջրծաղիկ մը զերթ՝ լայնշի
Լըճակին մեջ. ամպ-մըջուշի
Լըճակին մեջ հորիզոնին՝
Դեղին թերթերն իր կ'ընդունին
Ձենիթին երգը վարդապին:
Եվ երկինքի նոր տարփանքին
Եվ հիացքին զերթ նըշանակ՝
Կ'ընծայվի թանկ ու փառունակ
Շողակն առջի լուսավորին:

Իր շրջակայքի
Հովանոցներուն մեջ կը պըտուտքի,
Հոն ծաղիկներուն ու տերևին հետ,
Ըսպասելու որ ծագի
Լույսն առաջին լուսավորին:

ԻՐԻԿՎԱՆ ԻՂՁ

ԻՐԻԿՎԱՆ ՄԵՁ ԽՈՒԿԻ...

Օրիորդ ՆԱՐԴԻԿԻՆ

Իրիկվան մեջ խորին,
Երբ օդահած կը թռչի,
Միրանեծաղիկ փետուր անուրջի՝
Հիր ճառագայթն արեփն՝
Հեծքն է աղբյուրին մեջն ամեն ճիշի:
Իրիկվան մեջ խորին,
Երանգներ երբ ջուրին
Մեջը մարմըրին,
Ու թանձրամած ժրտորին
Իյնան թևերը մեկեն.
Իրիկվան մեջ խորին՝
Կարկաչն աղբյուրին կը կանչի հատակ՝
Հովիկ նաժիշտն՝ իր ջուրին
Խաժ հանդերձը փոթելու
Եվ իրիկվան մեջ խորին,
Սանըր ինչպես ալելու,
Կարկաչն աղբյուրին կը կանչի հատակ,
Դեռ համեցող հոտն ըսպիտակ
Գառնուկներուն՝
Որոնք հեռուն՝
Մըթնշաղին մեջ կ'իյնան
Բաղիլներուն պես ձյունիծ:
Եվ իրիկվան մեջ խորին,
Իրիկվան մեջ ծավալահան ու բուրյան,
Կարկաչն աղբյուրին.

Իրիկվան մեջ անհետելու հույսն ունենալ,
Եվ հանձնըվիլ նուրբ կածանի մը ջրմայքին.
Խորխի մը պես թողու՛վ ճանձրույթն ու հափրա՛նքն ալ.
Եվ անդորրով պատմունճանն՝ Լ հիվանդ հոգին:

Ու լույսերով պարածածկել հիվանդ հոգին:
Քույր անհնալ ջուրին կարկաչն ու կապույտ բալ,
Եվ անկնդրել ճամբուն քովերն երգող սյուֆին,
Մեծ քաղցրությա՛ն մը խառնըվիլ, ու մենանա՛լ:

Ընկե՛րն ըլլալ ցորեններուն. մրգաստանին
Դուռը բանալ զավկի մը պես, մըտերմորեն,
Ու թողուլ որ շահարիկներ ըզքեզ տանին

Քևապարփակ՝ լայն լըռությա՛ն մը համորեն:
Հոն շրջափյուռ ծառերուն հետ եղբայրանա՛լ.
Տարփո՛ղն ըլլալ ծաղիկներուն. ծովածավալ

Իրիկվան մեջ՝ անհետելու հու՛յսն ունենալ...

Իրիկունս է բարի՛, բարի՛, ու լիաձեռն ու հոտեան.
 Ոսկի ուղ մը՝ կամուրջ եղած ընդմեջ տիվին ու գիշերվան:
 Վարսաղիտակ ծառերուն տակ կը կղկաթիմ լույսին համար.
 Արևին պերճ լույսին համար՝ որ կը փաղփի քրթմանը կար
 Մեջն հոտեան ծայրիներու ծայրածավալ ծաղիկներուն՝
 Ուր դիցանվեր բաժակներու քամեց ամբրոսն անհազ մեղուն:
 Մառոց ետին ճաճանչավուխտ պաստառ մըն է արևն ոսկի,
 Ուր ծաղկածին ուղեշներու ճամուկ հյուսքը կը սողոսկի:
 Ու գեփյուռն ալ, կայտոուն համբույր, մանկություն մ'է վերադարձած.
 Ու ջրցայտքն ալ՝ փսփսուքն է բարեկամին՝ մըտերմասաց:
 Սյուքն աղջընակ՝ որ հյուսիսեն կը քնքշանա հոգվույս վըրան.
 Ու ջրցայտքն՝ որ լաջակ կ'ըլլա նարկիսներու գլխուն դեղձան,
 Կամ արտասուք՝ աչքերուն մեջ շահպրակներու հուլիին ցիրցան:
 Ու քաղցրությամբ կ'օծե մենիկ ծաղիկներուն այդ լըռարան:
 Ու թերթիկներ՝ շահարիկի շընորհք՝ կ'իյնան փիերուս մեջ,
 Բաց փիերուս՝ որ կ'երկարին լույսի խործին փողփողենէջ:
 Ահա՛ կ'անցնի, մըշտուված բիւ կազով տեսիլ մ'ալ գերթ ալիք.
 Զարմանուհի մ'է վարսագեղ, կաթ ու վարդի՛ հըրաշալիք...
 Հավերժահարս կաթ ու վարդե, ծաղիկ, ճաճանչ, ջուր ու գեփյուռ...
 Շա՛տ էր լեցուն հոգվույս, ո՛վ Տեր, բազմազեղումն այս շրջասփյուռ

ԼՈՒՍՆԱԿ ՔՈՒՐԻԿԻՍ

Ա.

Երեկ գիշեր մոռցեր էիր,
 Լուսնա՛կ, գիտե՛ս,
 Երեկ գիշեր մոռցե՛ր էիր պատուհանիկս իմ համեստ.
 Պատուհանիկս իմ անտես՝
 Ուր մութ մը գորշ վիժակի պես էր կախվեր:
 Հոգ չէ՛ր, այդ մութն ըրի խորան հսկումի՛
 Ուր պաշտանքի ո՛չ մեկ ծաղիկ կը թոռի,
 Ուր մութի տակ լոկ նինջ մը կա լուսանվեր:

Երեկ գիշեր անցար քովես,
 Անցար, գո՛ւցն անգիտակ,
 Անցար՝ և ես՝
 Քու հեռավոր պերճանքներուդ շլացքին տակ՝
 Զուրի ցայտքի մը պես զըվարթ՝ հծծեցի:
 Օ՛հ, պարտեզը չէ՛ մոռցեր,
 Եվ արիշն ու սարբինան
 Իր լույսերովն է օծեր:
 Ու նայեցա հանդիպակաց ծաղկաստանին ալ վըրան,
 Լեւակներուն վրա կապույտ,
 Զքնաղ, պշրոտ ու անփույթ՝
 Դաստակդ էիր երկարեր:
 Ու դիտեցի,
 Չէիր մոռցեր սա ծըխանն ալ դըրացի,
 Չէիր մոռցեր և ճամբաներն ամալի,
 Չէիր մոռցեր...
 Չէ՛, այսօր ալ զիս մոռնայիր.
 Եթե այդպես պետք էր ըլլար, որպեսզի
 Արծաթեիր շուրջս անխըտիր
 Ամեն դալար ու ծաղիկ:
 Որովհետև ես քեզի
 Մտքիս թևո՛վն ալ կը հասնիմ երջանիկ.
 Քանզի նույն իսկ եթե ըլլաս
 Ամպին ետին ալ պահված՝
 Ես կը հասնիմ անկասկած,
 Քու պերճ կայքիդ՝ հեք իրերուն համար անհաս:
 Ես կը հասնիմ անկասկած,
 Քեզի՛, քեզի՛, քո՛ւյր աստված,
 Եթե երբեք իմ հոգվույս
 Լուսախորշին մեջ պահված
 Վերջին նըշույլն ալ՝ անլույս
 Խոռոչի մը ծոցն իյնա.
 Վերջին նըշույլն այն ցուքերեն՝ զոր գիշերներն եմ ժողված.
 Կիալուսնի արծաթաշող գիշերներն՝ ր...

Պեղած Բարսեղյան բարեկամիս

Մահի՛կ ոսկեսար, այս գիշեր նորին
Սարսուացի լույսիդ մեջ երանական.

Եվ հոգիիս մեջ ինկան
Խայտանքի նոր թիթեռներ.

Միածանի սանդուխեն վեր՛
Նոր երանգներ տարորին:

Մահի՛կ ոսկեսար, այս գիշեր նորին,
Մոռցրված երգի ծրվեն,

Կամ անուն,
Անհուշության ոլորտներուն

Միզամածին մեջ կորսրված՝
Դուն՝ ծաղիկներ ցնծության

Նըշուկեցիր հեղակարծ,
Հոգվույս մեկ փրուզակին վերև,

Հինավուրց որմի մը բացատքեն:
Մահի՛կ ոսկեսար, այս գիշեր նորին,

Մեկ լուսեղեն վայրկյանով,
Տարագրեցիր հոգվույս մըռայլն համորեն:

Օ՛հ, աս ի՛նչ ճախրանք, օ՛հ, աս ի՛նչ գորով,
Այս գիշեր, նորին,

Պատուհանես ներս սահեցար հուլորեն.
Շոշափեցիր վարագույրներն ըսպիտակ.

Եվ աշտանակն արույրե,
Եվ հայլիին մեջ վառեցիր նոր նրբաբո:

Եվ ամեն մեկ հրպուժիդ
Հոգի՛ս էր որ ինկավ լազվարթ ձեռքիդ տակ:

Ներե՛, ա՛հ, ներե՛,
Որ վայրկյան մը վերջ, հիմակ,

Սեղանին վրա նյութե լամպարս եմ վառեք,
Ըսե՛լու համար թե քեզ չե՛մ մոռնար, թե քեզ չե՛մ մոռցրա՞:

Ի՛նչ արբեցությամբ, ծառեր, լույսին մեջ,
Մառեր հովին մեջ և անձրեներուն,

Վարսավոր ծառեր, ծառեր երկնուղեշ,
Ու ծառեր մատաղ՝ ծովածուփ կանանչ

Ցորենի ցանքին գոգն ինկած շվարուն՝
Ամենն ալ կյանքին կ'ըմպեն հոբո ճաճանչ:

Ի՛նչ արբեցությամբ խոտն՝ որ հողեն վեր
Կ'ելլե, ըզմայլո՛ւն՝ կը բանա լույսին՝

Վայրկյան մը ապրող իր ցողե աշքեր:
Ի՛նչ արբեցությամբ ծաղիկներ շագին,

Մաղիկներ լույսին, մըտերիմ ձեռքին,
Ըսպատմաներուն մեջ կը նըվաղին:

Ի՛նչ արբեցությամբ ամենմեկ արոտ,
Ամենմեկ բլրակ՝ իր կանանչ ճակտին

Կը կապե երփնած ծաղիկե նարոտ:
Ի՛նչ արբեցությամբ դաշտերեն խորոտ,

Եվ հարս հովիտեն՝ կարմըրոտանի
Կ'առնե արագիլն իր դարձին կարոտ:

Ի՛նչ արբեցությամբ սայրակներն, արթուն,
Լո՛ւյսը կը ծըծեն, լո՛ւյսը կը հծծեն,

Մրգաստաններու մեջեն սաղարթուն:
Ի՛նչ արբեցությամբ ձյուն ճայեր, ծըփին,

Բարձրեն՝ օդաճեմ լյուղ կու զան. արփին
Մեջ կ'ոսկեզօծին ու կը թևանան:

Ի՛նչ արբեցությամբ տատրակն հարսենի,
Առագաստ ըրած ծառի հովանին՝

Կըսպասե տարփոտ իր վարուժանին:
Ի՛նչ արբեցությամբ թիթեռն է բացեր,

Լեւակի մանրիկ լիճին վրա փրփրուն՝
Առագաստառչեն իր կաթ թևիկներ:

Ի՛նչ արբեցությամբ ծիրանի դաշտին
Շեկ ծաղիկներուն մը վազե մեղուն,

Մըծել իզայի պտկունքներն հեշտին:
Ի՛նչ արբեցությամբ ծովերն են կապույտ,

Գետերն՝ հորդաջուր, աղբյուրներ՝ գեղուն,
Լիճեր՝ խաժագույն, առուն՝ շուտափուլթ,
Լոռածամ առուն՝ որ կ'անցնի քովեն
Ուռեստաններու գեջ, լսնակապույտ:
Ի՛նչ արբեցությամբ ամպեր կը թոթվեն
Հրաշալի հեղուկն իրենց ըստինքին՝
Որ գերթ ասղանի վար կը սողոսկի՝
Մարելու երկրին պասուօքը ոսկի:
Ի՛նչ արբեցությամբ զայն կո՛ւշտ կը խըմեն
Համագրավ տապեն սարսատած հողին
Սընունդներն ամեն, ծակտիքներն ամեն:
Ի՛նչ արբեցությամբ հոգին կ'ընդգրկե
Ալյական հորդահոս՝ ծայրիի բույրին,
Մաթրին, անանուխ, վայրի ռեհանի
Բազմաբուրումներն ըստաշխ ու խունկե:
Ի՛նչ արբեցությամբ կ'ընդգրկե անի.
Բոլոր ձևերն ու երանգներն ամեն,
Բոլոր գոյությանց, բոլոր տարրերուն
Իր մեջ անդրադարձ ծիածանումեն՝
Աստվա՛ծն՝ որ եկավ՝ չե՛ս գիտեր ուրկե՛...

ԵՐԳԸ

Լուսինն հայլվույն մեջ առվակին հեզասահ
Ձույլ արծաթի դեմքն իր անույշ պատկերե,
Լուռ ու պարզկա գիշերին մեջ կ'ազդեն ահ
Գունդեր հըսկա՝ կազմակերպված ծառերե:

Հեռո՛ւն, հեռո՛ւն ձայն մը հուզիչ, տխրաշեշտ,
Գունդերուն մեջ հըսկա լահեղ ծառերուն,
Կը մարմըրի, տըխուր սըրտի սփոփ հեշտ,
Փրփրոտ ծփանք ցավի հորդ ալիքներուն:

Հեռու քաղքի ժըխորներեն տաղտկալի,
Խորհրդավոր լուսյան մեջ գիշերին,
Երգով մ'անշեջ, սիրով, հույզով, խանդով լի
Թաղել կ'ուզե կարծես սերերն իր սիրտին:

Լուսնակն աղու դալկության մեջ նվաղի,
Առվակին ձայնն ալ կորսվի, կ'անհետի,
Բլրույն կատարն սուրբն ալ քունի մեջ թաղվի
Մասնակցելով մարդուն երգին սև սուգի:

1901, օգոստ., Սվազ, Ս. Հակոբ

(Մուկում)

Կիսալուսինն հազիվ թե շող մ'արձակած,
 Քաղվիլ կ'երթա մութ-գույն ամպերուն ետին,
 Տարտամոթյուն մը կը պատե խորհրդազգած,
 Լուսավորներն և հուսկ իրերն ալ հետին:

Այդ անորոշ, տարտամագին մութին մեջ
 Գորշ ցցունք մը կողին վրա սեպ սարերուն
 Կը ներարկե երակներուս դող մ'անշեջ,
 Մութ սոսկում մը արհավիրքով պատատուն:

Ու կ'ունենամ անդրադարձում մը կյանքիս,
 Լույսերն երկնի կ'ըսեմ հույսերս էին վառ,
 Որոնք ախրտիդ բաղխելով քու համակ սառ,
 Անհետացան՝ թողլով միայն մո՛ւթ՝ սիրտիս:

Սարին ցցունքն ալ այդ մթին, ըստվերոտ,
 Մտաբերել կու տա լքումդ ինձ անգութ,
 Բաժնվեցանք մենք իրարմե, օ՛հ, շատ փուլթ
 Ըսկսած դեռ, հազիվ, սիրուն մեր կյանքոտ:

190<1>, Սվազ

ԻՐԻԿՎԱՆ ԴԵՄ

Նեշտ այգուն մոտ երազեցի, մըրափիս մեջ,
 Վառ գույներով դրասանգված երգը կյանքին.
 Եվ դողդոջուն ծիածաններ մետաքսառէջ
 Ու փաղփածոպ, կ'երկարեին աշխարհ մ'անգին:

Օրվան կյանքի տըվալտանքներ՝ իմ հորձանուտ
 Երազներուս հըմայքն ի սպառ փարատեցին.
 Ու դիտեցի կյանքը մոտեն, զերծ՝ պատրանուտ
 Խոլ խաղերե, — կոտտանքներով դաժան խոցին:

Իրիկվան դե՛մ... Ըստվերները կ'իյնան արագ:
 Ձուր առտրվան երազանքներս ես կ'որոնեմ.
 Ըմպեց անոնց լույս շիթերը սեր մը վայրագ.
 Նեժեժանքիս հետ մընացած մինակ, հո՛ն եմ...

1902

ՀՈՒՇԱԳՍԱԿ

Թուղթին վրա ճերմակ
 էջ մը սարսըռուն,
 Կամ գանկերուն տակ
 Հույլերն հուշերուն,
 Կը ձուլեն հըստակ՝
 Հիշատակն անհուն...

Եվ թող անապակ՝
 Նկարն այս սիրուն,
 Ձոն ըլլա՝ շիտակ
 Քարզման սիրտերուն.
 Ձոնը՝ հիշատակ՝
 Անձայն, բայց խոսուն:

1902, Սվազ

ԱՐՀԱՄԱՐՀԱՆՔ

<1> ՓՈԾԻՆ

Ռուբեն Զարդարյանին

Շարքովն եզերված բարտիններու հոծ
լայն ճամբուն վրա, քաղաքին մոտիկ,
Իրիկնամուտին, պայծառ, խորոտիկ,
Փռչիի պար մը կ'ելլե հողմակոծ:

Կ'ուլորվի թախծոտ, կը շրջի տխուր
Ուռեցած շունչովն բիրտ հովին հըսկա,
Սիրտըս հուզված է, միտքըս կը խոկա
Նենգություններուդ, դավերուդ անլուր:

Եվ ինչպես հովը կը քալե արագ,
Փռչիի անթիվ ամպերուն բոլոր,
Ցրվելով խառնակ տարրերը մոլոր,
Տիրապետումի հույզերով վայրագ:

Արհամարհանքիս հովն ալ անխընա
Պիտի ընդոտնե փռչին կեղծ սիրույդ,
Եվ ժրպիտներուդ մեջեն պատրանուտ
Սիրտըս միշտ կանգուն պիտի բարձրանա:

<2> ԾԱՂԿԵ ԶԱՌՅԱԿ

Քերթողի վառ խանդով գրված
Քառյակներեն ավելի,
Ես կը սիրեմ նրբակազմած,
Գունեղ քառյակը ծաղկի:

Նկարագեղ ոճով գծված
Պատկերն հուզիչ է նվազ,
Քան դաշտերե լայնատարած
Քաղված ծաղիկն հեշտանագ:

Հո՛ն, բաժակին մեջ ծաղիկին
Ոսկեփռչի թևով գեջ,
Սիրով պատած սիրտի մ'անգին
Կ'առնե պատկերն ելևէջ:

Այդ պատկերը շատ ավելի
Հուզիչ է՝ քան քերթողին
Հույզով մ'անհուն, անպատմելի
Գրած տողերն քառյակին:

<3> ՄԵՐԺՈՒՄ

Մեկ համբույրըդ զիս պիտ' ըներ երջանիկ,
Դուն զլացար ինձի շնորհն այդ գողտրիկ,
Դժնե «ոչ»ըդ թքիր ինձի անտարբեր.
Ես այն օրեն կը տառապիմ տարուբեր:

Դուն զլացար ինձի շնորհն այդ գողտրիկ
Ու սեներու մեջ թաթխեցիր իմ մեղմիկ
Ժպտիս ցուբը, մերթ վառվուռն, մերթ հանդարտ.
Ես այն օրեն եղա թշվառ մը անբախտ:

Դժնե «ոչ»ըդ թքիր ինձի անտարբեր,
Այդ «ոչ»ըդ սուր սիրտես սորեց արյուններ.
Մերժումի այդ սառ լախտն, ավա՛ղ, վշտածին
Գալարեցուց սեներու մեջ իմ հոգին:

Ես այն օրեն կը տառապիմ տարուբեր.
Վիշտը սիրտըս իմ ըրավ քանդ ու ավեր.
Այն օրերն երբ սե բաժակըն այդ թույնի
Ըմպեցի ես, սիրտըս բյուր բյուր կ'արյունի:

1902, Սվազ

ԴԵՂԻՆ ՎԱՐՂԵՐ

Դեղին վարդեր մայիսի,
Բուրումներով խնկավետ,
Թալկության մը մեջ հաճես
Կը տօգունին մեկուսի:

Հեք սիրահրու մըտերիմ,
Տժգո՛ւյն վարդե՛ր մայիսի,
Հեշտ նազանքով մը կույսի,
Ու, հասնումեն ոխերիմ,

Կու լան: Հեքով նըվաղկոտ
Եղկ բուրում մը կը խուսի.
Տժգույն վարդեն մայիսի.
Ու կանգ կ'առնե իսկույն հոտ:

Լըքված հոգին մեկուսի,
Քր կը մըխտ անտերունջ,
Մինչև խամրի ալ անշունջ
Վարդերուն պես մայիսի:

ՀԻՇԱՑԱԿ

(Սիրերգ)

Մութ ըստվերներ, ծափ լույսեր ցիրուցան՝
Ցուրտ սարսուռով, լույս-հույզերով պարուրված,
Հըպումով մը ազդու՝ եկան ու անցան,
Հուրքոտ բոցեր միայն թողով շրթահաճ:

Այդ բոցերը փայլեցան հոտ մըլտարծարծ,
Մեր վառ սիրույն հընոցին մեջ ոսկեծին,
Անէացած, խելահեղած հեղակարծ՝
Պըլվեցա հիշատակիդ առանցքին:



Անցար, գացիր, բայց թողուցիր արյունող
Ասղընտունքը տագնապահույզ լըքումիդ.
Բոց սերեն վերջ՝ լըքումի վի՛շաբ մըրկող:

Չէ՛, մի՛ ըլլար, անգո՛ւթ, այդչափ եսասեր՝
Սըրտիս՝ որ դեռ չէ՛ վարժըված աներկմիտ
Մոռացոնքին: Ան չի՛ կըրնար սատել գետ:

ՏՂՈՒ ՄԸ ՄԱՀԸ

Գարուն է, ծիլ առին ծաղիկն ու դալար,
Կը շողա լույսն եթերին մեջ կապուտակ.
Ձըմրան խոժոռ երկինքը որ միշտ կու լար՝
Բիլ հըրճվանքով մը կ'ողողվի ա՛լ հիճակ:

Կյանքի գարնան մեջ դուն ծաղի՛կ նորածիլ.
Աղետաբեր խորշակով մը խամրեցար.
Մանուկ հոգիդ ալ — հեշտ բուրում մը — հածիլ
Գընաց կապույտ անհունին մեջ լայնատարր:

Անվերադարձ մեկնումդ, ավա՛ղ, մենք կու լանք
Խուլ հեծքերով ու արցունքով դառնագին,
Եվ կը մարի մեր սըրտին խինզն ու տենչանք

Քու արևիդ շիշումին հոծ շուքին տակ՝
Չըխորհելով թե անըստվեր քու հագին
Ձըվարթունի վերացում մ'է ա՛լ հիճակ:

Հեքոտ շունչեր կու գան ման,
Ու հըրճվանքով կը ժըպտինք.
Կ'երկնեն կապույտ մ'աննըման
Բիլ ծովն անհուն ու երկինք:

Եվ բուրումներ կու գան ման,
Ոգևորում մը հեշտին
Արբըըռանքով մը հուզման
Կ'ամոքե վերքը վըշտին:

Հոգիս ունի խինդն այգուն,
Ու դայլայլը թըռչունին.
Սիրտըս քընար մ'է անքուն
Որուն երգեր ցավ շունին:



Երազի մը պես գացին,
Տարիները սահեցան
Այն օրեն՝ երբ ըզգացին
Սիրտեր ցունցը բաժանման:

Երբեմն արցունք մը ցավի,
Զիս վըրդովեց խըռովքով.
Երբեմն ալ հույս մը ծավի
Շողաց հոգվույս մութին քով:

Բաժանումեն վերջ, իրա՛վ,
Ի՛նչ գորովով, ի՛նչ խանդով
Կը փարին սիրտեր, ծարավ՝
Միացումին հեշտանքով:



Երազանքներ զիս կ'օրրեն
Օրորումով մը հանդարտ.
Հեռուն լեռնեն, ձորերեն,
Միշտ կը հառիմ ես անթարթ,

Ծածանումիդ մոտալուտ
Հույսերովը մոլորուն,
Տենդով կըսպասեմ գալուդ,
Ցընծումին մեջ երգերուն:

Ալ սիրտս ունի խինդն այգուն,
Ու դայլայլը թըռչունին.
Հոգիս քընար մ'է անքուն
Որուն երգեր ցավ շունին:

Կ. Պոլիս

ՊԵՏՐՈՍ ԴՈՒՐՅԱՆ

Լուռ, մարմարակերտ դամբանին խորեն,
Հանճարի աչքերն անքույթ կը նային,
Լույս ոգիներու կյանքովն երկնային,
Ա՛լ մեկուսացած ունայն ժըխորեն:

Մեռա՛վ, խանդավառ սերերն երգելեն՝
Ու պիտի հավետ միտքերն հըմային
Իր թունդ քընարեն, ու երգերն ալ հին
Պաշտումով ըզմեզ միշտ պիտի գերեն:

Հույզով մեռա՛վ ան, հուշքով՝ կ'ապրի դեռ,
Մտերուն նըման՝ որ թարմ ու դալար,
Իր գերեզմանին կ'ելլեն քովն ի վեր:

Հիացքներ կ'երթան իրեն ետևեն...
Եվ իր հուշքերն ալ, հավետ անմուլար
Ու միշտ ոգևոր՝ դեռ պիտի տևեն:
< 8 հուլիսի, 1903 >

ՄԻՐՈՆԵ ՈՒՂԻՏԵՆ

Ուղի մ'ունիմ ես նրբանուշ, —
Սիրույս ուղին մետաքսավետ, —
Որուն հրմայքն երջանկահատը՝
Կ'ոգևորե գիս առ հավետ:

Քընքույշ հյութեր կը փթթին հոն,
Ու հարսնուկներ հըրահոտան.
Հոն կը հյտանմ երգ ու գեղոն,
Ծ'ս, սիրավառ, խանդոտ գուսան:

Իսկ երբ օր մը խըլեն աչքես
Իմ պաշտելի ուղիս՝ անհետ,
Մութ գիշերներն՝ ու ոսկեգես
Չըցուլա ա՛լ արևն հավետ,

Նորեն գըտնեմ պիտի ես հար
Սիրույս ճամբան, մի՛շտ անմոլոր.
Բավ է անոր ես անդադար
Հըրայրքն ունիմ, պաշտո՛ւմ բոլոր:

ԱՇՆԱՆ ԾՈՎ

Տառապագին աշնան հզոր ծովը լըբուն,
Երազողն է, մի՛շտ այլալիաժ, ու մի՛շտ դաժան.
Իր տենդահար ալքերուն մեջ կա մի՛շտ մ'անհուն,
Ջոր ալիքներ մերթ հուզումով դուրս կը պոռթկան:

Դեպ ի բարձունքն ամպերու գորշ գուլաներուն,
Իր դողահար նայվածքները կը հառե ան.
Լըբվա՛ծ, սիրող, տենչանքներով, հույզով եռուն,
Որ կ'երազե մի՛շտ դալուկ մը ճակտին վրան:

Ու իր ցավը կըտանի լուռ խարտիկներուն,
Որոնք ընդմիշտ կ'արհամարհեն զայն անտարբեր,
Փափաքելով կարծես անկե խառնիչ հետուն:

Սովեզերքեն մարդիկ կ'անցնին՝ մի՛շտ անզրտակ.
Անկարեկիր՝ լայն ցավին օր գինքն է շափելը.
Մեծ տատապողն ա՛լ երազուն է միս մի՛նակ...

<1908, հուլիս>

ՀԻՇԱՏՅԱՌԻ

Փըրփուրները քարափին
Կ'երկնեն երազն հեշտավետ
Իմ խոնջ հոգվույս մըրափին.
Հույսի շող մը գիս հավետ

Կը կապե նոցրը կապույտին.
Կը խաստանա ծովն անհուն.
Ու ալյակներ կը ժըպտին
Հաղվույս տենդոտ իղձերուն:

Անույշ արցունք մը սըրտիս
Քուն կը բերե զովասուն,
Ու դուն ինձի՛ կը մոտիս
Ջինջ նըկարով մը խոսուն:

Ու սիրավառ, ես հանկարծ
Աննչութ տեսքեզ խելահեղ,
Կը պըլըվիմ, մըշտարժարժ
Հիշատակիդ, ամեն հեզ:

ԱՋԲԵՐԴ

Փոքրիկ Արշալույսի՞

Սընդուսե զըզվոտ եթերն աշերուդ
Ձյունափայլ ճակտիդ պարփակումին տակ,
Գոհարատուփն է հրմայքով ջերուտ,
Մետաքսառէջ, նուրբ կողքով ըսպիտակ:

Բայց ադամանդի զերթ ցուք փալիբլուն,
Արցունքի երբոր շիթն հոն չի՝ դողար,
Թովանքը կապույտ այդ երկինքներուն
Կը խուսափի, զերթ անծաղիկ թաղար:

Եվ կամ գոհարի տուփին պես փայլուն,
Բյուրեղ արցունքն, ուր երբեք չի ցուլար,
Արևակին կամ թոշ սուտակներուն,
Ջրկրված շողեն, ցուքեն դողահար:

ԱՃՆԱՆ ԾԱՂԻԿՆԵՐ

Կը խամրին աշնան ծաղիկներ տըժգույն.
Լըթված, անտերունջ հոգիներու պես.
Կը ցընդի անոնց բույրն անուշ ու վես,
Հոգեվարք սիրտի հուսկ շունչին հանգույն:

Գոս տերևներուն հետ, արագ արագ,
Կը խամրին աշնան ծաղիկներ տըժգույն.
Սիրազեղ բույրն ու թովքն իրենց հոգվույն,
Կը մեռնին, հովուն հեծքերեն վայրագ:

Արևուն վերջին ցուքերն աննըշույլ
Կը մարին գոգը ամպին մըթագույն.
Կը խամրին աշնան ծաղիկներ տըժգույն,
Օր մըն ալ ձյունեն սառելով բույլ-բույլ:

Եվ հուզված սիրտն ալ սիրատանջ մարդուն
Անըզգալության ձյունին տակ, ավա՞ղ,
Կը սառի օր մ'ալ, ինչպես որ դեռ վաղ
Կը մեռնի՞ն աշնան ծաղիկներ տըժգույն...

<Բերա 1903>

ՄՇՈՒՇԻՆ ՄԵՋԵՆ

Բամբ սույլ մըն է՝ որ դեռ կը տառապի
Այս գորշ առտվան մշուգին մեջեն.
Տարտամ նայվածքներ դեռ կը դանդաղին
Մըշուշին մեջեն, որ կը խոպուպի:

Խուլ հսկան է ան՝ որ կը տառապի
Հառաչ մը թողլով իր հիմար կողեն.
Ձայնը՝ որ կու լա մըշուշին մեջեն
Կարծես հոգեվար երգ մ'է կարապի:

Թոշ ամպիկներեն դեռ կը վարանի
Բոց տարփանքներու ցանցերովն հյուսված,
Նրազը կապույտ, հույսը ծիրանի:

Հուրի մը սերըս անոր կը տանի.
Թույլ մըշուշներուն մեջեն թանձրամած,
Մինչդեռ կը հեծե սույլը տիտանի:

<1903>

ՔՈՒՆ

Ցուրտ Աշուն մը սարսուղին
Կը հեա իմ հոգվույս մեջ.
Կ'իջնե գիշերը. Կյանքին
Գիրքը կու լա էջ առ էջ:

Սրսփանքներ տենդագին,
Ու հծծյուններ հիվանդոտ
Հոն կը հաժին, կը հանգին
Եղերերգի մը տենդոտ:

—105—

Ու,— ձյունապատ հեքիջնար,—
Իմ վեա սիրտըս կը լըռե.
Ու հոն հեծքն ալ չի մընար.
Լոկ սարսուռն հոն կը բերե

Իր վիշտերը խուլական,
Ու տենչանքիս իմ հիվանդ՝
Մաղիկները ա՛լ չըկան,
Չըկա՛ն անտե՞ք բույրն ու խանդ...

<1903>

<1901—1903>

Եկնի՛ր

(Սիրերգ)

Եկն՛ւր, տաղտկալից կյանքըս խաղաղե,
Ըզգալ տո՛ւր ինձի գորովանքն ու հույս.
Պիտի գա օր մ'որ հոգիդ ավաղե
Արագ խուսափումն երազին այս լույս:

Եկն՛ւր. վաղը դուն գուցե՛ թարշամիս,
Եվ գուցե տենդով մը մեռնի հոգիս,
Մի՛ խամրեցըներ հույզը պաշտումիս

Թո՛ղ որ նայվածքիդ ըմպեմ բոցը ջինջ,
Մոտեցի՛ր, քնքույշ ծաղի՛կը կյանքիս.
Համբույրի մը մեջ մոռնամ ամեն ինչ:

Ա՛հ, այս կյանքն աղվո՛ր որքա՛ն դանդաղ է:
Եկն՛ւր, ձանձրույթը հալեցուր հոգվույս.
Լույս երազի մը մեջը գիս թաղե,
Բե՛ր ինձի սըրտիդ գուրգուրանքը կույս:

Սկյուտար

(Մանուկները կը խոսակցին)

- Հիմա աղբյուրեն անցան:
- Հիմա այգիե՛ն ալ անցան:
- Հիմա գերեզմանատո՛ւնն են:
- Հիմա թաղեցի՛ն...
- Հիմա կը կարդան վրան. կը լսե՞...
- Հիմա ա՛լ չի լսեր:
- Հիմա ա՛լ չի տեսներ:
- Հիմա թուփը չի՛ կրնար կլել:
- Հիմա չի կրնար պոռալ:
- Հիմա հալեցա՛վ...
- Հիմա կը դառնան:
- Հիմա մի՛ս մինակ է...
- Հիմա ալ չը՛ պիտի գա:
- Հիմա ալ չը՛ պիտի գա:
- Հիմա ալ չը՛ պիտի գա...

ՅԱՅԳԵՐԳ

Դադրեցան ձայներն ամեն,
Ցերեկվան ժըխորներուն,
Կը հընչեն բայց հոգվույս մեջ
Դեռ սիրույդ երգերն անհուն:

Կը հյուծին ցուլերն հիվանդ,
Գիշերվան մեղկ լույսերուն.
Կը փայլի հոգվույս մեջ վառ
Տարփանքիդ բոցը սիրուն:

Կը նիրհեն քունի մեջ խոր
Քըմբիրով իրերն ամեն.
Կը հուզվի հոգին արթուն,
Քու սիրույդ թունդ պաշտումեն:

Թո՛ղ մարին լույսերն ամեն,
Ու մեռնին հույզ ու ժըխոր,
Կ'ուռճանա, կյանքոտ հավետ,
Սերդ անչինչ իմ հոգվույս խոր:

ԵՐԱԶ ՕՐԵՐ

(Քանթիլեն)

Կարմիր ծաղիկ մը գարունի
Առտու մ'ինծի նըվիրեցիր.
Ըզգացի թե տենդեր ունի
Նրազկոտ միտքըս ուշացիր:

Խանդաղատանք մը հորգեցավ
Իմ նըվաղկոտ լանջքիս տակ՝ ուր
Դողաց սիրո սարսուռն անցավ՝
Ու թովանքը համբույրին հուր:

Եվ ըղձակաթ իմ հեզ հոգիս
Ըզգաց սիրտիդ հուրքն արծարծուն,
Ու մետաքսն ուղի մը զիս
Սեր-Սաղիկին տարավ ածուն:

Հոն ժըպտեցավ կյանքը ինձի,
Հըմայքներու հույլովն անցավ,
Եվ ուրվական մը կասկածի
Անոր մոտեն երբեք չանցավ:

ՍԳԱՍՈՒՄ

Բողոք տենչեր բյուրավոր,
Արագ արագ կ'անհետին,
Հապաստմեն՝ մինչև որ
Մինակ մընամ ես մըթին
Խոհերուս մեջ տարուբեր:

Եվ ալեկոծ, փոթորկառ
Մըտածումներ զիս հանկարծ՝
Հորձանքներով, հիվանդոտ
Երազանքով մըշտարծարծ,
Կը պաշարեն տըխրաբեր:

Հևըոտ ծովուն փըրփուրին,
Կամ եզերքին ես հոռած,
Հորիզոնե՛ն ալ անդին,
Սիրականիս հեռացած
Ուրվականը կը տեսնեմ:

Բայց կ'ուշտնա՛, ան չի՞ գար,
Ինչպես այսօր ու վաղն ալ,
Ու՛մ հտանումով ցավազար,
Կը թըլիմ խենթ մը դանակ
Ծընորքներու մեջ դըժխեմ:

ԻՐԻԿՐԻՆԸ

Ածուներուն մեջ հիրերուն քընքույշ
Կը վարանի հուակ հըմայքն հոտևան,
Պերճ ցույթ մ'արեեն կը գըզվե անույշ
Փայփալանքներով ծաղիկն իրիկվան:

Խանդաղատանքի մեջ, ցուր ու ծաղիկ,
Բաժանումներու ցավին անգիտակ,
Արբշիտ փարումով սիրո խաղաղիկ
Վայելքին թովքը կ'ըմպեն անուշակ:

Ու մեկը չ'ըսեր անոնց, «Իրիկուն
Պիտի ընե ձեր գըզվանքին վրան».
Կ'անհետի ցուրը մութին մեջ, նըկուն,
Ու կը թարշամի ծաղիկն հոտևան:

Բերա

Ա՛Ն ԻՄ ՍԻ՛ՐՏՍՍ Է...

Հովը պոնդեր կու տա տամուկ գիշերին,
Որ կու լա խուլ, թրթրուն,
Ինչպես տամիղն եվուական,
Որուն հըգոր լարերուն մեջ բընավ շըկան
Հեշտութունն ու մեղկ գզվանքը թույլ խազերու,
Այլ կը դողան հեծքով, անթիվ հոն ձայներ՝
Հովն երբ պոնդեր կու տա տամուկ գիշերին:

Գիշերն անվերջ կ'անցնի տըխուր ու թունոտ,
Դեռ լարերը կը դողան,
Ըմպած անդու հույզերն՝ ուժգին պոնդերուն,
Խավարին մեջ մոլորուն
Կարծես Տենչը միջոցին մեջ կը թևե,
Մինչ գիշերը կ'անցնի տըխուր ու թունուտ:

Ա՛հ, սի՛րտըս է ան, սի՛րտըս, գիշերը մըթին,
Աշնան գիշերը լացող,
Ուր կը դողա անհուսովյան հովն ուժգին,
Մինչ անձրևին կ'իջնե ցող,
Մինչ ես կու լամ՝ կու լա՛ հոգիս, կու լան լարերն իր բոլոր
Ու կը խորհիմ թե սիրտս ալ է Աշնան գիշեր մը լացող...

ԱՂԵՐՍԱՆՔ

Կաթեցուր հոգվույս մեջ հույզը կյանքին,
Դո՛ւն, երազներու ծաղիկ դողողուն.
Դո՛ւն՝ որ գիշերին մեջեն մըթագին
Հծծեցիր պարերգն իմ տենչանքներուն:

Դո՛ւն՝ որ ժըպտեցար, դուն՝ որ կը ժպտիս,
Ինձի տուր կաթը խանդաղատանքին.
Կիրքե՛ր տո՛ւր հոգվույս, հըրայրքներ սրտիս,
Տենդոտ պահերու հուզմունքներն հեշտին:

Նոր բարբառումներ ու հոգվո համբույր,
Նոր նոր կսկիծներ ու ցա՛վ տուր ինձի.
Վարդավետ ցոլթով ծաղկին հեշտաբույր
Թող որ շուրջն հըրուտ երազանքս հածի:

Պահե՛ր մոլուցքի, տենդի վայրկյաննե՛ր,
Տո՛ւր ինձ երազին ոսկելար նարոտ.
Երջանիկ ըրե սիրտս՝ որ լըռին էր,
Եվ կյանքս՝ որ հիմակ հույզի է կարոտ:

Կաթեցո՛ւր հոգվույս մեջ հույզը կյանքին,
Դո՛ւն, երազներու ծաղիկ հեշտալիբ,
Դո՛ւն՝ որ գիշերուն մեջ հեծեծագին
Կյանքի վարդենիքն ինձի ցուցուցիր...

Տո՛ւր համբույրիս խանդոտ՝ շրթունքըդ բուստե
Հուրի՛ աննյութ, փաղփուն ծաղիկ երազի,
Ըսպասումի հովեն տենչըս կը մսի՛,
Ա՛հ, քու սիրույդ շերմությունով զիս պատե:

Կույս գրկիս մեջ նետե գըլուխըդ շքնաղ,
Ջինջ նայվածքի գույզ եթերներդ ինծի՛ տուր,
Ցանե հոգվույս մեջ սիրակայծ սրտիդ հուր
Եվ հնչեցուր առջի սիրույն հոն թակաղ:

Սև սաթի գույն վարսերուդ թովթը բուրդ,
Ու ծաղկալից հոգվույդ շունչը վարդաբույր,
Լեցուր գրկիս, լեցուր սրտիս մեջ թափուր,
Թո՛ղ գգվանքիդ ըմպեմ հեշտանքն անսովոր:

Ա՛լ կը հաշմե հոգիս պաշտումն իտեալ,
Լոկ հեռուեն ժպտող քու սերդ ալ շունի
Ինծի համար իրեն թովանքն երբեմնի,
Եկո՛ւր, մոտեն զիս սիրովըդ պատե ալ:

ՏԵՍԻԼ

Երբեմն ամպոտ երկինք մը՝ շո՛ւտ կը պարզըվի,
Ու լեղակի լիճ մը կ'ըլլա՛
Հոգվույս շլացիկ ծովուն դիմաց:
Եվ իրարու կը ժպտին
Լիճն այն լեղակ ու ծովն հոգվույս,
Քույր ծաղիկներ աներկրային՝
Ձոր մերթ հովի հոսանք մը կույս՝
Անզսպելի ինչպես ալիք գորովի՝
Կը խոնարհե իրարու դեմ:

Ու լիճին վրա կապույտի,
Կը բողբոջի հանկարծ կղզյակ մը բուստե.
Ու կղզյակին վրա, երփներփուն
Ամպիկ մըն ալ կը ցայտե,
Անըջածին ամեն գույնով կը ծպտի,
Մաղիկ կ'ըլլա, թռչուն կ'ըլլա, կ'ըլլա նայվածք ու ժրպիտ:

Ու շիկնոտ Իդևս ալ, թիթեռնիկ բոցաթև,
Կը թռչտի ծաղկաստանին մեջ սրտիդ:
Ու գունագեղ ամպին ետև
Բուստ կղզյակին վրա ծըփուն՝
Չքնաղակա՛ն կ'երենաս դուն:

Ու տեսլական ձևեր կ'առնե դեմքդ համբուն.
Մազերդ՝ անթոշ նարկիս կ'ըլլան.
Ճակատըդ՝ ձյուն կատարներուն՝
Ձոր վարդագնեց արփն իրիկվան.

Եվ աչքերըդ կ'ըլլան զույգ մը ծառուղիներ՝
Ուր կը ճըշե թռչնական արծակ ու ճովողուն
Իմ Խայտանքիս. ու շուրթերդ ալ՝
Ոսկեզօծ եզրը բաժակին՝
Ուր կը հակին,
Վարդ ու հարսնուկ, կակաջ, նարդոս, գարնածաղիկ, նունուֆար...

10 ապրիլ, 1907

ՀՈԳԵՀԱՆԳԻՍՏ

Կը թուլըռա զանգակին վանկը թռչուն,
Ոսկի նափորտ հագած շարաթ իրիկվան
Տիրանըվեր քըղանցքին տակ դողողուն,
Ու ծուխին մեջ մըթնշաղին երեկվան:

Անդոհուձյան ալիք մը ներս կը խուժե
Պիրկ հորանջքեն պատուհանիս կիսաբաց.
Հովին ծեծեն, մարդուն քաղցեն խուսափած՝
Թռչնիկ մըն է՝ որ իր ցավը կը գուժե:

Եկքանիկ մը՝ դեղնակիտված, հողմահար
Թևիկներով՝ իրիկվան մեջ մոլորուն.
Անծայրածիր իրիկվան մեջ դողահար՝
Կ'եղբայրանա խուցիս գըթած իրերուն:

Իրիկունս է խունկ ու ցավով միգամած.—
Խնկամանն է ծուխով, թռչնիկն ողևար:
Հոգիս մեջ կըզգամ շարժում մը դժվար.
Անդրաշխարհին հակող շարժում մը կամաց:

Նրբանցքին մեջ մայրս աղոթք մը կը հծծե,
Կ'ապրեցընե սիրելիներն իր ամեն,
Լույսերու մեջ ընկողմանած՝ մեկնումեն
Վերջ իրիկվան՝ ժպտող, անտես մեկ խուցե:

Թռչնակն հոգին տախտակներուն կը ծեծե,
Ու պատերուն, ու հոգիս վրդոված.
Թռչնակն՝ հոգին կ'ուղղե անտես մեկ գիծե՝
Անծանոթին մեջ որոնել իր Աստված:

Խունկը ճամբա կ'ուզեր անցքին անդրաշխարհ,
Հեք թռչնակին հոգի՛ն կ'ըլլա այդ ճամբան,
Ու թռչնակն ալ կ'ուզեր աննյութ մեկ դամբան,—
Խունկին ծուխը կը պարուրե իր նշխար:

Աներկրային, խաղաղ ձայնը կը լըսե
Մեռածներու հուշքին՝ հոգիս իմ հանգիստ.
Օ՛հ, ես չըկամ իրիկվան մեջ լըռանիստ.
Հոժ իրիկվան մեջ այս երանգ ու լույսե:

Մայրս աղոթքեն վերջ արցունքը կը սրբե.
Խաչանիշ մը կ'ըլլա թռչնիկն՝ օրհնական
Այս վայրկյանին՝ զոր կ'արծաթե լուսինկան՝
Կ'ողջագուրե՛ իր ծոցին մեջ սատափե:

<16 օգոստ., 1907>

ԿԱՂԸ

Նոր պտղեր է լիալուանակը բուստե,
Որ կ'ընկղմե մեջն իր շառայլ անդհին,
Կապույտներով պատարուն կաղ մանկուհին՝
Որ մարգին վրա թռչնիկի պես կ'ոստոստե:

Թռչնիկի պես կ'առնե թևթափն իր ուժգին,
Կ'ըլլա ծաղիկ, կախված անտես մեկ ոստե,
Մատն անծանոթ՝ արարչության մը ձեռքին՝
Որ համաշափ քայլերն անոր կը շեշտե:

Շուտ, կորագիծ քայլե՛րն անոր կշռական.
Ո՛վ դաշնավոր շափակցություն, ուր կու գան
Թռչունին սլացքն ու ջրվեժի մեջ վայրէջ:

Եվ անծանոթ՝ գրքի մը գերթ անծայր էջ:
Մարդն՝ երկյուզած՝ ու լսեալո՞ծ ու կանանչ՝
Պահեց աղջկան քայլին գրորշմն անճանաչ:

ԽՈՒԼԸ

Շուրթի վարդին վերա կ'առնե ընդմիշտ թառ,
Իր նայվածքին մեղուն՝ տարփոտ, հե ի հե.
Օ՛հ, շարժո՛ւմ մը, որ ընտանի ձե՛ր տար,
Որ մե՛ղրը տար բառին ծանոթ: Ու թեթև

Ու փախըստյա փըսփըսո՛ւք մը՝ մերթ օտար
Ու անսովոր ձայնի մ'ըլլար կշռոյթ՝ և
Օ՛հ, հնչական լրսելության, անվըթար
Պայծառ բոպեն ծըներ, մանկի՛կ բոցաթև:

Բայց լուսթյո՛ւն. շուրթ-ծաղիկն է աննեկտար.
Լըսելիքն ալ շունի հնչյունն անսովոր.
Կը թևածե լոկ անուրջին բոցը՝ որ

Մերթ մեղվածիր իր աչքերեն կը խայտար,
Եվ հոգիին մեջ սուզելով, հոգեթով
Կը բերե բոցն՝ ըղձալի բառը փութով:

ՀԱՄԲԸ

Պիտի հծծեր անհուն բառն իր տարփանքին,
Աղբյուրին քով, աղջիկներու ախանջին.
Բայց անհունը գեթ չըլլար վա՛նկ մը շնչին.
Ջուրն՝ խթն տեղ՝ կ'երկեն սիրերգն այգ. անգին:

Իր խո՛կն է ծներ բառն՝ որ հծծյունն է սյուրին:
Ջուրին կարկառն, հովին մրմո՛ւնջն փակ վերջին,
Անհունորեն: քաղցրազլվարճ և ոսփին՝
Սլացիկ: Թևն են փր. մեղեդի անուղջին:

Պիտի ըսեր, ա՛հ ամենն ալ, ամե՛նն ալ...
Բայց չէ՛ կերպեր տակավին բառն առաջին.
Քանզի կ'ըղձա անհունին մեջ միշտ մընալ,

Քանզի բնությունն ալ՝ պարզ ու մեծ՝ միշտ կ'ըսե,
Մի՛շտ կ'ոլորե, մեջն երգեցիկ իր շունչին՝
Մտքին վանկերն, հոգվույն նըվազը լույսի:

1907, օգոստոս

ԸԼԼԱՅԻ՛, ԸԼԼԱՅԻ՛

ԱՌՏՈՒՆ

Սա առտուն ես ըլլայի,
Թույր ու ճառագայթ հոսելու համար
Խոտոչներու մեջ մըթին, ամայի:

Լուսածպիտ մոմեր վառելու համար
Սեղանին վրա հոգիներու վշտահար,
Սա առտո՛ւն ես ըլլայի:

Վարդ պարեգոտով ու խարտիշագես
Ա՛հ, սա առտո՛ւն ըլլայի ես.
Ու կաթիլ մը տայի աննյութ նեկտարես,
Ու գեթ ցո՛ւք մը տայի ոսկի իմ հուրես
Մութ հոգիի ճըրագներուն ցրտահար:

Ա՛հ, սա առտո՛ւն ըլլայի ես:

ԹՂԹԻԿԸ

Ամառ գիշերն՝ անուշ մեղր ու կաթի պես՝
Խուցեն ներս է հոսեր արծաթ ծորակով.
Այծտերևին շուլլըվեր է որմեն վե՛ր՝
Պատուհանեն ներս նայելու ըղձանքով.

Իր տարփանքը բույր՝ հովիկին պինդ փարած՝
 Կ'երթա մինչև շուքին անկյունը լըճակ՝
 Ուր ծաղկահեր գլխով աղջիկն ըսպիտակ
 Մահիճին մեջ ընկողմանած՝ աչքը բաց՝
 Ձեռքը թուղթին՝ թուղթը սրտին՝ կ'երագե...

Տա՛ք է, մեկ կողմ կը նետե շուտ իր վերմակ
 Ու կը հանե շապիկն ալ՝ գաղչ ու ճերմակ.
 Ու կը կայնի հոն, հերարձակ, հուանի,
 Հայլիին դեմ, ձեռքն ըստինքին, երագո՛ւն,
 Ինչպես բոց մը, ինչպես խուրձ մը ցորենի.
 Թղթիկին պես հայլիին քաղցր է լեզուն...
 Թղթիկին՝ զոր դեռ իր կուրծքեն չէ՛ բաժնած
 Ձոր գոց գիտե, զոր սրտին մե՛ջ է դըրած:

Ու կը սահի ճյուղ մը վարսքեն մետաքսե,
 Իր ծիծերուն մինչև ծմակը շուշան.
 Ու պտկունքներն հեշտությունով կը սարսուան,
 Ու թղթիկը իր բոց բառերը կ'ըսե,
 Իր տառե՛րը կը տըրոփե մութին մեջ...
 Եվ հաճոյիկ, անույշ, բարի՛ լուսինկան
 Վարագույրեն շողիկ մը ներս կը խրկե՝
 Որ շեշտ կ'իյնա ձեռքերուն մեջ աղջկան՝
 Լուսավորել թղթիկն՝ որ դեռ կը հձձե...

ԱՐԴԻ ՄԱՐԴՈՒՆԿ ՀԱՅՐ ՄԵՐԸ

ՏՈՒՐ ԻՆԾԻ, ՏԵՐ...

Դուրյան սրբազանիմ

Տո՛ւր ինձի, Տե՛ր, ուրախությունն անանձնական.
 Մաղիկներո՛ւ պես զայն ժողվեմ ճամբուս վրան՝
 Նայվածքներուն մեջ ամենուն և ամեն օր:

Տո՛ւր ինձի, Տե՛ր, ուրախությունն անանձնական.
 Եվ ես՝ հանգույն երփնալուցիկի վառող մանկան՝
 Ձայն գունածպիտ տեսնեմ ուրիշ դեմքի մը վրան:

Տո՛ւր ինձի, Տե՛ր, ուրախությունն անանձնական.
 Ձանգակներո՛ւ պես զայն կախեմ ամեն դըրան՝
 Ու զերթ նարոտ ամեն դըրան զայն պըսակեմ:

Տո՛ւր ինձի, Տե՛ր, ուրախությունն անանձնական.
 Ծըրագներու պես զայն բոցեմ բազմաստեղնյան՝
 Խավարին մեջ ամեն երդ ու խրճիթներու:

Տո՛ւր ինձի, Տե՛ր, ուրախությունն անանձնական.
 Ձայն սրբասաց իմ հոգյակիս ընեմ խորան՝
 Ձայն իմ մտքիս ծըխեմ՝ զերթ խունկ բազմաբուրյան:

Տո՛ւր ինձի, Տե՛ր, ուրախությունն անանձնական.
 Ու չըլլա որ ուրիշներու կոծն ու կական
 Խեղդել ուղեմ ջըրվեժին մեջ դափիս ձայնին:

Տո՛ւր ինձի, Տե՛ր, ուրախությունն անանձնական.
Ու ըլլա՛ որ ծափիս ձայնին երգը՝ գուժկան
Ծսիս սենյա՛կն ունենա՛ ցո՛ւրտ առանձնարան:

Տո՛ւր ինձի, Տե՛ր, ուրախությունն անանձնական.
Ու սեղանիս վըրա դրված մեն մի նըկան՝
Ջուլզ մը խինդե՛ր գիթ ունենա թող խաշանիչ:

Տո՛ւր ինձի, Տե՛ր, ուրախությունն անանձնական.
Ու բաղխեմ զայն սրտիս ժայռին՝ իբրև մական՝
Որ բղխեցնե ջուրն աներկմիտ երանության:

Տո՛ւր ինձի, Տե՛ր, ուրախությունն անանձնական.
Ջայն ջուրերուն վըրա ձրգեմ իբրև ուռկան,
Ջայն իբր արոր ակոսներո՛ւն ձրգեմ վըրան:

Տո՛ւր ինձի, Տե՛ր, ուրախությունն անանձնական.
Ջայն իբր անձրև ցողեմ ամեն դաշտի վըրան,
Ջայն իբր արև բաշխեմ ամեն հորիզոնի:

Տո՛ւր ինձի, Տե՛ր, ուրախությունն անանձնական.
Ջայն ընդգրկած իտեալին ըլլամ սրսկան.
Ջայն լաստ ըրած ես լույսերու նավո՛րդն ըլլամ:

Տո՛ւր ինձի, Տե՛ր, ուրախությունն անանձնական.
Ժողվել՝ հոգվույն մեջ ժերերուն, կույսին, մանկան,
Պարզ մարդերուն՝ գեղջուկներուն ու բանվորին:

Տո՛ւր ինձի, Տե՛ր, ուրախությունն անանձնական.
Ժողվել՝ հոգվույն մեջ ամենո՛ւն, համայնական
Հոգվույն ամեն մասնիկներուն մեջ՝ ամեն ժամ:

Ճամբաներեն, ու գետերեն, ու դաշտերեն,
Անտառներեն, ու լեռներեն, ու ձորերեն,
Տանիքներեն, ու տուններեն, ու դուռներեն՝

Տո՛ւր ինձի, Տե՛ր, ուրախությունն անանձնական:

ՄԱՆԻՇԱԿ ՌԻ ՄԱՄՈՒՌ

Ժայռերու զով շուքին տակ
Կանանչ խոտի խուրձ մը կար՝
Որ ունենալ կը ցանկար
Քարին գույնը կապուտակ:

Ինքը ցողի՛ պետք ունե՛ր,
Որ գույներով զանազան
Կազմեր ծագիկ, ծիածան՝
Երբոր արևը փայլեր:

Քարն երջանիկ էր ո՛րքան...
Առանց ցողի ալ՝ գույներ
Ու ծաղիկներ կը շիներ՝
Շողերուն հետ օգնական:



Խոտին խուրձը բարձրացավ
Քիչ մ'ամեն օր քարն ի վեր,
Որուն՝ սրտիկն իր բացավ,
Պատմեց բազմանքն ու ցավեր:

Ըսավ. Ի՛նձ ալ, ա՛ղբերուկ,
Տայիր գույներ անուշակ
Ու նըվերիդ փոխանակ՝
Գույնիս ընծա՛ն առ խաժուկ:

Ցանկալի՛ քույր, ա՛ռ, որքան
Կ'ուզես գույնես և ընծան.
Տար կանանչիդ կենսախան՝
Երանեքու անկենդան:



Գիշերն համբուն քաղցրացան
Քարն ու խրճյակը խոտին...
Եվ երբ շողերն ավոտին
Հորիզոնն բարձրացան՝

Ժայռի շուքին տակ գլտան
Խոտին ծաղիկն ու բաժակ,
Եվ երբեմնի անկենդան
Քարն ալ՝ ժպտուն ու խաժակ:

Եվ այն օրեն մանիշակ
Մաղկեցավ թուփն, ու դաժան
Ժայռն եղավ անբաժան՝
Մամուռին գույնն անուշակ:

ՀԱՆԳԱՊԱՏՈՒՄ

«ՍԵՆՊՈԼԻԶՄ»Ը

Ա լ փ ա ս լ ա Գ ի Գ
Հանգստան խոնարհությամբ

Կեցեք որ պատմեմ ձեզի արկածներս...
Օր մ'Նայ Դպրության մտա սեմեն ներս.
— Դոնապան չկա՞ր, բարեբա՛խտ էի,
Բախտ՝ զոր քիչերուն պիտի մաղթեի...—
Արդ, Հայ Դպրության մտա սեմեն ներս
— Ա՛հ, ի՞նչպես պատմեմ ձեզի հուզումներս...
Ուղղեցի քայլերս երկշոտ ու տրկար,
Սանդուխներեն վեր՝ ուր գավթակ չկար,
Սանդուխներեն վա՛ր՝ ուր չկա՛ր սենյակ.
Զո՛ւր հնչեցուցի ես երգ ու ձայնյակ,
Զո՛ւր ես պարզեցի երկնամփոփ աղեղ,
Զո՛ւր պատ շարեցի, տնկեցի բաղեղ,
Քար քարի վըրա դըրի ես հարմար.

Տունն այս Դպրության, ավա՛ղ, չէ՛ր շեննար՝
Թե քար շարեին հազար հավիտյան
Դավիթ Կուլանն իսկ և Առյուծն Ալփյան...



Հանկարծ ուրիշ դուռ մ'երևաց աչքիս.
Պարտեզին դո՛ւռն էր, ու թրթռաց հոգիս:
Քնարիս անցուցի նոբբզնոր թելեր,
Ու ճիշգ այն պահուն մեկը դուրս կ'ելլեր,
— Մեռճան Բալսամյա՛ն, ձայն մ' ըսավ ներսես—
Ու սըպրդեցա նոր դուռեն ներս ես:
Պարտեզին մեջ կար... սոխ, սխտոր, բանճար,
Ներեցե՛ք... կաղամբ ալ, և անպատճառ
Ամեն ինչ՝ որուն կ'ըլլար միշտ վըճար,
Զոր կողովալիր ծախելուն կար ճար:
Կար քիչ մ'ամեն բան, ածու մ'ալ ծաղիկ
Զոր կը հոտոտենք, թե չըսրդողիք:



Երբ ներս մըտա ես, ավա՛ղ, ի՛նչ մեծ ցավ,
Ամենմեկ ծաղիկ հանկարծ մարդացավ:
Ավանդ Տերանցյան, բացած իր գլխարկ,
Ըսավ.— Ըզգացումդ՝ հըրա՛շք. ու չէ խակ
Երբեք լեզո՛ւն ալ զոր կը գործածես,
Համբավիդ պիտի կատարեմ ես ծես:
Մեռճան Բալսամյան նոր ներս կը մտներ,
Այս անգամ նովիք Առմանն ալ հետն էր:
Նովիք Առմանին փսփոսաց Մեռճան,
— Ո՛չ Չագմագճըլար, և ո՛չ ի Մեռճան,
Զին, ճարոն, Սեյլան, ո՛չ մեկ գրավաճառ
Պետք չ'է այսպես գիրք հանն ի վաճառ:
Ի՛նչ, իմ համբավիս քայքայե՛լ տաճար,
Ու քու ցորենիդ տեղ դընել հաճա՛ր.
Ես ժանյակներու անհուն կրպակն եմ,
Եվ ազնըվական կըրունկ կը պագնեմ.
Մինչ անոնք կ'երգեն գորտ, շերամ, պաճար,

Ամեն ինչ՝ որ է գոհճիկ, անհանճար,
Անոնց գրչակը կ'եղծե շարաշար:
Այս մուլար կապկումն ո՞վ է մեզ բերեր.
— Նովիք Առմանն էր որ կը փրկե՞րեր.—
Դուն մե՞ծ համբավովդ եղիք անվեհե՞ր.
Անոնց ու քու մեջ կան անդունդ, վիհե՞ր.
Դուն երազանք ես, անոնք՝ դառանցանք,
Դուն՝ ծաղիկ, պատրանք, իսկ անոնք՝ փորձանք:
Դուն դարիճենիկ՝ անոնք... քարմարցանիկ:
Ու Նովիք Առման, ճիգերով դժվար,
Լոլիկի գույնով բըլուրե մը վար
Գլտորեց հանկարծ պարապ մեկ տակառ.
Ու գինեով անոր աղմուկեն վայրէջ,
Կրսկսեր մոռնալ ինքզինքն էչն էչ:
Անկուպ Քարակոփ, բացած իր թևեր,
Կ'ըսեր. Վե՞ր անցիր, մի՞շտ ավելի վեր:
Նվ ամեն ամի՞ քերթող Դրանիկ Ճբաղ
Կը հծծեր. Ա՛վաղ, ի՛նչ աղբյուր ճրճրակ,
Ե՛ս մեկ հորդումով ծածկեմ ավազ, ալ.
Ինձմե՛ է գողցեր ամենն... ավազ ալ:
Ճաճանչ Եկուրյան շուտ արձագանգեց.
— Ճիշդ է, մե՛ծ մասը անկե՛ց է, անկե՛ց:
Քազվոր Զատիկյան ոտք ելավ. Արի՛,
Դուն պիտի ըլլաս քերթող մեծ կարի՛:
Օհան Ապտակցին հնչեցուց իր փող.
— Կ'արժե որ կարդանք մենք ասոր ներբող.
Քանզի ունի ան գաղտնիք, մոգություն,
Ճառագայթ Ռեոնթիկեն ու ճառագայթ... Տյո՛ւն:
Այս պահուն մեկն՝ որ խիստ ըզբաղված էր,
Հանկարծ բարկությամբ կուրծքը կը ծեծեր:
Ի՛նչ, ի՛նչ «Սենպոլիզմ». խե՛նթ է, ո՞վ դիք, է՞ր
Դուք ասոր ոտքն ու ձեռքը չեք կապեր.
Մանավանդ... ձեռքերն, ա՛հ, ձեռքեր, ձեռքե՛ր,
Որ կը հանգզին ութ հարյուր տողով
Առուն գլտորել իմ կուրթին կողով:
Դավիթ Կուլանյան կրսեր՝—Պա՛շ, չա՛րժեր...
է՛հ, գեշ չէ... շա՛տ լավ... սակայն իր ույծեր
Հանճարի հրգար կա՞ք մը չէ՛ շարժեր:

Նրամ Տևտոնյան կ'ըսեր. Արշալույս
Ու արև ծագեց ձեզ ե... եղկերույս:
Ու Զանդիկ Քոշյան. էա՛վ է, գեղեցիկ
Քայլերնիդ դեպ ի Պառեսսու ուղեցիք.
Բայց երբ հարկ ըլլա ձեզ գտնել տարտամ՝
Ես կարավանին առջևեն կ'երթամ:
Նոյամ Պատեղյան դատած էր. Կեցցե՛...
Տաղարանդ, իրա՛վ, մեզ համար գա՛նձ է:
Նոր քերթողության բահահորդն ես դուն.
Ճակատագի՛րդ իսկ՝ լուտանքը մարդուն:
Եղուարդ Արփիյան. «Լա՛վ է, լա՛վ,— ըսավ—
երբեք գիրքերուն չկարգանք պարսավ.
Զի հեղինակն ալ պետք չէ՛, որ հա՛րկավ,
Իր ջանքին ի վարձ կ'ըլլե հող ու... կավ:
Զատիկ Արգազիք. Ո՛հ, ամենն են մուխ.
Դուն՝ բո՛ց մը մաքո՛ւր ծախի՛չ խորամո՛ւխ:
«Ես՛ սք կ'ուզեմ, պոռաց Գիստրոս Փաթեթյան՝
— Հապա ուրեմն ե՛ս ալ գամ առյան.—
Որ մեծ գիրքերու ետին ապաստան,
Կը շիներ իմս ու իսքերու լիսքան:
Բայց, ա՛վա՛ղ, խոսքի կը տիրեր մե՛ծ սով.
Ու խոսք չըտվին իրեն ... ամիսո՛վ:



Երբոր պարտեզեն պահ մը դուրս ելա,
Մեկը կը հծծեր. Ի՛նչ քաղցրիկ լիւս.
Մյուս մըն ալ. «Ո՞վ Տե՛ր, ի՛նչ... խառա-պելա...
Մեծարենցի տեղ գտավ՝

ՀՐԱԶՅԱ:

ԱՌԻԵՐԳ

Ձյունին վրայեն կ'երթաս, արև՝ ձյունածաղիկ,
Քայլիդ շափն է կոշնակին ձայնք ժամուռ,
Շուրջդ է ծիածան, օ՛հ, առտրվան այս ժամո՛ւն,
Սիրտդ՝ ուխտագիր սրբության մը խաղաղիկ:

Ջյունին վրայն կ'երթաս, արև՝ ձյունածաղիկ,
Մնջելով ունկն ի վար աղոթքդ անծանոթ,
Ու շփելով շուրթիս սյուք մը մյուռոնհոտ:
Հիմա կ'երգեն, օ՛հ, «Ջարթի՛ք, փառք իմ, զարթի՛ք...»:

Ջյունին վրայն կ'երթաս, արև՝ ձյունածաղիկ,
Կ'երթաս, ո՛վ կույս, ձյունին վրայն իմ սրտիս,
Հորինելով գունյան կայծեր ու աստղի՛կ:
Իմ տաղարանս՝ ուր դուն կ'երգես, կը ժպտիս:

ՄԻՏՔ ՈՒ ԲՆՈՒԹՅՈՒՆ

Միտքս անդադար պատճառներու կը կանչեր,
Ինչպես շան մը լիալուսնին դեմ հաշյուն,
Կամ կոհակին ամբարտակին դեմ շողյուն:
— Մեկուն պես շփոթ, մյուսին պես լե՛ռ մըռունջի:

Փյունիկ մըն է միտքս, իր թևերն են «ի՛նչ է»,
Որ կը սլանա դեպի «քանզի»ին լույս հնչյուն,
Հոն տատրա՛կ մը կը վերածնի իր աճյուն՝
Զույգ թևերով ծիածան ու ճաճանչի:

Աղաղակի կ'ըլլա մըրրիկ ամպաթև,
Միտքս՝ որ հասնող՝ «ինչու»ներուն հնձանն է:
Զոր կաթոգին ձեռք մը հանկարծ կը բռնի,

Կը պարուրե՛ խաղաղությամբն իր թեթև,
Հրաշալիո՛վն արեգակ ու կապույտի՛
Որ համասփյուռ ամեն բանի կը ժպտի՛:

* Հասնող՝ en fermentation:

ԻՐԻԿՆԱՎԵՐՁ

Կը ցնծա ուտն ալյակին հետ,
Ճարճատելով ճիչ մը զըվարթ,
Զի կը սփռե հարսն արփավետ՝
Համայնին վրա՝ մազերն իր վարդ:

Կը ցնծա՛ ուտն ալյակին հետ,
Երբ կանգ կ'առնե կույսին նավակ:
Ու բզզալով ջուրն ու նըվազ՝
Կ'երթան հոգվույն այն ծաղկավետ:

Կը ցնծա՛ ուտն ալյակին հետ,
— Օդն է քաղցրի՛կ զերթ մանանա,—
Երկուքին վրա երբ կը բանա
Լուսին աղեղն՝ արծաթ իր նետ...

ՍԻՐԵՐԳ

Երբ կը մեկնիմ ես քու քովեդ,
Կ'ըլլամ շիկնոտ ու թրվըռուն՝
Ինչպես կ'ըլլա՝ բուրումնավետ
Վարդենիքեն անցնող առուն:

Եվ ջուրին պես այն թրվըռուն,
Քու նախընծա գրկանքիդ հետ,
Մոլորելով կ'ըլլա անհետ՝
Գետ հոգվույդ մեջ՝ սրտիս առուն:

Ու գետին պես՝ սրտիս առուն
Կը տանիս քու մահվան ճամբեդ՝
Զարնելով զայն մերթ ծաղկավետ
Ափունքներուն՝ մերթ քարերուն:

ԽՈՒՆԿ ՈՒ ԱՐՑՈՒՆՔ

Շիթ մ'արցունքով՝ կախիլ մը խունկ
 Սրբանոթին մեջ կը ցանկ
 Մայրս՝ որ կ'անցնի անտես դռնե,
 Եվ երջանիկ՝ կը դընն ունկ

Անդրաշխարհէն եկող ձայնին:
 Աչքերուն՝ որ զինք կը դիտեն
 Կիրակմուտքի խունկին ատեն՝
 Ձեռքն անընդհատ կու տա իա՛շն հին:

Եվ ամենուն կու տա բաժին՝
 Ծուխէն ծաղիկ մը ծափելի:
 Ու ցայգամուտն է հայելի՝
 Ուր կը ցուա բոցն աշխուժին՝

Լուսահոգի զվարթուններուն՝
 *Ձորս արբեցուց այս իրիկուն
 Շաբաթօրչա խունկն ու արցունք:

Մայրս ալևոր շոքեր է ծո՛ւնկ...

ԱՆԹՎԱԿԻՐ ՏԱՂԵՐ

ՏՎԱՅՏԱՆՔ

Անոր ցավը՝ հո՛ւր է վառող ինձ համար,
 Ինչպես սերն է՝ կյանք հորդաբուխ և անշեջ...
 Քանի դիտեմ դեմքն ըսպիտակ գերթ մարմար,
 Շիթ շիթ արցունք կը քարանա սրտիս մեջ:

* Ժողովրդական հավատալիք մը կ'ըսե թե Կիրակմուտքի տնային խնկարկությանց միջոցին սլուսեղենները իրենց սիրելիներուն կայքերը կ'երթան, ակնկալու աչքերով ստանալու համար իրենց ընծայված խունկն ու արցունքը, կամ հուսավրեպ, զլիսիկոր ե՛տ դառնալու համար... Ժողովրդական հավատալիքը կ'ըսե ուրեմն, և ո՞վ պիտի չըսեր թե հիշատակը կը վերապրեցնե հոգիները: Եվ ի՞նչ ավելի՛ հիշատակելի հիշատակարան՝ քան աստղաշիթ աստվածատուր արցունքն ու հոգեկարար վերամբարձ խունկը:

Թարշամներ է կաթնաբուխ ցո՛ւքը բերնին,
 Իր ժըպիտին քնքույշ ծաղիկն հոտեան,
 Ուր կը վառեր կյանքի ըղձանքը շերմին,
 Կի հըրայրքովն հուզումնալից իր գարնան...

Եվ զլիսիկոր՝ ինչպես եղնիկ վիրավոր,
 Կը տեսնեմ, երբ հուրն երազանքն իմ ծաղիկ,
 Կը դաշունեն զիս մորմոքներ բյուրավոր,
 Խավարելով անուրջն հոգվույս խաղաղիկ...

ԽԵՆԹԵՐ

Ա

Մթնշաղին բոցերուն մեջ երփնագույն,
 Ծրկու ձեռքը կը կարկառե, և իսկույն
 Կ'ուզե բռնել՝ հասկերուն վրա ցորենի՝
 Փախչող լույսին թռչնակները ծիրանի:

Կ'ուզե թրջել ճակատն՝ ինչով բոցարծարծ՝
 Ճերմակ թռչնիկ ծփանքներուն վրա ծովուն.
 Վարազի պես կը խոյանա վրդովուն՝
 Բայց մոր գի՛րկն է որ կը բանտե զինքն հանկարծ:

Խե՛նթն է, կ'ըսեն, անխի՛ղճ գութով, և հանգույն
 Ասուպներու՝ իրենց խոկիին կը դառնան.
 Հորիզոնի դալկության մը պես տժգույն՝
 Մայրն անդոհով կու լա պտուղն իր գարնան:

Մայրը կու լա երջանկությունն իր զավկին.
 Ու կը կարծե փուշեր ժողվել, ուր վարդեր,
 Արձակունակ ծաղիկներու քաղցրագին
 Եղեմներ նոր՝ տըղուն անուրջն է գըտեր:

Տըղուն՝ որ գո՛հ փակեց թևերն ու կարծես
 Կը հավատա անհունություն մը գրկել:
 Կ'ուզե մինակ ըլլալ. վազե՛լ անարգել
 Անբըական ի՛նչ կույսի մը ոսկեգես...

Ու ջուրերուն եզրը կեցած, երբեմն ալ,
Երկա՛ր ատեն, կը բաղձա հոն մենանալ,
Մթնշաղին բոցերուն մեջ վարդագույն,
Երկու թևը պարզած՝ խաշի մը հանգույն:

Խա՛շ՝ որուն ցավն ու ըստվերները գորշգույն
Կ'անդրադառնան՝ ինչպես մըռայլ ուրվական՝
Լուրթ ջուրերուն վրա ծով հոգվույն մայրական,
Մթնշաղին բոցերուն մեջ վարդագույն:

Բ

Մութնուլուսուն պատըշգամին վրա է.
Եղյամին վրա, ոտքը բոպիկ, գլուխը բաց.
Սըրինգ մ'անտես իր շուրթերուն է հըպած,
Եվ ջուրերու թույլ շրջյունին կ'ունկնդրե:

Պի՛շ կը նաշի ծովեն անդին, լրջացած
Հորիզոնին. կը կարծե ի՛նք կերպեր է,
Իր անանուն սրինգով՝ բոլոր դաշն ու ցած
Ձայնաշարը՝ զոր սյուրն հեղիկ կը բերե:

Մեծ, ճշմարիտ ու նախնական այդ ձայնով,
— Իր նըվագով, — ա՛յնքան կ'ըլլա ինք գինով,
Որ կը պատե գրկած արևը ծագող:

Բայց առաջին նայվածքներեն, ինչպես գող,
Ներս կը սուրա ընդոստ խուցեն. իր շուրջի
Մարդաձայնեն ինք գինքն հիշած՝ կը փախչի...

Գ

Դեռ կըսպասե՛, մտքին մութին մեջ դաժան,
Ջոր ցանցեր է շրջուն թալուկն անդունդին.
Կ'ուզե նաշիլ անգա՛մ մըն ալ իր շորսդին, —
Քաղցրություններն արդյո՞ք կու գա՞ն, ա՛հ, կու գա՞ն:

Համակրության պղտիկ բառ մը մեղրանույշ,
Պղտիկ ճըրագ մը գորովի բոցարծարծ՝
Որ նշմարել տա խավարին մեջ հանկարծ
Հին սիրական ուղին, հոգ չէ՛, ա՛յսքան ուշ...

Դեռ կըսպասե՛, մտքին մութին մեջ, դաժան
Քարշեպին վրա. վարեն մըթար ջուրերուն
Ձինք կը կարթե շարժող տեսիլն ուրվական.
Վարե՞ն. մըռայլ տարփի ձայներ կը վըժան...

Փնտոեցե՛ք այս տըղան, ո՞ւր եք, ո՛վ սուրբեր.
Թողե՛ք անկյունն՝ ամուլ ձեր գութն ու մատյան.
Աստվածն ա՛ն է, ա՛ն՝ որ արցունք է սրբեր,
Ա՛հ, քաղցրություն, գոնե շի՛թ մը քաղցրության:

Դեռ կըսպասե՛, մտքին մութին մեջ դաժան,
Նըշույլներո՛ւն դեռ՝ սիրաշարժ շրթունքին,
Դեռ սիրածագ բոցին՝ աչքի մը անգին...
Դեռ կյա՛նք կ'ուզե, անոնք Մա՛հն իր կը կարդան:

Սև լաթի մը պես կը նետեն երեսին
«եսենթ» բառն անհուն. բառ անգորով ու դաժան.
Ու կը դառնան ապրիլ իրենց կյանքն ոսին,
Սև եղբայր մը մատնած ցավին անբաժան:

Դեռ կըսպասե՛ պղտիկ բառ մը մեղրանույշ,
Դեռ կըսպասե՛ գորովանքի ճրագն արծարծ
Դեռ կըսպասե՛ որ խավարին մեջ հանկարծ
Հին սիրական ուղին ցույց տան, ա՛յսքան ուշ...

ԵՐԳ

Քո՛ւյր, մոտեցի՛ր կըրակին,
Մըխե տերևն այս բուրյան,
Ձի ամեն բան ինձ կրկին
Կը դարձընե հոտն արյան:

Քո՛ւյր, մոտեցի՛ր դարակին
Ու բեր հեղուկն հրնժանյան,
Զի ամեն բան ինձ կրկին
Կը դարձրնե համն արյան:

Քո՛ւյր, մոտեցի՛ր ճրրագին,
Մարե՛ դայն, թո՛ղ լուսինկան,
Զի ամեն բան ինձ կրկին
Կը դարձրնե գույնն արյան:

Քո՛ւյր, մոտեցի՛ր նըվագին,
Երբե՛ դաշտերն ու ցարյան,
Զի ամեն բան ինձ կրկին
Կը դարձրնե ձայնն արյան:

Քո՛ւյր, մոտեցի՛ր իմ ձևքին
Աստվածարոցն հրբացան,
Զի ամեն բան ինձ կրկին
Կը հիշեցնե վրե՛ժն արյան...

ԱՐՁԱԿ ԷՋԵՐ

1904

ՅԱՅԳԱՅԻՆ

Կը սիրեմ ես թափառիլ գիշերին մեջ. գիշերին մեջ, ուր այգուն դեմ,
երազի անո՛ւյշ ծաղիկներ, ձյունն փթթումներով, կը բացվին հոգիներու
շուշան համբույրին, գիշերի՛ն մեջ, ուր գետեզրին մոտեն լսվող կոշ-
նակին գանգլունը կը ծավալի սաբե սար ու խորհրդավոր կերպով կ'օրրե
զգացումները:

Կարավանը կ'անցնի՛ լերան արահետներեն, ու բոժոժներու ձայնին
միստիք մեկամաղձությունը հեռուն հեռու կը լսվի գիշերին մեջ, որ լաւ
է, գիշերին մեջ, որ մթին է և ահա՛վոր:

Եղնիկները, — անըջային ու պաշտելի՛ կենդանիներ, — թեթև, թեթև,
գետափն ի վար կը սուրան, գետափն ի վար՝ որուն մեջ կը ստվերանկար-
վին լուսնի լազվարթային սատափացումներեն, ինչ որ ունին խուլագիծ
ու խուսափուկ ու անշոշափ՝ երազի մեջ վարշամակված իրենց ամպա-
փն ձևերը: Ու իրենց մեղրիկ նայվածքներուն լույսը կ'առկայժի գիշերին
մեջ, որ լայն է, հեշտագին ու համապարփակ:

Ու բուր մրտենիները, բուրումնալիբ, դալար համբույրներ կը սո-
տվեն հուլանի միջոցին մեջ: Պարզկա գիշերվան սյուրը կ'անցնի տերե-
վափաթա թավառքին ճիշդ սրտին ընգձեցեն, սարսուռներ պտտեցնելով
հոն: Ու ես կը մտածեմ, աչքերս կփսափակ ու հոգնած, գլուխս քարի
մը հեցած և հոգիս հեշտանքով ու տենդով լեցուն, ես կը մտածեմ...

Շո՛վը, գինով աղջիկ մըն է կարծես հոգը, ծփացիկ պարեզոտով
հո՛վը, գիշերվան փողահար ու բուրումնավա՛տ հոգը, որ շուրեքուն վրա
խող ու տատանուտ ջրջար մը կը դառնա հուլարեն, գիշերին մեջ, որ
ցրտին է ու դողդոջուն:

Կը սիրեմ ես թափառիլ քու հոգիիդ գիշերին մեջ, ո՛վ կին, գիշերին մեջ քու հոգիի՛դ, որ տրտում է և ահա՛վոր, լայն ու հեշտագին, կրքոտ ու խանդաբորբ, ցրտին ու դողահար...:

<1904>

1905

ՑԱՅԳԱՆՎԱԳ

Պարզկա գիշերվան համատարած սպիտակ լույսերուն մեջ ո՛վ շգար խորհուրդն անծայրածիր Գոյության. ո՛վ շի լսեր ձայները՝ որոնք միջոցին մեջ հավիտենության անծայրածիր գաղափարը կ'երգեն: Մնունդի խորհրդաաքո՛ղ գիշեր, ուր հոգիները կը վերածնին ու Մտածումները կը սլանան դեպ ի անհուն բարձունքը դարավոր խորհրդանիշին. աղամանդե երազունակ ու լայնալիճ նայվածք, որ հոգիներու վրա կը քրթի ու կը հալածե մշուշն անոնց ըստվերոտ ծալքերուն:

Ձանգակները կը հնչեն, երգերը կ'ոգեվորեն, ու բոլոր ձայները ցնծագին համերգության մը մեջ կը միանան. հոգիներու ծնո՛ւնդն է:

Լուսավորները կը վառին, խունկերը կը բուրեն, լույսերն ոսկի բուցերով կը փայլին. հոգիներու ծնո՛ւնդն է:

Շրթունքները մեղմագին կ'աղոթեն, նայվածքները կը բոցափայլին, ու ձեռքերը կը վերանան, կը վերանան. հոգիներու ծնո՛ւնդն է:

Տաճարին մեջ, լուսավառ սեղաններուն վրա, ոսկեհուռ թավիշե բահվանդներով միստիք գիրքեր փակ ու լոին կ'աղոթեն. վայրկյանի լուսթյուն մը հոգիներու մեջ անծանոթ դողեր կը թափանցե, ու նայվածքները, գութի ու գորովի տամկություններով լեցուն, կը պսպղան. հոգիներու ծնո՛ւնդն է:

... Երգերը կը վերսկսին, զանգակները դարձյալ կը հնչեն, մըրմունջներն անդու կը բարձրանան, կնդրուկներն անընդատ կը բուրեն, և սիրտերը միշտ, մի՛շտ, անհուն սլացքներով, կը վերանան. հոգիներու ծնո՛ւնդն է...



Քու խորհուրդիդ վեհության առջև, ո՛վ սիրական ու պաշտելի գիշեր, կ'զգամ որ ձեռքերս, ներքին հզոր ազդեցութենե մը մղված, կը միանան, ծունկերս կը խոնարհին, շրթունքներս կը դողողջեն, ու նայվածքներս կը մոլորին իրենց տենդահույզ թափառումներուն մեջ:

Ո՛վ սուրբ գիշեր, հոսեցուր սրտիս մեջ կաթը քու սպիտակ խորհուրդիդ և զիս քու ամբիժ գորովանքիդ հավիտենությանը մեջ ապրեցուր, քու հրայրքիդ բոցավառ ծիածանը շողացուր հոգվույս խավարին մեջ և էությանս պարապը քու հույզերովդ, քու սուրբ ու կենսառատ հույզերովդ լեցուր:

Դուն ուր Կյանքը տվիր ինձի, ո՛վ Տեր, ապրի՛լ սովրեցուր, ցողիմ հոգիս ցողովն անհուն գթության, ու թող ձյունե սրտիս մեջ հավերժական սպիտակությունը քու սրբություններուդ, տո՛ւր ինձի, ո՛վ Տեր, քաղցր մոռացոնքն աշխարհի մորմոքներուն և հետադարձ մոլորանքին ցավն ինձի խնայել:

Քու սատափե երազիդ գունագեղ շողերուն մեջը զիս թաղե, ո՛վ սուրբ գիշեր, և հագեցուր անսահման պապակն որ անդադար կ'այրե հոգիս: Մանուկը՝ որ կը նիրհե իմ հոգվույս խորը, արթնցուր և հնչեցուր դարձյալ վաղեմի ձայնը՝ որ լուսծ էր սրտիս մեջ:

Ո՛րքան քաղցր է սուզվիլ քու պայծառ խորհուրդիդ ջինջ անհունության մեջ. թո՛ղ որ հանգչեցնեմ հոգնաբեկ ճակատս սփոփանքիդ շողերով ու մոռնամ պահ մը անսահման խանդաղատանքիդ մեջ փանաքի վրդովումներն աշխարհի ունայնություններուն, ո՛վ սուրբ ու պաշտելի գիշերը հոգիներու վերածնունդին...

ՀԱՏՎԱԾԻԿՆԵՐ

Կը լսեմ որ էությանս մեջ կը հեծե անուշ սարսուռը սերերուն, որոնք պիտի ծաղկին ցավոտ սրտիս մեջ, ուր հիշատակներու փոշին կը քնանա՝ հառաչանքի մեղամաղձիկ օրորներուն տակ:

Ու կը փայլի՛մ, շեմ գիտեք թե ինչե՛, թերևս իմ հոգիես, իմ ցավատանջ հոգիես, ուր Տառապանքը լոկ երգեց երգը անծանոթ ու խորին տրտմության, որ իմ էությանս մեջ կ'ապրի:



Հորդառատ ծուխ մը կը պլլվի Տենչանքիս խորտակող բոցին, որ սուտակային գոտիի մը պես կ'երկարի:

Անծանոթ դիցուհիներու շարագուշակ ձևերը՝ մշուշի խոպոպներով կ'աշնաներփեն Լրազագույն հոգիս, որ կը թվի թե կ'անէանա համորեն, համորեն: Մահերգի ուրվային թախծություններ, ջախջախող ու անբուժելի, հեռուներեն կը նվագեն ինծի մահը ծաղկատի աղչկան. «Մեռավ ան, ո՞վ դուն, անվերապահ տարփավոր, միամիտ տղա, ու անկասկած: Թափառիկ ու դուրաբեկ սավերայնություն, որ կրցար քու հույզերդ պատեցնել խավարչտին ու անել բավիղներու եզրերը, խեղդող պարապության մեջ, որ ծնրադրած կը թվեր քեզի՝ զգացումին ուժգնության առջև: Բայց, անխորհուրդ, գիտցի՛ր մեծ խորհուրդը ու կրկնե՛ մեզի հետ. «Քնացավ,— ու գուցե ընդմիշտ չ'արթննա՛. անիկա իր անգոյությունը կ'ապրի հիմակ, ա՛հ, իր անգոյությունը...»:



Ալյակներու ընդհատ ընդհատ շաշող սրսփունքները, որոնք ավազին վրա կը մեռնին դողահար, ու ծովափին խուսափուկ լույսերուն ծիւրանի երանգավորումները, որոնք կը թռչնին հանկարծ, տարտամ գույներու աղոտ ճաճանչումներ ու թերի լուսածապավեններու երազունակ գիծեր սփռելով գորշ ծովախորշին վրա, կը թափանցեն հոգվույս մեջ հավիտենական գաղափարը խուսափուկ Գոյության ու մահագուշակ անդորրություններուն:

Ա՛հ, լուսնային անհուն, կապույտ, մետաքսե քաղցրություններ... փախչող վրդովմունքներու սսլիտակ երազայնությունը... ծովուն աղաբույր շունչը, որ խորունկ զգացողության մը պես կատվարանա ու կը ճնշե տակավ հոգիիս:

Մահվան անդնային զգայնություն մը՝ մահագուշակ մտածությանց միապաղաղության մեջ:

Եվ մահական վանկեր, որոնք կը մազցին սառ հանդարտություններու մեջ, նվագի մը պես, որ կը թմրեցնե՛ հեշտին...

Բայց չի՛ լոեր երբեք աղաղակը հոգվույս, որ դեպ ի կյանք կը վազե, խանդավառ ու բաղձալից...

ԶՐԻՆ ԾԱՌԸ

Գետը, դեռ գյուղ չհասած, կը թոթվտի իր հողե անկողինին մեջ՝ փրփրալից ու հետտ. ու շաշելով, շշելով կ'անցնի հպարտ, խարակներուն առջևն, որոնց մեջ կարծես զայն իր ամապարագիծ հոխորտանքին մեջ արգիլելու շարժումներ ընողներ կան. ահա՛ մեկը, որ իր տեղը թողած գացեր կեցեր է ճիշդ հոսանքին մեջտեղը, ու, անտարբեր ու լուրջ, կուրծքը հեղուկ խարազաններու հարվածներեն կապուտցած, զայն պիտի պատվարե՛ր կարծես. քիչ մը վարը, ճիշդ հոն, ուր ափունքի բարշեպներուն շղթայեն պրծած, գյուղ պիտի մտնե վիժանուտ ջուրը, երկու հաղթ ժայռեր, դեմ դեմի նստած, իրենց թուխ բազուկները կ'երկարեն իրարու. հոն գետը, ա՛յնքան նեղցած ու ամփոփ ու լոխն է, որ կարծես, պղտիկ ճի՛գ մըն ալ, ու ժայռերը հավիտենապես պիտի ցցեին հոն իրենց անընկճելի ամբարտաղը ու կապտեին խեղ տղան: Բայց ջուրը ճապկըտուն է և ճուկ կու տա կը սահի գնդերոտ բազուկներու կամարին տակեն. ու դարձյալ, շարանճար, կը վազե դեպ ի գյուղ, մյուս ժայռերուն առջևն, իրենց անգոսնումին մեջ մեկուսացած, որոնց բացատքին ընդմեջեն երկինքը կը հեռանկարվի և անոնց գլխուն վրա կը հանգչի կապույտ կափույրի մը պես. մինակ թե, երբ հոսանքը պիտի անցնի կամուրջին տակեն, հոն, ուր ժայռերուն հպարտանքը կ'իլլե՛ա, և սպիտակ, գմբեթարդ Աստվածամարը կը ժպտի անուշ, կամուրջին տակեն՝ կը սահի անշշուկ, հանդարտած, և բարի Աստվածամարը, զինքը շրջապատող ամբարձուղեղ ու բազմաստեղ ծառերեն, ստվերի խունկ մը՝ օրհնություն մը կը թոթվե, որ կը շղարշանա իր դարավոր անկողինին մեջ երկարած գետին ողորկ ու դողդոջուն մարմինին վրա՝ գրեթե հողանի: Ու այս այսպես կ'ըլլա միշտ. գյուղին էն տարեցն անգամ պիտի վկայեր թե, գետը, իր գարնային հորդումներուն ամենեն հուռթի ու տարփոտ պահերուն իսկ, գեթ անգամ մը վեր չէ կլած ջուրին ծոցը իջնող վանքին քարե սանդուղներեն:



Տարի մը, կ'ըսեն, գետը, գարնան ատեն, անսահման տարածված, տարածված էր. ամայի դաշտավայրերեն անցած պահուն, հանկարծ իր կայքեն դուրս նետված, և իր ափունքեն շատ անդին, բոլոր դալար թու-

մը պես, որ հետզհետե կ'երփներփվի՝ ոսկեթույր, խնկաթույր, քրքում ու արծաթ:

Կ'անցնիմ, կ'անցնի՛մ անվերջ այգեստաններուն մեջին, ուր անտես <գետի> մը մշկենի ալիքը կը ծփծփա. ու պտղառատ լիաբերի հողին արգավանդ ծոցը կ'ուռի, գոյության եթերածին երակ մը անդադրում կը բաբախե. ա՛հ, վայրկյանին քաղցրությունը:



Գյուղ կը դառնամ. ատեն ատեն կը շոյեմ ճայիկիս բաշը, որ լուսնի ծիածանումին մեջ կը փալփլի. ան սուրալով կ'անցնի դեղնորակ ճամբաներեն փոշիե ուրվանկարներ հորինելով, ատեն ատեն սանձը կը քաշեմ, ու կը կենա. պահին գեղեցկությունը շարժումի գաղափարը կը մոռցնե, ու տիեզերքի սրտին մեջ բաբախող բույրներուն ու վայրկյաններուն զարկը ա՛լ չզգացվիր. ամեն ինչ իր սքանչելիումին մեջ կ'արձանանա. հովը, ծաղիկը, տերևը, մարդը. օ՛հ, վայրկյանին երանությունը: Շրջանկարը կը դիտեմ անկշտում. գյուղականները՝ մանուկներու պես նստեր են բլրակներու ծունկին, հովիտներու գոգը, կամ գետին քղանցքին մոտ. զավակներ, զոր արգասավոր ամուլ մը ցանցներ է հոս հոն: Ահա՛ հեռուններեն սպիտակ իրան մը կը ցցվի, կ'ուռի. հովիտին աղջիկն է, գետը, իմ սիրականս, իմ տարփուհիս, որ լուսինեն արծաթ թռաններ կը քաղե իր ծփանուտ քղանցքին համար: Բայց պահը անցավ, ու ես ձիս խթանելով կը հառաչանամ, վայրկյանին արձանիկ դադարեն վերջ, ուր հավիտենությունը կը մղվեր կը խտանար. հիմակ աշխույժով կը լսեմ դարձյալ իրերուն ձայնը, կյանքին աղաղակը, բույրներուն ուժգին զարկը:



Դեռ չհասա. տափաստանը այնքա՛ն ընդարձակ է, ա՛յնքան ծայրածափալ, որ զավազանի շափ երկցող ճամբան, առածիգ, քմահան, ոլորված տրեզի պես հետզհետե կը քակվի, կ'երկննա: Ծամբուն վրա ալուհիներու, ընկուզիներու պզտիկ կայաններ կան. շուրջս, այգիները, այգիները, անվերջ այգիները. որթի տերևներ, ամե՛ն կողմ. գետնին վրա ու կապտորակ օդին մեջ ալ, որթի խնկագույն տերևներ. դիմացս, ետիս, գլխուս վրա, շուրջս, ամե՛ն դի, անջրային թիթեռնիկներու պես պարանցիկ կը դառնան. ի՛նչ երազի մեջ եմ: Ու այս տերևի բույրներուն մեջին, հեռո՛ւն, հա՛տ մը, գեղեցիկ, հսկայական, լուսաշող, շե՛շտ կը

նկարվի, իր դրասանգներուն շուրջը բիւ երիզ մը կը պտուտի. ու իր երակիկները, մեղրամոմի պես տժգույն, իր դալար ծոցին մեջ կը խաղան. տեղ տեղ հրանյութ կայծեր, ոսկի աչքեր կը քթթին. կոթունը, փոշեգույն, պիրկ կը շեշտվի. ես այդ տերևին, ես այդ տեսիլքին կ'երթամ գրկաբաց. ու ինքն ալ, ժպտուն, խանդաղատ, ինծի կը սպասե, զի՛ս կը կանչե կարծես. ա՛հ, ի՛նչ երազի մեջ եմ:

Կը քալեմ, կը քալե՛մ, կը քալեմ և ահա՛ մոտեցա. մոտեցա ու կը բարձրանամ, փոշեգույն կոթունն ի վեր, կաթոգին, սրտազևղ. և ահա՛ կոթունին ալ ծայրն եմ արդեն ու պիտի սուզվիմ դալարին մեջ:

- Բարև՛, տնաշե՛ն:
- Բարին արևի՛գ,— կ'ըսեմ, ու տեսիլքը հալեր փախեր է արդեն. մոմագույն երակները սակայն դեռ կը խաղան քիչ մըն ալ ու կ'այլափոխվին հանկարծ. գյուղիս փողոցներն են, սալարկված միափայլ փողոցները. ու կոթունն ալ զոր մազլեցեցա, գյուղիս ճամբան էր, տերևաձև գյուղիս ճամբան:

Վա՛խ, տեսիլքը փախե՛ր է, բայց ա՛հ, իրականությունը հոն է. իմ մշկենի, ծաղիկ ու ծափ գյուղս հո՛ն է: Երազը գնաց, բայց խանդաղատանքը դեռ կը մնա...

ԱՇՆՆԵՐԳ

Ե. Պ. ԻԾ

Սա՛րն ի վեր, թո՛ւ՛վ գնաց հոգիիս սպիտակ աղավնին. անո՛ւյշ հոգյակ. բայց իր թռիչքին ճերմակ աղոթքը, բայց իր նայվածքին մեղրիկ կաթիլքը, հոգվույս մեջ է դեռ. հոգվույս մեջ է դեռ:

Ամբաս տաք երազիս, այդ ճերմակ թռչունը, սահեցավ անցավ աշնահար ծառերուն սրսփուն հեծեծանքին մեջին ու ծովուն ալեղող փրփուրներուն վրային. մինչև հորիզոնին ծայրը, ավելի անդին՝ հոգվույս հուսաբեկ դառնանույշ զալարումին վրա. ավելի՛ անդին՝ կորսված հորիզոնի մը ոսկեջինջ արշալույսին մեջ, օ՛հ, իմ երազիս ճերմակ աղավնի՛ն:

Չո՞վը, հովը՝ որ ահա պատուհանս փակեց. հովը, գիսախոփվ, մոլեկա՛ն Սեպտեմբերին հովը՝ որ ահա՛ կ'իջնե մինչև հոգվույս ալ լուսողոգ պատուհանները, մինչև ծիրանի ճրագները իղձիս, իր անձրևոտ, ցուրտ ու փրփրուն շունչը նետելու համար հոն. հո՞վը, որքա՛ն ծանցուց

արդյոք հոգյակդ, ա՛հ, որքա՛ն, որքա՛ն, երազանքիս սպիտակ աղափ-
նին:

Ամպամած գաղջ իրիկուն մըն է հիմակ, հոգվույս համար, հոգվո՛ւյզ
համար. լուսինը՝ տիրամոր քաղցր, թախծագին, լացող նայվածքի մը
պես ժպտեցավ այս իրիկուն ամպերուն շեկ շղարչին մեջեն. ու մանր-
հատ անձրև մը ուրախության արցունքի քաղցրությամբ իջավ մինչև
հոգվույս հուշերուն մեջ, ուր սիրացող նայվածքներուդ ողկույզն է կախ-
վեր՝ անշիջանելի՛: Այս իրիկուն, օ՛հ այս իրիկուն, ի՛նչ անբացատրելի
քաղցրություն է որ կը ծորի լուսնին փախստյա նայվածքներեն, ի՛նչ
երանություն, ինծի համար, որ լուսնին ուխտավորն եմ, երբ ան մթապին
գիշերներու ապաշխարանքին մեջեն հանկարծ կը բացվի լիարծաթ, լիա-
բակ, վազքի մը պես՝ որ հորիզոնին ծայրը կը բարձրանա՝ աղոթավոր,
քմայական, միստիք շրջագիծով. օ՛հ, ի՛նչ քաղցրություն է այս՝ զոր
անտես ցայտք մը սրտիս մեջ կը հոսեցնես. ա՛հ, այն ոսկի արշալույսին
կուսությանը մեջ թառած, դո՛ւն ալ, սպիտակ աղափնիս, դո՛ւն ալ լուս-
նին նայեցար...

ՏԿՃՈՐԻՆ ԵՐԳԸ

(Արձակ բանաստեղծություն)

Իրիկնալույսին ծիրանի ծովուն մեջ կղզիացած արտասովող ուռի-
ներու շուքին տակ, հովիտին խորը, ահա՛ վասիկ իմ երգս, արտաներուն
շունչովը լեցուն. ահա՛ վասիկ իմ երգս, առվեզերքի աննուխին ու ռեհա-
նին խունկովը օծուն. ահա՛ վասիկ իմ երգս, հնձված արտերուն ու հերկ-
ված հողերուն բույրովը, արևեփ խաղողներուն ու մեղրացած թուզերուն
անուշուշեղովը ակաղձուն. իմ երգս՝ իղծի մը, արցունքի մը պես պարզ
ու վճիտ, որ իրիկվան ոսկի հրեշտակին հետ թև առած կը թռչի, սա-
րերն ի վեր, կապո՛ւյտն ի վեր:

Ավանները, անշարժ անդորրիկ իրիկվան մեջ, իրենց ծխնելույզ-
ներեն փթթող ծուխի մանիշակները կ'ոսկեջրեն. տարածուն ու դաշնա-
վոր քաղցրություն մը կը մշշանա անդաստաններուն վրա, ջուրերուն վրա,
գյուղականներուն վրա: Իրիկունը, շեկլիկ հերարձակ, առույզ արքենի իրի-
կունը շահասպարամներով, մանիշակներով, վարդերով զարդարված, իրի-
կունը, ոստոստուն, կը սահի կ'անցնի քովես: Ես իրիկվան տարփավորն
եմ. ու իմ երգս պարզ, պարզ, իմ երգս, անանուն դողերով, անհամար
թրթուամեկտու՛վ լեցուն է հիմակ, ուռիներու շուքին տակ, հովիտին խորը:

Ցերեկվան արևին հուրքովը գինովցած պարտասո՛ւն հոգիներ, ճել-
մակ լաթերով դաշտի՛ մշակներ, եկեք ունկնդրել իմ երգիս. իմ երգիս,
որ՝ բյուրազան բուրմունքներու խուրձ մըն է. իմ երգիս, ուր ձեր քրտին-
քին, ձեր երանությունց ու ցավերուն աղաղակը, ձեր սիրական հովերուն,
ձեր սիրական ջուրերուն, ձեր սիրական, մտերիմ, դրացի արագիլներուն
ու թռչուններուն համերգությունը կա թառած: Ահա՛ կ'անցնի իրիկվան
բամբիշը. ահա՛ անցան իրիկվան օդանուշներ, ջրանուշներ, ա՛լ թողեք
բահը. հերի՛ք հերկեցիք, հերիք հողին նայեցաք, հերի՛ք անոր հակե-
ցաք այսքա՛ն ատեն. ստվերները կը լճանան տակավ. իրիկուն է. ան-
գամ մըն ալ վե՛ր նայեցեք, դեպի կապույտին փառքը. ու ձեր մտածումը,
հողին գորշութենեն հափրացած, թո՛ղ սավառնի հոն. եկեք շարվիլ ծա-
ռերու շուքին տակ. թո՛ղ երազնիդ վազե՛ անձանթ նազելի հուրիներուն
ետևեն, դեպ ի անտես նիմփարաններ. նայեցեք անծայր, անծիր դաշ-
տերուն, ծավալական ջուրերուն, մինչև որ հեռապատկերներուն հոգնու-
թենեն ձեր կոպերը խտղտին, պրկվին, փակվին. ու փակաչք՝ ունկնդրե-
ցեք իմ երգիս: Ո՛վ բարի մշակներ, ականջ դրեք իմ երգիս, ուռիներու
շուքին տակ, հովիտին խորը:

Ահա՛ ծիծեռնակներու պարը. սարերեն վար իջնող ստվերի փերթե-
րուն հետ, ծիծեռնակները՝ իրենք ալ թանձրացած մարմնացած ստվեր-
ներ՝ խուսափական լույսերուն հետ գրկված կը պարեն իրենց իրիկնա-
յին պարը. կը դառնան, կը դառնան և իրենց շրջըջումին մեջ երբեմն
ա՛յնքան կը մոտենան, կը հպավորին իմ կուրծքիս, ա՛յնքան, ա՛յնքան
որ՝ նոր անձանթ հորձանք մը իմ երգս կ'ալեկոծե. և անոնց թռիչքին
երգը, պլլված իմ նվագիս, իրիկնավերջի սղոխին փայփայուն դաշնա-
կության հետ, վիտակ վիտակ կը գծգծվի ասամազուն միջոցին մեջ,
որ հետզհետե կ'ամպարծաթի: Ես պիտի թրթոամ, տերևներուն հետ,
թռչուններուն հետ, հովին հետ. բոլոր ձայներուն, բոլոր երանգներուն,
բոլոր բուրումներուն հետ, ես տակավին պիտի սարսուամ հոս իմ երգս,
ուռիներու շուքին տակ, դալարստվեր հովիտին ծոցը:

Դարձե՛ք ձեր օրվան աշխատութենեն, դարձե՛ք, բարի՛ մշակներ.
գիշե՛ր. կիսալուսինը ոսկեզօծ. ձեր միգապատ տներուն ծիրանեցող բի-
բերը կը փթթին բլուրին կատարեն. ձե՛զ կը կանչեն. դարձե՛ք, դարձե՛ք,
և ահա՛ տանիքներուն վրա ձերիները կը պարեն, ձեռքերնին իրենց
ձակտին քիվ ըրած, հորիզոնին լուսալիճ անդորրին մեջ երազուն ձեր
սիլուեթներուն ետևեն թափառելով. ամբողջ տունը թևաբաց կըսպասե
ձեզի, դարձե՛ք, դարձե՛ք: Երգիքին ետին, արուսյակը մշտածիծաղ կը

ՄԵԾՄԱՅՐԻԿԸ

Թարթափի, հեռավոր, պայծառ ու լուսարձակ՝ ինչպես ձեր խղճին ձայնը, որ ձեր աշխատանքին արևոտ տիվեն վերջ, ձեր գոհունակ հոգիներուն զովասուն երջանիկ գիշերին մեջ կը ճառագայթե: Օ՛ն, դարձե՛ք, ձեր օրվան աշխատութենեն, դարձե՛ք: Տունը դեռ գրկաբաց կըսպասե՞ ձեզի: Տունը, որ գիտե ձեր հոգնությունները, ամբողջ օրվան մը ձեր շարքաշությունները, ձեր բովանդակ հոգերն ու հոգին. և ի՛նչպես գիտե ժպտիլ, ամոքել, սիրել: Դարձե՛ք, դարձե՛ք, ու երբ տանիքներու վրա փոված ձեր անկողիններուն մեջ, լուսավորներու աննյութ անձրևումին տակ անդորրավետ քնանաք, կիսալուսնին ոսկելույս համայնի ալ պիտի առկախվի, մնա հոն՝ ձեր երդիքներուն վրա: Օ՛ն, դարձե՛ք ձեր օրվան աշխատութենեն, դարձե՛ք. որովհետև իմ երգս ալ ահա՛ գիշերվան մեջ էր հայի՛, կը հատնի. որովհետև շիմ ուզիր ա՛լ փեթուել երջանիկ լուսնություններուն ծաղիկ ցայգերը՝ որ թո՛շ՝ կը բացվի հոգիտին խորը, ուտի-նեբու շուքին տակ:

ՊԶՏԻԿ ԵՐԳԵՐ

ԱՌՏՈՒՆ

Ինչպես բարի քույր մը, սպիտակ առտուն, լուսեղեն աստված, ձեռքը դրավ ճակտիս և համրորեն անցավ հոգվույս մեջ, իր շառ քղանցքին հոն անձրևելու շրջունը մետաքս:

Ինչպես բարի քույր մը, ցանկալի առտուն՝ լուսացավ հոգվույս մեջ՝ կարոտով մթազնած. ինչպես բարի քույր մը, ինչպես շուշան մը՝ անձաղի մեջ ծաղկած:

Ինչպես բարի քույր մը, գորովազեղ առտուն, իր խունկ ձեռքերով ամենն ալ գզվեց. գզվեց ամենն ալ ցավիս ծաղիկներուն, որոնց բաժակները բարձրացան, բարձրացան՝ անոր նայվածքին լույսովը թրջվելու:

Եվ ինչպես բարի քույր, ինչպես բարի քույր՝ վաղաժամ մեռած՝ քնացավ առտուն, իր գորովանքով օծած՝ հասկերը իմ տարփանքներուս:

Ճրագը ձեռքը ննջասենյակեն ներս մտավ ծերունի կինը: Դուրսը գարնային անձրևը կը հոսեր լիատարափ. դուրսը դաղջությունն ու մութը ծովացեր էին: Հերարձակ անձրևը ջուրի վեժքեր կը ցրցքներ ապակիներու վրա, պատերուն վրա, մայթնրուն ու տանիքներուն վրա:

Մերուհին լուսակալին վրա դրավ ճրագը ու գնաց պատուհանին հայեց ճակատը. սրբա՛ն պետք ունեիր այդ զովացքին:

Տարափը կը տենդոտեր ու մտրակներու հույլի մը պես կը շաղեր սալարկին սպիտակ քամակին վրա, և հետո շարանճի ձեռքի մը նման գզվական ծեծիկներ կու տար ապակիներու երեսին:

Մերուհին ընդերկար մնաց այդ դիրքին մեջ, ճակատը ապակիին հեց, նայվածքին նշույլը դուրսի մութին ու գաղջության մեջ տարտամած և կամ՝ մերթ՝ կայծակներու քրքում և օձագիծ խաղերին լուսավառած: Մերուհին ընդերկար մնաց այդ դիրքին մեջ, հոգին անսահմանելի անդհով մը պրկված:

Անձրևի հորձքերը կը վերսկսեին խաղալ տանիքներուն հետ, բույսերուն ու ծառերուն հետ, մայթին ու մութին հետ: Ու կը վերադառնային ցարտալ ու արցունքոտիլ ապակիներուն վրա. և երկնային ջուրը իր փափուկ զովությունով կը փայփայեր ծերուհիին ճակատը, կըսթափեցներ զայն իր խոհանքեն: Եվ երկնային ջուրը հմայական ձեռքի մը պես՝ լուսեղեն տեսիլ մը կ'առկախեր հանկարծ խավարին մեջ. քաղցր ու դժնդակ պայծառություն, որ կը շրջագծեր մեղրանույշ ու նրբագիծ դեմքը իր թոռնուհիին: Եվ ի՛նչ տեսիլ կրնար թելադրել իրեն գիշերային այս մենությունը, եթե ոչ անորը: Ահա՛ տասներկու տարիե ի վեր ցերեկներն իսկ անոր երազովը կը մտաթափառեր...

Տեսիլքը՝ վայրկենական՝ ժպտեր ու գացեր էր սակայն, դուրսը լեզու էլեր էր դարձյալ ջուրերուն խուժող բարբառը. ու ծերուհին հեղ մըն ալ կը պարուրվեր իր մտահոգությունց անարև ու տրտում մշուշով: Երբեմն կը ցնցվեր թեթևակի. կը բաժնվեր քիչ մը ապակիին, բայց ճառախի ջերմությունը՝ հանկարծորեն զգացված՝ դարձյալ կը մոտեցներ գինքը պատուհանին, ու նայվածքները անգա՛մ մըն ալ կ'ընկզմեին մութին մեջ...



Աշտանակին մոմը սպառելու մոտ էր. սենյակին լույսը հետզհետե կ'անսորանար, քանի մը նշույլներ տակավին կ'ոգևորեին: Հանկարծ սենյակը մթագնեցավ, ծերուհին արթնցավ իր մտածութիանց քունեն. որքա՛ն ատեն մնացած կրնար ըլլալ այդպես պատուհանին առջև. ո՞վ գիտե:

— Տե՛ր Աստված, զորութեանդ մեռնիմ, վաղը պայծառ արև՝ մը... վաղը սո՛ւրբ, սո՛ւրբ օր մը տայիր...

Ու բաժանվեցավ պատուհանէն, ու մութին մեջ լույսին առջև ծըն-րադրեց, հոգեկան հորձանք մըն էր իր աղոթքը, որ մերթ զգայութեան ալիք մը կ'ըլլար ու կը տարուբերեր հոգիին մեջ և կամ մերթ բառերու շուշանական փրփուրով կը ծաղկեր իր շուրթերուն վրա...

— Հիսո՛ւս Քրիստոս, զորութեանդ մեռնիմ, Սո՛ւրբ Աստվածա-մայր, բարեխո՛ս եղիր, ամենակարո՞ղ Տեր, դուն գիտես... ուզածս տո՛ւր հոգիս առ, ուզածս տուր հոգիս առ...

Աղոթքը լմնցավ, ծուփքը հանդարտեր էր անշուշտ ու հոգին թե-թեցեր, այսքան տարիե ի վեր ուրիշ ի՞նչ ամոքանք ուներ արդեն այս վշտագնած հոգին:

Մութին մեջ խորխափելով լուցկիին տուփը գտավ ծերուհին, լամ-պարը վառեց ու սեղանին առջև նստավ. դեմքեն կը զգացվեր գոհունա-կութունը, իր դեմքեն՝ որ գրեթե կը ճառագայթեր այլևս: Իր դողդոջուն ձեռքերով գլրոց մը բացավ, պահարան մը դուրս հանեց, բացավ, լու-սանկար մը մարմարին վրա դրավ, հետո մոտեցուց լամպարին. մեռած աղջկանը պատկե՛րն էր: Կաղամախի նագելի հասակ մը, ճաճանչագեղ դեմք մը, գլխուն վրա հորդառատ պտույտք մը վարսերու՝ որոնց փափ-կութունը շոշափելի զգայութիւն մը կը դառնար գրեթե, աչքերը՝ թան-կարգին քար, գույգ մը խոշոր կայլակներ՝ առույգ ու տխրագին բոցով: Ծերուհին կը նայեր, կը նայեր, կը նայեր, ու տամուկ թարթիչները կը ծիածանվեին լամպարին դեղձան լույսին տակ:

Գիշերային աղոթքեն վերջ իր մյուս պաշտամունքը եղած էր այդ լուսանկարը. նորեն ու նորեն կը նայեր անոր, լույսին կը մոտեցնէր, կը հեռացնէր, զանազան դիրքեր կու տար, քովնտի կը նայեր, շեշտա-կի կը նայեր, դառնորեն կը ծպտեր, ցավագին կը շարժեր գլուխը, նորա-նոր վերհիշումներ կ'ունենար անոր կյանքեն, կը վերապրեցնէր զայն ամեն գիշեր: Եվ ամեն գիշեր, ամենմեկ նայելուն, նոր խանդաղատանք մը կըզգար ու կենդանագիրը կը մոտեցնէր անդադար աչքերուն ու շուր-թերուն, շուրթերուն ու աչքերուն...



Այս գիշերվան հափշտակութունը սակայն ամեն օրվանը չէր, պատ-կերը անշնչացած սիրելիի մը հուշքին լուսագրութիւնը չէր մինակ այս անգամ: Այս անգամ լուսանկարը բոլորովին կ'անձնանար կարծես, մա-ղբը ոսկի-շագանակագույն շողեր կ'առնէին, աչքերը՝ մեղույշ, վառ-վրոտն կենդանութիւններ, արյունը վարդագույն կը մշշանար այտե-րուն ու ձեռքերուն վրա, շնորհալի ամբողջը կը նորաստեղծվեր: Որով-հետև այս գիշեր մանավանդ, պատկերը իր զավակը չէր միայն, այլ և թոռնուհին՝ Արփինե՛ն, ա՛հ, Արփինե՛ն, որուն անունը մինակ կրցեր էր պահել իր մտքին հեռավոր մեկ խորշին մեջ, իր սրտին մոտավոր մեկ անկյունին ծոցը: Արփինեն, իրեն համար, իր աղջկանը ցո՛ւքը մինակ կրնար ըլլալ, նույն վարսերով, նույն դեմքով, նույն հասակով, նույն շարժումով, նո՛ւյն հոգիով:

Աղջկանը մահէն վերջ, թոռնիկին առաջին մանկութենէն ասդին, այլ ևս տեսած չէր զայն, չէ՛ին թողուր որ տեսնէ: Արփինէին հայրը, իր կնոջ մահէն վերջ հեռավոր արվարձան մը փոխադրված՝ անգամ մը էամբել տված էր մեծմայրիկը, որ իր թոռնիկը ողջագուրել գացեր էր՝ աղապատանքով լեցուն, ու զիսիկո՛ր ևս դարձեր էր՝ կարոտով ու կըս-կիծով զեղուն. այդ օրեն ի վեր ահա՛ տասներկու տարի է, որ զայն վերստին տեսած չէր: Ահա՛ տասներկու տարիե ի վեր գրեթե ամեն շա-բաթ սիրտմաշուքով կ'ելլեր գյուղին զառիվերեն, թոռնիկին տան դուռը կը բաղխեր, ու... կը ճամբվէր, շեխով ու լուսանքո՞վ կը ճամբվեր. անգամ մը սպաննալիքը խիստ ու վճռական եղավ: Հույսը չկտրեց նո-րեն, չղաղբեցուց իր այցելութիւնները, իր ուխտագնացութիւնները. ա՛լ դուռը չէր զարներ. տունին շուրջը կը դեգերեր, իր հույսը դիպվածն էր մինակ, հեռուն թերևս կարենար տեսնել սիրելի դեմքը, մագերուն մեկ գիսա՛կը գոնէ:

Տարիներով այսպես պարապ գնաց եկավ մեծմայրիկը. Արփինեն մեծցեր ու դպրոց կ'երթար. անգամ մը ելավ նույն իսկ դպրոց գնաց. «Օրիորդին տերտս հասկցնեմ, հելպեթ կը թողու...»: Ես Արփինէին մեծ-մայրիկն եմ ըսավ. շատ իսկ էր հայտարարութիւնը. ներս շառին զին-քը. տնտես ախպարը բաներ մը մրթմըրթաց, ըլլար, չի կա՛, ըսավ. թոռնուհին վերի պատուհանը նստած՝ իր ակնոցին տակէն անտարբեր կը դիտեր ծեր կնոջ հուսահատ վերադարձը... Ծերուհին անգամ մըն ալ հուսախաբ կ'ըլլար, որովհետև ամեն ինչ նախագուշակված ու պատվիր-ված էր արդեն...

Բայց սերը հուսահատիլ գիտե՞. տարիները անցեր էին, թոռնիկն ալ մեծցած կ'ըլլար հարկավ, շճանչցվելու աստիճան մեծցած. ծերուհին չէր հուսահատեր սակայն. գեթ հեռուեն անոր դեմքը ընդնշմարե՞ր. հավատքի պես կրզգար թե պիտի ճանչնար զայն:

Վերջին անգամ երբ դարձյալ կատարած էր վերելքը, թոռնիկին դրացուհիներեն մեկը հետաքրքրված ներս առեր էր զինքը ու տերտը հասկցե՞ր: Եվ արդեն շատոնց ծերունի կինը ուշադրության առարկա եղեր էր. ո՞վ էր այդ սևավոր կինը՝ որ կանոնավորապես կու գար կը դեգերեր այդ կողմերը. իրարու մեջ փսփսացեր, հետաքրքրվեր, հասկըցեր էին վերջապես դրացուհիները. Արփինեն մեծմայրի՞կն է եղեր. և անոնցմե մեկուն սիրտը չէր դիմացեր այս անգամ, ներս կանչեր էր մեծմայրիկը, սփոփեր ու Արփինեն տեսնելու ժամադրություն մը խոստացեր էր. օ՛հ, ի՞նչ ուրախություն, վերջապես պիտի տեսներ իր ձագուկը, իր խուզի՞ն. հոգ չէ թե հեռուեն մինակ, դրացի տան պատուհանեն՝ որո՞՞ն դիմաց կայնած կ'երևակայեր արդեն իր սիրական սրտահատորը:

— Ո՛ւյ, Աստըծու խնտաք հեմեն, հիմա խենթենամ պըտոր...

Աստըծու խնտաք, Աստըծու խնտաք, ըսեր ու մեկներ էր:

Ու վաղը ժամադրության օրն էր. լուսանկարը անգամ մըն ալ համբուրեց, լամպարք մարեց ու քնացավ ծերուհին, հրջանիկ քնացավ:



Առավան դեմ անձրենները դադրեր էին, անամպ ու միափայլ կուպուլտին վրա արեք վիժակի մը պես կը նշուլարձակեր. առավան սյուրը՝ գարնային ծաղիկներու բուրումով խնկավետ՝ հեշտագին կը զովանար:

Ծերուհին, որ բաց պատուհանին առջև հագված, պատրաստ նստեր էր և արևածագին կրպպասեր անհամբեր՝ վերջապես գոհունակ ու լայն շունչ մը առավ. ուրեմն ահա պիտի երջանկանա՞ր:

Իողով ու նախազգացումով լեցուն՝ խաշ հանեց ու ճամբա ինկավ. շոգենավերուն հեռավոր սուլլին հետ քայլերը կը փութացներ, տենդոտ ու անգիտակից գրեթե:

Ղալաթիա հասեր էր. առաջին մտածումը եղալ մոմ մը վառել Ամենափրկիչին. ահա՛ մոտեցեր էր իր սիրական գաղափարին իրականացման, մոմ մը շվառե՞ր:

Աղոթքը ըրավ, ժամեն դուրս ելավ, շոգենավ կա՞ր: Ճիշդ ժամա-

նակին կը հասներ, տոմսակը առավ, ներս նետվեցավ. նույն պահուն վերջին սուլը կ'արձակվեր, ու շոգենավը մեկնած էր արդեն:

Առավան հաճելի արև մը կ'ողողեր խցիկը, ուր ծերուհին նստած էր՝ մինա՛կ՝ իր երջանիկ ակնկալության ու խոռվանքին հետ: Վոսփորը ոսփիով զանակված կապույտ ու երկարածիգ շալի մը պես կը վետվետեր. նոր կտրված ձմերուկի հեշտավետ բույր մը կ'արտածորեր ծովը. շոգենավը կ'երթար թևաբախ՝ ծիրկաթինին ձյունաթույր ուրախությունը ձգած իր ետևին:

— Յուսկյուտա՛ր...

Առավան ցանցառ ուղևորներուն մեջ ծերուհին առաջինը եղավ գուրս ցատկոզ:

Վերելք վայրկենական երեցավ իրեն. բան մը շտեսավ ճամբուն վրա, բան մը չսես: Առաջին բանը որ զինքը հափշտակութենեն արթնցուցավ՝ ձայնը եղավ զանգակին, սքռան կոճակին կը հպեր իր գողոցուն ձեռքը:

Ճիշդ ժամանակին հասեր էր. Արփինեն արդեն դիմացի պատուհանեն կը խոսակցեր բարի դրացուհիին աղջկան հետ:

Պեսք եղավ որ քիչ մը սպասե ծերուհին, շունչ մը առնե, սուրճ մը խմե, հետո ըսին որ կրնա պատուհանին առջև նստիլ ու սպասել, — շուգեցին հանկարծակիի բերել:

Բայց իր հոգիեն կը լսեր արդեն թե Արփինեն արդեն հոն էր. կթոտելով ու շնչահատ՝ ելավ վերի հարկը պատուհանին առջև. արևը լիաշող կը ծավալեր, և անոր շլացքին մեջեն ծերուհին ընդնշմարեց մինակ իր հոգիին երազը. ա՛յնքան ատեն իրականությունը երազ մը մինակ երեցած էր իրեն. ուրեմն Արփինեն էր անիկա, իր սրտահատոր թոռնուհին՝ Արփինեն...

— Ո՛ւյ, արևուզ կշտանամ, լուսերու պես աղջիկ, թպխսի մարն է, պողքդ, պոսըդ սիրեմ... ֆուլիա մազերդ սիրեմ, հոգի՛դ սիրեմ, գա՛վա՛կս, ձագ՛ու՛կս... պոյդ պոսդ սիրեմ... ֆուլիա մազե՛րդ սիրեմ... լուսերո՛ւ պես աղջիկ, լուսերո՛ւ պես աղջիկ...

Օ՛հ, շա՛տ էք այսքան ուրախություն հեք սրտի մը համար, որ այնքան ծարավ, ծարավ՝ հանկարծորեն կը լինար և կը զեղուր:

Մեծմայրիկը մեռե՞ր էր...

(Արձակ բանաստեղծություն)

Այս իրիկուն, թուրինջ ջրաներկ իրիկուն մը, քաղաքեն դուրս, քառուղիին բերանը, սոսիին տակ նստեր էի. սոսին վաղնջուց ծառ մըն է, ճամբուն վրա, մրգաստաններուն ու դալարուտներուն մեջտեղը, համայնական օրհնենքի մը պես բարձրացած: Գարունները՝ շարաճճի՛ աղջիկներ՝ նազանքով, գեղով, հեշտությունով լեփլեցուն՝ եկան անցան իր առջևն. ամառները, արգավանդ ամառներն ալ, և հուռթի պտղաբեր աշունները՝ ամենն ալ տարիներով անցան իր քովն, իր հոգիե՛ն ալ: Օր մըն ալ, ամպզոլի տոթագին օր մը, բոցագիծ ելեկտրաթև հոսանուտ մը անցավ իր ծոցն, մինչև հոգիին ալքը կայծա՛կն էր և բուռը՝ քարայրի պես բերանաբաց՝ երբեմն անցորդներու օճախը կ'ըլլա, և հոն վառող կրակը կայծակին հիշատակն է կարծես, որ մերթ կ'արթննա հոն:

Սոսիին տակ, ուրեմն՝ նստեր էի այս իրիկուն:

Երկու տարեց կիներ անցան ցանկորմին քովի արահետն. մեկը կը խոսեր գթոտ շեշտերով իր ձիուն վրա՝ որ արդեն հյուծավոր՝ վաղահաս աշնան ցուրտին չէ դիմացեր՝ մեռե՛ր է. հեյվա՛խ, կ'ըսեր մյուսը, հեյվա՛խ... քայլերը մեռան, ձայները փոշիացան, հեռացեր էին, ա՛լ չսեցի...

Հանկարծ կեռասաստանին ծայրին երևք տղամարդեր երևցան, ճառագայթող դեմքերով. մեկը կը պատմեր իր սիրային անցքերը. կնոջական արևոտ, վարդավետ անուն մըն ալ լսեցի... գիս տեսան, լոնցին անցան. քիչ մը անդին պատմությունը վերսկսած էր, ունկնդիրները կը քրքջային...

Քիչ մը վեր ադի գլուխս. ճյուղատ սոսիին վրա պարս ելած մեղուներու պես, բուռ մը տերև կը խժային, բայց կանանչ, կա՛փկանանչ... մինչդեռ դիմացի կեռասիներուն տերևները կարծրեր են ցուրտեն, և աքասիաները կարծես թալուկե բռնված. մեր ծերունի, օրհնաբեր սոսին երիտասարդի ծիծաղներ ունի: Տերևուտքին մեջ շշնկոց մը կա, որ հովինը չէ. վայրկյան մը կը դադրի, հետո հեռո՛ւն կսկսի, խելահեղ թըրթըռուն ցող մըն է. երկու վայրկյանեն, հանկարծակի, գորշ զույգ մը թռվալով վար կ'իջնե սաղարթներու սրահակը բանալով. հեքոտ, արագ, կը բաժնվին կը հեռանան երկու տարիավոր թռչուններ... օդհաս թարփանքներու երջանի՛կ թաքսոոց՝ վաղնջական սոսիին հետամնաց երիտասարդությունը... Խճուղիին վրայն սայլորդ մը, արևակեզ, ժպտա-

գին գեղջուկ մը՝ երգելով կու գար. երկու սիրուն ճերմակ եզներ, որոճալով, տատանելով, դանդաղելով կը քաշքշեին սայլը քաղքի բարիքներով բեռնավոր: Մտածեցի որ այս սայլորդը տուն կը դառնա հիմակհոնա, բլուրին ծայրն է տունը. բուխերիկին ծուխը՝ քմահաճ՝ կապույտ ծաղիկներ կը ցրցքնե օդին մեջ. օճախը վառած է... ժամ մը ամբողջ պիտի երթա այդ ծուխին, այդ տանիքին, այդ հորիզոնին նայելով, ժըպտելով տարփավորի պես, հոր մոր պես, սիրական, կաթոգնած. կաթերը կթվեցան, լճացան հիմակ անոթներուն մեջ. հանին քնացած ըլլալու է. եղինձը եփած պատրաստ է մաղմաղին վրա. պզտիկները կըսպասեն՝ հայրիկը ի՞նչ պիտի բերե քաղաքեն. հազա՛ր բարի, որովհետև ածուխը լավ ծախվեցավ. վաղը, կանուխ, նորեն բեռնա տանի քաղաք... սայլը անցեր հեռացեր է շատոնց. սայլապանին երգը կը լսվի դեռ, միօրինակ երկարածիգ, տարածական երգ մը, արևոտ թախծություններով լի՛, ճիշդ իր դաշտավայրերուն պես, բայց անույշ, անո՛ւյշ, ու ես...

Ուրիշ կառապան մը կը վերադառնա, քաղքեցի. խրոխտ, ամբարձիկ, աննկատ կ'անցնի, մտրակը շաշեցնելով ու շաշեցնելով. ձիերը կ'ըմբոստանան պահ մը՝ այնքան հոգներ են մինչև իրիկուն. բայց կառապանը քաղքեցի է՝— կը կատղի, կը փրփրի, հեք կենդանիներուն ամբողջ ազգահամարը ձեռք կ'առնե... փոշին մեջ կորսվեցավ կառույց մտրակը կը շաշե տակավին, կը ծիծաղի՛...

Հինգ գնչուհիներ, սիրերգելով, կայթելով, կողովներ շալկած՝ կու գան դաշտերեն, քաղաք կը դառնան, եղերդ ու մուրշով լեցուն կողովները վար կը դնեն. առտուն արևը չցաթած գացեր էին. ամբողջ օրվան մը հոգնությունը հոգերնին չէ. կու գան կը շարվին ճամբուն եզերքը, ծառերու շուքին տակ, կը խոսին, հայրատ կատակներ կ'ընեն, կը ժըպտին, կը ծիծաղին. հետո երգ, մատի ծափիկ, պորտախա՛ղ... սիկաններ կը վառեն ու դարձյալ շաղակրատելով կայթելով կը դառնան տուն...

Ես կը մնամ սակայն, սոսիին տակ, անշարժ. այս իրիկնային համերգության մեջ, մեկնող արևին ոսկի գիրը, հեռավոր ծովուն կապույտ տառը, տերևներուն, թռչուններուն թրթռուն վանկը կը հեզեմ, կը հեզե՛մ: Բայց չգտա դեռ անսահման բառը, որ դյութական բալլիքի պես պիտի բանար ինձի այս փակ դուռները՝ ճամբաներուն վրա, ծառերուն տակ, ամբոխին մեջ, անցորդները՝ ամենն ալ՝ աներևութացան. ես տակավին մթնշաղին մեջ կսպասեմ: Ո՛հ, ըսեք, ըսե՛ք ինձի գունագեղ անսահման բառը՝ այս իրիկուն...

ՁԵՌՔԵՐԸ

Սովեզերքի պատշգամին վրա նստած, լուսաբաղձիկ մանուկի հափշտակութուններով, ու քիչ մը վախով, ու քիչ մը արցունքով, լույսերուն մեկնիլը կը դիտեի ամեն իրիկուն:

Ամեն իրիկուն, մթնշաղին ստվերախառնութուններն անդին, լեռնագիծ հորիզոնին հուսկ բոցին մեջ, զույգ մը ձեռքեր՝ թափանցիկ լուսեղեն ձեռքեր՝ կ'անրջագծվեին:

Երանգներու և լույսերու համեցումին մեջ, քիչ մըն ալ դեռ, ձեռքերը ցուլարձակ կը մնային հոն ու երբ մութին հոծ ծուխը կ'իջներ ու կը շրջագծեր զանոնք, ձեռքերը գլխիվայր դարձած զույգ մը շուշաններու կը փոխվեին, որոշակի կը շեշտվեին իրենց զանգակի ձևերուն մեջ՝ ոսկեծայր թակաղնիկով:

Բայց լուսավորներու առաջին ծիծաղին հետ շուշանները կը թռչեին հանկարծ, կ'ինքնամփոփվեին, հետո երկու բոլորշի կաթնաթույր լույսերու կը փոխարկվեին, հետո կը պզտիկնային, զույգ մը փոսուռաներ՝ զույգ մը արծաթ զանակներ կ'ըլլային ու վերջապես կը խեղզվեին ստվերներու մածոնումին մեջ:



Սովեզերքի պատշգամին վրա նստած, լուսաբաղձիկ պատանիի հափշտակութուններով, ու քիչ մը վախով, ու քիչ մը արցունքով, տակավին լույսերու մեկնումը կը դիտեի ամեն իրիկուն:

Ամեն իրիկուն, մթնշաղին ստվերախառնութուններն անդին, լեռնագիծ հորիզոնին հուսկ բոցին մեջ, զույգ մը ձեռքեր՝ լուսեղեն թափանցիկ ձեռքեր՝ կ'անրջագծվեին դեռ: Իրիկուն մը, այդ կենսական ձեռքերուն ճերմակ դյուրանքին մեջ ընկղմած իրիկուն մը, խոռվանքի կոհակ մը անցավ հոգիես, ու հեռավոր ճերմակ ձեռքերուն վրային ժշտական նրբաթել քողք մը փեթըռտեցավ, ինկավ. աչքերս արթնցան անոնց հրաշալի գեղին վրա...

Տեսա որ ձեռքերը զի՛ս կը կանչեին...

Առաջին ընկերին, հանկարծածին խանդավառությանս մեջ, ուղեցի վազել, վազել՝ այդ տեսական ձեռքերու գրգանքին. բայց անհունութուն մը կ'անրջպետեր մեզ. ու խորհեցա այն ատեն բոլոր այն բաներուն վրա՝ զոր պիտի կրնայի երկարաձգել կամուրջի պես՝ մինչև սպիտակ ձեռքերուն կայքը. բայց մտածումս ամեն բան պզտիկ գտավ հոգիիս մեջ...

Մյուս իրիկունը նստա դարձյալ պատշգամին վրա, թաղարներն ցայտող բույրերուն ողողումին տակ. և սպիտակ ձեռքերը՝ անգամ մըն ալ հորիզոնի լույսերուն մետաքսե վարշամակը թոթվելով ծաղկեցան իրենց անրջական ձյունաթույր, նրբենի մատներուն զրգոտ շարժումներն մեջ:

Սպիտակ ձեռքերուն այդ շարժումները կո՞չն էր արդյոք, աղապատանքի կաթոգին հրավերը, թե դրժումը, դաժան, դաժան դրժումը. չէի հասկնար, ու վարանքը կը պարապնդեր հոգիս:

Եղավ որ, երազի այդ հրեղեն իրիկուններուն մեջ, կոչին կես դիտակցութունով արբեցած, եղավ որ հոգիս սահի երթա մինչև հանդիպակաց ծովափունքը, իրիկվան արևին ջուրին վրա քծած շառայլ ուղիներն, եղավ որ վազեմ մինչև կես ճամբան. բայց այդ պահերուն, ձեռքերը՝ ճիվաղային դժնե տեսիլներու փոխված հանկարծ կը ցցվեին քարացած, ժխտական շարժումներով, ու ես ահաբեկ, անսահման զզվանքով սոսն կը դառնայի նորեն:

Երբեմն ալ, խաղաղիկ իրիկուններ, կը կարծեի լսել ձայն մը համբույրներն ավերի գզգոտ՝ որ հոգիս կը փայփայեր. երկարածիգ, մեղեղի սվլվուն մըն էր այն, բուրումնավետ ժապավեն՝ որուն հեշտութենն ունեզբես կը սարսուռային, ու ճիշդ այդ պահուն կը տեսնեի զույգ ձեռքերը՝ որոնք հեշտին ծափի մը մեջ կը համբուրվեին. և հետո կը բուրվեին անտեսանելի բերնի մը շուրջ. ձայնին ժապավենը դեռ կ'երկարաձգվեր. ու ես արդեն կենսանըվաղ...

Այսպես, ծփացի շարք մը իրիկուններ այդ տարուբերումին մեջ և ալ բնավ, բնավ՝ չտեսա նախկին շուշանները, փոսուռաները, զանակները, ձեռքերը, հիրիկի հեշտալի ձեռքեր միայն կը մնային՝ անփոփոխ իրենց բացխփիկ շարժումներն մեջ:



Սովեզերքի պատշգամին վրա նստած, լուսաբաղձիկ հափշտակութուններով, ու քիչ մը վախով, ու քիչ մը արցունքով, լույսերուն մեկնիլը կը դիտեի ամեն իրիկուն:

Ամեն իրիկուն, մթնշաղին ստվերախառնութուններն անդին, լեռնագիծ հորիզոնին հուսկ բոցին մեջ՝ զույգ մը լուսեղեն թափանցիկ ձեռքեր կ'անրջագծվեին: Իրիկուն մը, վերջապես, անշիջանելի ավյունի իրիկուն մը, վարանքին պարապնդումը ի սպառ թոթափած, անցա զիս տեսիլքեն բաժնող անջրպետին հորանջումին վրայն, սուրացի մինչև ծովափունքը, ու վեր, մինչև ձեռքերուն հորիզոնը. ու հոն՝ տեսա որ երկու

լուսեղեն աղջիկներ դյութական պարտեզ մը ցույց կու տային ինծի...
Վերադարձիս մութը արհամարհի պես թանձրացեր էր, ձեռքերուն տեսիլքը չկար:



Մովեզերքի պատուհանին վրա նստած, անհուն թախծանքով, հիմակ ալ լույսերուն մեկնումը կը դիտեմ դեռ, ամեն իրիկուն: Ամեն իրիկուն, մթնշաղին սովերախառնություններուն մեջեն, կը հառիմ լեռնագիծ հորիզոնին բոցին՝ ուր դյութական ճերմակ ձեռքերուն տեսիլքը թռչնեցավ՝ ա՛լ չվերածաղկելու համար...

Եվ ամեն իրիկուն, հոգիիս մեջ՝ հեռավոր ձայն մը կը կանչե պաղատագին.

«Ո՛վ իմ հորիզոնիս վրա շուշանացած ուրվային ձեռքեր, անգամ մը, անգամ մըն ալ գեթ երևցեք ինծի. ու՛վ շուշանե ծաղիկներ, անգամ մըն գոնե հիշել տվեք ձեր վաղնջուց լուսթյուններուն երզը մոռցված, ո՛վ լուսոռոգ փոսուռաներ ու զանակներ, հեղ մըն ալ գեթ պսպղացնեիք ձեր փարփառ շիթերը՝ հորիզոնին մութին մեջ»:

Ձայնը ա՛յնքան հուզիչ է որ հեռավոր հորիզոնին մութին մեջ ձեռքերու տեսիլքին տեղը՝ բոց մը կը փայլատակե՝ որ սակայն՝ ավա՛ղս վաղեմի սպիտակ շուշանական տեսիլքը չէ՛:

ԳՐԱԿԱՆ ԿԵՆՂԱՆԱԳԻՐՆԵՐ

<1> ԵՂԻՇԵ ԵՊԻՍԿ. ԴՈՒՐՅԱՆ

Բոլորովին հակառակը կարգ մը հոխորտ ու ճղճիմ իմացականությանց, Եղիշե եպիսկ. համեստության տիպարն է: Ծճմարիտ ու մեծահոգի բանաստեղծը՝ որ իր առօրյա զբաղումներեն դուրս ունի հոգեկից ներշնչումներու և միստիք վերացման իր պահերը, երբ իր հոգնաշխատ միտքն ու վաստակարեկ մարմինը հոգվույն սիրական հրճվանքներովը կը կազդուրվին ու անոնցմով կը հանգչին, երազանքի բեղուն ու խորհրդավոր վայրկյաններ ուր բանաստեղծ միտքը կը բաժնվի մերթ աշխարհի ունայն աղմկումներեն, ու Մտածումը կը սլանա թևաբախ դեպի հոգեկանը, որ իրեն կ'սպասե արդեն անանուն և զգլխիչ նեկտարին քաղցրությամբ ամոքելու համար թոհչքին հոգնությունը:

Ինքը բանաստեղծ ծնած է արդեն, ինչպես իր եղբայրը: Եվ ի՛նչ մտերիմ, ի՛նչ սերտ շեշտ մը, ինքնաբուխ զգացման, բառի ու բացատրության տեսակ մը, ի՛նչ շնորհալի ու գողտրիկ բանականություն ունին երկու եղբայրներն ալ, որոնք կը նույնանան մեր դատումին առջև: Միևնույն միջավայրին մեջ ծնած, Սկյուտարի մեջ միևնույն բանաստեղծականությունը շնչած,— ու մանավանդ արդեն իսկ բանաստեղծ ծնած,— Միհրանիկը վաղամեռ Պետրոսին հարազատ շարունակությունը կը թվի ըլլալ: Կարծես միևնույն Դուրյանն է որ կը խոսի մեզի, միևնույն Դուրյանը՝ որ սակայն կրած է տարիքին ու կոշումին հարկադրած փոփոխությունները. և մեծ հաճույք մը չէ՞ միթե տեսնել մեր վաղեմի սիրական քերթողին շարունակությունը՝ իր հարազատին մեջ: Ու ո՛չ ապաքեն Եղիշե եպիսկոպոսը մեր երևակայած Պետրոսն է. հասուն տարիքեն բա-

նաստեղծը, նվազ մեղամաղձիկ, ավելի խոհուն ու հզոր, մի՛շտ քաղցր ու մի՛շտ խանդավառ:

Բավական երկար լուսննե մը վերջ՝ բանաստեղծի իր տաղանդը, տեսիլքի մը, դուրսանկարի մը պես գունագեղ ու փողփողուն հիմակ, եկավ մեկի հիանալի փետրավոխուսթյան մը հմայքը վայելել տալ. ու մենք, որ վարժված էինք միօրինակ ու ձանձրացուցիչ հարթավայրերու տաղտուկին, մենք, որ երկարածիզ ու հոգնեցուցիչ անապատի մը մեջ հազիվ երբեմն կրկնեւրույթներու պատիր հմայքը վայելած էինք լոկ, հոգիի ճշմարիտ հրճվանքով մը ըմբռնչանքիցիք իր սրբագեղ բանաստեղծութուններուն թովքը:

Իր սակավաթիվ քերթվածներուն անստղծուտ հովինվածքը, զգացումներու նրբին ընդեւուզումը, երաժշտական բառերու աղամանդազարդ ազուցվածքը, ու վերջապես գաղափարներու ներույժ արտահայտութունը, իրարու միացած, բանաստեղծի բնածին տաղանդին հետ մեզի կը հայտնեն նաև ճշմարիտ արվեստագետին տաղանդը, որ ազնվական ու շնորհալի մոգութուն մըն ալ կ'ավելցնեն իր բանաստեղծությանց թովանքին վրա: Ապաքեն ո՞վ պիտի կրնար մատնանիչ ընել մեզ իր քերթվածներուն մեջ գաղափարի անձարակ կաշկանդումներ, քացատրության բռնազբոսիկ դարձվածքներ և զգացումի անձահ արտահայտութուններ, և մանավանդ ո՞վ պիտի կրնար այնքան զգայազեղ ու խանդաբորբ բնականությամբ մը ներկայացնել մեզ, օրինակի համար, Անառակորդիին զղջումի այն հոգեխոր ցավերը՝ պոռթկացող ուժգնությամբ մը տողորուն:

«Անեծքը, Հայր, փոխեց ոսկիս մութ պղզիների,
Բայց բանի որ շամբուշ կուտք մը պետք էր ինձի՝
Ես պրզինձով ալ պատրանքներըս ձուլեցի:
«Անեծքը, Հայր, փոխեց կրնդրուկս անարգ գուղձի,
Բայց բանի որ զգլխանք մը պետք էր ինձի՝
Ես այդ գուղձովն ալ երազներըս ծխեցի:
«Անեծքը, Հայր, գոհար քարերս դարձուց խեցի,
Բայց բանի որ գիրկ մը զըրգանք պետք էր ինձի՝
Քամարներու կուրծքն զանոնք ես կախեցի»:

Գրութուններ կան, որոնցմե մարդ մեջբերում մը ընելու կը վարանի. և միթե անիրավութուն մը չէ՞ գեղեցիկ ամբողջության մը դաշնութունը հատվածել, քայքայել երազի նրբահյուս ու ճարտարագեղ այն շենքը, որուն ամբողջությանը վրա պետք է հիանալ մանավանդ, զայն վերատին ու վերաստին կարդալով ու վերջապես զայն գոց ընելով:
Տեսնենք նաև սա հատվածք, նմանապես Ս. Գրիգորն առնված նյութի մը բանաստեղծացումը.—

«Կը սիրե՞ս գիտ, երեքինեց Տերն ու Կեփաս
Ամպի մը պես խոռված՝ ըզզաց ներսիդին
Ուրացումի ահեղ անկումը շանթին,
— Ա՞հ, գիտես դու, գիտես ամեն ինչ, ո՞վ Տեր,
Թե կը սիրեմ ըզբեզ, ցորչափ Սերդ անհաս
Ճառագայթի մը քաղցրությամբ թափի վրաս...
Քո՛ւկդ են բոլոր մեր հոգիներն ու սիրտեր:

Եվ իբրև պատասխան՝ Հիսուս կը հրամայե անոր երթալ արածել իր դիտարները. (և առիկա՝ իր ալ պարագան):

«Մի՞նչ և այն օրն՝ ուր իյնա ցուպդ ի գետին,
Եվ ուրիշներ կապեն մեջքիդ թույլ գոտին»:

Գիտեցե՞ք պատկերին նկարչականութունը. վաստակաբեկ ծերունին, տարիներու հոգնությանը տակ ընկճված, աչքերը անբոց ու տկարատես, անկարող իր դողողուն ձեռքերուն մեջ նույն իսկ ցուպը բռնելու, իր շրթունքներն ալ անզոր՝ վաղեմի սիրական սրինգին վրա տաք համբույրի մը խանդաղատ հպումին, և սակայն ավելի քան երբեք գոհ՝ կատարված պարտականության մը երջանիկ զգացումովը զեղուն:

Այս քերթվածին մեջ իր իսկ հոգիեն բան մը դրած է Դուրյան, ինքը՝ իր աշխատության իտեալին նվիրված. ինքը՝ եռանդազեղ ու կորովի մինչև հուն՝ ուր ա՛լ մաշած և ուժաղուրկ մարմինը մերժե ծառայել իր տրտրաբեկ այլ խղճահանգիստ մտածումին:

Իր ուրիշ մեկ քերթվածը Տեառնընդառաջն է, հիանալի՝ սկզբնավորութենեն իսկ.

«Հոտ մը կ'առնեք Սերունին խոլ հեշտանքի՝
Խանձարուրին տաքուկ, ճերմակ խորշերեն,
Հյութե ցամքած մարմնին համար՝ ուղխորեն
Արբում մ'էր այն ըզգայության ու կյանքի»:

Երևակայել՝ պատկերը ալեփառ ծերունիին, ըղձացված դիրքի մը մեջ, գրկած Գերագույն-Մանուկը, անոր վրա հակած խանդաղատորեն, և այս մերձեցումեն և այս հպումեն խելահեղ...

«Ու երբ շուրթերն ալ դողահար ու տըմույն
Համբուրեցին մաքուր կայծակը՝ Բերնին,
Շունչն կարած ծոցին համար ի՛նչ շերմին՝
Կաթում մ'էր այն՝ որ շարժեց լարը հոգվույն»:

Եվ աակայն այդ համակերպութենէն և զմայլանքեն վերջ հանկարծ կու գա պահ մը՝ երբ հոգին տխուր գիտակցութեան գողով մը կ'առնես, և քերթողը, որ իր ճակատագրին նմանութիւն մը գտած է բոլորեղև կլկակին մեջ, կը հեծե.

Անկյունը՝ մարդ մը, աշխարհքին պահող քեն,
Վայելելով իր Նարկիլեն և ախորժ
Ըզգալով այս հեծկտուրի նվագեն,
Եվ օդին մեջ ցընցող մուխեն թույլ ու գորշ:

Եվ իսկույն քե՛զ կը հիշեմ, երբ անխրոով
Կ'ունկընդրես միշտ հատաշանքիս և կարծես
Հաճույք կըզգաս, այդ մարդուն պես, դիտելով
Մուխը սըրտիս կրակին՝ զոր քուն կ'արծարծես:

Ասոնցմե զատ, իր ամենէն տխուր ոտանավորն է թերևս «Ջատկի առթիվ»ը, որ իր մյուս կարծ չափով ոտանավորներուն պես հիանալի պարզութեան հետ ունի խորունկ տխրութիւն մը, որ սակայն, ինչպես միշտ, թույլ ու ընկճված հոգիի մը նկուն ողբը չէ.

Անկյուն մ'ունիմ սրտիս մեջ ուր՝
Կ'առանձնանամ ատեն ատեն,
Վերհուշումներ երբոր տըխուր
Երկրես զիս պահ մը կ'անջատեն:

Հոն կը կենամ ևս ծնրադիր
Ինչպես առաջը խորանին,
Եվ՝ ուր միայն կը ծաղկի իր
Կես սուգին մեջ՝ եղրևանին:

Հոն շարված են իրարու մոտ
Մութ փոսերը իմ իզձերուս,
Հիշատակներ՝ հիմա աղոտ,
Անուններ՝. զոր շքեր լեզուս:

Ետ տենչանքներ, թոհք անհուն,
Ջոր ձեռքովքս ավի հոգին,
Մեռելներ՝ որ ուրիշներուն
Պե՛տ հարութեան հաշար շունին:

Հետո ունի կրակոտ և ըղձավառ պահեր, մութին մեջ՝ ուր կնոջ հույր գեղեցկութիւնը կայծերուն իսկ գինովի ոստոստումներ կու տա.

... Եվ տեսնելով մարմինդ լեցուն խոստումով
Քեզի նայող բոցը այդ լուռ կրակին,
Խիլքը գլխեն գացածի պես, աղվոր կին,
Կը ցատկըտեր հոս հոն հիմար ոստումով:

Եվ հետո՝ անսովոր հանդիպումներ, անծանոթ կին մը՝ որ երազի պես գեղեցիկ ու խուսափուկ կ'անցնի ամբոխին մեջէն. հազիվ թե նայվածքներ կը շոշափեն իր դեմքին գիծերը, և ահա անիկա փախած է արդեն, թռչունի մը պես. և սակայն ի՞նչ փուլթ, բանաստեղծը իր երազը կը շարունակե. անծանոթուհիին խուսափուկ թովչութիւնը՝ բուրմունքի մը պես է զոր կըզգաս առանց ծաղիկին հպելու. երածշտութեան մը մը պես վաղանցուկ այդ դեմքը գիտես թե անգամ մըն ալ տեսնալիք լուծիս. և այդ անմատուց ու փախչող էակին իտեալային քաղցրութիւնը անհունորեն հեշտագին համակրութեան մը ծաղիկը կը փթթեցնէ հոգվոյն մեկ սիրական խորշը.—

Աղվո՛ր, տգե՛ղ, ի՞նչ փուլթ, բա՛վեց որ մտքես
Մարմին մը տամ ես ուզածիս պես իրեն,
Վրդովիչ հով, պըրանք մը լուռ, վերջապե՛տ
Ամեն բաներն որոնց համար կը սիրեն:



«Ո՞վ չէ սիրած իր «Ապրիմ-Մեռնիմ»ը, նույնիսկ անոնք որ դուրսն համակրութիւն մը իսկ չէին տածած անխղճորեն փետտած պահերնուն կին միակ ծաղիկը ըրած են այդ խոնարհ երիցուկը, որուն մահացումին մեջ կը փնտռե մարդ բռնադատված մարգարեութիւնը իր երկարատե կյանքին. և ապրիմին հիմարական խանդավառութեամբ լեցվելի վերջ՝ անզգած անգոսնումով մը ճամբաներու փոշիին կամ ցանկորմի փշտուքին մեջ կը նետել լերկ դեղին կոճակը «Ապրիմ-Մեռնիմ»ին...

ԻՆՔՆԱՌԱՏՈՒԹՅԱՆ ՓՈՐՁ ՄԸ*
«ԾԻԱԾԱՆ» ԻՆ ԱՌԻԹՈՎ

«Ծիածան»ի հեղինակը գավառացի երիտասարդ մըն է. Ակնցի՝ Մե-
րուժան Պարսամյանին պես. սա՛ տարբերությունով որ մինչ Պարսամ-
յան թոթափած է իր ծննդավայրին ազդեցությունը, Մեծարենցի մեջ տեղ
տեղ նմարելի է անոր հետքը: Բինկյան՝ Մեծարենցին գյուղը՝ Արածանիի
ափունքը՝ ժևուտ խորշի մը մեջ ամփոփված է. բայց քերթողին թո-
ղունք իր գյուղին նկարագրությունը.

Կիրճին խորը, ժայռին ծոցն է գյուղանըկարը փոված,
Տարտամորեն, հսկայական արծիվի մը ձևերով,
Մագիլները խորասուզած խորշերու մեջ մըթամած:

(«Ծիածան», — Այգեբո)

Այս գյուղը՝ որ իր ծառաստաններն ու արոտավայրերը իր դիմացը
առած նստեր է, թեև ինքնին համակ բանաստեղծություն, զարմանալի
է որ ժամանակին չէ ունեցած իր սիրերգակաները, աշուղները. իր եր-
է որ ժամանակին չէ ունեցած իր սիրերգակաները, աշուղները. իր եր-
գերը ամենն ալ Ակնա մտքին ծնունդներն են՝ կամ անոնց այլացումները
(variante). ուրեմն Մեծարենցին մնացեր է անոր առաջին «Մտքի գի-
նով»ը ըլլալու փառքը. սակայն, որքան ալ որ հպարտ զգա ինքզինքը
այս մասին, մյուս կողմեն ալ չի կրնար շքավիլ, որ իր հաճույքը ան-

* Ինճնափնեղատուրյան այս պատիկ փորձը՝ թերևս աննախընթաց** ու անսովոր՝
արդյունք չէ սակայն պարզ բմաքի կամ սնապարծության. այլ թելադրված է լուրջ մտա-
ծումն մը, որ հեղինակին համոզումն է. այսինքն, որևէ երկի մը հեղինակը իր գործին
քննադատը, աննկատ ու անաշա՛ռ քննադատը, ըլլալու վիճակին մեջ պետք է գտնվի.
առիկա անկարելի չէ. հերթ է որ ենթական սնամիտ փառատենչություններու և նույն-
բան սնամիտ ու կեղծված համեստություններու կապանքեն զերծելու շափ արի ըլլա-

** Այս փորձը՝ գրված 1906 Հոկտեմբերին՝ բնական է, չէր կրնար նախատեսած
ըլլալ ինտրայի պարագանը:
Ինչպես որ արտաքին քննադատը կը ջանա հեղինակին հոգիին թափանցել, նույն-
պես ալ, փոխադարձաբար, հեղանակը ինք՝ պայմանագրականության փոշին թոթված՝
պետք է որ ձգտի իր հոգիին դուրս ելլել. արտադրող եսնն անջատելու է պահ մը դա-
տող եսը՝ որ պաշարյուն լուրջ զննությունով թերևս նոր կողմնալույսեր (side-light)
կարենա սփռել մութ մնացած անկյուններու մեջ:

Ամեն պարագայի տակ ասիկա պարզ փորձ մըն է՝ կրնա իր դեպ ու անդեպ կող-
մերը ունեցած ըլլալ: Ես՝ որքան ալ որ մեկ կողմեն համոզված՝ մյուս կողմեն ալ
պիտի հետաքրքրվեի սակայն ուրիշներու կարծիքն ալ ունենալ այս մասին: Մ. Մ.

...«Ամեն անգամ որ քաղեմ քեզի, ո՛վ պզտիկ դեղին ծաղիկ, կը
հիշեցնես ինձի այն ահավոր մերձավորությունը զոր քու անունդ կը
կազմե. Ապրիմ-Մեռնիմ. երբոր ամեն տեղ Կյանքը կը ջանա ըստ կարի
խուսափիլ, հեռու կենալ Մահեն, քու վրադ միայն երկուքն ալ իրենց
ճշմարիտ ու պատշաճ տեղը կը գտնեն: Այն քաղաքին պես որ իր գե-
րեզմաննոցը իր ծոցին մեջ զետեղած է՝ փոխանակ հեռուն, շատ հե-
ռուն, անտեսանելի անկյուն մը տանել ղնելու, դուն ալ Ապրելուդ մեջ
Մեռնիլդ պարփակած ես»:

Սակայն պետք է խոստովանիլ թե ինք, աշխատության դուզն հանձ-
նառություն մը, թերևս մեզի պիտի կարենար տալ արձակ բանաստեղ-
ծության հիանալի էջերեն մեկը. ինչպես իր մյուս բանաստեղծությանց
մեջ, նմանապես հոս ալ զգալի է ոճի անխնամությունը. այս շփույթը,
որ մեծ բան մը չի պակասեցներ իր խիստ տաղանդալից արտադրությանց
արժանիքեն, պիտի կրնար շնչվելով՝ անոնց վրա ավելցնել գեղագիտա-
կան վայելքի մը հմայքն ալ, և ես կը հավատամ թե Զոհրապ շատ ճար-
տարորեն պիտի կրնար տալ իր ոճին արաբ-արվեստի խնամված գե-
ղեցկություն մը: Շատ դյուրին է զգալ թե գրչի մեկ հարվածով արտա-
դրած է իր գրությունց մեծամասնությունը, և թե ոչ բոլորը: Չանդադառ-
նալու և մեկ նայվածքով անցնելու իր այս բնավորությունը ինքն ալ
խոստովանած է արդեն ուրիշ պարագայի մը տակ, որ նկարագրի միև-
նույն մասնահատկության արդյունքն է:

«... Ես կը կարծեմ որ կարդացված գիրք մը մոռցվելու է... ասոր
համա՞ր է արդյոք որ այն սուղ վայրկյաններուս մեջ զոր ընթերցանու-
թյան կը հատկացնեմ, ակնարկ մը կը նետեմ ու կ'անցնիմ գրքի էջերուն
վրայեն, զանոնք ավելի աչքե անցուցած ըլլալու քան թե անոնցմե բան
մը հիշելու նպատակով»:

Այս փակագծեն վերջ, որ սահմանված չէ՝ երբեք իր տաղանդը
արտավորելու, պետք կզգամ հայտնելու ըղձանք մը՝ որ շատերունն է,
պիտի փափաքեինք որ իր գեղեցիկ ոտանավորներուն երիտասարդու-
թյունը անդադար խոսեր մեզի, փոխանակ այս լռության որ մեզի զգալ
կու տա անոնց կարոտը. և արդեն ինք, դեռ երիտասարդ ու կորովի, տա-
կավին պիտի կրնար տալ մեզ իր եղրեանիններուն մեկանույշ երազեն
քիչ մը երազ և քանի մը կայծ՝ իր սիրավառ հոգվույն կրակեն...

յին հասարակ ոտանավոր մըն է. նույնպես «Եկո՛ւր»ը, «Վայրկյաններ»ը, երկու «Աշնանային»ները, «Սեռենատ»ը և ուրիշ մեկ քանիներ. ասոնց մեջ երբեմն նույնիսկ զգացումը կեղծված է:

Ո՞վ, արդյոք ո՞վ,
Պիտի տանի սրտես հեռու
Վայելքն աղու
Գրգանքներու՝
Որոնց հոգիս հափրանքն ունի

Կ'ըսեք բանաստեղծը, որ վերջեն պիտի երգե հաճախ սպասումը: Չմոռնանք հիշատակել այս առաջին շրջանին հրատարակված ուրիշ երկու ոտանավորներ ալ. «Քուն»ը և «Ա՛ն իմ սիրտս է...»ն. քննադատ մը՝ «Վեռլենյան վարնոց կեղծարարություն» պատվանունը տված էր ասոնցմե անաջինին. մինչև հոգ երթալու պետք կա՞ր, չեմ գիտեր, ըսելու համար պարզապես թե այդ ոտանավորը մեծ բան մը չէր արժեք. ես որ Վեռլենը՝ դեռ կարդացած չեմ, փոխանակ ուրախանալու այդ մերձեցումին վրա, պարզապես զարմացա որ ինքնին շա՛տ քիչ նշանակություն ունեցող բանաստեղծություն մը Վեռլենին հետ բաղդատության եզր կազմելու կը ծառայեր: Ուրիշ քննադատ մը՝ լալկանություն կը հռչակեր «Ա՛ն իմ սիրտս է...»ն. օ՛հ, աս լալկանություն բառը շա՛տ շարժարված է, իրա՞վ որ. մեկը որ մեր բանաստեղծները դատափետելու մարմաչեն կը բռնվի, երգիծանքը բանաստեղծութենեն զանազանել շկրցող օրիորդ մը ըլլա ան թե հարգելի եկեղեցական մը, նեցուկ մը ունի արդեն պատրաստ՝ «լալկանություն»ը. չե՛մ ջատագովեր երբեք, ու մանավանդ կ'ատեմ, անջիղ, հիվանդագին ու մանավանդ ուզված, բռնադատված տխրությունը. սակայն մյուս կողմեն շմոռնանք ալ հոգեկան տրամադրություններն ու պարագաները՝ որոնց տակ կ'արտագրվին էապես զբաղված տխրությունները: Դառնալով հիշված ոտանավորներին, ըսեմ դարձյալ թե հեղինակին աչքին՝ մեծ բան մը չ'երևար անիկա. ու հետո, պզտիկ մեջբերում մըն ալ, եթե չեք ձանձրանար.

... Թույլ խազերու մեղկություններ շունի ան,
Այլ կը սահին հըզոր կուրծքին բյուր ձայներ,
Բամբ թառաչներ՝ հոծ ու մըրայլ,
Հովն երբ պոնգեր կու տա նամետ գիշերին:

(գիշերը՝ Եվայն տավիդի նմանցված)

Ակնածանքով դիտել կու տամ թե ասիկա լալկանություն չէ՛ երբեք: Այս հիշվածներուն հատուկ սովորականութենեն շեղած են «Սոնադին»ը, «Նոպաներ»ը, «Թրթուամներ»ը. առաջին երկուքը զորեղ, իսկ երրորդը վճիտ ու խորհրդավոր:

Երկրորդ շրջանին մեջ բանաստեղծը կը ցնցվի, քիչ մը ու փոփոխություններ կը կրե, թեև դեռ չի կրնար ամբողջովին սկրթել նետել սովորականությունը, ու երբեմն բուլտովին կ'ենթարկվի անոր՝ ինչպես «Աղերսանք»ին մեջ: Իր սիրերգությունները՝ այս շրջանին՝ կը դադրին ձուլված բաներ ըլլալե. և կ'սկսի իր սերը միշտ բնագեղ տեսարանով մը շրջանակել. զգացումին ընկերացող տեսարան մը կա, և կամ տեսարանեն վերջ զգացումը կու գա.

Իրիկունը արագորեն կը խոնարհի դեպ ի խավար.
Բուրմունքներու հաշիշն հոգվույս մեջ կը ցանհ հեշտանք մը թույլ.
Երգի խազեր կը կըքոտին տակավ տենդոտ, հուզումնավար.

հետո.

Մութ սենյակիս մեջ կը շրջիմ առջի համբույրն անրջելեն...

ուրիշ օրինակ մը. նախ.

Սարերուն մեջ կը կոծկոծի այգուն՝ կոշնակը վանքին,
Եղնիկները՝ մըթնշաղին՝ դեպ ի գետափ կը դիմեն.

հետո,

Ես կ'երազեմ ծառերուն տակ ու կըսպասեմ խուլբար
Լույս-պարիկին՝ որ իղձերես պըսակելու պիտի գար:

Եվ ուրիշ մըն ալ՝ որ սապես կը սկսի.

Այգն է ծաղիկ երազով լի, ու բալածիգ՝ թեթևորեն.
Մշուշն անծալ ջրվեժի պես ամբարտակեն վար կը հոսի,
Իր շրփույթին մեջ կը շիկնի ոսկի աղջիկն արշալույսի.

և ապա.

Քիչ մըն ալ դո՛ւն ժպտեիր, ա՛հ, հոգվույս համար որ հիվանդ է.
Նայվածքի խաղ՝ որով դառնա աշխարհն ինձի ծափ ու ծաղիկ:

Ասոնցմե զատ ունի զուտ նկարագրական ոտանավորներ՝ որոնք զինքը կը բնորոշեն: Այսպես՝ «Յնորոտ Անդորրություններ»ը.

Հեշտ փալիբլուն գիշերներու անդորրություն մը ցնորական...

Ծայգն է ժայթքած իր շողակի շատրվաններն անրջական.

Շանթե աչքեր, բոցե թևեր մտածումիս կ'անցնին քովեն.

Դաշտերուն վրա հարսնուկներու բոսոր իղձերը կը ցամաքին.

«Աքասիաներու Շուքին Տակ»ը՝ քնքույշ.

Մաղիկներն հուշիկ թերթերը
Բուրումներով օժուն հովիկն իրիկվան,
Հոգիներուն կ'իջնեն երազ մը բուրյան.

Ջուրը ցայտքին ծաղիկ ծաղիկ հը կաթն,
Վըճիտ՝ ինչպես լույսն աբցունքը մանկան.

«Գետափի Երազանք»ը՝ արևոտ ու բուրումնավետ.

Գյուղն համորեն կը մըրափի ծոցն արևոտ ժաշկորուն.
Տիվանդորրի պահն ըմպած է մեղի հեշտություն մը սյուրի.

Գետեզերքս ծառատանհներ, միջօրեաթի այս պահուն,
Ինձ անծանոթ թավուտներն կը խրկեն բուրն հեշտանքի...

«Երազի Պահեր»ը՝ գիշերով ու երազով լի.

Մըտածումը, ինչպես ճամբորդ ուղեկորույս,
Կ'անցնի փութով, անձկազին,
Մերթ լուսավետ ու մերթ անլույս
Ճամբաներեն իմ մտքին:

Ու կը հոսի գիշերն ինչպես ծով անհուն
Գեպ ի ափունքն երազիս:

«Տապի Նուպաներ»ը՝ տապալիքն ու բարբառիկ.

Արեգակի բորբ ընձյուղներ կ'այլեն ամեն ի՞նչ անխընս.

Ամենուրեք հը խըրտի նուպան տապին ախտապարտը.

Շինականներ արևահար ծերունի մը գյուղակ տարին.

Բայց կը տես դեռ ցորեկին բազմալեզու տենյն հրավառ:

«Հովին Անցքը»՝ միտիքն ու երկյառաջի.

Անդնդազարար օվկիանի պես
Կ'ուտի այս գիշեր հովն ալիք ալիք.
Կը ծծեն լեզի սարսափն իր ճամբուն...

Ե՛րբ պիտի հասնի իր հանգրվանին
Արհավոտ Ուխտին այս դոռ կարավան.

Մարած է թքում լույսը լամպարիս
Հորդող մութին մեջ հեալեն տրտում.

Ա՜հ թո՛ւկդ եմ, ո՛վ ձայն, ո՛վ միտիք ցնցում,
Մինչ դուն կաթոզին հոգվայս կը փարթու:

«Սիրերգ»ը, «Պետրոս Գուրյան»ը, «Վերադարձի երգ»ը, Էթե ոչ հասարակ, գեթ հասարակ կերպով արտահայտված են: «Մինչաղներ»ը, «Այգերգ»ը հիվանդագին, ընկճող տխրություն մը ունին՝ որ քիչ մը կ'արդարանա թերևս սա՛ նկատումով թե ճշմարիտ հիվանդ մըն է խոսողը. ասոնցմե տարբեր է անշուշտ «Արևին»ը՝ սանձաճակ բանաստեղծություն մը՝ ուր հեշտագին, գրեթե այրող ջերմություն մը կա:

Գիշերերգությունները, լուսավետ կամ մթաստվեր, երկար տողանցք մը կը գծեն ամբողջ հատորին մեջ: Գիշերը երկար ատեն իր ազդեցության, իր խանդաղատանքին մեջ պահած է բանաստեղծը. սկիզբները քաղցր ու զվարթ է անոր գրգանքը.

Գիշերն անու՛րջ է, գիշերն հեշտագին.

կամ.

Քերթված մըն է ցայգն համորեն, շի՛նչ գեղուն՝
Որ կ'երգերգե ծափ ու ծիծաղ ու ծաղիկ.

և կամ.

Ցայգն է պայծառ անհունորեն,
Ցուցըլանքովն իր խուպար.
Օղանույշներ՝ որ մեղմաբար
Կը մոտենան հոգվույս նորեն:

Պարզկա ցայգուն անուրջին մեջ
Լըվալ կ'ուղեմ հիմակ հոգիս.
Եվ հըրահրի՛կ՝ երբեմնի շեշ
Աշտանակներն իմ երազիս:

(«Ցայգն է Պայծառ...»)

Գիշերին մեջ չէ՞ ապաքեն, որ երազները ավելի վառ ու արագ վերթևումներ կ'ունենան. գիշերին մեջ, աբ շքանկարք ա՛յնքան հմայիչ կ'ըլլա, և սպասումը՝ ա՛յնքան քաղցրորեն տաժանագին.

Մութ սենյակիս մեջ կը շրջիմ առջի համբույրն անրջինն,
Ու շրթունքներս են բոցավառ՝ ջերմութենեն երազային.
Փա՛կ են աչքերս, և կամ հանկարծ մերթ անհամբեր դուրս կը նային.
Ա՜հ, լըռությունն որ կը տես, և ըստվերներն՝ որ կը քալեն:

(«Ետե՛ք Իրիկունն Արագորեն»)

Շրթունքս են ծարավ միակ համբույրին...

Ցնծագին գիշերն է լույս ու լուսին,

Բայց լույսն իմ հոգվույս քիչ քիչ կը մաշի:

(«Սիրերգ»)

Բայց գիշերվան սերը միշտ կը վերածաղկի.

Ջգացում մը բյուրեղե,
Միածանի երանգով,
Հսպասումի մութին քով
Լույս աղոսներ կը պեղե:

Ու այս սերը կ'երկարաձգվի մինչև պաշտամունք. և այդ պաշտամունքը ա՛յնքան խանդոտ է որ բանաստեղծը կ'ուզե նույնիսկ գիշերին հավիտենությունը, բացարձակ, անկապտելի Աստվածությունը.

Կ'ուզեմ որ դադրին ձայներն այս պատիր,
Ու նեկտարիդ դողն ըմպեմ ես անհազ.
Կ'ուզեմ որ դադրին տիվ ու ժամանակ,
Ու դարբիրներուդ իյնամ ծնրադիր:

Հետո երկյուղած աղերսանք մըն ալ.

Ցնորաբե՛ր գիշեր, ա՛հ, ընդունե՛ր զիս.
Ընդունե՛, միտեր ո՛վ անդորրություն,
Իմ աղերսակոծ շունչիս սոսավյուն,
Եվ համբույրն անանց՝ զոր կու տա հոգիս:

Բայց վերջապես կու գա ատեն մը՝ որ գիշերներու այս տարփանքը ժամանակ մը տեղ կու տա արևին ու տիվին հրայրքին.

Պիտի ըմպեմ բոցն արևին, ճառագայթի եմ ծարավի.

(«Այգեբզ»)

Ու թող նըշուլե բաղձիկ հոգվույս մեջ,
Ճառագայթը նախածին,
Վաղորդայններու քրքում արևին:

(«Դեպի Մռաացում»)

Շողա՛, ո՛վ արև, շառափներովդ ոսկեծայր,
Մառախլապատ երկունքիս մեջ՝
Ուր մըտածումը կը դեգերի ուղեմուլար.

(«Արևին»)

Հոգիես նե՛րս կը խուժե
Քրքումն՝ ալիբի նըման

(«Ատուվան Արևին Մեջ...»)

Ամբողջ հատորը գրեթե սպասման երկարածիգ գիշեր մըն է աղերսանքներով, հոգերով, ցավերով, ու երբեմն ալ կայծկլտուն հույսերով լեցուն.

Անձուկին բոցը զիս պաշարեց, ըսպասման հիվա՛նդն եմ,
Գիշերներ միշտ անքուն կըսպասեմ ծիրանի ես դարձին:

Գարձուցե՛ք նավակներս հողմավար, ջըրանո՛ւյշ պայիկներ,
Գարձուցե՛ք նավակներս դյութավար, իրիկվա՛ն հովիկներ:

Փորձած է քանի մը ազատ ոտանավորներ՝ որոնցմե ոմանք շափին ավանդութենեն թեև զերծած՝ շեն կրցած սակայն տեղ տեղ վտարել արտահայտումի սովորական դարձած, մաշած թելատած կերպերը: Օրինա՞կ կ'ուզեք՝ «Գաշտերու Մեջ»ը՝ որ խճողված թանձրություն մը ունի.

Կյանքի թարմ կաթը ծծելու
Հեշտին այգուն ստինքներեն քաղցրածոր.

Այս կարգեն է նաև հետևյալ տողը «Ցնորոտ Անդորրություններ»ուն մեջ, որ մյուս տողերուն բնական խաղացքին մեջեն մարախի մը պես դուրս կը ցատկե.

Եվ հուրիներ նոր հուանած ալապաստը իրենց կուրծքին:

Ուրիշ տող մը «Գետափի Երազանք»են.

Ու կը նիրհեմ արբշիո՛ հովին դյութիչ նեկտարն ըմպած հող:

Այս նեկտար բառին կրած շարձարա՛նքը հապա:
Տափակ տուն մըն ալ «Այգեբզ»են:

Սեր-Արևիդ բոցն երկարն խորերն հոգվույս իմ պատանի.
Ջերթ արևին լեզվակն ոսկի՝ որ կը ծծե մշուշն այգուն.
Ո՛ւր է ճաճանչն, հուրբը ջերմին՝ որ մառախուղն առնե տանի,
Սեր-արևիդ (ևն, ևն.)

Անոնց թվումը տաղտկալի հարկ մըն է. մինակ պետք է խոստովանիլ թե եթե ոչ շատ, գեթ բավական կարելի էր երկարել:

Հորինվածի տեսակետին գալով, ըսենք թե Մեծարենց ընդհանրապես հնչուն ու ինքնեկ հանգեր ունի, եթե ասիկա արժանիք մըն է. «ը» ձայնին հաճախությունը շատ զգալի է. բայց նորերը ասիկա ներդաշնակությունն պայման չեն նկատեր. ճաշակի խնդիր, թերևս: Գալով հատածի կազմության միջոցին բառերու վանկատումին, նորերը կը կարծեն թե եթե վանկը նայ տառերով կազմված ըլլա, ներդաշնակության դեմ չըլլալն ավելի արտասանության նրբություն մը կու տա. օրինակով խոսի՞նք.

Իր երանգները նրբին.

շամած՝ կարեկից ժպիտ միայն բաժին կրստանան. և սակայն գուցե անիրավորեն անտարբեր կամ վերապահ. որովհետև մեզի համար անթոշ ու թարմ է, ինչ որ բանաստեղծը բարձրագույն հարացույցի մը հետապնդումին մեջ անպետ ու օթեկ մը նկատե: Եվ ինչպե՞ս լքել մտքին երբեմնի սիրասուն զավակները՝ երբ մանավանդ Զուրին պես ծիծղուն ու շնորհալի մանկուհիներ ըլլան անոնք. —

Ջուրն է ծիածան,
Ջանջիլ մը ջինջ,
Գիպակ մ'անհուն,
Փոփոխ ու ջինջ,
Հյուսված՝ ցիրցան
Յուրերով ջինջ.
Ջուրն է ծիածան,
Երիզ մ'է ջինջ:

Եվ լուսինկան,
Նո՛ր, ոսկեջինջ,
Շրթանըշան
Մ'է կախված՝ ջինջ
Ջուրին ծիածան:

Ծածանուտ այս տաղիկը՝ մթին ջուրերու վրա հանկարծորեն անդրադարձած լուսնային ճառագայթում մըն է, ջուրին խաղացքեն հալած, նրբերանգված. կամ մանտոլինի երաժշտության ժանեկահայտու երգչակ մը: Եվ արդեն առավելապես նրբերանգությանց ու նրբաձայնությանց քերթողն է ինք, և իր հոգին անդրադարձութունը լուսնային ծիածանումի մը նրբակապույտ ու սաթի գույներուն. կամ զմայլագին խոնարհումի շարժուձև մը՝ լուսնային ջուրերու երազային ծփումին վրա. —

Եվ կամ մերթ հոգիս՝
Լուսնի ջուրերուն
Մեջ՝ ինչպես նարկիս՝
Կը նայի, զմայլուն՝...

Ի՞նչպես շթափանցվիլ այս զմայլանքեն, կարենալով դիմադրել գրեթե կանացի այս ձևաքին փափուկ դյուրանքին:

Այս բանաստեղծությունը պիտի կրնար նմանցվիլ անհունորեն թարմ, չքնաղ, գեղատեսիլ ծաղիկի մը՝ որուն բույրն ալ կ'երեվակայենք ու կըզգանք հեռուն և որ սակայն քիչ մը կը տխրեցնեն մեզ՝ վասնզի կը փորձեն ու կը խաբեն մեր հոտառությունը. բայց ո՞վ պիտի ժտեր պնդել թե բույրը միակ հմայքն է ծաղիկին: Հետո, այս բանաստեղծությունը նրբության, բանաստեղծությունն է. քանզի երգիչին սիրտը, իր սիրելիությանց ափին մեջ (իր իսկ գործածած նմանութամբ) մետաքսե թաշկինակ մըն է, փափուկ, մեղմածալ, թեք, տեղատու. և կամ իր բարբառը ցանկալի երաժշտության մը հոգիին մեջ երկարաձգված արձագանգը, կամ նույն

ինքն երաժշտության ընկերացող անանուն, բայց զգալի շրջունն է, թելադրիչ, խաղաղածուփ. և իր վրձինը գրեթե աներևակայելի կերպով զանազանակ նրբերանգությանց ծորակ մըն է: Իր գույները պոռոտ չեն՝ այլ նվաղուն. իր ձայները՝ շրջուն, հծծյուն, մեղեդի: Եվ ամբողջությունը կը նմանի քիչ մը, բայց քիչ մը իր երգած պերճուհիին՝ որ Կանցնի,

Նոսր՝ ինչպես երազ,
Չքնաղ՝ ամպի պես,
Կ'անցնի՝ երկինքս
Միակերպ ու պարզ.
.....

Բայց իր բանաստեղծությունը ըլլա որ շփոթվի անկշիռ թեթևությանց ու տարամերժորեն ձևապաշտ արտադրությունաց հետ: Իրա՞վ է, առաջին ընթերցումով լիազոր ներգործություններ չըներ ան, ու կը կարծվի անկապաշտ կամ ծայրահեղ խորհրդանշական մը ըլլալ. ասոր համար նորանշան անվանեցի զինքը. կ'ընդունիմ որ իր հոգին անցած ըլլա մանավանդ խորհրդանշական հոսանքի մը մեջեն, և այդ հոսանքին հետքերը կան իր մեջ, բայց երբեք մենամոլություններ կամ իրապաշտություններ:

Ինքը էապես խորհրդապաշտ մը չէ. անգիտակցորեն, թերևս. բայց ոչ թե դպրոցի մը հատելու միամիտ և ինքնուրաց կանխակալությամբ մը: Ո՞վ ըսեր է արդեն թե բոլոր խորհրդանշականները արհամարհելի կամ հակակրելի են. կը հասկնամ որ գաղափարի և զգացումի կամ բաներու անհրապույր խավարաբողմներու հերոս մը այսպանելի նկատվի. բայց այս տիպարը, եսապաշտ, մենամոլ, ամուլ տիպարն է. Մալումեն՝ է, կամ մեր մեջ, քիչ մը, Ինտրան ու Գոլանճյանն են: Իսկ անդին կա թափանցիկ, գրավիչ ու մանավանդ թելադրիչ խորհրդանշականությունը՝ որ առողջ ու բեղմնավոր է: Մեր բանաստեղծն ալ թերևս այս վերջին դասակարգեն է. իր նրբերանգությունները երբեմն աննշմար կ'անցնին. ու գիտենք թե շեշտ ձայներ ու աչքառու գույներ առաջին վայրկյանին իսկ գրավելու առավելությունը ունին, բայց ասոնք սեր մեջ տափակներու ծնունդ տված են:

Ըսել չեմ ուզեր թե առաջին վայրկյանեն իսկ գրավող բանաստեղծություններ տուփակություններ միայն կրնան ըլլալ. ընդհակառակը միշտ նախընտրելի պիտի ըլլար վարակիչ գեղեցկություն զգացում մը. բայց ի՞նչ ընե՞լ երբ գեղեցկությունները միշտ բացերև չեն կրնար ըլլալ: Արվեստին մեծագույն դրդիչ գաղափարը դյուրամասույց ըլլալն է. և

հոս նոր բանաստեղծի մը ստվերոտությունները արդարացնել ջանալով, մթության և անհասկնալիության պաշտամունքին ջատագով հանդիսանալ չէր միտքս, ապահովարար Լուսնին տակ երգեցուն բանաստեղծն ալ պիտի շուգեր այս տեսակ ջատագովական մը. բայց մատչելի ընելու ըղձանքով շրջա որ արվեստը ոչնչացնենք սահման մը կա՞ որիկ վար չի՞ կրնար իջնել գրագետը. թող ընթերցողը, եթե կ'ուզե, բարձրանա այդ աստիճանին ու ճաշակե գրագետին երկերը. բայց գրագետն ալ իր դիրքին հրապույրը ավելցնելու համար պետք չէ որ վերելակելու տենչեր ունենա և ասոր համար ստիպվի... գլխուն ծանրությունները պարպելու, օդապարիկի մը ըրածին պես: Խնդիր է հիմակ թե մեր քնարահարը ուզված աստիճանին վրա՞ է. ես պիտի քսեի թե քիչ մը վեր է: Ու պիտի շղարմանամ, եթե վաղը մյուս օր վճիտ, բյուրեղի պես թափանցիկ տաղեր արտադրե, ինչպես հզորագույն ու լայնազդեցիկ քերթություններ, ու այն ատեն, կարծեմ, ճշմարիտ աստիճանին վրա պիտի գտնվի ու հասած իր գաղափարականին՝ որ ամալության ու խավարին պաշտամունքը չէ: Իր հրատարակելի նախապտուղ երկը ուրեմն, Լուսնին տակ երգե, փոքրիկ, գրավիչ նրբերանգությանց գանձարան մըն է՝ որ պիտի սքանչացնե արվեստին սիրահարները ու բարեխառնե քիչ մը պոռոտագույն գեղեցկությանց տեսքով հղիացած ճաշակներու բթությունը:

Իր գեղորները, ինչպես ըսի արդեն, տարամերժ ձեապաշտությանց արտադրություններ չին, այդ պարագային՝ որքան ալ հորինվածքով արվեստագիտական՝ պիտի չկրնային հպանցիկ հմայքե ավելի բան մը ունենալ: Լա՛վ գիտնանք սակայն թե բանաստեղծը ունայնափառություններով խայտացող մը չէ. իրեն արտահայտածները հոգեկան զգացումի մակերեսային նշուանքներ չեն՝ վարդագույն մշուշներե թափանցված: Իր նալվածքը գիտե խորերը սուզիլ, մինչև մայրական սիրտի ծովուն խորերը: Ահավասիկ նմուշ մը իր Օրորեն՝ ուր մայրը իր սրտահատորին կ'ընծաերգե երեք գանձերու աղբյուր մը՝ ուրիկ ծաղկավարս կին մը կը խմե, գոհար Թոչնակի մը ապրշումե բույնը, ու փառահեղ Այգ մը. վերջավորությունը.

Երեք գանձ ունիմ,
քեզի՛՛ երեքն ալ...
Հիմակ, լացիդ վրա,
Քունիդ եթերին
Շլացիկ ու քերմին,
Թո՛ղ իմ երգս ըկա

Սիրանի-Պոտին...:

Ու հետո պանդուխտի երգերը կան, գորովալիք, զգայազեղ. պանդուխտավայրին առաջին իրիկունն է, երիտասարդը կ'ըսե.—

Երբոր ես այս իրիկուն
գոտիս քակեցի,
զբտա անոր մեջ թաքուն
ուրեք մ'ու խեցի,
և գուգճ մ'ալ սին, բայց անհո՛ւմ,
— հոսմինե՛ր կանացի,—
Երբոր ես այս իրիկուն
գոտիս քակեցի:

Իրա՛վ է այս երգերը ժողովրդային ինքնարուխ պարզություններ շունին.—

Կարմիր վարդի նման բացվիս,
շուքըդ նստիմ, կանչեմ օրոր,
օրո՛ր, կապիմ կախօրան
ուտուն աքկտին, ու շուքն ի վրան,
ցաթե պուտ պուտ արևն ի վրան.

Ջրի՛կ, օ՞ր այնե՛ն կու գաս Գուն, պաղուկ ջրի՛կ՝ և անաշիկ. Գիշեր ու ցորե՛կ կ'երթաս, Քուն չունիս, անոր կու երթաս, Քուն չունիս, անոր չի ունիս՝ Քու յարին պաշտան կու երթաս,	Գարձի՛ մըր պաշտան երթանք, Վարդ ու նուշ ունիմ ջրեկու. Վարդ ու նուշ ունիմ ջրեկու, Ռեհանս է կունձ կապելու: Քաղն ու տեսիլ անեմ, Արմաղան անեմ խարիպիս...»
--	---

Այլ սակայն գեղեցկություններ են՝ ուր մշակված միտքը խայտալուվ պիտի թառեր:



Այս բանաստեղծությունը երևակայել կու տա ինձի վերջալույսին խորը ընկղմած բլուրի մը կողքին վրա բարձրացող, նրբատաշ, գմբեթարդ շենք մը.— մեհյա՛ն թե տաճար. ո՛վ գիտե: Շուրջանակի անտառներ ու մրգաստաններ կան. ծաղկանկար ածուներ ալ՝ դաշտավայրերուն մեջ. ծառաստաններուն մեջ թռչունի լիահագագ ճովողումներ, նոր ծաղկած նշենիի ու սալորենիի բույրեր. վարը, հովիտին մեջ, հեղեղատին ձայնը, ուշացող հատին աղաղակը: Շենքին բակին մեջ բազմածորակ աղբյուրներու շաշը, ու զրգացող տատրակի ու աղավնիի աղաչավոր հծծյուններ: Կաթելի չէ՛՛ դիմադրել սրբենի ու հովվերգական կյանքի այս կախարդանքին. սիրանքով ու երկյուղածությամբ ներս կը մտնենք.

վերջալույսը տակավին կը դեղևի. գավիթին մեջ կ'ընդունարենք փափուկ, լուսաշող ձեռքի մը հրավիրակ շարժումներ, հետո դեմք մը, ամբողջական հասակ մը. քո՛ւրմ մըն է, քահանա՞ մը. շենք գիտեր. որովհետև մթնշաղհին մեջ դժվար պիտի ըլլար զանազանել թե զինքը պարածածկող շուրջառը քղամի՞դ մըն է արդո՞ք թե նափորտ մը: Բայց ի՞նչ փուլթ, կը հետևինք իրեն. գորշ, հետզհետե մութ, ու վերջապես գրեթե խավարչուտ նրբուղիներե կը տանի մեզ. քըշ մը երկար կը տևե գնացքը. կը դժկամակինք ու վերադարձի հաստատ շարժումներ մը կ'ընենք. որովհետև մեր լայնաքթիթ աչքերը իրենց ծարավը հագեցնելու գրեթե ոչինչ կը գտնեն հուսադրական, պարապինդ մթություն. հանկարծ պատուհանիկի մը ծերպերեն նշուպնք մը կը վիտակի, հետո ուրիշ մը, ուրիշ մըն ալ: Ու վերջապես ինքզինքնիս կը գտնենք դրան մը առջև, որ կը բացվի շենքի հետսակողմի պարտեզին վրա և լայնատարած դաշտերու, ճամբաներու, գրեթե հորիզոններու կ'իշխե: Ամեն ինչ նոր է սակայն, նըրբագայված, շարմաղված, անոսրացած. ձայները, բույրերը, լույսերը, ձևերը, ամեն ինչ: Կըզգանք անմիջապես թե մեր նայվածքին պարզվող տեսարանը գիշերասկիզբի տեսարան մըն է. ամենօրյա գիշերասկիզբներուն հարևանման, այլ սակայն անոնցմե տարբեր. առաջնորդող ձեռքին արժանիքն ու հրապույրը կա ուրեմն՝ տեսարանին վրա ցանցնված: Ո՛րքան երախտապարտ ենք իրեն որ առաջին մարդու մը մանկականությամբ ու պարզությամբ հանդիսատես ըրավ մեզ տեսարանին, որ մեր գիտցածը չէր, հավիտենորեն կրկնված միօրինակ դանդաղությամբ. այլ կուսացած, քաղցր նորույթ մը՝ զոր ըմբռնանելու հաճույքը պարզենք մեզ՝ սիրելի՛ ձեռքը:

րացատքեն անդին, ճամբուն վրա բարակ,
իրիկվան ոսկի սեղանին դիմաց,
քահանա սոսին կ'ընե պատարագ,
մորը շուրջառն տսին՝ լույսերով բանված:

Նույն կուսությունը ունի այգն ալ՝ ուր հրեշտակները լույս նափորտ հագած այգուն դուռը կը բանան և

կու գան առնել իր հազորդ
լուսնին նշխարը մաքուր:

Լուսնին նշխարը. այգուն դեմ, ձերմկոտած նշխարը լուսնին՝ որ կը սրբանա...

Վերջապես երբ կը բաժնվինք դյուրական, նորատեսիլ երևույթեն, վերագարծին, նրբանցքին մեջ, արծաթյա դրան մը առջին, որ խորանի

երևույթ ունի, կը տեսնենք ոռնտելներու² կանթեղաշար մը՝ որ կ'աստղացողա. ինչպե՛ս շնայիլ ուշադիր անոնցմե մեկուն.—

ՎԵՐՋԱԼՈՒՅՍ

Սովեն շատ անդին,
իրիկվան մեջ խոր,
շահապ գըլուխին
լերան դարավոր՝

Կը դնե արփին
բոց թագն իր բոսոր,
ծովեն շա՛տ անդին,
իրիկվան մեջ խոր:

Եվ այս մեծ տոնին
պայազա՛տ եկվոր՝
կատարնե՛րն են հին,
պարթև սոսն հզոր,
ծովեն շա՛տ անդին...:

Ու վերջապես, մի՛շտ հետևելով ձեռքին շարժումին՝ որ մեզ կ'առաջնորդե, կ'առանձնանանք խցիկի մը մեջ՝ որուն միակ մեծանիստ պատուհանեն լուսինը ներս կը նայի գորովագին, ու կ'առնե կը տանի մեզ տիեզերքին մեջ պտտցնել. ու վայրկյանե վայրկյան դիցրմպելիի կալյակներ կամ լեղի շիթեր կը ցողե մեր ծարավ հոգիին. լեղի՞ն. չհասկըցվելը, համակերպիկ վշտակրությունը, լքումը.—

Ո՛վ մոռացավ, ավա՛ղ,
այս ծաղկեփունջը, թոշնած, քայքայված,
հոս, թմբին տակ...
Եվ ինչո՞ւ այսքան թուղթի կտորվանք...

Ի՞նչպես լավագույն կերպով կարելի ըլլար անձնացնել լքումին գաղափարը՝ որ մտատանջ ու խորհրդավոր կը դառնա սա երկտողով.

Ա՛հ, այս զանգակն ալ ի՞նչ է,
որ այս ժամուն կը հնչե...

Ուրեմն այս եթերահյուս կուսաթելերու բանվածքը, իր երազը՝ զոր մեզի տվավ, երևութական ոսկեցուլ փաղփի մը տակ մթին գաղափարի մը խոցտուկը ունի. պետք պիտի ըլլար ուրեմն խորը սուզվել իր հոգիին.—

Ինչպե՛ս պիտի ուզի
որ նային, ուշադիր,
հանդարտության ծովուն խորերը թաքած
տենչանքիս բուստը կարմիր:

Տենչա՞նքը, ուրեմն հոգը. հո՞գը, ուրեմն երջանիկ երազի մը ոսկի բաղձանքը. ուրեմն մշտանույն հաշորդությունը հառաչին ու ծիծաղին. Կյան-

քր: Անոր համար է որ իր քերթութիւնը արջնաթույր ագուսիթ թեւ-
բախում մը չէ հարածամ, այլ մերթ սպիտակ լայնաթև ճայի մը ճշմար-
տապես խայտացուցիչ վերթեւումները ունի, որ երբեմնի տխրութեանց
վրա ոսկի կապույտ քող մը կը քաշեն,

Օ՞, ջահերը վառեր են,
— օվսաննա՛, լուսե՛ր,
օ՞, ջահերը վառեր են,
իրենց կարմիր ալիւնն ես կը լքեմ հեռուն.
տո՛ն է այս գիշեր:

Ուրիշ մը.

Ահա՛ լճակը լուսին,
ահա սարսուռն իր վճիտ.
ահա աստղերն ու իրենց ձայնը, շիթ շիթ,

ահա լճակը լուսին,
ուր համբարուներ կ'երգեն միասին:

Իր սերը կիսովին համարձակված, խպնոտ ու սրբահույզ սեր մըն է. բաղձախտավոր քաղքենի առհավական ըղձանք մը՝ անձեզեզեղծ, նախ-
նական կյանքի հովվըրզականութեանց համար. տրիփի գրկաբացումներ,
կամ ցնորատենչիկ, շարշարող վայրկյաններ շունի. վազող ջուրին պես
պարզ է ու համեստ՝ մորը մարմանդին վրա հեղորեն ընկողմանած գառ-
նուկի մը պես. շիկնոտ սեր մըն է՝ որ կ'ընծայվի:

Վայրկյանի մը մեջ ամոթի և իղձի:

Իր նվազը լուսնագիշերի հեշտերգութիւն մըն է, և լուսնային ճա-
ռագայթի քուղեր են որ կը թևկոխեն իր երգերուն ցանցին վրա:

Նվագարանը քնար մը չէ, ո՛չ ալ տավիղ, ջութակ, ո՛չ մեկ ուրիշ բան:
Նեյի խորհրդամած, երկյուղավոր, փափկաձայն սլվլլուններ, մանտոլինի
նրբազայտ, վճիտ կայլակիկներ, սրինգի ոգեկոշող շեշտեր՝ որոնք դաշ-
տային ու հովվական տեսարաններ կը մանրանկարեն, ջութակի դող-
դոջուն գիծեր, ու լարանվագի փափկատրոփ հծծյուններ. ասոնց հա-
մադրույթն է լուսնին տակ երգերու արվեստականին նվագարանը:

Լուսնին տակ երգերու վերջընթեր նվագը, Ձյունը՝ սխրալի քնար-
երգութիւն մըն է. ձյունին սպիտակախաղաղ գաղափարը անսահման
ուրախութեան ծաղկում մը կ'ըլլա քերթողին համար.

Ճո՛, երեկ գիշեր ձյունը ծածկեր է,
— ի՛նչ ուրախութիւն, ի՛նչ ուրախութիւն,—
ձյունը ծածկե՛ր է՝
իմ հորանջող ճանճրույթիս,
իմ վճատութեանս դաշտերը տղմուտ:

ու պանծալի վայրկյան մը՝ սա անձնուրաց ու խելահեղ կոշը կը
խլի իր կուրծքեն, իր սուգին անզավակումը.—

Ձէ՛, անիկա որիճերու պես հիմակ,
պիտի շիորի
Ներդաշնակութիւնն այս լույս ու ճերմակ:

Վասնզի ի՛նչ կրնա ըլլալ իր սուգը այս լայնանիստ բովանդակին մեջ՝
որ տիեզերքն է կամ այլուրը. ի՛նչ փանաքի բան. ու նախ, վասնզի ինքն
ալ պետք ունի լիալիր ուրախութեան մը՝ որ իրեն համար ձյունախաղաղ
համանկարին ճերմակ գաղափարին հետ կը նույնանա:—

և ասիկա ճերմակ տո՛նն է իղձերուս,
և ասիկա բոլոր հարսնիքս է իմ կույս:

Ի՛նչ գորովանք ու սքսապեղում.—

և ահա՛ շորս դին, բուռ բուռ,
պրիտակ, դանակ, աքամանդ,
մաքրիտ ու սարսուռ...

Իսկ վերջին նվագը ներույծ ու ողբական ավաշներ, երազամուլ, հրուտ
խոտնդաւառութիւններ ունի: Ամայի վերջալույս մը. դաշտերու վրայն
չաքաղուշակ ստվեր մը կ'անցնի. առկայծող ճրագի վերջին լիալիր ցու-
քը ունի մթնշաղը: Այս շրջանակին մեջ քերթողը կը ճանչնա իր հին
երազները, խայտաբեքները, իր շոգին՝ «անջրպետին մեջ ցրվուն». ու
կ'արծարծի այդ հոգիին խնկամանը, իր հին երազները, բաղձանքները,
հուշերը՝ կրակ կ'ըլլան, ստաշիս կ'ըլլան, եթեր կ'ըլլան. ու՝

խնկամանը կը տոնվառի, խնկամանը կ'արծարծի,
...
եղբայրորին, կարեկցորեն, քաղցրորեն.
...
Վասնզի այս իրիկուն նախատոնա՛կ է...

Թր վերհուշութեանց նախատոնա՛կը. և ի՛նչ գրգալի անուրջ է, որ
կը ծորի այդ հանդիսութենէն.—

Արդ, խոհերուս ծաղկավետ ոստերուն վրա,
ա՛հ, ըղձալի աղավնեկի փափկությամբ,
հիշատակ մը, ա՛յնքան մեղմ, ա՛յնքան աղու,
կու գա մեկեն կը թափե...

Եվ աղավնեկը կը կարկաջե, հին հին բաներ կը պատմե, ու վերջապես,

իր խոսքն ավարտած,
քիվի մը տակ կը ծածկըվի, նիրհելու...

Հոս վերջ կը դնե, կամ սկիզբ կ'առնե, սրտի վիպերգությունը վա՛հրամ Թաթուլ բանաստեղծին...

<1907, ապրիլ>

1907

ՔՆՆԱՌԱՏՈՒԹՅՈՒՆԸ

Ո՛րքան շնորհապարտ եմ ծնովք Արմենին, որ իր գրական նկնդւթյան մեջ տիտանի շարժումն է մը կը փորձե՝ օձիքս ի վեր ցատկել ուզե՛լով:

... Ի՞նչ տեսակ բան է արդյոք այդ կապույտ հաժումը. կրնան նկարագրել: Կրնա՞ նույնինքն նկարագրել անոր հեղինակը: Անիմաստ սենպոլիսմի [մը] նմանողական գայթումներն են մեկ քանի բանաստեղծներու փորձած այս մոլար կապկությունները...

Այսպես կը ծանոթագրե ծնովք Արմեն Մասիսի 28—29 թիվին մեջ հրատարակված Չյոկյուրյանի գրախոսության տակ, զոր ուզածին պես կրճատեր է Մասիսի խմբագիրը՝ հավասար հարգանք ցույց տալով «գրողին իրավունք»ին ու տող մը իսկ չչնջելու մասին իր ըրած խոստումին: Այսպես կը ծանոթագրե՝ ու առաջին անգամեն, առանց ուստումի ինքզինքը անտաշության շրջանակի մը մեջ կը դնե, մոլաբ կապկություն անվանելով բաներ՝ որ իր մտքին անձուկ պարունակին մեջ չամփոփվելուն միակ ու մեծ հանցանքը ունեցեր են: Բայց ըսի արդեն թե շնորհապարտ կ'ընեն զիս ծնովք Արմենի արիական շարժումն ու համարձակությունը՝ որոնք առիթ կու տան ինձի գրականության անունով գործված կարգ մը պղծության դեմ ձայն բարձրացնելու:

Գանք ուրեմն կապույտ հաժումներու մասին ըրած իր դիտողության՝ զոր պարզամիտ բարձրահոնությամբ գուցե անառարկելի կը կարծե: Ծնովք Արմեն սապես տրամաբանեց անշուշտ (կ'ենթադրեմ, քանի որ ինք հայտնապես տրամաբանելու քաջությունը չունեցավ): Հաժում = պտույտ, դեգերում, աննյութական, անտեսանելի բան մըն է՝ հետևաբար կապույտ չի կրնար ըլլալ: Չքնա՞ղ է տրամաբանությունը ծնովք Արմենին՝ զոր իր քննախույզի և ուրիշ գրական հավակնությանց մեջ բևեռելու միտողներ ալ պիտի ըլլային՝ որպեսզի կատարյալ ըլլար մեր գրական ողբալի հիքությունը: Ծնովք Արմեն թող ուզե կարգալ ու հասկնալ պղտիկ արտագրումները զոր պիտի ընեմ «Կապույտ Հաժումներ» խորագրով ստանալորես. նախ ըսեմ թե կապույտ հաժում ըսելով կը հասկնամ կապույտներու մեջ հաժում. ու հետո պետք է գիտնա թե այս պարագային հաժումը կապույտե տարբեր չի կրնար ըլլալ, քանի որ օղը ինքնին կապույտ է: Իսկ եթե անբավական կը թվի իրեն այս բացատրությունը, ինչպես ըսի, թող ուզե հասկնալ հիշված ուսանավորին հետևյալ տողերը.

Հապօ՞ն, անցի՛ր, ծրծի՛ հեշտին համբույրն անուշ «լիակնեհուն»
Ու թևաբախ սուրա հոն ուր զույգ մը դաշտեր «բիլ» սմբուլի
Քեզ կըսպասեն՝...
Խորասուզե ծոպդ ոսկեզօ՞ժ՝ ծովածիծաղ ու թրթրոսն
Քընարին «բիլ» նայվածքներուն ծփծփանքին մեջ հորդազեղ.

Եվ որպեսզի չգայթի ծնովք Արմեն, հոս անմիջապես ըսել պետք պիտի ըլլար, թե լելակը սովորական մանիշակագույնեն զատ կրնար ըլլալ նաև ճերմակ, կարմրորակ, կապտորակ:

Հոս տեղն է նկատելու որ եթե ծնովք Արմեն քիչ մը թափանցամիտ ըլլար ու պղտիկ հասկացողություն մը ունենար բանաստեղծության, փոխանակ կապույտ հաժումին ծուղակը իյնալու, պիտի կրնար որոշակի դիտել թե այս ուսանավորը շատ ծանրաբեռնված է և հորդառատ բաներով կը քողածածկե բնականին ու պարզին վճիտ զգացողությունը: Եվ այն ատեն մատնանիշ ըրած պիտի ըլլար իրական ու խոշոր թերություն մը՝ որ ընդհանրական է մեր բանաստեղծներուն համար: Բայց ծնովք Արմեն անտեղեկը չէ: Հետաքրքրական ու հոգեբանական պիտի ըլլար եթե ուզեր ամբողջական գրախոսություն մը ընել «Միածան»ին վրա և այն ատեն անշուշտ դուրս կու գար բովանդակ խեղճությունը իր գրագետ-հասկացողության և անզեղազետ մտքին: «Միածան»ը չնաշխարհիկ բան մը նկատելու չափ չլամիտ չեմ. ես իմ բոլոր գրախոսներես ավելի հստակորեն տեսնել կը կարծեմ անոր թերությունները, բայց քե-

րությունները՝ որոնց հրապարակային մատնանշումին՝ առիթը կ'ունենամ հարկավ:

Տակավին պահեստի դիտողութայուն մըն ալ ունի Ծնովք Արմեն, «Արևին» բանաստեղծութայան մեջ սա երկտողը կա.

Թող հոգևոյս մեջն անցնին կարգով
Մանուկներն ընդարմացած.

Այս տողերն ալ հպելով իր խտրոցին, Ծնովք Արմեն պիտի գոչեր. «Ի՞նչ, հոգիին մեջ մանուկ կրնա՞ ըլլալ»: Որովհետեւ Ծնովք Արմենի միտքը ընդհանրապես գրահանութայան ու մասնավորապես բանաստեղծութայան անընդունակ միտք մըն է: Ու չի կրնար իմաստի պզտիկ կըրճատումները լայնել ու հասկնալ անմիջապես, թե, օրինակի համար, մանուկը ամփոփ փոխաբերութայունն է հոս մանուկ զգացումներուն, տենչերուն, հույսերուն, բաղձանքներուն՝ որոնք երկար ատեն ընդարմացած արևին կենսաբաշխ ճառագայթներուն պետք ունին վերսթափելու համար: Ի՞նչ դժբախտութայուն պիտի ըլլար եթե բոլոր հասկացողութայունները Ծնովք Արմենին պես անձկանային. այն ատեն հարկ պիտի ըլլար մեր գրական հսկային՝ Նարեկացիին փոխաբերութայուններուն ալ դատավճիռը կարգալ («բուրվառ կենաց», «մանգաղ կամաց», «անկողին կամաց»):

Ծնովք Արմեն կ'ուզէ անպատճառ ismeի մտակույր ու պանդուխտարփող մը գտնել իմ մեջս, մանավանդ բառամուլ խորհրդանշական մը, ծիծաղելի կապկող մը: Եվ որովհետեւ սկիզբէն ի վեր գրեթե բնազդաբար, և հիմակ բացորոշակի, իմ գրական մեծագույն մտահոգութայունս եղած է դպրոցի անճահ պիտակումներուն հիմարական հետավարող մը չըլլալ և խուսափիլ արտաքին ազդեցութայանց նվաստացուցիչ դրոշմին, մեկ խոսքով կարելի եղածին շփի Քնքզինքս ըլլալ՝ ուժգնորեն կ'ընդվզիմ Ծնովք Արմենի այդ անմտած վերագրութայան դեմ: Ու բարբառուն ապացույց մը տալու համար թե սենյալիսմը կրնա ստացական չըլլալ՝ դարձյալ մեջ կը բերեմ պանծալի Նարեկացիին օրինակը:

Պզտիկ հետախուզութայուն մըն ալ՝ որ երևան պիտի բերե Ծնովք Արմենին ըմբռնումը՝ արվեստագետ բառին մասին: Մինչ մեկ կողմին Ծնովք Արմեն զիս կապկող կը կոչե, մյուս կողմին Պարսամյանը կը դավանի «արվեստագետ մը՝ որուն քնարը կորովի շեշտը ունի հուզիչ զգայություններու»: Պարսամյան նոր սեռ մը փորձած ըլլալ կը կարծե, աստվածաշնչական կարգ մը անցքեր իր կաթոտ զգացումներով մակարդալով: Ունինք իր վերջին ոտանավորը (Մասիս, թիվ 28—29), «Դալիս», որ շարափոխումն է Աստվածաշունչին մեծավայելուչ պարզու-

թյամբ ու հանդարտ խաղացքով վիպերգութայան: Հետաքրքրական պիտի ըլլար բաղդատութայունը՝ ուր երևան պիտի գա գրականն զատ լեզվական պզտագործութայունն ալ՝ զոր կ'ընե Պարսամյան իր կոշկոռ կապած հայերենով:

Աստվածաշունչինը.—

...«Եւ եղեւ յետ այսորիկ սիրեաց կին մի առ եգերբ ցեղեղատին Սովրեկայ, և անունն նորա Դալիլա» (Դատաւորք, ԺԶ. 4):

«...Եւ ննջեցոյց զնա ի մէջ ծնգաց իւրոց. և կոչեաց վարսավիրայ, և եգերծ գեօքանեսին գիսակս գլխոյ նորա. եւ սկսաւ թօշնել, եւ մեկնեցաւ ի նմանէ գօրութիւն նորա...» (Նույն, 19):

Պարսամյանինը.—

Դալիլայի գիրկին մեջ՝ իր գլուխը ընկուզած՝
Սամսոն՝ կիրթին մեղապարտ արբողութայունովը մըթին,
Կը փայփայլէր Սովրեկի հեղեղատի նայադին
Թունավորիչ, տոփանուտ զգվանքներէն հեշտախանձ:
...
Գլխուն վրա մկրա՞տն է որ կը շարժի մեղմորեն...



Այս բաղդատութենէն դուրս դիտելի կետ մը կա, որ ամբողջ ոտանավորը ոչինչով կը տարբերի ձանձրալի արձակե մը: Երբորդ տունին մեջ ընթերցողը կը փոխադրվի վայր մը՝ որ դաբիրան է Պարսամյանի սովորական ծանոթ զգացումներուն.

Զանկապանը հարդարեց՝ շարժումով մը պըրավար,
Լիրդ շառայլը ցույց տալով այդ կանացի երիզին,
Ուր ալիքի պես վետ վետ ժանյակներու մեջ նրբին,
Մարմնին ճերմակն ավելի շուշանաթույր կ'երևար:

Ի՞նչ է այդ երիզը. զանկապանը կանացի գուլպայե տարբեր նշանակութայուն մըն ալ ունի արդյոք՝ ինձի անծանոթ: Ո՞ւ՞հ, սա ժանյակը՝ որուն մեծաքանակ վաճառողն է Պարսամյան՝ որ փութաց մասնաճյուղ մըն ալ բանալ վերջերս... Դերերը որքա՞ն կը շրջվին երբեմն բանաստեղծը՝ որ ամեն գեղեցիկ բան սիրցնելու պաշտոն ունի, ատել կու տա երբեմն իր երգած իրերը. այսպես չէ՞ որ մեր նախորդ սերունդին բանաստեղծները սրբապզծեցին ու ատելի դարձուցին «սոխակ»ը, «առվակը»ը ևն. և այսպեսով չէ՞ որ Պարսամյան ալ խեղդամահ ընել կը նկըրտի ժանյակն ու իր նմանները...

Ու մտածել թե արվեստագետ կը կոչվի մեկը, որ ժողովրդային մեկ քանի զուլալ սիրերգներ իր աղավաղ զգացումներով պղտորելի վերջ՝ նույն բանը կը փորձե նաև աստվածաշնչական դեպքերու համար: Ո՛վ արվեստագիտություն... (հետաքրքիր էի իմանալ թե Ենովք Արմեն արվեստագետ ըսելով հանգի ու ոտքի սովորական ինքնաշարժ մեքենայի տարբեր բան մը կ'ըմբռնե՞):

Տեսնենք նախ թե ի՞նչ կ'ըմբռնե Ենովք Արմեն գեղարվեստ բառով: Երբ Ենովք Արմենի փափաքով (այն ատեն երևի մոլար կապկող մը չէի) հոժարեցա «Մասիս»ի Մատենադարանին մեջ հրատարակել Միածանը՝ այս վերջինին կցվելու համար ազդ մը խմբագրեց «Մասիս»ի խմբագիրը. այս ազդեն մաս մը կ'արտագրեմ, իբրև նմուշ հեղինակին լեզվական գեղարվեստին.—

...Հիմնած ենք «Մասիս»ի Մատենադարանը», որուն լույս կ'ընծայենք ԱՌԱՋԻՆ հատորը, Միածան, իբր սկզբնավորություն Մատենադարանի շարքին:

Ես չկրցա հանդուրժել այս ճոզած հայերենով ազդին՝ զոր Ենովք Արմեն կ'ուզեր անպատճառ գետեղել գրքին ճակատը. հառաջաբանն իսկ առաջ: Որուն լույս կ'ընծայենք առաջին հատորը (dont nous publions le premier volume). ահա՛վասիկ, ո՛ւր պետք է փնտռել մոլաբ կապկությունը. հայերեն մը՝ որ իսկենիսկ ֆրանսերենին վրա ձևված ըլլա: Գալով իբր սկզբնավորություն, կամ անհարկի կրկնությունն է ան առաջինին արդեն բացատրած իմաստին, կամ կը նշանակե թե Միածանի միակ արժանիքն էր Մատենադարանին իբր սկզբնավորություն ծառայելը. բայց քանի որ Ենովք Արմեն անձնապես ծխտած է այս վերջին մեկնությունը, կը հաստատվի առաջին դիտողությունը: Եվ այս ազդն է որ Ենովք Արմենի գրչին տակ գեղարվեստական խնդիր դարձած է: Ո՛վ գեղարվեստ:

Ենովք Արմենի լեզվին մեջ կը վխտան այս կարգի մոլաբ կապկություններ ու սխալներ՝ զորս ամեն հետաքրքիր կրնա որսալ լիաբուռն: Ենովք Արմեն ուրիշ շատերու պես լեզվին մտահոգությունը չունի, գրաբարը կ'արհամարհե անպայման: Գրաբարի մոլեռանդության, կամ գրաբար ու գրաբարախառն գրելու ցնորքին չափ հիմարական է կարծել թե աշխարհաբարը եղած լմնցած, ինքնուրույն, կազմված նկարագրով լեզու մըն է: Ու մանավանդ, անգամ մըն ալ կրկնեմ, մոլաբ կապկություն է զայն եվրոպական լեզուներու վրա ձևելը. օգտվենք եվրոպական լեզուներու նորանոր ու թարմ արտահայտություններին. բայց շմոռնանք գրաբարին հուռթի շտեմարաններին օգտվիլ մանավանդ: Ինչո՞ւ մեր հացը գետին ձգենք ու մուրացիկ՝ ուրիշին ետևեն վազենք...

Կրնա առարկվիլ թե ի՞նչ հարկ կար այս որակներով ա՛յսքան զբաղելու: Բայց այս պղծագործությունները նվիրագործություն սեպվելու հավակնությունը ունին. ու մեղապարտ ու ցասուցիչ ա՛յսքան լուծություններ վերջ, պետք էր որ հանուն գրականության և հանուն ցեղին լեզվական արժանապատվության ձայն մը բարձրանար գոնե... ,

Իսկ Տիգրան Չյոկյուրյան պարզապես հուսահատեցուցիչ է: Անիկա ազդեցություններ նշմարել կ'ուզե իմ մեջս Պարսամյանեն, Հարությունյանեն, Մալեղյանեն, Չրաքյանեն: Ի՞նչպես կրնալի աղղված ըլլալ ես Պարսամյանի կնատ ու ճակաճան ու սամասրող բանաստեղծութենեն. ես՝ որ նույնինքն Չյոկյուրյանի բառերով «գավառացիի կատարյալ ափշը ունիմ» ու բնության սերը. այս տեսակ ազդեցության մը տոկալե ավելի պիտի ուզեի յոթը անգամ գրիչս կոտորել: «Պարսամյանին երջանիկ բառերովը օժած է բանաստեղծը իր գործը» կ'ըսե Չյոկյուրյան. բայց երբե՞ն ի վեր բառերը սեպհականություններ են կամ մենաշնորհ: Շնորհակալության պղտիկ պարտք մը ունինք անոնց՝ որոնք գործածութենն ինկած գեղեցիկ բառեր կը վերակենդանացնեն. բայց Պարսամյան այդ շնորհակալիքին ալ իրավունք չունի, քանի որ Սիպիլեն³ փոխ առած է իր հաճախակի գործածած բառերը կարծելով որ անոնք, կնոջական անունի մը⁴ միացած՝ պիտի կարենային հրապուրել արժանիքի առնացի աստվածությունը՝ որ ավա՛ղ... Իսկ եթե վերնագիրներս Հարությունյանն փոխ առած եմ, ծիծաղելիս ավելի բան մըն է կարծեմ մանավանդ նույն ինքն Հարությունյանի աչքին: Ենթադրենք նույն իսկ որ անմտադիր կերպով Հարությունյանն փոխ առած ըլլամ վերնագիրներես մեկ քանին (հավանորեն, չե՛մ գիտեր). ի՞նչ կշիռ ունի ասիկա: Բոլոր գրականությանց մեջ ալ չկա՞ն միթե նույն մակագրությամբ անհամար գրություններ ու գիրքեր ալ. ի՞նչ կը պակսեցնե այս նույնությունը ներքին իսկական արժանիքին: Ի՞նչ ողբալի կերպով բառերու հետ խաղացողներ ենք: «Տապի նոպաներ» վերնագրության ծիծաղելի նկատվիլը բազմապատիկ ծիծաղելի, հաճոյական և զբոսեցուցիչ թվեցավ ինձի: Ի՞նչ ավելի արտահայտիչ ու բնական ու բանաստեղծական քան համագրավ տապի մը պահուն՝ բնության նոպայե բռնված նկատվիլը: Բայց ի՞նչ հարկ ասանկ նուրբ դիտողությանց, քանի որ Չյոկյուրյան կ'ուզե որ «Տապի նոպաներ» ոտանավորիս իբր վերնագիր փոխի «Հունիսի Արեվը» մակագիրը՝ ծանրաբեռն ու վաստակաբեկ գրաստի մը պես... Զանց կ'ընեմ մյուս վերնագիրներուն համար եղած դի-

տողութունները՝ որոնք ինքնին կը շեղաբանան ուշադիր ընթերցումներէ վերջ: «Յնորոտ Անդորրութուններ», «Անդորրութուն մը որ ցնորոտ կ'ըլլա, տարօրինակ բան» կը գոչէ Չյոկյուրյան: Այո՛, անդորրութուն մը որ ցնորական կ'ըլլա, առանց տարօրինակ ըլլալու: Հայտնի կ'երևա թէ Չյոկյուրյան հանդիսատես չէ՛ եղած, կամ չէ՛ անդրադարձած մեծ լուսնայիններու և անդորրութանց, ծովափը սարավանդի մը վրա, կամ դաշտերուն մեջ՝ լեռներուն դրացի, գիշերվան լուսախաղաղ համանկարին վրա իշխող անդորրութանց ու լուսնայիններու՝ որոնք գլխու պտույտ կու տան: Չյոկյուրյանը քանիցս գործածած եմ դալարիքի համար. Չյոկյուրյան ձանձրալի կը գտնէ այս վերագիրը, թէ ի՛նչպէս, ինք միայն կրնա գիտնալ: Ապրշումէ երազներուն համար եղած դիտողութեան շեմ պատասխաններ, իրմէ չկորզելու համար սրամտութիւն մը բրած ըլլալու վայելքը: Դիտել կու տամ թէ սատափին գույնը ո՛չ թէ գորշ սպիտակ դեղնութիւն է, այլ գորշ սպիտակ հատակի վրա ծիրանի ու կապտերակ երանգներու ցոլք մը: Եվ ի՛նչ արտահայտիչ է լուսնածամին նախընթաց գորշ սպիտակ պայծառութեան մը պէս վերջալուսային հետամնաց ծիրանի երանգներուն ու մշշական կապույտ երակավորումներուն համար՝ քան սատափի ծիածանումը:

Չյոկյուրյան կը քերէ «Միածան»ի ճշմարիտ թերութեանց եզերքը, երբ կը հակադրէ իմ մեջս իրական ավիշով գավառացին ու քաղքենի ազդեցութեանց նշավակ պոլսաբնակը՝ որ «Սոնադին»ը արտադրած է: Բայց կը քերէ միևնակ եզերքը ու չի կրնար ցամաք նետել երկաթ ճապուռը և հաստատուն գետնի վրա գտնել ինքզինքը, որովհետև մակերեսային դիտողութեանց հոսանք մը դարձյալ կը վարէ իր մակույկը:

Չյոկյուրյան Միածանի մեջ զգացումներուն բնագեղ տեսարաններով շրջանակված ըլլալը ստգտանք մը սեպել կ'ուզէ: Բայց ինչո՞ւ զգացումները երաշտ անապատներու մեջ տարագրել, ինչո՞ւ մոռնալ մարդուն ու բնութեան անմիջական հաղորդութիւնը, ինչո՞ւ խզել այդ կապերը՝ փոխանակ ամբապնդելու զանոնք: Զգացումներն ու տեսարանները զուգորդելը չէ թէ անկատարութիւն կամ անկապակցութիւն է, այլ ընդհակառակը՝ կատարելութեան ձգտում մըն է, իրերուն ու մարդուն հարաբերութեանց կապակից կցորդութեան համար եղած ջանք մըն է: Եվ Միածանի միակ արժանիքը այս ձգտումն ու ջանքը կը ներկայացնեն:

Իսկ Չրաքյանի հետեւած ըլլալու վերագրութիւնը անճահ լողիկի մը պէս վրայնա կը նետէմ: Հղացման ընդօրինակութիւնը ըսելով Չյոկյուրյան հավանորեն ակնարկել կ'ուզէ Կիրակմուտքը որ Ներաշխարհեն ամիսներ առաջ տպված էր արդեն Մասիսի մեջ: Եվ արմատաքի ու ի

ազառ ջնջելու համար Ներաշխարհի ազդեցութեան անհեթեթ կասկածը, ըսեմ թէ Միածանի հրատարակութեան ձեռնարկը Ինտրայի հատորին հրատարակումէն վեց ամիս առաջ եղած էր արդեն: Եվ անկէ վերջ գրիչ դպած չէ Միածանին, փորձի սրբագրութեան պահուն կարգ մը ռատանավորներու արտահանումէն զատ:

Անգամ մըն ալ շնորհակարտութիւնս կը հայտնեմ Ենովք Արմենին: Գալով Չյոկյուրյանին կը ցավիմ, որ շատ թեթևորէն ըմբռնած է բննադատութիւնը: ՔՆՆԱԴԱՏԱԻԹՅԱՆ ԻՆՏ...

1908

ՆԱՌԵԿԱՑԻՒՆ ՀԵՏ

Խուցիս ճերմակ վարագույրները կը սարսոսան. գետնընթաց հո՛վն է դարձյալ որ ապակիները կ'ալիկոծէ ու կը փուլի մինչև բաղձանքիս ավազներուն վրա:

Հո՛վն է դարձյալ. խուցիս աշունը՝ դեղին ու կարմորակ տերեխ անդրադարձ խոշոր կալլակներով արցունքոտած՝ իղձի ու թախծութեան ամպոտ վայրկյանի մը մեջ՝ կըսպասէ աղոթքին: Նախնականութեան բաղձանք մը՝ երկյուղով մակարդված, առհասարակ հեռալուր ձայն մը՝ կարծես հովին արհամարտ ձայնին ընդլսառնված՝ հետո անկէ տարանջատ՝ կը կոթողվի մեկնէն հոգիիս մեջ: Ու բոլոր ուրվագիրներուն ու պատկերներուն մեջէն, որոնք անոր շրջանը կ'ընեն հիմակ, բոցով շրջանակված դիմագիծ մը, հայեցողի միտափք, մշուշոտ, աղոթալուր կենդանագիր մը կ'որոշագծվի հոն մինչև ճակատին ակոսները՝ զորս Մեղքի գաղափարին արորն է քաշած. մինչև աղերսարկու աշքերուն թախծոտ նայվածքը՝ աստվածյան հուրով մը տոգորված. ու մինչև շուրթերուն աղօթկիր երերումն ալ: Նարեկացի՛ն է. սրբութեան իղձին կրակովը վառված անշեջ մորենին՝, մեծ աղոթասաց բանաստեղծը՝ որ կը հառաչէ.

«Մատուցեալ եղեալ ՚ի ճուր քախծութեան անձին տոշուման՝ զպառլորդից ցենեհեռոյ սասանեալ մտացս, բուրվառաւ կամացս առաքել առ Բեզ...»

Հո՛վն է դարձյալ. և անոր հեթին հետ, իրար բաղխող ձայններու մակընթացութեան մեջէն՝ անտես ու գրաւի Աստվածն է որ կ'անցնի, և

հոգին կը տարվի հորձանքներեն, երկյուղի խորանին առջև իր աղոթքը աղաղակելու.

«Ընկալ փաղցրութեամբ, Տէր Աստուած, հզօր, զդառնացողիս զաղաչանս... բացադրեա, վերնային, զմոլելոյն մառախուղ... պարփակեա քո ձեռամբդ զառաստաղ տանաբիս. զծագրեա քո արեամբդ զմուտ սեմոց սենեկիս... Տուր հանգիստ բերկրութեան մանանանգոյնս նիրհման...»

Որքա՛ն քաղցր պիտի ըլլար այս ամպամած գիշերոտ տիվին մեզին ընդնշմարել հանկարծ կապույտ բարությունը՝ որ ճառագայթով մը ժպտեր շոգիի սրահակներուն մեկ ծերպեն՝ և աղբրսագին կանչե՛ր.

«Պաղատիմ առ քեզ լուսոյ նառագայթ...»

Բայց, ահա՛ ճառագայթն է. «ամենափայլ ճառագայթը», «խոստովանեալ լոյսը», «արփիացնցուղ ցօղը», «տօնելի խոնարհութիւնը», «փրկական համբոյրն» է այդ ոսկեթել նուրբ շառայլը՝ որ կը սահի հոգիին խորը՝ քայքայված երազներու տրցակը ժապավիններու



Նարեկը ալեկոծութիւն մըն է. հոգեկան վրդով մըրիկ մը և ալեկոծութիւն մը՝ ուր բառերն ու կշռութիւնները ալիքներու բաղխումին չափակցութիւնը՝ անոնց ինքնակործան շաղմամները՝ անոնց իրարահալած խաղացքն ու անկումները ունին:

Եվ այս ալեկոծութիւններուն մեջ, հորձանքներու փեր ինկած պըզտիկ նավակ մը կա՝ զոր կոհակները ոչինչի մը պես ձեռքե ձեռք կը նետեն, մինչև խորտակում.

«... Ուստի նաև ՚ի բախմանէ վայրենի ալեացն խորտակեցաւ»:

Հոս պատկերի խիստ ու նկարչական ճշգրտութիւն մը կա, իր մանրամասնութիւններուն ու ամբողջական ներկայացումին մեջ ալ՝ այնքան հուժկու և իրախնդիր՝ որ նմանութիւնը հրաշալի կերպով կ'անձնացնէ.

«Թևոցն ձեռնարկութիւն փայլայեցաւ, կայմն ամբարձման ՚ի կայից իւրոց խլեցաւ, առագաստին բոչարան յանկարկատելի ծուէնս պատանեցաւ, շինուածոյն շուք անգարդեցաւ, առասանք ձգողականացն խզեցաւ, տեսարան գլխոյն յիտակի խոնարհեցաւ, ապաւանդակին պահանճ կտրեցաւ, ապաւինութիւն խարսխին լուծաւ... սամիք ուղղացն հետոց գալարեցան..., ղեկացն կառուցմունք անդրէն սուգան..., զոգք ամփոփման ծոցոյն կազմածոյ անարգեցան, խելք շրթանցն եզերաց խախտեալ ոստեաւ...»:

Բայց դեռ չէ՛ վերջացած նկարագրութիւնը այս նավաբեկութեան. հապա նավուղիդին անձկութիւնը.

«Նաւուղիդն հանդէպ նալին դեգերեալ ողբայ, ձեռն ՚ի ծնօտի եղեալ՝ արտասուաց գետս իջեցուցանէ»:

Եվ հուսկ ապա խլյակներու թախծագին երերումը շուրերուն վրա...

«Նշմարե՛ սակաւ մնացուածոցն՝ ՚ի ծայրից ծփմանց աղղելոյ ծավուն, իբր խողխողեալ բանաւոր, ողորմագին թախծանօք հեծէ»:

Նմանութիւնը հոս կը վերջանա՛ բայց անդին հոգեկան վերականգնումին հույսը կա՝ թեև քիչ մը երկվական՝ ինչպես ճառագայթ մը մշուշի մեջ նշուլացած.

«Իցէ՞ արդեօք տեսանել զփշրեալս նաւ ողբալի հոգոյս ողջացեալ... արդեօք մտի՞ց ՚ի խախնանութիւն խորանին լուսոյ քն առաջնորդեալ...»

Բայց վերջապես մշուշը կը փարատի, ու ոսկի ճառագայթը կը փալիլի հստակ.

«Իսկ եթէ լոյս ողորմութեան բարեբար կամաց քոց ցուցցի, գրութեան քոյ դուռն բացցի, նառագայթ փառաց քոց ծաւալեսցի..., առատիդ ըղձալի տեսիլ մերկասցի, ստատութիւն փաղցրութեան քոյ աղբերացի...»

Ու հոգիին ցանկալի ցուարձակ վաղորդայնը...

Ահավասիկ ուրիշ նմանութիւն մըն ալ՝ խղղվողին նմանութիւնը՝ ուր բառերը պատկերին տեսողական ու ձայնագրական ճշգրտութիւնները միայն կը ցուլացնեն.

«Եւ քանզի ՚ի ծուփս բազմավտանգս ալէտանջ հոգմոյ սաստկապէս գգուեալ ուժգին լլկանօք ՚իսպառ տագնապմամբ ՚ի ծովին, փոխեալ ընկեցեալ ՚ի վտակն վայրենական ողողիչ. առ որս զմատունս ձեռացս այսր անդր տարաբերեալ, իբր ի՛հոսանաց գետոց գարնանագայր գետոց, արտածգեալ յակամայ ընթացս ողորմագին գլորման, ջրակուլ ոգեսպառ պղտորարբութեամբ, դաժանահոտ սկախառն մամուրմատ խառնախոլի մահաբեր երկամբք վանեալ, ըստ որոց յուղխիցն հեղեղիցն հեղձուցեալ...»

Եվ այս ալեկոծումներուն ու ծփծփանքներուն վերև միշտ կը փթթի՛ փրփուրներուն շուշան ծողիկին պես՝ «լոյսի հարս» Աստվածամարին՝ ցնծութեան ու կուսութեան ձերմակ գաղափարը.

«... Անխառն իբրեւ զօդ, մաքուր որպէս լոյս, անշաղախ ըստ նմանութեան պատկերի արուսեկին բարձրութեան, գերազանց քան զբնակութիւն անկոխելին սրբութեանց, երանաւոր խոստմանն տեղի, եղեմ շընչական, ծառ կենացն անմահից բոցեղէն սրովն պարունակեալ...»

Եվ ի՛նչ ավելի տոնելի ու ցանկալի է քան այս խավարամած հոգիին մեջ կայլակող կուսութեան ձյունաթույր շիթը.

«Ահա կաթիլ մի կաթին փուռ կուտութեան յանձն իմ անձրեակ՝ կենաց ինձ գօրէ...»

Բայց պահէր կան ուր վերստին կը բարձրանա, կը շրջըրջի հոգիին մեջ Մեղքի գաղափարին միահեծան մորրիկը՝ խուռնամբոխ անթվելի տարրերով լեցուն.

«Իսկ մեղանք իմոցս յանցանաց՝ անբիւ... ոմն եւ բիծք իւր... ոմն եւ փաշք իւր, ոմն եւ արմատք իւր... ոմն եւ նիրանք իւր... ոմն եւ շանքք իւր, ոմն եւ հրդեհմունք իւր... ոմն եւ վիհք իւր... (Բան. 2.)

Եվ դեռ անհամար, անհամար...

Ուրեմն պետք է աղաղակել՝ դարձյալ, իդձի կրակին մեջ ազոթքի խունկովը բուրվառանալ՝ և հառաչել թախծութեան երգը.

«Ընդ աշացուացն նեղելոց մշտագիշերն խարխափանօք՝ մեծակա- կան ձայնի հառաչեմ»: (Բան. ԺԷ.)

«Ահա կարկանտ գկարկամեալ բագուկս հոգույս յանուն քո, հգօր...» (Բան. ԺԲ.)

«Լուր լուրեան սրտիս, տե՛ր Յիսուս, որ հնչումն է առ քեզ մեծու- րեան ձայնի երկար գոչելոյ» (Բան. ԾԳ.)

«Թշուառացեալ կիսամեռութեամբ, դիմօք ալլալուրեան, տատան- մամբ մատանցս, կարկամ հառաչմամբ, նուաղ հեծութեամբ, նրբական ձայնի, յոգի թախծութեան յոգնամասնեայ տարակուսանաց՝... ողբա- լով հառաչեմ.» (Բան. 2Գ.)

«Եւ արդ ջուր կամաց և կաթ արտասուաց՝ բեկութեամբ հոգույս մտացս լմամբ՝ խորտակմամբ սրտիս հեղեալ առաջի...» (Բան. 2Ը.)

Եվ սակայն այս ողջութուններուն մեջէն նորեն պիտի ծագի արեւը. լուսաշող այն արեւը՝ որուն առջև աղերսագին կը հեծեծե աղոթողը.

«Միացի կնիքդ լուսոյ ի գեղ տեսակիս, ամրութեանդ նշան հաս- տատեսցի ՚ի տիպ դիտակիս, երևակ կենացդ փայտի ձեւացի՛ր ի պատ- կեր այտիս, արուեստդ հրաշից ՚ի նակատիս շուք նշանակեցի: Մի՛ ալլալեսցի յինէն դրոշմդ լուսապանոյն, մի՛ բարձցի ՚ի տեսանելեացս բաց հանանշո օրհնութեան...» (Բան. 4Ե.)

Կամ սա լուսախնդիր աղաղակը կ'երկնն.

«Ընդ սկզբան բերման լուսոյ՝ զողորմութիւն քո ծագեա, ընդ ելից արևուն՝ արդարութեան արեգակնդ ՚ի յանձկութիւն սրտիս մտցէ. նառա- գայք քո փառացդ ՚ի յիմաստիցս խորհրդանոց ջահեսցի.» (Բան. 2Դ.)

«Ամպով կամաց քոց հավանացիք հրաշապէս, հանդարտեցս փայտիւզ կենաց գծովդս մտրիկ...» (Բան. 2Ե.)

Եվ այդ արեգակը, «անբաւութեան այդ ձայնը», «անմատչելի հե-

նաւոր և անընդմիջելի մերձաւորը» այնքան պայծառ, այնքան բարի է որ...

«Ոչ կիզեր գրեթե լցեալ նանրութեամբ... ոչ ստուերացուցեր գտեօիլ աշացս ՚ի փուռ ակնարկութեան... ոչ խորտակեցեր ըզդաստակ բազկիս որ անմաքապես առ քեզ համբառնար, ոչ մանրեցեր զոստս իմոց մատանցս ՚ի շոշափելն զբանդ կենաց...» (Բան. Ե.)

Եվ իր ինքնութեանը մեջ լուկ որքան բաղձալի է այդ «անմուտ արե- գակը»՝ որուն կը վազե մեծ աղոթողին հոգին՝ ինչպես մարած մոլորակ մը իր մայր արեհին.

«Ոչ փառն եմ ինձ անձկալի, այլ փառաւօրեալն է համբարելի. ոչ կենացն փափագանօք, այլ կենարարին յիշատական միշտ նենճերիմ... ոչ հարսնարանին խնճոյիւք, այլ փեսային անձկութեամբ մաշիմ...» (Բան. ԺԲ.)



Իր մեծ ու քայքայիչ տխրութիւններէն զատ նարեկացին ունի նաև հիվանդագին մելամաղձութիւններ. աղերսարկու, միջանկյալ բացասա- կաններու թախծութիւնը՝ որ հոս հոն մանիշակի պես կը նշուի.

«Մի՛ լիցի ինձ երկնել և ոչ ծնանել... բնբանալ և ոչ հասանել, ինձ ձայնել և քեզ ոչ լսել... զոհել եւ ոչ նենճերել...» (Բան. Բ.)

Եվ կամ՝ լուսեղեն վայրկյաններու մեջ իսկ՝ մեղքի նախազգացման տրամութիւնը.

«Մի՛ ընծիղեր զծաղիկ մեղացս...»:

Ու վերջապես հետեյալ աղաչանքը.

«Մի՛ մատուցաներ բաժակ դառնութեան ՚ի ժամ ծարաւու... մի՛ իբր յանկարծադէպ հինից ասպատակ գիշեր մահուն ինձ պատահեսցէ. մի՛ տապ տօրոյն յանպատրաստ պահուն զարմատս հատեալ ցամաքե- ցուցէ... մի՛ պահեսցի ինձ ստոն մեղացս, և մի՛ հոսանք ուղիսից կեն- ցադոյս զիս ողորեսցեն...» (Բան. 2Բ.)

Բայց բոլոր այս խավարներուն ու մշուշներուն, ծփծփումներուն ու հորձանքներուն ետին, հավիտենական, երջանիկ անշիջանելի գաղափա- րը կա պահված. և կու գա կամքի ու գիտակցութեան արևոտ այն վայրկ- յանն ալ՝ ուր երջանիկ ձայնարձակութիւնը կը լսվի.

«Տօնեա զկեալս կորուսելոյս վերնականացն պարեգութեամբ»: Եվ այս վայրկյանը...

Փայլակ անունով գրիչ մը,— պիտի տեսնենք, ավա՞ղ, թե «գրիչ» են «գրչակո՞թ» միայն կա,— «Նոր Տաղեր» ուս մասին գրվածք մը սապես կը վերջացնեն.—

...Ամեն մարդ ալ կարող է հրատարակության մը վրա իր անկախ կարծիքներն հայտնելու հրապարակավ՝ ինչպես պատիվն ունեցա ընելու:

Իսկ ես կ'ավելցնեմ. այո՛, ամեն մարդ. այսինքն ամեն ճշմարիտ Փայլակ*, որ երկինքն ու մեծությունն ու կապույտը կը հիշեցնեն, որ լույս ու էլեկտրականություն է, այսինքն ամեն բնազոր մարդ, ոչ թե ածուխով գծագրված փայլակներ...

Փայլակ բեմբասացի հատկություններ ունենալ կը կարծես, և այս հավակնությունը կը բավե որ փայլատակելու տխուր փորձեր ընեն. ուրեմն Փայլակ կ'ելլե ամպիոն, բարձրավիզ սիգանքով ու գոհունակությամբ կը վճռե.—

...Ուրիշին ըրածը շքեղութեամբ մարմազը տեսակ մը մտքի շփվորություն կը հայտնե ըստ իս:

Այս տողերը կը գրեն ոտանավորներս գլխագիրերով չսկսելուս պարագան հիշելով, և այս իրողության խորը մարմազ և անտրամաբանություն նշմարել կարծելով.—

...Նորություն մը իր շեղումին մեջ պզտիկ տրամաբանական հեռակետ մը պետք է ունենա...

Իսկ ես կը հարցնեմ. ի՞նչ տրամաբանական հենակետ կա ոտանավորին բոլոր տողերն ալ գլխագրով սկսելուն մեջ. ու միևնույն ատեն կը պարզաբանեմ թե, ըստ կետադրության, վերջակետեն վերջ միայն պետք է գլխագրել (զանց ընելով կարգ մը իմանալի բացառություններ). այս օրենքն հարկ է գործադրել անխտիր, արձակին ու ոտանավորին համար. քանի որ ոտանավորի այդ գլխագրողներն ավելորդ պահանջն ու սիրունությունն տարբեր պաշտոն չունին ու գլխովին հակառակ են տրամաբանության: Ինչո՞րքն ինքնին ոսպի մը շափ արժեք չունի, և ես արդեն այդ նորությունը պանծալու ո՞չ պետք ունեի, ո՞չ ալ իրավունք, քանի որ աննախընթաց չեմ: Բայց կ'ուզեի հասկցնել Փայլակին թե ի՞նչ ձախող բան է «մտքի շփվորություն» և անտրամաբանություն տեսնել արարքի մը մեջ որ պարզապես տրամաբանության սիրուն կատարված է:

Փայլակ կը բարբառի դարձյալ.—

Ասկե գատ իմաստի աղփատություն մը կըսկսի շեշտվիլ առհասարակ

* Իրապես՝ մարդը փայլակներու խորձ մ' է: Էմբոսըն!

րակ բոլոր կտորներուն մեջ... ու կը կարծես, չէ՛, կը հաստատաբանես, թե գիրքին քսան ոտանավորները չեն վերջացած. ի՞նչ կուզեի Փայլակ իբրև վերջավորություն. սա տեսակ տողե՞ր արդյոք,—

Ու կը խորհիմ քե, պաշտելի սիրունիս,
դո՞ւն ալ վարդին ու շուշանին կը նմանիս...

կամ,

կյանքն ալ այս է, առվակին պես կը սահի,
անձրևներով կը մատեն ան գիս անի:

Անշուշտ «Նոր Տաղեր» ուն մեջ կան զուտ նկարագրական ոտանավորներ՝ ուր իմաստասիրություն չկա. այսինքն ընթերցողին թողված է կրած տպավորությունն մեկնիլ դեպ ի որոշ իմաստասիրության մը՝ որ դյուրավ կը ծնի ամեն վառ տպավորություն. բայց տխուր ու տգիտական բան է մակերեսիկ նկատողությամբ մը գինովցած՝ ելլել կարծեցյալ սնանկություններ մոռնալով:

Փայլակի գրվածքին առանցքներն են անհասկացողություն, որ լուրջ մասը կը կազմե հողվածին, և սրամտություն, որ հողվածիս վերնագիրը կը հիշեցնեն. զբաղինք քիչ մ'ալ այդ լուրջ (՝) մասով:

Փայլակ չի՛ հասկնար սա տողը.

Սիրտըս՝ բո՞ց մը՝ մթընշաղին մեջ անհետ.

որովհետև նախընթաց տողն իսկ միասին տեսնելու շափ հորիզոն չունի իր աչքը, ո՛ր կը մնա նախընթաց տունը.

... Ճամբուն վրա իր քայլերուն հետքը վարդ՝
Ուր հեշտորեն կը հածի դեռ իմ մենիկ
Սիրտըս՝ բո՞ց մը՝ մթընշաղին մեջ անհետ...

Փայլակ ո՞չ թե միայն չի հասկնար «Ջուրեն Դարձին» ոտանավորս, ինչ որ մեղադրելի չէ, այլ և կը ստե՛, ինչ որ աղաղակելի՛ է. երբի մը պոչին կապված են, կ'ըսես, քսան տողեր, մինչդեռ այդ երբն հետևակ վեց տողեր միայն ունի:

Փայլակ չի՛ հասկնար թե ի՞նչպես «Ջրտուք» ին մեջ թխմվեր է «Տոյ-հո՞յ» բացազանությունը՝ որ Արտաշես Հարությունյանին կը վերաբերի եղեր. (նորե՛ն սեպհականության խնդիր). միանգամ ընդ միշտ պետք է կրկնել սակայն թե բռները բռներ են միայն. ու Բանն է որ հոգի կուտա անոնց, ընելով զանոնք եռանդուն, հառաջխաղաց ձիեր՝ կամ հա-

ւարակ բեռնակիրներ*։ Փայլակ կը կարծես որ «Տոյճո՛յ»ը ել ու կով վարելու բացագանչութիւն մ'է. այդ բացագանչութեան «Տո՛» կ'ըսեն, անհասկացող Փայլակ, «Տո՛» իսկ «Տոյճոյ»ը (մեկ բառ) ուրախութեան և հիացումի աղաղակ մ'է։

Փայլակ շի՛ հասկնար նաև «կարմիր կարոտ»ը. պիտի հասկնար անշուշտ Լեֆ Ըսեի «Տրաւառ կարոտ»։ իսկ «Տրաւառ»ն «կարմիր» մեկ քայլ միայն կա՛ զոր առնել տալու համար անպատճառ տառի՞ս ըսել պետք էր։

Փայլակ իր անհասկացողութիւնը կը շարունակե տակաւին. աղատ էր այդ բանին՝ եթէ վերապահութիւն գիտնար. (մեղքը վի՛ղը, պիտի ըսեի, բայց ուզեր է լրագրութեան վիզին ալ փաթթել զայն)։

Մինչև ո՛ւր կ'իջեցնէ Փայլակ քննադատութիւնը՝ զոր հայտնաբարբառ տգիտութեամբ պղծելի վերջ, շի՛ վարանիր զայն շրջեցնել խանութպանական ավլուք սրամտութեանց ազդրուսին մեջ, զայն տարուբերել Կեսարական ապոխտին ու բանջարանոցի կաղամբին միջև. ա՛հա՛վասիկ այդ սրամտութեանն նմուշներ. —

«Համբույրն անձեկն կը բռջե շափշափ» ըսելն հետո, ինչո՞ւ չըսենք. «Զին կը վագե՛ բաթ բաթ. դուր կը գարնվի՛ շաթ շաթ. շունը կը հաշե՛ հա՛վ հա՛վ. էջը կը գա...»։

Հետո կ'ըսէ անպատկառ ու անպարկեշտ տգիտութեամբ. —

«Լուրջ» իբր «անուրջ»-ին հանգ կ'երթա, բայց շուշանին ածական տալ ուզելնուդ պես, լրջութեան վերաբերում կը նետն վրայնն ու բարեկենդանի «մասկարա» կ'ըլլա կարծես։

Պիտի շի՛կնի՞ս, ո՛վ Փայլակ, եթէ թևերդ վեր առնելով անոնց պարտկած դղումներն անութեղ վար ձգելի վերջ՝ հարկադրեմ քեզ խաղալ ու տխրեցնել մեզ՝ ո և է բարեկենդանա՛ն մասխարայի խամաճիկութեամբ՝ սա՛ քեզի անծանոթ երգին եղանակով. —

Լուրջ՝ կը նշանակէ երկնագույն. իսկ լուրջ շուշան՝ հիրիկ գամբագ, iris։

Փայլակ կը կրկնէ, միևնույն անպատկառ ու անպարկեշտ տգիտութեամբ. —

«...Յնծապատար»ը (այսինքն՝ ցնծապատար) «լեյլապատար»ին վրա ձևեր ես (այսինքն՝ լեյլապատար) դերձակի մը պես որ կ'յանքին մեջ առաջին անգամ «Քրագ»ը կը շինէ ինչ որ «Լեյլապարի»² մը կը նմանի։

Հոս Փայլակ դպրոցականն մը շա՛տ վար կը մնա, դպրոցական մը

* Քանոր գաղափարի ձիւրն են, կ'ըսէ էմբրսն, հայ բանաստեղծ մ'ալ, անկե անկախարոր՝ ըսած է արդեն. թէ բառերը գաղափարի բեռնակիրներն են։ Պետք է նախ՝ ալ խոսքերուն խորք։

բառարան նայիլ գիտե, իսկ Փայլակ... իր տգիտութիւնը մինակ։ Ուրեմն նոր եղանակ. —

Յնծապատարին «պատար»ը պատարիմ բային արմատն է. պատարիմ կը նշանակէ լեցուն ընել, առատացնել. ուրեմն՝ ցնծապատար՝ կը նշանակէ ցնծութեամբ պատարուն, լեցուն. Լեֆ Փայլակ դասառութեան պետք չունենար՝ ավելորդ պիտի ըլլար ըսել թէ ո՛չ մեկ առնչութիւն կա ցնծապատարին պատար վերջաւորութեան և լեյլապատարին պատարին հետ, Ռայով՝ պատար՝ իր պարզագույն նշանակութեան մեջ, որով լեյլապատար կը նշանակէ լեյլին պատար պատար եղած։

Ճիշդ լեյլակն այսքան պարզ կետերու մեջ իսկ բացարձակ տգետ մ'է Փայլակ, ի՞նչ կրնայի սպասել իրմէն ավելի բարդ խնդիրներու մեջ, ինչպես են Գեղեցկագիտութիւնն ու Բանաստեղծութիւնը. ի՞նչ կրնայի ակնկալել արդարեւ, եթէ ոչ ավելի բարդ ու թանձրամած տգիտութիւն։ Դժբախտաբար Փայլակ շի՛ կրնար արդեն այդ ակնկալութիւնը դերեւել, դժբախտաբար իրեն ու գրականութեան համար՝ Փայլակ կ'ըսէ, կը վճռե՛. —

«Նայ շոգոյի»ն աննաշակ է, «փողփողենէջ»ը նմանապես «լուարան»ը՝ նույնպես.

Այս վերջինին առթիվ անգիտակից համեստութիւն մը չէ Փայլակինը, երբ կը հարցնէ. —

Հոգի՛դ սիրես, Պ. Մեծարեց, աս ի՞նչ ըսել է... այլ նորեն, ավա՛ղ, փառատակելու օնայնատեսնութիւնը. այլապես իր մյուս տգիտութիւններն ալ նույն հարցական կաղապարին մեջ պիտի ձուլուր, որով գեթ կ'ըլլար պարկեշտ տգետ մը. ինչ որ գրականութիւն մը պիտի սեպվեր հավակնոտ ու անհամեստ տգիտութեան մը բացասութեան դեմ։ Ուրեմն նորապիտան եղանակ. —

Լուրան, տղա՛ս, կը նշանակէ լուռ կենալու տեղ. (ի՞նչքան շահած վ'ըլլար Փայլակ, եթէ գիտնար ու հարգեր լուրանին նշանակութիւնը՝ դու կենալու տե՛ղ...):

Գիտելի է որ Փայլակի իբրև աննաշակ դատապարտած բառերը՝ առավելապես նախնայց մատենագրութեան մեջ գործածվածներ են. նույն բառերու առատութիւնն է որ ըսել կու տա «սիրունատեսն» պարոնիկին. —

Իրիկունը՝ էջ 36՝ զլօփ գործոց մ'է աննաշակ, աննաշակ խժայուր քառերու։

Այդ աննաշակ, աննաշակ ու խժայուր բառերն են «փողփողենէջ», «ճառանշալուխտ», «բարան», «կրկաթիմ», «վարագիտակ», «զարմահուճի», «բազմաբեղուն»։ — այս խոստուն, հնչուն, բզկուն բառերն՝ ասոնք

ամենքն ալ գեղեցկության քվեն շեն ստանար Փայլակի կողմեն, վասն զի «շիք» շեն, սիրուն» շեն, «moderne»³ շեն, այլ նախնի մատենագրության մեջ հաճախված, «բրածո» բառեր են. բայց ինչո՞ւ բանտել Գեւեցիկը «սիրուն»ին սահմանափակության մեջ. ինչո՞ւ շխոստովանիլ թե տգեղությունն այդ բառերը ծամածոտը շրթունքին, և անոնց ուժեղ մերձեցումին տոկալու անկարող՝ իզացյալ, ուժասպառ լսելիքին մեջ է. այդ բառերը գործածող նախնի մատենագիրներ՝ մենե շա՛տ ավելի լավ կ'ըմբռնեին լսելության և առոգանության Գեղեցիկը.— գիտեին վեհաշուրթ արտասանել բառերը ու լսել անոնց վեհանդորր ձայնը. իսկ ի՞նչ գիտեն փայլակներ. ոչինչ, ո՛չ իսկ իրենց տգիտությունը: Նախնի մատենագիրը գիտեր ծովածայն հնչեցնել բառերը.—

Զիա՞րդ բաւեցէ դայգն ինչ աղջամուղջ՝ մեծիդ նառագայթից, զիա՞րդ համբարձցի կշռեսցի ընդ խաչի ֆո կրից՝ խակութիւն հեշտութեան մարմնոյս տկարութեան...

— Ընկալ ֆաղցրութեամբ, Տէր Աստուած հօգօր, զղաճնացողիս զաղաչանս...

Գիտեր ծիծաղախիտ ծպտեցնե՛լ բառերը.—

Աչքն ծովի ծով ծիծաղախիտ ծաւալանայ...

(Եթե գիտնար Փայլակ նարեկացիին այս նմանաձայնությունը, գուցե շծաղրեր իմինս՝ որ շքնաղ բան մ'ըլլալու հավակնությունը շունի, բայց ունի՞ անճաշակ որակումին դեմ բողոքելու արժանապատվությունը).—

Արև ծիծաղի, ծաղիկ ծամերու.

Այս ցուցումներեն վերջ ո՛վ կը զարմանա եթե Փայլակ կը դատապարտու.

«Միածան աչեբ»ը, «ատրուշան բերնակ»ն ու «չարաննար հովիկ»ը՝ որ «պօտիկ երգեր կը կարդա» (Եթե գիտնար խեղճը թե Սիպիլ գործածած պիտի ըլլար «հովերը կը խոսակցին» բացատրությունը, գուցե շղատապարտեր զիս):

Ով կը պշնու եթե Փայլակ Սենպոլիզմի Մեծարենցյան դպրոցի գյուտեր անվանն զանոնք: Հոս Հարցում մը կը ծագի,— ի՞նչ է այս դպրոցը կազմողի պիտակը՝ զոր նկնահասակ afficheur⁴-ներ կ'ուզեն փակցնել ճակատիս՝ որ շա՛տ բարձր կը մնա իրենց հասակեն: Ի՞նչ են այն խոշոր բառերը՝ (ոահվիրա, ոահահորդ, առաջավորդ, առաքյալ) զորս անունիս կցելու տիրահոշակ պատիվը կ'ընեն. չէ՞, ես լեզվական առաքելության փառատենչիկ ցանկացողներուն⁵ կը թողում այդ բոլոր

լարծուն տիտղոսները, ու կը դատեամ ըսել ու պնդել թե ես երբե՞ք դըպրոցի մը հետեւելու կանխակալությունը կամ նոր մը հիմնելու ունայնափառությունը չեմ ունեցեր: Ամեն մարդ որ իր անհատականության և արժանապատվության գիտակից է, ինքնին դպրոց մը կը կազմե արդեն: Հետո, տեղն է ըսել նաև թե ես երբեք խորհրդանշանակության ստրուկ մը չեմ: Փոխաբերությանց ու նմանությանց ուժգնություններ ու նորություններ՝ զորս կը սիրեմ գործածել՝ կարծել տվի՞ն թե սենպոլիսք մ'եմ. բայց աղոնցմով կը հիշեցնեի միայն սենպոլիզմը՝ որուն բոլորանվեր ուխտադիր մը չ'ըլլալի գատ՝ հակընդդեմ բնութենապաշտ հակումներ ալ ունիմ անոր հանդեպ. այսինքն կը նախընտրեմ ճաճանչավետ Կյանքը, բաբախուն ու եռուզեռ Բնությունը՝ խորհրդանշանական զուսպ ցըրտություններեն:

Գեղագիտական հասկացողությունն ալ զննելի վերջ պետք էր որ հանգեինք Փայլակի բանաստեղծական անհասկացողության: Օրինակի համար Փայլակ Հովհաննու Հայտնության⁶ չափ անմեկնելի կը գտնե հետևյալ տողերը՝ որոնց մեկնությունը պիտի տամ, (ի՞նչ մեկնություններ տվինք որ) առանց Հովհաննու Հայտնությունը հայտնագրելու հավակնոտ մ'ըլլալու.—

Օ՞հ, գաղջ ավիշն՝ որ չորս կողմեն կը պոթեկա՞
Ընձյուղներով, շափլներով անհամար.
Օ՞հ, արևոտ խայտա՞նք արբուն աղբիկա՞
Որ կը գեղու բորբոք, արբշի ու ճիմար.
Կուրծեն գարեան՝ որ թեերովե իր բաղեղ՝
Տարփո՞տ հյուղին կը պըլլվի, ու հեղեղ
Կանանչով մը կու տա համբույրն իր դալար:

Մեկնությունը.—

Հողին գաղջ ավի՛շը՝ որ անհամար ընձյուղներու և շաքիլներու (չգիտցած բառերնիդ բառարանը նայեցեք, պ. Փայլակ) ձևով կը պոթեկա ամեն կողմե. օ՞հ, այդ գաղջ ավի՛շը, վարար աղբկան այդ արևոտ խայտանքը՝ որ գարնան կուրծքեն կը գեղու արբշիտ, խոլ ու բորբոքուն, ու տարփանքով կ'ընդգրկե հյուղը՝ զոր կանանչի հեղեղով մը կը համբուրե կարծես: (Կը կրկնե՛մ, պ. Փայլակ, չգիտցած բառերնիդ...):

Փայլակ «Հովվերգություն Մը» վերնագիրը նյութին անհամապատասխան կը գտնե շուկայիկ սրամտության մը առիթին հետ. մերինները՝ Մոտեռնության այս կեղևանքները մամուլամատ ավանդամուղներ են էպես. կ'ուզեն որ հովվերգություն մը երբեք չընդի բորբոքած բանաձևին մատնանշած ուղղութիւնեն.—

Սիրախանձ հովվուհի մը կար, օձի նման մազերով, մարմարյա ծիծերով, ու սարսուռ պարզևող բուբերով: Հեշտախանձ հովիվ մ'ալ կար. որ զայն տեսավ, ահավոր սարսուռով մը գալարվեցավ: Արին շրթին՝ գիւղընդխառնվեցան և երջանիկ ժամեր անցուցին: Անողոք բախտը սակայն զանոնք անջատեց:

Կուզեն մեր պարոնիկները որ այսպէս գրված ըլլա որ և է հովվերգութիւն. այլապէս քիթ պոչ կ'ընեն, նորեն կը ծամածռեն իրենց պաշտելի շուրթերը...

Փայլակ կրնա հանգստանալ այլևս, պիտի չզիջանիմ իր խոհարարիկ սրամտութիւններուն ալ գարշահոտութենէն աղաղակելու: Հանգիստ կը թողում գրականութեան այս cordon-bleu⁷ իր լահանայե, ապուխտե, յալաննի տոլմաօիե⁸ պսակներուն հետ...

Հ. Գ.—Վերջին հանձնարարութիւններս են.— Սիրելի՛ Փայլակ, չգիտցած բառերդ բառարան նայելու շնորհաւ. բայց մոռցի՛ր խոհանոցի, բանջարանոցի խորթակներդ: Ու մանավանդ կարդա՛, կարդա՛, կարդա՛, բան մը զոր կը հանձնարարեր Գոլանճյան՝ մեկ բարեկամիդ ու բախտակիցիդ⁹: Այն ատեն եթէ դարձյալ փայլակ, գոնէ շնա ըլլար այլապակ:

ԱՂԵՂ ՈՒ ԿԱՊԱՐՄ

Ենովք Արմենի դեմ.— Մե՛կ, երկու՛, երե՛ք...

Եվ հարվածը, արդար ու անհրաժեշտ հարվածը, դպա՛վ իր թիրախին:

Վրեժ մը չէ ասիկա,— ո՛չ մեկ դրդապատճառ ունիմ այդ բանին համար,— և որքա՛ն ծիծաղելի ասպետականութիւն մը պիտի ըլլար ատ՝ եթէ ունենայի իսկ,— հապա՛ արդարութեան գործ մը:

Ոչ ոք կ'անգիտանա թէ գրականութեան կապիկներու այսօրվան տիրող, խաժամուժ, այլանդակ, աղմկահարույց բազմութեան մեջ Ենովք Արմեն... աննշան դեմք մը չէ: Ոչ ոք կ'անգիտանա այլ ևս իր ամեն մեկ շարժումներն հոգեբանութիւնը, ոչ ոք այլ ևս կը տարակուսի իր ապիկարութեանց, իր նենգութեանց, իր շահախնդրութեանց, իր գրական մեղքերուն վրա, բացի տակավին երկու գավառացիներէ, պ. պ. Արտ. Հարութիւնյանն և Հովհ. Գազանճյանն:

Իր գրական մեղքե՛րը... Ի՞նչ հարկ սակայն մանրամասնել, միայն կարելի է Երկու մասի բաժնել զանոնք. նախ իր գոհճիկ բամբասանքները, զորս պ. Գազանճյան (կը զարմանամ, արդարեւ թէ ինչո՞ւ տակա-

մին պ. Գազանճյան կը համարի կրել գրագետի վերարկուն, որ անձքան չի վայելեր իրեն) իր տարեկան տեսութեան մեջ «կուռ քննադատականներ» անվանած էր, փոխանակ այս ածականը ինք իր վրա կրկնելու՝ դատված նյութին ճշգրիտ որակումը ունենալու համար. հետո՛ իր գրական մաքսանենգութիւնները, որոնց վրա ոչ ոք անդրադարձած է, և որոնց ամենէն վերջիններէն ու վազերականներէն հատ մը մանավանդ մատնածշեց ինծի բարեկամ մը: Բարեկամս, առանց որեւէ դիտողութեան մը, ինծի ներկայացուց Le Journal թերթին կտրոն մը, Ilfusion... վերնագրով և Maurice Level ստորագրութեամբ, որպէսզի կարդամ. հետո, առանց բան մը ավելցնելու դարձյալ, «Մասիս» հ. Զրբջանի վեցերորդ թիվը, զոր ատենին տեսնելու պատեհութիւնը չէի ունեցած: Կը խոստովանիմ որ ես, ընթերցող մը, ե՛ս ամէցս այն հոգվածէն («Երկու Մուրիկ») զոր ստորագրելու չէր ամէցած պ. Ենովք Արմեն: Աս ի՞նչ հացկատակութիւն և,— աս ի՞նչ կրկնակ աներեսութիւն. մարդ մը, որ առանց որեւէ զգացումի, կրնա հանդուրժել իր գոյութեան պայմանը ուրիշին քսակին մեջ փնտրելու նվաստութեան, և որ կրնա՛ հրապարակաւ անվանարկել իրական քրտինքներու վարձքը եղող արդար վաստակներ. բայց ասիկա տրված է միայն Ենովք Արմենի պէս նկարագրի մը, որ անամոթաբար պաղատագին ու բաց ափը կ'երկարե դեպ ի անկորով կարեկցութիւններ.

«Ա՛հ, գնահատութիւն մը ողորմեցեք թշվառս...»:

Դառնանք սակայն մեր խնդրին. ահա վասիկ՝ երկու բառով՝ Երկու Մուրիկին պատմութիւնը. ծերունի մուրացկան մը, որ գեշ աղէկ, ավելի գեշ՝ քան թէ աղէկ, «ավուրչեք»-ը հանած է, իր ճամբուն վրա կը հանդիպի կույր բաղդակիցի մը, բոլորովին լքված, որուն ողորմելու սրբատուչ բարութիւնը կ'ունենա: Տարբեր բան մը չէ պատմած նաև՝ ընթացիկ արվեստով մը Մոռիս կրվել, որ գթած մուրացկանին անհատականութիւնը ավելի կնճոտ ու վերլուծելի դարձնելու համար թերևս, անձնասպանութեան ավելորդ պարագա մըն ալ ավելցուցած է: Այս պարզ ու հուզիչ պատկերը, որ այնքան տպավորող պիտի ըլլար զգայուն ուսմիկի միջ բերին մեջ, ամենէն անհամ քաջքուկներու ենթարկված է պ. Ենովք Արմենի մոտ: Անդուր, անգույն, անկենդան նախադասութիւններ՝ տգիտութիւններով համեմված ("), որոնց վրա ավելցուցեք նաև այն տեսակ մը անհավատալի կերպով գոռոզ և ինքնահավան պըշրանքը (°), այն եզական (°) հանգրիճումը, զոր պիտի ներկայացնէր բազմագույն, բազմազան գրգռակներով... պճնված գլխիկ մը. ահա վասիկ Երկու Մուրիկի արվեստը (°) և ընդհանրապէս պ. Ենովք Արմենի գրականութիւնը ("): Թող չկարծվի, սակայն, թէ «եկամուտ» ի կամ «փոխառու-

թյան» այս դրությունը կամ սովորութիւնը նոր է պ. Ե. Արմենի մեջ. չէ՞ որ Հավատք վերնագրով իր մեկ արձակը Սիպիլի Մաղկազարդի հիշատակն էր, ուր պարունը՝ իր շտեմած բաներուն վրա կը խոսեր, ուր շէր կրնար ծածկել իր անվարտի տգիտութիւնը. չէ՞ որ, ավելի կամ նվազ հեռավոր, Թլկատինցիի և Արամ Անտոնյանի մեկ հետեականութիւնն էր թատերախաղաձև իր ուրիշ մեկ էջը, որ հրատարակված է Մասիսի վերջին թիվերեն մեկուն մեջ: Եվ տակավին ըսե՛լ թե պ. Հարութիւնյան, որուն ճաշակներն ու դատաստաններն ընդհանրապես վստահելի էին, այս տեսակ հեղինակի մը մոտ «իսկատիպ բաներ» տեսնելու պատրանքը, կամ ավելի ճիշտը՝ ճարպիկութիւնն ունենալ: Այս հորջորջումը, սակայն, ճշմարիտ քննադատութեան մը արժեքը ունենալի ավելի—իրականութիւն, գոր պ. Հարութիւնյան ինքն ալ չ'անգիտանար հարկավ,— «պարտավորված» ու փոխադարձ մեծարանքի այն տկարութիւններն է, որոնցմէ պ. Հարութիւնյան ա՛յնքան ունեցավ վերջերս՝ զինքը գետնամած բարեողներուն հանդէպ, որոնցմէ է Ծնովք Արմեն:

Ավա՛ղ, արգահատեցե՛ք, արգահատեցե՛ք այս ինքնագոհ և անդարմանելի միջակութիւնը ու ծիծաղեցե՛ք իր մեջ մեծամիտ ամբարտավանը, պարզամիտ կեղծարարը, տգետ ու տղայամիտ պոռոտախոսը, բայց մանավանդ հտպի՛տը, հտպի՛տը, հտպի՛տը...

Ն Ա Մ Ա Կ Ն Ե Ր

1907

<ԱՐՏԱՇԵՍ ՀԱՐՈՒԹՅՈՒՆՅԱՆԻՆ>

<Կ. Պոլիս, 25 Հունիս, 1907—Մալկարա>

Կը տեսնեմ որ «Միածան»ը նշանակելի խոստում մը եղած է բոլոր գրախոսներու համար ալ ու կը դողամ մտածելով թե այդ խոստումը պիտի կրնար գուցե լուսավոր խաբուսիկ պատրանք մը ըլլալ՝ մեր գրական նորածագ բոլոր երևույթներուն պես: Բայց ուրախութիւնը ունիմ վստահացնելու ձեզ թե՛ բավական արիւթիւն ունեցեր եմ սնապարծութեան և վատորեն գոհունակ ծուլանքի ճահիճներուն մորին մեջ բռնված շմնալու, և թե՛ «Նոր Տաղեր»ս առանց ծարավիս հագեցումն ու փառքիս լրումը ըլլալու, պիտի կարենա սակայն կատարված խոստումին ճակատաբաց շարժումներ վզացնել:

Իմ մտահոգութիւնս, իմ մեծ ծարավս իսկատիպ գրականութեան մը գաղափարին իրականացումն է: Եվ ասոր համար, գեթ իմ մասիս, անհրաժեշտութիւնը կըզգամ հողին ու ջուրին ու քարին հետ ապրելու:

<ՕՏԵԼԻԱ ՆԵՐԿԱՐԱՐՅԱՆ-ԳԱՍԱՊՅԱՆԻՆ>

<1907>

Ազնիվ և սիրելի Օֆելիա,

Դարձյալ ճառագայթի պետք ունիմ, անգամ մըն ալ ծագեցնեմ մտքիս մեջ, քու գաղափարիդ լույսը՝ ու մոտենամ քաղցր ու սփոփարար հոգիիդ, ո՛վ ճառագայթ քույրս, որովհետև այս առտվան բոլոր արփային ճառագայթներուն մեջն քույր մը չգտա ինձի,— ամենն ալ երջանիկ ու անտարբեր անցան սեղանիս հոգիին ու հոգիիս սեղանին վրայն. և որովհետև բոլոր քույրերուն մեջն ալ ճառագայթ մը չգտա որ հոգվույս

մթությունը լուսավորեր... Թղթիկ մը ծրարեմ ըսի. որովհետև պետք ունի որ մանիշակագույն տողերուս ընդմեջեն քու պատկերիդ կենսավետ ճառագայթ՝ մը տեսնեի. չպիտի մոռնամ թե դուն հավատքի մը շափ քաղցըր ու ամօքիչ ու կորովի նեցուկ մը եղար իմ գաղափարիս՝ որ կը գահավիժեր հայ աղջիկներու ապագային մասին կազմած հուսահատությանս փոսին մեջ. դուն ճառագայթ մը եղար, այդ փոսին վրա նշուող ճառագայթ մը:

«Լույս»ի հողվածդ՝ կարգացի. օ՛խ, ի՛նչ հանգիստ՝ վերջապես հայ աղջիկ մը՝ որ լուրջ ու գաղափարական բան մը գրելու կորովը կ'ունենա, փոխանակ մեղկ սարսուռներու մեջ օրորվելու, փոխանակ հեշտախտավոր թարգմանություններ ընելու և պշրասիրական խողտանքներ պտտեցնելու հոգիներուն մեջ այն աղջիկներուն՝ որոնց իտեալն է պուպրիկներ ըլլալ. ո՞րն է այսօրվան քաղքենիներուն հատկանիշը. հարգվի՛ր, երեւալ—ըլլալ. քիչ մնացեր էր որ շնչահեղձ ըլլայինք այդ վատառողջ կազերեն. վերջապես այս հոսանքին մեջ ըլլալուն ջատագով մը կը հանդիսանաս դուն՝ ու ճիշդ վայրկյանին կը հասնիս բժշկելու:

Զկարծես թե միակ հողվածդ բավական եղավ ինձի՝ տպավորությունդ ենթարկվելու. այդ հողվածը ինձի կը խոստանար ու երևակայել կու տար. նմանօրինակ գրություններու ամբողջ շարք մըն է որ կ'երևակայեմ ու մանավանդ իրավունք ունենալ կը կարծեմ սպասելու մեկեն՝ որուն մեջ բավականեն ավելի զորավոր մնացած են բնազդները՝ հակառակ կարծեցյալ քաղաքակրթական շոշափումներու և փայփայանքներու:

«Միածան»ի կույսը, ավա՛ղ, չէ կրցած փարատել հոգիիս վրա ամպացող մթությունը՝ զոր ես կենսաբաղձությամբ ուռճացած ու տարածված պատուտեցի նեղ վերարկուի մը պես. իսկ դուն, օ՛հ, ինչպե՞ս կըրնայիր նախանձիլ անոր՝ որ իրեն վիճակված խեղճ դեր մը նույնիսկ չկրցավ կատարել, դուն՝ որ եթե «Միածան»իս վրա պտղող սև մեղանի կաթիլը շոգիացնող ճառագայթը պիտի ըլլայիր, եղար այն կենսավետ ճառագայթը՝ որ անդադար «ծիածան»ներ կը հորինեն հոգիիս արցունքներով՝ որ կը շոգիանան, կը շոգիանան. ի՛նչ փուլթ թե ալ ծիածան չպիտի ունենամ՝ արցունք ունենալով. կը բավե ճառագայթ մը ունենալ՝ արևին հասնելու:

Որքա՛ն տխուր կու գան ինձի քու և Տիգրանին համակրությունները՝ բանաստեղծությանս մասին. ինձի՝ որ թերևս հոգեկան շրջափոխումի վայրկյանի մը մեջ կրգգամ թե ապաժամ ունայնություն մըն է տնիկա, զվարճասիրության վայրկյանի անպտուղ ծաղիկ մը, ավա՛ղ:

Կ'երևա անհասկնալի բաներ կ'ըսեմ. գիրս ալ չի՞ հայտնեար արդոք մտքիս տենդային վիճակը. անհասկնալի բաներ. զարմանալի չէ, որ

«Միածան»իս մեջ ալ գտած ըլլաս անոնցմե. որովհետև «Միածան» չէ տնեցած բավականաչափ հասկնալի հանգամանք, այսինքն կենսական, հանրամատչելի, հոգեգրավ հատկություններ. կա «Միածանի» մեջ ջերմություն մը՝ որ սակայն ամպերուն տակեն շողացող արևին ջերմությունն է՝ ցուրտը զգացնող ավելի: Իսկ Տիգրաննիս հրեշտակասիրտ կ'անվանե գիս, հրեշտակասի՞րտ. եթե ուզեի ըլլալ՝ պիտի չկարենայի, եթե կարենայի ըլլալ՝ պիտի չուզեի՛:

Անհասկնալի բանե՞ր. շատ ըսի՞ արդոք. մեկ վայրկյանով հասկըցանք զիրար՝ ու այդ մեկ վայրկյանն է զոր կ'ապրինք տակավին. ապրելու համար այդ վայրկյանը բավական է թեև, բայց ինչո՞ւ չոսկեզօծել և շուրջանակի շուսավորել զայն, ինչո՞ւ հոգեկան աչքին հետ մարմնավոր աչքին ալ նայվածքներով չպայծառանալ—կը խորհի

Շավասպը

<ՕՖԵԼԻԱ ՆԵՐԿԱՐԱՐՅԱՆ-ԳԱՍԱՊՅԱՆԻՆ>
<1907>

Ազնի՛վ Օֆելիա,
Նամակիդ թվականին կը մտածեմ. շունի՞ս.—երկու ամիս մը եղավ: Անտարբերություն չէ, անհոգություն ալ չէ, ծուլություն ալ, այս հիվանդությունը. հապա, ինձի համար գոնե գեղեցիկ քերթված մը գրելու խեղալիս մեջ, լայն ու հանդարտ տրամադրություն մը ապավինելուս նմանող բան մը՝ պատասխանի այս ձգձգումը, այս հիվանդությունը: Բայց հարկ կա՞ր, սիրելի՛, լեզի դեղահատով մը դարմանել փորձել այս հիվանդությունը: Բայց կ'ընդունեմ... բժիշկ ես, ուրախանալով նաև որ առանց ատոր իսկ, քանի օր առաջ պատրաստեր էի նամակս: Այսքանը գոնե ըսել ու շեշտել ուզեց՝

Շավասպը

<ՕՖԵԼԻԱ ՆԵՐԿԱՐԱՐՅԱՆ-ԳԱՍԱՊՅԱՆԻՆ>
<1907>

Ազնի՛վ Օֆելիա,
Մե՛ղք, որ չպիտի կարենամ գալ հոդ՝ օդափոխության համար, որովհետև «Նոր Տաղերս» ալ հրատարակելու ձեռնարկով զբաղած եմ:

...Վարդը հոտոտեցինք, վարդին հետ Վարդ բանաստեղծը՝ Պեյպինձ. մենքիմ իր գեղեցկության ծարավ աչքերուն՝ ուր ամեն ձև ու գույն, ամեն տերև ու ծաղիկ իր լուսատիպ պատկերը կը գծե, և իր լսելիքին՝ որ մայրիներու կատարներեն անցնող գետին՝ հովին ձայնովը կ'օրորվի, և ոնգունքին ուր բարակ բուրումները կը հանգչին վայրի անանուխներու, և քաղցրագին հոտը՝ ընտանի կարմիր վարդերուն. համբույր իր բանաստեղծ հոգիին՝ որ շատ կանուխ գեղեցիկին ծարավը ունի:

Շավասպ

<ՏԻԳՐԱՆ ԳԱՍԱՊՅԱՆԻՆ>

Տիգրան,
Ա՛խպրուկ,

Ուրեմն ահավասիկ կյանքը, ուրեմն ահավասիկ կյանքը՝ զոր կ'ապրես ու կը տծգունի՛ս ալ անով, մինչև մենք, սենյակի ապրողներ՝ տակավին մեր պատուհաններեն կը դիտենք զայն ու կ'իմաստասիրենք:

«Տծգույն է» կը գրե Օֆելիան. ինչպե՛ս շտծգունիլ հիվանդներուն հետ, քանի որ լերան քարերն անգամ հոգեքաղ վերջալույսին հետ կը դալկանան: «Իմ գեղջուկներս», «Իմ հիվանդներս»... կ'ըսես անշուշտ յուրովի և իտեալներդ շոշափելու հազվագյուտ երջանկությունը կ'ունենաս: Ու հետո կը փայփայես ծաղիկներդ ալ, ու վարդը՝ էն առաջ. ո՞ր դյուրաշխարհի վարդենիքեն ծնած արդյոք. և միթե իր հոպոպիկներուն, իր այտերուն բույրնուերանգը չծծեցի՞նք միասին հոս, Օֆելիային նամակին մեջեն. որքա՛ն կը ճանչնամ զինքը:

«Պիտի ջանամ կազդուրիլ» կը գրե Օֆելիան. բաժակին դառնութենեն վերջ հետամնաց համագրավ քաղցրությունը ուրեմն՝ որ վերստին տոշորել տա շրթունքները՝ լեղի բաժակին ծարավով. բայց ինչո՞ւ լեղի բաժակ անվանիլ կյանքը՝ որ աչքդ պարտականություն կը բանա՝ լուսոտոզ պատուհանի պես՝ փոխանակ «երջանիկ կուրության» մը մեջ զայն փակելու: Կյանքը միշտ պիտի ունենա իր հիվանդները, իր տառապողները, և անձնական երջանկություն մը, հետևաբար, մեծագույն անիրավությունը պիտի ըլլար միշտ: Հիվանդի խուցերուն տխրությունով սարսըռա՛լ, ու բազուկը բազուկի՛ն երկարել քիչ մը կյանքի հույզ ու հույս ներարկելու բաղձանքով և հետո սփոփի՛լ. պիտակված դարմաններուն հետ մանավանդ տալ անպիտակ ու հարազատ դարմանները, հոգիին դեղերը, — հույսի ճառագայթալիք վիրակապեր, համակրության գորովի բալասանին վրա. օ՛հ, այս ամենը, ամե՛նը... ու պզտիկ լուսություն մը,

սիրտերու համատրոփ զարկը, ու գորովով եղբայրացած աչքերուն աննյութ ու հոգեշոշափ վճա՛րը... բայց ուրիշ ո՛ւր կարելի է փնտռել երջանկությունը, միակ ու հարազատ երջանկությունը՝ պարտականություն կատարումին գոհունակ ճառագայթումը. ուրիշ ո՛ւր կարելի էր փնտռել ու գտնել զայն... առանց ամպերու տակ սքողելու այն այգաստղը՝ որ խիղճ կը կոշվի: Կը քակեմ փունջդ՝. կ'ուզեմ գգվիլ ծաղիկներդ, ինձի անծանոթ սիրականներ.— հաշտաղի՛կդ, հի՛ն հավատալիք ժողովուրդ՝ որ իր նայվածքները ժամուն արծաթ ու ոսկի խաշերուն պատկերովը ողորած, կը ցանե զանոնք դաշտերուն ու բլուրներուն վրա ալ. հոգին հեթանոսությունը կ'առնե, ժամուն մեջ զետեղելու, և հոգիին քրիստոնեությունը կը նվիրե անոր իբրև փոխընծա: «Առյուծբերան»ը շա՛տ կը խոսի ինձի, հակադարձաբար «Լադենի»ն, համր ու համակրելի՛ անծանոթ՝ որ ոչինչ ունի ըսելիք եթե ոչ իր սիրելությունը: Որքա՛ն կ'ուզեի խմել հիմակ արևակեզ «թավաշաղիկ»ին բարկ բույրը, ու զույգ ձեռքերուս մեջ բռնել «մոմաշաղիկ»ներ բուրբ ժամվոր բլուրներուն ու դաշտերուն հետ՝ այն պատարագին մեջ՝ որ արևներով կենսավետ տիեզերքին շարժումն ու ուժը կը կազմե:

«Քափուրը»⁵ այդ անծանոթ մանուկը՝ զոր կը գրկես վեր կ'առնես աչքերս համբուրել տալու համար, պիտի դարձնե քեզի այն համբույրները՝ զոր շրթունքներս կը հորինեն ճերմակ ճակատիդ համար, դեղին ու ճերմակ ու կարմիր վարդերով երջանկացած ճակատիդ:

Շավասպ

<ՏԻԳՐԱՆ ԳԱՍԱՊՅԱՆԻՆ>

Սիրելի Տիգրան,

Կարդացի թոքախտի վերաբերյալ գիրքը. թոքախտը իր բուրբ նուպաները փորձեց իմ վրաս ու հաղթական ելավ. արդեն կը քրտնեի, արյուն ալ փսխեցի, ուրեմն ամեն ինչ կատարյալ է. հազս շատ է, մեղմացուցիչ դեղ մը կ'ուզե նորեն...

Շավասպ

ԱՐԺԱՆԱՊԱՏԻՎ ՏԵՐ ՎԱՐԴԱՆ ՔՀՆ.
ԱՍԼԱՆՅԱՆ

Սիրելի Տեր Հայր,

«Միածան»ի առթիվ գրված նամակը անգամ մըն ալ կը կարգամ զգածվելով. «Ինչո՞ւ տիեզերքի հոգիին հետ չես խոսակցիր» կը գրեք. բայց դիտելի է որ իմ գրեթե բոլոր քերթվածներս այդ մեծ խոսակցութեան կը նկրտին, որքան որ ալ իմինս շրջա Աստուծո հետ դեմ հանդիման խոսակցութիւն, բայց ո՞չ ապաքեն Աստված ամեն տեղ է. Ձմրան Պարզ Գիշերվան մեջ հծծած աղոթքս ու Արեւին ուղղած պաղատանքս իրեններուն, հետևաբար և իրեն համար էր. ի՞նչ երջանկութիւն, տերևի մը խարշափին մեջն տեսնել տիեզերական զորութեան գաղտնիքը ու այդ փոքրիկ մասնավորեն մեկնիլ դեպ ի անհունը. «Իրերը անհունութեան վրա բացվող պատուհաններ են իմաստասեր աշխին համար (Քարլայլ)», ու զարմանալի չէ որ էմբրսըն «ժամադրած ըլլա Աստուծո հետ՝ մացառի մը ծոցին մեջ»: Ուրախ եմ որ երկրորդ հատորիս մեջ ավելի լայնորեն տեղ տված եմ այս գաղափարիս, հունավորը կը բարձրանա ու կ'երկարաձգվի դեպի անհուն, ինչպես արահետ մը՝ որ լերան կողն ի վեր մինչև կատարը կը հասնի. ինչո՞ւ սպասել ստորտար ու կատարին գովքը կարդալ, փոխանակ հանձնվելու արահետին որ պիտի բարձրանար:

Գյուղին տեսարանները իմ մեծագոյն ներշնչարանս կը կաղմեն. որքա՞ն կը ցավիմ որ էսպես իրենց զավակը չեմ իմ բանաստեղծութեանս մեջ. այն ատեն ավելի ինքնատիպ ու ապրող կ'ըլլայի: Անշիջանելի բաղձանքս եղած է վերստին տեսնել ու ապրիլ գյուղիս ծոցը՝ նորոգվիլ իր տեսարաններուն ու գեղեցկութիւններուն ավիշով, ֆիզիքական վիճակս որ արդեն թելադրիչ է այս բաղձանքին, ծննդավայրիս զգվական օդը ամոքիչ ըլլա թերևս, բժիշկս ալ այս պատվերը տվավ. շատ հետաքրքիր կ'ըլլայի իմանալ Զիմառայի աշխարհագրական դիրքը, ծովեն ունեցած բարձրութիւնը, օդին վիճակը. թերևս կարենամ հոն վերջնապես կազդուրվիլ մարմինով ու միտքով ալ:

Սիրալիր կ'ողջագուրեմ քորորդիներս, քրոջս ձեռքը կը համբուրեմ և ձեր սուրբ աչքը:

Մ Ի Ս Ա Ք Մ Ե Ծ Ս Ա Ր Ե Ն Յ

ԹԱՐԳՄԱՆՈՒԹՅՈՒՆՆԵՐ
ԵՎ
ՓՈԽԱԴՐՈՒԹՅՈՒՆՆԵՐ

1905

Ճիւֆրի Զոսրրի հետևյալ եռանգը (rondeau) ինձի կը հիշեցնէ գրեթէ իրեն ժամանակակից մեր սիրերգակներուն բանաստեղծութիւնները՝ սիրային զգացումի միևնույն կրակովը վառված:

Զոսրր տիրապետած է իր անունովը կոչված ամբողջ գրական շրջանի մը, որ անգլիական գրականութեան երկրորդ շրջանն է. իր արժանիքը կը կայանա մասնավորապես իրապաշտ վիպագրի իր տաղանդին մեջ, որ ծնունդ տված է «Ganterbury Tales» անունով հեքեաթունակ պատմվածքներու կիսավարտ շարքի մը, Պոզալիոի Տառնօրյակին նմանող, սակայն ամեն տեսակետով անկե գերազանց:

ԵՐԱՆԳ

Երկու աչքերդ պիտի սպաննեն զիս մեկեն,
Իրենց գեղին ա՛լ չեմ կրնար դիմանալ,
Սլաքն անոնց անցավ սրտիս իմ մեջեն:

Բառերդ լոկ շուտով պիտի դարմանեն
Վերքը սրտիս, մինչ նոր է դեռ անիկա՝
Երկու աչքերդ պիտի սպաննեն զիս մեկեն,

Հավատարիմ ըզքեզ ես միշտ կը կարծեմ,
Ըլլաս կյանքիս կամ մահվանս տիրուհին.
Քանզի մահես վերջն ալ սերըդ պիտ' լսեմ.
Երկու աչքերդ պիտ սպաննեն զիս մեկեն:
ՉՈՍԸՐ

ԶՅՈՒՆԻՆ ՏԱԿ

(Ճամբու պատմվածք)

I

Օդը բաց էր, ցուրտը տասը աստիճան ցույց կու տար, և ձյունի քանի մը նուրբ բաղիլներ միայն կը տեղային. գրեթե ամբողջ դեկտեմբերին մեջ օդը այսպես կ'երթա. մթերանոցին առջև երկու ձիով լծված ճամբու կառք մը կեցած էր:

— Է՛ր ուրեմն, Իվան Տուրա՛ք, ըսավ Կոլոխովաթով, ոսկիի վաճառականը՝ մեծ մուշտակի մը մեջ փաթթված՝ վերնագավթակին վրա երեւոյնքով:

Իվան Տուրաք, նիհարկեկ ծերունի մը, բարակ վերարկուով մը ծածկված, մոտեցավ, ամբողջ հասակը շտկելով ու ծիծաղաշարժ կերպով կոպերը շարժելով:

— Սեմեն Ավտեիչ, ահավասի՛կ եմ, մրթմրթաց. ես այլևս պիտի մեկնիմ սա՛ կողմեն, ճիշդ քու ճամբուդ հակառակ կողմեն:

— Անհեթեթ բան է ատիկա. թո՛ղ թե քու հանգիստիդ համար եմ. կես գիշերին ատենները պիտի կրնանք վերադառնալ, և ես քեզ իմ ձիերովս տուն կը վերադարձնեմ: Կը հասկընա՞ս. և հետո, Մարֆա Անտրիկենա մեզի մատ ծծել տվող բելմեններ (ոռուսական անուշեղեն) պիտի շինե. ու վերջապես, խորհե թե որքա՛ն պիտի ձանձրանամ այս ճամբան միս մինակ երթալով:

— Անոր համար է որ, Սեմեն Ավտեիչ մուշտակս...

— Ի՛նչ փուլթ, անգամ մը կառքին նայե, նույն իսկ ժողովրդապետը ասանկ կառք մը շունի:

Իվան Տուրաք խորհեցավ. մեկ կողմեն տուն երթալ կ'ըզձար, — հինգ վերսդի հեռավորութուն մը լոկ — և մյուս կողմեն ի՛նչպես վերավորել Սեմեն Ավտեիչը՝ որմե կախում ունին ամենքը. որովհետև Սեմեն Ավտեիչ շա՛տ պիտի զայրանար եթե մերժվեր և այն ատեն խոստացված դրա-

մը պիտի շտար: Ծերունին սրտի ճմլումով մը Ռաձթանա գյուղի իր տանը վրա խորհեցավ, իր տունիններուն՝ որոնք անհամբեր իրեն կը սպասեին... Չէ՛, հաստատապե՛ս, ուրիշ ընկի՞ք չկար, պետք էր տեղի տալ:

— Ձեզի հետ կու գամ, Սեմեն Ավտեիչ, ըսավ. իմ ճամբաս չէ ատիկա, բայց հոգ չէ՛, կ'ուզեմ հաճելի ըլլալ ձեզի:

— Վե՛րջապես, մրմոաց մյուսը. գալով տաքության, հոգդ մի՛ ընե. ու ճամբու կաղմվածքին վրա իր տիրոջ ակնարկը կը պտտցնե:

Երբոր կառքին մեջ տեղավորվեցան, Իվան Տուրաք բոլորովին անկյուն մը կծկած մնացած էր. Սեմեն Ավտեիչ հաղթամարմին էր, և ինքը մինակ նստարանին կեսնն ավելի կը գրավեր:

— Տեղս նեղ է, հառաչեց ծերուկը:

— Անմի՛տ, ավելի՛ աղեկ, տաք կ'ըլլա:

Վերնագավթակին վրա Կոլոխովաթովի կինը, մանկամարդ տիկին մը, և ծերունի մը մեկնումը կը դիտեին, և մերձակա պատուհանի մը ապակիին հենած մանկական դեմքեր կը նշմարվեին:

— Օ՛ն, ըրավ վաճառականը:

Կառապանը ձեռքերը իրար շփեց, սանձը ժողվեց, ու կառքը մեկնեցավ:

Լայնարձակ տափաստանները՝ ուր ցանցնված են ոսկիի գործատուներ՝ ձմեռը շատ տխուր պատկեր մը կը ներկայացնեն. նայվածքի հասողության շփ ամեն ինչ մեռած է: սպիտակ բացաստանը անընկճելի, հիվանդագին թուլութուն մը կը հաղորդե անցորդին: Ցանցառորեն տեսնված ավանները ձյունին տակ թաղված են, և ճամբաները՝ փոթորիկներեն բոլորովին տակն ու վրա: Տեղացիները սակայն, ու շրջիկներն ալ, գեղեցկութուն մը կը գտնեն այս ամայի և անշարժ անհունության մեջ:

Իվան Տուրաքի շիղերը ոտք կ'ելլեին հիմակ՝ որ սկսած էր հեղձնուլ:

— Համբերությո՛ւն, կ'ըսեր Կոլոխովաթով, երեք ժամ մնաց. և հետո Մարֆա Անտրիկենայի բելմենները, օդին և աղանդերները...

Իվան Տուրաք շահեկան տեղացի մը կը սեպվեր. 15 տարի առաջ հարուստ էր և ընդհանուր մեծարանքով շրջապատված: Բայց բախտը անկայուն է, մասնավորապես ոսկիի ճարտարարվեստին մեջ. շատ քիչ ժամանակեն մարդ կը հարստանա ու նաև շա՛տ քիչ ժամանակեն ավերակ կը դառնա: Նույն բանը պատահած էր Իվան Տուրաքի ալ. նեղությունը գինքը շրջապատած էր, ու քիչ վերջը թշվառությունն ալ. և այն որ երբեմն փարթամ Իվան Նիքիթիչ Լեկաբով եղած էր, հիմակ ուրիշ բան չէր, բայց մակաբույծ մը, որ իր ապրուստը կը ճարեր ոսկիի վաճա-

ուսանանքին. բան մը որ սուղի կը նստեր իրեն, որովհետև Իվան Տուրաք, այսինքն՝ տկարամիտ Իվանը, իր պաշտպաններուն իբրև միմոս և souffre-douleur կը ծառայեր: Վերջապես վարժված էր ուրիշներու ծաղրանքին ու այն գերին՝ զոր կատարել կու տային իրեն. իր ճակատագրին հետ հաշտված էր՝ բոլոր վիճակագուրի արարածներուն պես:

Այս վայրկյանին կը խորհեր թե ի՞նչ ստահակ մըն էր, օրինակի համար, Կոլոխվաթով՝ որ Երբեք առիթը չէր փախցնէր զինքը սպասոր-յարին առջև պղտիկ ձգելու:

Կառքը կը սահի, կարծես կարագի վրային. ատեն ատեն կառապա-լը ձիերուն կողմը կ'ուղղէ. Իվան Տուրաք իր անկյունին մեջ կը մխվի, աչքերը կը խփե և իր անցյալին վրա կը խորհի: Ի՞նչ երջանիկ էր այդ կյանքը. կրնա՞ր երբեք երևակայել թե ա՛յսքան խղճալի տարիներ պի-տի հաջորդէին անոր: Վերջապէ՛ս, է՛հ: Աստված այնպես ուզած էր... հոգ չէ՛. եթէ ինք իսկ եղած էր իր աղետոքին պատճառը, իր դրացին ալ մասնակցութիւն մը ունեցած էր անշուշտ ատոր մեջ:

Քնացա՛վ, որքա՛ն ատեն, չէ՛ր գիտեր. դադարե մը արթնցա՛վ հան-կարծ:

— Ի՞նչ կա:

— Է՛հ, Սադանն է որ կը զվարճանա:

— Ի՞նչ, փոթորի՞կ կա:

Հարվածը երկու ճամբորդները իրենց թմբիրեն սթափեցուց:

Տափաստանին տեսքը բոլորովին փոխված էր, ցուրտը սաստկա-ցած. այլևս չէր ձյուններ. ամբողջ դաշտավայրը կը դողար կայծակի պես սրընթաց հովերուն տակ՝ որոնք գետինը կը քերէին՝ ճերմակ բարակ փոշիի հորձանքներ բարձրացնելով:

— Կը սխալի՛ս, գոչեց Կոլոխվաթով պղտոր երկինքը զննելով:

— Սադանն է, կրկնեց մյուսը համոզված:

Կարծես այս խոսքերը հաստատելու համար, հովի կատաղի հոր-ձանք մը անցա՛վ, որմե ամբողջ տափաստանին տարածութիւնը հե-ծեց: Ամպերը կը թանձրանային ու կը թանձրանային, և կարծես ան-շատու մը բան մը կ'առկալվեր մթնոլորտէն՝ իյնալու պատրաստ՝ ահ-ուելի՛. մանրահատ ու շոր ձյուն մը ամեն կողմէ կը պաշարեր անցորդ-ները ու սանձահարված ապակիի անձրևի մը պես դեմքերուն մորթը կը ծեծեր:

Իվան Տուրաք իր խեղճուկ մուշտակին մեջ կը կծկտեր:

— Սառ ցուրտ մը կա, մրմնջեց:

— Ճամբադ կորսնցուցիր, գոռաց Կոլոխվաթով:

— Ի՞նչ ճամբա. երկար ատեն է, որ ճամբաս կորսված է արդեն:

Ճամբորդները սուսուսէն դողացին. ա՛լ ճամբա չկա, և փոթո-րի՛կը, — մա՛հ էր, մա՛հ:

Վաճառականը վար իջա՛վ. ձյունին մեջ խորամխված կառքին շուր-ջը դարձա՛վ, պարտասուն ձիերը քննեց, և բարկութիւնը իջա՛վ. Ի՞նչ ընել, հարցուց ինքնիրեն հուսաբեկ, ո՞ր կողմէն ջանալ ճամբան վերստին գտ-նելու, գիշերը հոծ էր, և ոչ մեկ լուսավոր կ'երևար մթագին երկինքին վրա:

— Ի՞նչ ընենք, հարեց բարձրաձայն:

— Առա՛ջ երթանք, նետեց երկշոտ, Իվան Տուրաք:

— Շլամի՛տ, ոռնաց վաճառականը. երթա՛լ, ի՞նչպես, և առա՛ջ, դեպի ո՞ւր, Սադանի՞ն... հո՛ս նայե. կը տեսնե՛ս, խե՛րդ պիտի անիծեմ, և իրավունք պիտի տան ինձի:

Այս նոր բարկութիւնը ճայթումները ընդմիջլեցան ոռնումովը մո-լորած շունի մը՝ որ մինչև հոն կառքին հետևած էր և հիմակ նստած, խղճալի ու հեծեծագին, կը դողդղար ամբողջ մորթովը՝ առջևի մեկ թա-թը վեր վերցուցած:

— Ա՛, դուն, սպասե:

Ու Կոլոխվաթով ցատկեց:

— Թողե՛ք այդ կենդանին, ըսա՛վ Իվան Տուրաք. գուցե անոր հետ մեկտեղ սառինք:

Վաճառականը, մինչև ծունկերը ձյունին մեջ. ձիերուն մոտեցա՛վ և անոնց վիղը շոշափեց. հաստատապե՛ս, ա՛լ չէին կրնար հառաջանալ, և իրենց կյանքը անոնցմե՛ կախում ունէր...

Այլ սակայն պետք էր բան մը ընել, հուսահատական փորձ մը. ու երեք մարդիկը գործի սկսան. ձյունը բարդելով երկու կողմին վրա ետ մղեցին, որպեսզի կարելի ըլլար կառքին շվանները քակել. և հետո, կա-ռապանը առաջ անցա՛վ, Կոլոխվաթով հետևեցա՛վ անոր, ձիերուն սանձը բռնած. հուսկ հետո կու գար Իվան Տուրաք, որ դժվարա՛վ կը քալեր. յուրաքանչյուր քայլափոխին մինչև սրունքներուն կեսը սուզվելով, հո-վը այնքա՛ն կատաղորեն կը փշեր որ անկարելի էր շնչառութիւնները ճշդել. աչքերը կը կսկծեին՝ կիսովին կուրացած. սարսափելի ցուրտ մը շարժումները կը հաշմեր. Իվան Տուրաք շատ շանցած գետին ինկա՛վ:

— Սեմեն Ավտերի՛, մրթմրթաց, ա՛լ ուժաթափ եղա. շունը քովս նստա՛վ:

II

Հովը փչեց տարա՛վ հեք մարդուն խոսքերը. կառքը արդեն կ'ան-հայտանար մրրիկին մեջ: Մերունին, սառնամանիքին մեջ նստած, վայր-կյանն վայրկյան տկարանալը կըզգար:

—Տե՛ր, գթա՛ ինձի, սկսավ աղոթել բարձրաձայն:

Կոլոխվաթով ճիշդ ժամանակին հիշեց ծերունին ու վերադառնալով շուտով գտավ զայն:

—Իվան Նիքիթիչ, ի՞նչ կ'ընես հող:

—Կը մեռնի՛մ, պատասխանեց խոնարհաբար ծերունին. դուն երիտասարդ ես, պետք է ապրիս. դիս հո՛ս թող, շեմ ուզեր այլևս քեզի արգելք ըլլալ:

Վաճառականը զայն ուժգնակի վեր բարձրացուց ու մինչև կառքին քով տարավ:

—Եթե մեռնիլ կա, միասին պիտի մեռնինք, մրթմրթաց հուզումեն շնչահեղձ:

Կառքը ա՛լ չէր շարժեր. կառապանը գետին նստած էր. անգամ մը որ ծերունին կառքին կաշեծածքին տակ պատսպարեց, Կոլոխվաթով, ձեռքի հարված մը տվավ կառապանին՝ զայն սթափ պահելու համար. ու ձիերուն քով գնաց. ձիերեն մեկուն ոտքը գայթած էր, ու ձյունը ա՛յնքան խոր էր որ ձին մեջը կը մխվեր, այնպես՝ ինչպես մարդ կը խղզվի:

Վաճառականը լուցկի մը զարկավ, ու դողդոջուն պզտիկ լույսը իրեն ցցուց թե կենդանիին աչքը պղտոր ու անշարժ էր:

Ամեն ինչ մնացած էր... ձյունը զիրենք պիտի լափեր:

—Շո՛ւտ, լուծը քակի:

Կառապանը, իր ընդարմացած մատներով, հնազանդեցավ տաժաճանգին:

—Ձին կորսվա՛ծ է, ըսավ անտարբեր:

—Անգամ մը որ քակենք, թերևս կարենան երկուքը մեկ տուն հասնիլ:

—Կորսվա՛ծ, կրկնեց կառապանը միևնույն շեշտով:

Երկու կենդանիները ոտքի ելան, և Կոլոխվաթով զանոնք կառքեն հեռացուց. հուսալով որ անոնք բնազդաբար տուն պիտի դառնային գուժը տանելու. բայց անոնք դարձան կաշեծածկին ետին ապաստանելու, մեծ գուժ մը վաճառականին սիրտը սեղմեց... ձիե՛րն ալ իրենց հետ մեռնիլ կ'ուզեին:

Կառապանը դարձյալ կծկտած էր և ամեն վայրկյան կ'աներևութանար մրրիկին հորձանքներուն մեջ. երկու քայլ անդին այլ ևս ոչինչ կ'երևար: Կոլոխվաթով կըզգար թե անդիմադրելի քնեածություն մը զինքը կը շրջապատեր. դույզն շարժում մը մահու շափ ցավազդու էր. սրունքները կը սայթաքեին:

Մտտեցավ կառքին, որ քառորդ ժամվան մեջ կիսովին սուզված էր.

— Իվա՛ն...

—Ահավասի՛կ եմ, պատասխանեց ծերունին, որ կ'աղոթեր:

—Ի՞նչ պիտի ընենք կառապանը. եղած տեղը պիտի սառի: Եվ իր մուշտակը ա՛յնքան թեթև է, ու հովը այնքա՛ն խիստ կը խածնե որ... եկո՛ւր, երեք հոգիով ավելի կը տաքնանք:

Իվան Տուրաք լուռ էր. կառքը երեքը միասին պարունակելու համար շա՛տ նեղկուկ էր, թո՛ղ թե սպասավորը կը մերժեր ներս մտնել. բայց տերը զայն բռնի բերավ:

—Ստահա՛կ, պիտի սառի՛ս հոն՝ ձյունին մեջտեղը:

—Սաղանը կը զվարճանա, մրմնջեց մյուսը իր հանդարտ շեշտովը, ու արդեն հովին ազդեցություն տակ իր լեզուն կը թանձրանար:

Այս տեղափոխությունը բողոք մը բարձրացուց շանը կողմեն՝ որ այսպեսով միս մինակ կը մնար ճամբուն վրա. ու այս զրկանքին դեմ ոռնաց:

Կառքին մեջ մուժ էր. երկու հովի միջև կը լավեր դոփյունը և ուժգնակի փոնգտուքը ձիերուն՝ որոնք գլուխնին կաշեծածքին կը քսեին, ի զուր հուսալով պաշտպանվիլ:

Կոլոխվաթով շունին վրա խղճաց. եթե ներս առնե՛ին, ա՛լ ավելի պիտի տաքնային:

—Անկարելի՛ է, գոչեց Իվան Տուրաք, արդեն այս անիծյալ սպասավորը ոտքերս կը ճմլի:

Երկար ժամանակ բառ մը չարտասանեցին. ատեն ատեն վաճառականը լուցկի մը կը վառեր և ակնարկ մը կը նետեր դռնակին վրա բացված լուսամուտեն դուրս. ձյունը հիմակ այդ պատուհանիկին կը հասներ. շուներ թարթափուն լույսին կը վազեր ու կը հեծեր սրտաճմլիկ:

—Կը խեղդվի՛մ կոր, ըսավ վերջապես Իվան Տուրաք, գլուխս կը դառնա:

—Եվ սակայն, Իվան, դիտեց Կոլոխվաթով, կառապանը ստույգ մահվան մը շենք կրնար խրկիլ, ա՛ն ալ հոգի ունի:

—Լա՛վ, ես դուրս կ'ելլեմ. կը նախընտրեմ սառիլ, քան շնչահեղձ ըլլալ:

Իրավ ալ անկարելի էր շնչել կառքին մեջ, որուն ամենափոքր ծակերն իսկ գոցած էր ձյունը. այն վայրկյանին որ Իվան Տուրաք դուրս ելլելու կը պատրաստվեր, սպասավորը ըսավ թե ինք պիտի ելլեր:

—Իմ հայրս այսպեսով վերջը գտած է, ձյունին մեջ... դուն կեցի՛ր, ան գիտե իր ընելի՛քը:

Ա՛լ վարանելու ժամանակ չէր. իրենցմե մեկը պետք էր հանձնառու ըլլար մյուսներեն առաջ սառելու. դռնակը կիսովին բացվեցավ. կառա-

պանը սահեցավ դուրս. շունը իրեն եկավ հրճվագին կաղկանձելով, վրստահ հիմակ՝ թե մինակ պիտի շնեռներ:

Կառքին մեջ՝ դամբանի մթուօյուն. շուրջանակի մրրիկը կը պոռչտա թռչուններու անծայր անցքի մը պես. երկինքն ու երկրն ինչ որ կը զանաղանվի կարծես խառնակված է թևերու առասպելական հորձքերու մեջ:

Կոլոխվաթով կը խորհի իր կառապանին վրա, որ հո՛ն, մոտիկը, կ'ոգևարի:

Իվան Տուրաք՝ աղոթիկեր՝ մահվան կըսպասե. վայրկյան մը կը սարսռա, իր քովեն լսելով հեծկլտուքներ՝ որոնք մանուկի մը լացին կը նմանին:

— Սեմեն Ավտեիչ, աղա՛վնիս, պետք չէ քաջությունը կորսնցնել:

Հեծքերը կը կրկնապատկին:

— Սեմեն Ավտեի՛չ, հուսահատությունը մեղք մըն է:

— Ես իմ վախճանես չեմ վախնար. բայց, ա՛հ, որքա՛ն սարսափելի է մեռնիչ այս մեղքերու բեռան տակ... Իվա՛ն, հաճախ վերազորած եմ սիրտդ... շա՛տ հաճախ... ներե՛ ինձի:

— Աստված պիտի ներե քեզի, բայց դուն ալ ինձի՛ ներե:

Լուությունը դարձյալ տիրեց անոնց միջև, ուրվականը կ'ոռնար ու կը հեծեր. մերթ կարծես անսովաղ ճիվաղներու ամբոխներ միջոցին մեջ կը պայքարեին:

Հեծկլտուքները դադրած էին. Կոլոխվաթով, հանդարտած, ըսավ.

— Իվան Նիքիթիչ, դուն ծերունի՛ մըն ես, խոստովանեցո՛ւր զիս:

— Ի՞նչպես կրնամ ընել ատիկա, ես բոք չեմ:

— Ծայրահեղ պարագաներու մեջ արարողություն կրնա ընել մարդդուն գիտես Եկեղեցիին ծեսերը... չեմ ուզեր մեղավոր մեռնիչ. այո՛, որքան ալ որ երիտասարդ, սակայն շատ մեղք գործած եմ:

Իվան Տուրաք հազաց՝ ձայնին ուժգնություն տալու համար և արտասանեց հանդիսավոր.

— Տե՛ր, մաքրե՛ զիս, ողորմե՛ մեղավորիս. հետո հարեց.

— Գլուխդ բաց, Սեմեն Ավտեիչ՝ Ծառայ Տեառն:

Մշուսը հնազանդեցավ. ծերունիին սառուցիկ ձեռքը հանգչեցավ մատաղ գլխուն վրա, ու դողդոջուն ձայն մը արտասանեց առաջին աղոթքը:

Կոլոխվաթով կու շար. իր կարգին, Իվանի պատվերին համաձայն. «Հաւատամք» ըսավ, և հետո սկսավ ճշմարիտ խոստովանանքի մը:

— Սեմեն Ավտեիչ՝ Ծառայ Տեառն՝ կը հիշե՛ս թե Աստուծո կը խոսիս և ոչ ինձի:

Գրեթե ամեն հարցումի զղջացյալը կը պատասխաներ.

— Մեղա՛ Աստուծո... -

— Հիմակ չե՛ս հիշեր, հարցուց վերջապես ծերունին, մասնավոր մեղքեր:

— Ամեն բանի մեջ մեղք գործեցի... նախանձեցա, և իմ վիճակս ինձի երեք բավական չէր թվեր. միշտ իմ ունեցածես ավելիին պետք ունեի, ու միշտ ավելիի՛ն. ինքզինքս գոհացնելու համար ուրիշին ստացվածքին աչք կը տնկեի. իմ ծերության տարիներուս պիտի զղջամ, կ'ըսեի ինքնիրենս. Աստված շուղեց որ այդ տարիքին հասնիմ... Եվ հիմակ իմ հեգ հորաքույրս՝ Քաթերինա Ստեֆանովնա՝ բացը պիտի մնա իր զավակներով, որովհետև զինքը խաբեցի և պղտիկներուն ապրուստը ապահովելու բնավ հոգ չտարի. — և ոչ իսկ իմ հոգիիս փրկության փուլթ կ'ընեի. կը կրկնեմ, ամեն կերպ մեղքերով հանցավոր եմ...

— Աստուած թողութիւն շնորհեցէ...

— Իմ խնամակալությանս հանձնված երկու քեռորդիներուս ժառանգությունը յուրացուցի... տափաստանին մեջ շատ մը աղջիկներ առեվանգիցի:

— Աստուած թողութիւն շնորհեցէ...

Կոլոխվաթով զգաց թե վերջին քունը կը ծանրանար իր վրա. իրեն կը թվեր, հիմակ, մրրիկը չէր այլևս որ, հոն, վերը, կը գոռար, այլ նախախնամության ձայնը:

— Արձակեցէ քեզ Աստուած յամենայն մեղաց քոց, Սէմէն Ավտեիչ՝ Ծառայ Տեառն, — արտասանեց անզամ մըն ալ Իվան Տուրաքի հաստ ձայնը...

Նրեք օր վերջը, երբ վերջապես փոթորիկը դադրեցավ, կառքը գտան իր ձյունե փոսին մեջ: Մարդ ու անասուն սառած էին ու մեռած՝ իրարու քով. ինչպես ապրած՝ չե՛վ քովի:

Մ Ա Մ Ի Ն Ս Ի Պ Ի Ր Ի Ա Ք

(Կապիկի մը պատմությունը)

Օրանկութեանը ոչխարներու գոմին կապված վանդակին մեջ սկսավ ողորիւ գիշերը հեղձուցիչ տաք էր. ու մինչ շանս Պոայթմանին հետ մեր անկողինները նավին հառաջակողմը տանելու համար իր առջևն կ'անցնէինք, ոտքի ելավ կապիկը ու սկսավ ակոսները կրճտել: Մալայան Արշիպելագոսին կղզիներեն մեկուն մեջ բռնած էին զինքը և Անգլիա կը տանէին մեկ շիլինով ցուցադրութեան հանելու համար: Չորս օր ամբողջ մաքառած ու կաղկանձած էր հոն և անդադար իր վանդակին երկաթ ձողերը կը ծեծեր ու քիչ մնացեր էր որ մեռցնէր նավաստի մը՝ որ անզգույշ՝ անոր խոշոր մազոտ ճիրանին տակ ինկեր էր:

«Քեզի համար շատ շատ լավ պիտի ըլլար, բարեկամս, եթէ քիչ մը ծովախտե բռնված ըլլայիր», ըսավ շանս Պոայթման, վանդակին քովը կենալով. «Քու Տիեզերքիդ մեջ խի՛ստ շատ Ես ունիս»:

Օրանկութեանին բազուկը անփութորեն դուրս սահեցավ ձողերուն մեջտեղեն. ոչ ոք պիտի հավատար թէ կապիկը օձի մը պես հանկարծուստ գերմանացիին կուրծքին պիտի խոյանար: Գիշերազգեստին բարակ մետաքսը պատռտեցավ. շանս անտարբեր ետ եկավ, նավակի մը ճիշդ քովին կախված պանանայի խուրձեն ճյուղ մը փրցնելու համար:

«Խի՛ստ շատ Ես...», ըսավ Պոայթման պտուղը կեղևելով ու կենդանիին տալով, մինչ ան մետաքսը կը փեթոտեր:

Մեր խշտակները տարինք նավին հառաջակողմը, քնացող նավաստիներուն քով, հովին բերանը: Մովը ծխալից յուղի պես էր, բացի նավին հառաջամասեն, ուր կը հրավառեր ան, ու դարձյալ կը շրջրշր կ'երթար խավարին մեջ, տծգույն բոցի բիծերով: Քանի մը մղոն անդին փոթորիկ կար, փայլակին շրջունը կը տեսնէինք: Նավին կովը, կապիկին արտադրած գոլեն ու հոտեն անհանգիստ, ատեն ատեն տառապագին կը բառաչեր, ճիշդ ինչպես գիշերապահը կը պատասխաններ կամրջակեն եղած կոչերուն. մեքենաներու ձոխնը որոշակի կը լսվեր: շանս քովս երկնցավ ու գիշեր-բարիի սիկառ մը վառեց. ասիկա խոսակցութեան մը սկսելու նշան էր բնականաբար. ծովին ձայնին պես հանդարտեցուցիչ ձայն մը ու ծովածավալ փորձառութեան ունիւր ան. որովհետեւ իր գործն էր աշխարհի շորս դին պտտիլ, միաբլթակ տունկեր, վայրի կենդանիներ ու ազգազրական նմուշներ ժողվել՝ գերման ու ամերիկացի վաճառականներու համար. ես կը դիտեի իր սիկառին լուսափայլ ծայրը որ կը ծավալեր կամ կը հատնէր մութին մեջ՝ խոսքերուն ելևէջին

համեմատ. ու այսպես գրեթէ քունս տարավ. օրանկութեանը, իր արձակ անտաներուն երազներեն խոռված, սկսավ քավարանի հոգիի մը պես կաղկանձել ու մուկգին՝ վանդակին ձողերը քաշկոտել:

«Եթէ թող տրվեր հիմակ, մենե քիչեր պիտի կրնային ողջ մնալ հոս», ըսավ շանս հուրորեն, «աղէ՛կ կը ճչե, տե՛ս թէ հիմակ ի՛նչպես պիտի խելքցնեմ զինքը, երբ հանդարտի». աղմուկը դադրեցավ, և շանս օձի պես սուլել սկսավ. նմանութեանը այնքա՛ն կատարյալ էր, որ տեղես վեր ցատկեցի, անդու մահացու ձայնը սահեցավ գնաց կամրջակին վրայն ու կապիկը դադրեցավ վանդակը ճանկոտտել. կենդանին արհավիրքի նոպայի մը մեջ կը դողդար:

«Չայնես էր որ կանգ առավ», ըսավ շանս. «Այս խաղը սորվեցա Մոկոնկ Քանճոնկի մեջ, ուր փոքրիկ կապիկներ կը հավաքեի Պերլին զրկելու համար. աշխարհի վրա ամեն ոք կապիկեն կը վախնա—բացի օձեն, ուստի կապիկներու հանդեպ օձ կը ձևանամ ու զանոնք բոլորովին կը հանդարտեմ. շափազանց եսասեր են անոնք, իրենց գեշ սովորութեանն է այդ: Կը քնանա՞ս թէ ոչ. արթուն ես. կամ մտիկ կ'ընե՞ս եթէ քեզի անհավատալի պատմութեան մը ընեմ»:

—Ամբողջ աշխարհի վրա ինձի համար անհավատալի պատմութեան չկա, ըսի իրեն:

—Լա՛վ, եթէ հավատալ գիտես ուրեմն բան գիտես. հիմա փորձեմ հավատալ: Երբ այս պզտիկ կապիկները կը ծողվէի, 79—81ի ատեններն էր, ու ես Արշիպելագոսի կղզիներուն մեջ կը գտնվէի. հոն, հո՛ն, մութի՛ն մեջ.— ու Նոր Կիլեասի հարավակողմը ցույց կու տար.— Մայն Կոթ. (Աստված իմ) քիչ մնաց, որ կյանքս վրա տայի այդ կապիկները բռնել ուզելով. այդ կենդանիները եթէ մատներդ շխածեն շփրցնեն՝ անպատճառ հայրենաբաղձութենե կը մեռնին. որովհետև անոնց հոգին անկատար մնացած է ու Եսը շափազանց զորացած, գրեթէ ամբողջ տարի մը հոն կեցած էի, ու Պեռթրան անունով մեկը գտա հոն. բարի Ֆրանսիացի մը՝ մինչև ոսկորներուն ծուծը բնապատում. կ'ըսէին թէ փախստյա մը՝ մինչև արտադրած մըն էր, բայց լավ բնապատում էր, ու այդքանը հերիք էր ինձի. անիկա կենդանիները անտաններեն կը կանչեր, ու անոնք կու գային իրեն. ու կ'ըսէի իրեն թէ ինքը Ս. Ֆրանչիսկոս մըն էր. կը խնդար ու կը պատասխանէր թէ երբեք ձուկերուն քարոզած չունի:

«Եվ այդ մարդը, որ կենդանիներ ընտելացնելու մասին անզուգական էր, իր տունին մեջ ճիշդ այս վանդակի օրանկութեանին պես հատ մը ունիւր, զայն պզտիկուց ձեռք ձգած էր, և անիկա Պեռթրանին համար վավակ, եղբայր, օքերա-քոմիք, ամեն ինչ էր. տունին մեջ հատուկ սենյակը ունիւր—վանդակ չէ՛, սենյակ—անկողինով ու սավաններով. գիշերը

հոն կը քնանար ու երբ առտուն արթննար, սիկառը կը ծխեր Պեոթրանին հետ ու կը ճաշէր. հետո թեթիկ պտույտի կ'ելլէին, ինչ որ ամենն սոսկալին էր: Հեռ Կոթ, (Տե՛ր Աստված) տեսած եմ այդ կենդանին որ աթոռին մեջ ետ ընկրկելով կը ինդար երբ Պեոթրան կես-կատակներ կ'ընէր ինծի. անիկա անասուն չէր, մա՛րդ էր. Պեոթրանին կը խոսեր ու ան կը հասկնար, աչքովս տեսեր եմ, ու միշտ ինծի հանդեպ քաղաքավար էր, բացի երբ խիստ շատ խոսակցեցի Պեոթրանին հետ ու իրեն բնավ բան մը չըստի. այն ատեն զիս մեկդի կը քաշեր, — այո՛, այդ մեծ սե սատանը, իր աճագին թաթերով, — ճիշդ տղու մը պես, անիկա անասուն չէր՝ մա՛րդ էր. այս բանը հասկցա դեռ երեք ամիսը չլրացած, Պեոթրան ալ գիտեր. և Պիմին ինքն ալ կիսովին կը հասկնար մեզ, սիկառը կապույտ լինտերուն ու խոշոր շնատամներուն միջև:

«Հոն տարի մը մնացի, կրբեմն կապիկներ ու մերթ ալ թիթեռնիկներ ու միաբլթակներ ծողվելու. անդամ մը Պեոթրան ըսավ ինծի թե կ'ուզեր կարգվիլ, որովհետև հարմար աղջիկ մը գտած էր, և հարցուց ինծի թե աղէկ կ'ընե՞ր. հետո շարունակեց գովել աղջիկը — կես-Ֆրանսացի աղջիկ մը. — շատ աղվոր է, օ՛ շատ աղվոր, կ'ըսեր ան. մինակ թե, կ'ըսեմ իրեն. Պիմին մտածեցի՞ր. եթե զիս մեկդի կը քաշե քեզի խոսած պահու, ուրեմն ի՛նչ պիտի ընե կնոջդ. բզիկ բզիկ պիտի ընե զայն. եթե քու տեղդ ըլլայի, Պեոթրան, կնոջս իբրև հարսանեկան նվեր Պիմին հարդալիբ զիս կը պիտի տայի ապահովաբար. այդ ժամանակներուն կապիկներու բարբին լա՛վ գիտակ էի՝ Զարնե՛մ, ըսավ Պեոթրան. կենդանին քուկդ է, ըսի, բայց եթե իմս ըլլար զարնված պիտի ըլլար արդեն:

«Այն ատեն վզիս վրա Պիմին մատները զգացի. Մա՛յն Կոթ. կը վստահեցնեմ թե այդ մատներով կը խոսեր ան. անոնք խուճամբի այբուբենն էին. ամբողջակա՛ն. իր մազոտ բազուկը պարանոցիս շուրջ սահեցուց, դունչս վեր վերցուց ու երեսս նայեցավ, ճշդիվ տեսնելու համար թե կը հասկնայի՞՞ զինքը, ինչպիս ինքը գիտ կը հասկնար:

«—Տե՛ս, տե՛ս, ըսավ Պեոթրան, և դուն պիտի զարեհի՞ր զինքը, մինչ ան քեզ կը զգվե. ատիկա տետոնյան ապերախտություն է:

«Բայց ես գիտեի թե մշտակա թշնամիս ըրած էի Պիմին, որովհետև իր մատները պարանոցիս մեջեն մահը գուշակել կու տային. հաջորդ անգամ որ տեսա Պիմին, մեջքս ատրճանակ մը կար, որուն երկարեց թաթը, ես ալ բացի զենքը՝ ցույց տալու համար թե լեցուն էր. անտառներու մեջ տեսած էր պզտիկ կապիկներու զարնվիլը, ու հասկցավ:

«Այսպես, Պեոթրան ամուսնացավ ու բոլորովին մոռցավ Պիմին որ իր կուրծքին տակ կես-մարդկային սիրտ մը կը կրեր. կը. տեսնեի զին-

քը, որ կը ցատկոտեր ու մեծ ճյուղ մը առնելով ավազը կը փորձկեր, մինչև որ գերեզմանի պես մը բանար, ու կ'ըսեի Պեոթրանին, ի՛նչ կ'ընես ըրե, Պիմին մեոցուր, որովհետև նախանձն խենթ կտրած է: Իսկ Պեոթրան կ'ըսեր. — Բնավ խենթ չէ ան, անիկա կինս կը սիրե ու կը հնազանդի անոր, ու երբ հրամայե հողաթափները կը բերե. ու սենյակին ընդմեջն կը նայեր իր կնոջ՝ որ շատ գեղանի էր:

«Այն ատեն ըսի իրեն. կը կարծե՞ս թե կը ճանչնաս կապիկները, և այս կենդանին՝ որ ավազին վրա մուկգին ինքզինքը կ'ուտե. կրբոր տուն գա՛ մեոցուր զայն, բրովհետև իր աչքերուն մեջ լույս մը կա՛ որուն իմաստն է մեոցնե՛լ, մեոցնե՛լ Պիմին տուն եկավ, բայց աչքերուն մեջ լույս չկար, ամբողջովին մարած էր, խորամանկ, շա՛տ խորամանկ էր ան, ու անխուժ հողաթափները բերավ. Պեոթրան ինծի դարձավ ըսավ, ի՛նչ, դուն ինք ամսվան մեջ ավելի լա՛վ կը ճանչնաս զինքը քան ես տասներկու տարի ե ի վեր. զավակ մը իր հայրը կը վշտացնե՞ միթե. ես զինքը կերակրած եմ. ինք ինծի տղա եղած է. այդ ոչնչաբանությունները կնոջս կամ ինծի անգամ մըն ալ չընես:

«Հետևյալ օրը Պեոթրան ինծի եկավ որ միասին նմուշի համար փայտե տուփեր շինենք, ու ըսավ թե կինը քիչ մը ժամանակի համար Պիմին հետ պարտեզը թողած էր. հետո պատով տուփեր շինեցի և ըսի. Եկուր տունդ երթանք ու բան մը խմենք. խնդաց ու բսավ. երթանք, մարդուկս:

«Եինը պարտեզը չկար, ու Պիմին չեկավ երբ Պեոթրան ձայնեց: Կինն ալ չեկավ. ննջասենյակին դուռը զարկավ Պեոթրան, բայց ան ալ ամուր փակված էր. այն ատեն ինծի նայեցավ՝ Երեսը ճեփ ճերմալ. ուտերովս դուռը վեր վերցուցի, ու ձեղունին վրա խոշոր ծակ մը բացված տեսանք, ուրկե արևը կ'իջներ տախտակամածին վրա. զամբյուղը նետված թուղթեր, կամ սեղանին վրա ցրված խաղի քարտեր տեսած ես Երբեք. կինը մեջտեղ չկար, ու կ'ըսեմ քեզի թե ոչինչ կար այդ սենյակին մեջ կնոջ նմանող. տախտակամածին վրա բզկտուքներ կային, ու այդքան անոնց նայեցա ու շփազանց անհանգիստ եղա. բայց Պեոթրան քիչ մը ավելի նայեցավ տախտակամածին, պատին ու ծակին վրա գտնված բաներուն, հետո սկսավ խնդալ, մեղմ կամ բարձրաձայն, ու ես հասկցա: Փա՛ռք Աստուծո, խենթեցեր էր. բնավ չլացավ, ոչ ալ աղոթեց. դուտին մեջ անշարժ կեցավ, ու շարունակեց խնդալ. հետո հարեց. կինս այս սենյակին մեջ առանձնացեր է, ու Պիմին ձեղունը ծակեր իջեր է. օ՛ն ուրեմն, այս այսպես է. ծակը գոցենք ու Պիմին սպասենք, անպատճառ պիտի գա:

«Սենյակը կարգադրելի վերջ տասը օր սպասեցինք այդ տունին մեջ. ու մեկ քանի անգամ Պիմին երևցավ, որ քիչ մը անտառեն դուրս կու գար, բայց կը վախնար, որովհետև գիտեր իր հանցանքը. տասնե-րորդ օրը երբ դարձյալ եկավ, Պեռթրան զայն կանչեց, ու Պիմի եկավ ծովեզերքեն՝ ուստոստուն ու աղմկոտ. ձեռքին մեջ սև մազի երկայն գիսակ մը կար. Պեռթրան խնդաց ու ըսավ. օ՛ն. օ՛ն. ճիշդ որպես թե սեղանին վրա հայելի մը լոկ կոտրած ըլլար. ու Պիմի ավելի մտտեցավ. Պեռթրանին ձայնը մեղրի պէս քաղցր էր, ու կը խնդար. այսպէս երեք օր սիրով վարվեցավ անոր հետ, որովհետև Պիմի իր վրա ձեռք դպցնել չէր տար. այն ատեն Պիմի վերջապէս ճաշի եկավ մեզի հետ. ձեռք մազը արյունեն բոլորովին սևացած ու թանձրացած էր. Պեռթրան անոր համեմատոր գինի խմցուց, մինչև որ բոլորովին գինովցավ, ու հետո—

—Ու հետո՞, ըսի իրեն.

«Ու հետո, Պեռթրան զայն իր իսկ ձեռքով սպաննեց, ու ես գացի ծովափը ծուռ գալու, որովհետև խնդիրը Պեռթրանին կը վերաբերեր. երբ վերադարձա կապիկը մեռած էր, ու Պեռթրան ալ մեռնելու վրա. բայց դեռ բարձրաձայն կը խնդար, բոլորովին գոհունակ:

«Հիմակ, գիտես օրանկութանի ույժին տարազը—մարդուն հետ համեմատելով մեկի դեմ յոթը—բայց Պեռթրան զայն մեռցուց բնատուր զենքերով, հո՛տ է հրաշքը»:

Վանդակին մեջ դժոխային դղորդը սկսավ: «Օհո՛, մեր այդ բարեկամը տակավին խիստ շատ Ես ունի իր Տիեզերքին մեջ. օ՛ն, հանդարտ կեցիր»:

Ու Հանս սկսավ սուլել, երկարածիգ ու թունալից. կրնայինք լսել հսկա անասունին վանդակին մեջ դողալը:

—Բայց ինչո՞ւ, հարցուցի ես, Պեռթրանին շօգնեցիր, փոխան թողելու որ մեռնի:

«Բարեկամս, ըսավ Հանս ընկողմանելով, նույն իսկ ինձի համար աղեկ բան մը չէր ապրել այդ սենյակը ձեռքովին բացվածքովը տեսնելի վերջ. ու Պեռթրան ամուսինն էր... բարի գիշեր ու բարի քուն»:

Ր Ը Տ Յ Ա Ր Տ Ք Ի Բ Ա Ի Ն Կ

ՍԻՐՈ ԹԱՂՈՒՄԸ

Նոճիին շուքին ներքև պեղեցի
Փոս մը մանկական գերեզմանի պես.
Ու թաղեցի հոն խոստումներըդ ես,
Խոստումներ՝ զոր մերթ տըվավ սերդ ինձի:

Ջանոնք մըղեցի հողերուն տակ գորշ.
Ու մամոտ քար մը դրի վրաննին.
Ու բոլորտիքը սիրո դամբանին
Պըսակ հյուսեցի վարդեն վաղաթոշ:

Մեռան ծաղիկներն՝ անգոր՝ սիրույդ պես,
Արևարքեն ալ առաջ իրիկվան.
Սակայն՝ իմ ցավիս նըման անսասան
Նոճին՝ տարիններն են հանդիսատես:

Ք Ո Վ Մ Ա Ս Լ Ը Վ Փ Ի Ք Ո Ք

ՀՈՒԱՆՏԱԿԱՆ ՕՐՈՐ

Գիշեր մըն էր, Վինքըն, Պլինքըն, Նոտ, միասին
Փայտ մուճակին մը մեջ նստած՝ նավարկեցին.
Նավարկեցին՝ գետին վրայն մըլուշալույս՝

Դեպ ի ծովակ մը ցողերու:

«Տըղա՛ք, ո՛ւր կ'երթաք, տըղա՛ք, ի՛նչ կ'ընեք»
Հարցուց երեքին ծեր լուսնակն հեռուն.
«Մենք եկած ենք հարինգ ձուկեր որսալու

Մեզն աղվորիկ այս ծովերուն:

Ու մենք ցանցեր ունինք ոսկի, արծաթահյուս»

Ըսին Վինքըն, Պլինքըն և Նոտ:

Փայտ մուճակին մեջ մինչ կ'երերային,
Խնդաց ծեր լուսնակն ու երգ մը երգեց.

լուծութունը տիրեց Դատաստանատան մեջ, և Մարդը՝ մերկ՝ երեցավ Աստուծո առջև:

Եվ Աստված բացավ Մարդուն Կյանքին Գիրքը:

Աստված ըսավ Մարդուն.— Դուն գեշ կյանք մը ունեցար, անգութ գտնվեցար անոնց հանդեպ, որ օգնության կը կարոտեին, և անոնց որ օժանդակության պետք ունեին. դաժան ու կարծրասիրտ եղար: Աղքատները քեզի կը դիմեին, ու դուն չէիր լսեր, և ականջներդ գոց կը մնային իմ վշտահարներու աղաղակին: Որքերուն ծառանգությունը յուրացուցիր ու դրացիներդ այգիներուն մեջ աղվեսներ արձակեցիր: Մանուկներուն հացը ափր և շուններուն կերցուցիր. ու պողոտաներուն վրա ետեւն ինկար իմ բորոտներու՝ որ ճահիճներու մեջ կ'ապրեին և որոնք հանգստավետ՝ զիս կը գովեին. և իմ երկրիս վրա՝ ուրկե շինվեցար՝ շատ մը խողխողանքներ ըրիր:

Ու Մարդը պատասխանեց.— Ըրի՛ այդ ամենը:

Աստված բացավ կրկին Մարդուն Կյանքին Գիրքը:

Եվ ըսավ Աստված Մարդուն.— Դուն գեշ կյանք մը վարեցիր ու փնտուտկեցիր Գեղեցկությունը՝ զոր աչքիդ առջև դրի. ու չկրցար պահել Բարին՝ զոր ծածկեցի: Սենյակիդ պատերը պատկերներով նկարեցիր ու սրինգներու ձայնով էլար պղծության անկողինեդ: Յոթը սեղաններ կանգնեցրիր այն մեղքերուն՝ որոնց համար մեռա, ու կերար բաներ՝ զոր ուտելու չէիր, և հանդերձանքիդ ծիրանին ամոթի երեք նշաններովը բանված էր: Կուրքերդ ո՛չ ոսկի էին, ո՛չ ալ արծաթ՝ որոնք կը տեսն, այլ միսն՝ որ կը մեռնի: Անոնց վարսքը անուշուքով կ'օծեիր ու նուտեր կը դնեիր անոնց ձեռքերուն մեջ: Անոնց ոտքերը քրքումով կը լվայիր ու գորգերդ կը փռեիր անոնց առաջին: Անոնց թարթիչները ծարիրով կը ներկեիր ու զմուռսով կը ծեփեիր անոնց մարմինները: Անոնց առջին կը ծնրադրեիր ու կուրքերուդ գահերը արևին տակ կը բարձրանային: Արևին ամոթ՝ և լուսնին շամբշանք ցուցուցիր:

Մարդը պատասխանեց.— Ըրի՛ այդ ամենը:

Երրորդ անգամ մըն ալ Աստված բացավ Մարդուն Կյանքին Գիրքը:

Եվ Աստված ըսավ Մարդուն.— Կյանքդ շարիք եղավ: Բարիին շարիք ըրիր ու վնաս հասցուցիչ քեզի բարիք ընողներուն: Վիրավորեցիր ձեռքերը՝ որ քեզ սնուցին և անգոսնեցիր ստինքները՝ որ քեզի կաթ տվին: Քեզի ջուրով եկողը ծարավ ետ դարձավ և արշալույսեն առաջ մատնեցիր քեզ իրենց վրաններուն մեջ պահող տարագիրները: Որոգայթի մեջ ձգեցիր թշնամիդ՝ որ քեզ խնայեց, ու դրամով ծախեցիր քայլակից

բարեկամդ ու քեզի Սեր բերողներուն փոխարեն Զեղխություն տվիր:

Մարդը պատասխանեց.— Ըրի՛ այդ ամենը:

Աստված գոցեց Մարդուն Կյանքին Գիրքը և ըսավ.— Վստահա՛բար, քեզ Դժոխք պիտի խրկեմ. Դժոխք խրկել կ'ուզեմ քեզ:

Մարդը պոռաց.— Չե՛ս կրնար:

Աստված ըսավ Մարդուն.— Ինչո՞ւ համար և ի՞նչ պատճառով չեմ կրնար եղեր քեզ Դժոխք խրկել:

— Որովհետև Դժոխքի մեջ անցուցի կյանքս, պատասխանեց Մարդը:

Ու լուծութունը տիրեց Դատաստանատան մեջ:

Վայրկյան մը հետո Աստված խոսեցավ ու ըսավ Մարդուն.— Քանի որ քեզ Դժոխք չեմ կրնար խրկել, ապահովաբար քեզ Երկինք պիտի խրկեմ. Երկինք խրկել կ'ուզեմ քեզ:

Մարդը պոռաց.— Չե՛ս կրնար:

Եվ ըսավ Աստված մարդուն.— Ինչո՞ւ համար և ի՞նչ պատճառով չեմ կրնար քեզ Երկինք խրկել:

— Քանզի երբեք և ոչ ուրեք կարող եղած եմ Երկինքը երևակայելու, պատասխան տվավ Մարդը:

Ու լուծութունը տիրեց Դատաստանատան մեջ:

ՕՍԲԱՐ ՌԻԱՅԼՏ

ԻՄԱՍՏՈՒԹՅՈՒՆ ՍՈՐՎԵՑՆՈՂԸ

Իր մանկութենն ի վեր կատարյալ աստվածգիտությամբ լեցված էր և նույն իսկ երբ պատանի էր. բազմաթիվ սորբեր, ինչպես նաև մեկ քանի սրբուհիներ՝ որոնք իր ծնած արձակ ուստայնին մեջ կը բնակեին՝ զարմանալու չափ զգացված էին իր պատասխաններուն ծանրալուրջ իմաստութենն:

Երբ իր ծնողները առնության պատմութեանն ու մատնին տվին իրեն, համբուրեց զանոնք, հրաժեշտ առավ աշխարհի մեջ շրջելու և մարդոց հետ խոսելու համար: Որովհետև այն ատենները շատեր կա- Աստուծո վրա խոսելու համար: Որովհետև այն ատենները շատեր կա- յին աշխարհի վրա, որ Աստուծուն բնավ չէին ճանչնար, կամ թերի ծանոթություն մը ունեին անոր մասին, և կամ կը պաշտեին շատավածները որոնք անտառակներու մեջ կը բնակին և փույթ չեն ըներ զիրենք պաշտողները:

Երեսը արևին դարձուց ու ճամբա ինկավ, քայլելով՝ առանց տրե-

խի՝ ինչպես սուրբերը զորս տեսած էր, ու մեջքեն անցուցած կաշեպարկ մը ու թրծուն կավի սափորիկ մը:

Մինչ պողոտային կ'անցնեն, ինքը լեցուն էր այն հրճվանքով որ Աստուծո կատարյալ ճանաչողութենեն կը բխի, և անդադար Անոր գովքը կ'ընեն: Ժամանակ մը վերջ հասավ օտար երկիր մը՝ ուր բազմաթիվ աստայններ կային:

Տասնըմեկ աստայններն անցավ: Այդ քաղաքներեն մեկ քանին հովիտներու մեջ էին, ուրիշներ մեծ գետերու ափունքը և ուրիշներ՝ բլուրներու վրա: Յուրաքանչյուր քաղաքի մեջ զինքը սիրող ու իրեն հետևող աշակերտ մը գտավ, ու նաև ամենմեկ քաղաքի ամբոխ մը կը հետևեր իրեն, և Աստուծո գիտութունը կը տարածվեր բովանդակ երկրին մեջ: շատ մը իշխաններ դավանափոխ եղան, ու քուրմերը այն տաճարներուն, ուր կուռքեր կային՝ տեսան թե իրենց շահուն կեսը կորսված էր, և երբ միջօրէին իրենց թմբուկները կը զարնեին, հազվագյուտ հավատավորներն զատ ոչ ոք կու գար սիրամարգներով և ուտեստի ընծաներով՝ ինչպես սովորութիւն էր անոր գալին առաջ:

Եվ սակայն քանի՞ ժողովուրդը իրեն կը հետևեր ու քանի կը սովորանար իր աշակերտներուն թիվը, այնքան ալ իր ցածը կ'աճեր, և անիկա չէր գիտեր, թե ինչո՞ւ իր վիշտը այնքան մեծ էր: Որովհետև միշտ Աստուծո վրա կը խոսեր, ներշնչվելով կատարյալ աստվածգիտութեան այն լիութենեն՝ զոր Աստված տված էր իրեն:

Իրիկուն մը դուրս ելավ տասնըմեկերորդ քաղաքին, և իր աշակերտներն ու մեծ բազմութիւն մը իրեն կը հետևեին. լերան մը վրա ելավ ու հոն ժայռի մը վրա նստավ, և իր աշակերտները շուրջը հավաքվեցան, ու բազմութիւնը ծնրադրեց հովիտին մեջ:

Գլուխը երկու ափին մեջ առավ ու լացավ. և ըսավ իր Հոգիին.— Ինչո՞ւ ցավով ու երկյուզով լեցուն եմ, և ինչո՞ւ իմ աշակերտներես անձնյորը միջօրէի արևին պայծառութեանը մեջ քալող թշնամի մըն է:

Եվ իր Հոգին պատասխանեց.— Աստված քեզ լեցուց իր կատարյալ գիտութիւնով, և դուն այդ գիտութիւնը ուրիշներուն հանձնեցիր. մեծագույն մարգարիտը բաժնեցիր և անկար հանդերձանքը բզբտեցիր: Այն որ իր անեցած իմաստութիւնը ուրիշին կու տա, ինքը բացը կը մնա. անիկա իր գանձը ավազակին տվողին կը նմանի: Միթե Աստված քենն ավելի մաստուն չէ. ո՞վ էս դուն որ ուրիշին տաս Աստուծո քեզի վատահած գաղտնիքը: Ատենոք հարուստ էի, ու դուն զիս աղքատացուցիր: Երբեմն Աստված կը տեսնեի, և հիմակ դուն զայն ինձմե ծածկեցիր:

Վերստին չալ սկսավ, քանզի գիտեր թե իր Հոգին ճշմարտութիւնը

կ'ըսեր իրեն և թե ինք կը նմաներ մեկուն, որ Աստուծո հանդերձին կը պլլվի՝ և որուն հավատքը զինքը կը թողու՝ քանի Աստուծո վրա հավատացողները շատնան:

Եվ ըսավ ինքնիրեն.— Ա՛լ Աստուծո վրա պիտի շխտիմ. այն որ իր իմաստութիւնը ուրիշին կու տա, ինքը բացը կը մնա:

Քանի մը ժամ անցնելի վերջ իր աշակերտները եկան իրեն, երկըրպագեցին ու ըսին.— Տե՛ր, Աստուծո վրա խոսե մեզի, որովհետև դուն կատարելապես կը ճանչնաս զայն, ու քենն զատ ոչ ոք ունի այդ ճանաչողութիւնը:

Անիկա պատասխանեց.— Կը խոսիմ ձեզի Երկրի ու Երկինքի մեջ գտնվող բոլոր բաներուն վրա, բայց ձեզի Աստուծո մասին չեմ խոսիր: Բարկացան անոնք ու ըսին.— Մեզի անապատը բերիր՝ որպեսզի կարենանք քեզ լսել. անթի՛ր՝ ետ պիտի խրկես մեզ ու մեծ բազմութիւնը զոր ետևեդ ձգեցիր:

Անիկա պատասխանեց.— Չպիտի խոսիմ ձեզի Աստուծո վրա:

Ամբոխը տրտնջաց, ըսելով.— Մեզ անապատը առաջնորդեցիր և մեզի ոչ մեկ սնունդ տվիր: Աստուծո վրա խոսե մեզի, և այդ բանը կը բավի:

Բայց անիկա բա՛ն մը շպտապատասխանեց անոնց, քանզի գիտեր թե երբ անոնց Աստուծո վրա խոսեր, իր գանձին պիտի կապտվեր: Եվ իր աշակերտները տխրութեամբ հեռացան, ու ժողովուրդին բազմութիւնը իր բնակութիւնը դարձավ: Շատերը ճամբան մեռան:

Երբոր մինակ մնաց, ոտքի ելավ և դեմքը լուսնին դարձուցած ճամբորդեց յոթը ամիս, ոչ ոքի խոսելով ու ոչ ոքի պատասխանելով. յոթներորդ ամսուն վերջերը հասավ այն անապատը՝ որ Մեծ Գետին անապատն է: Քարայր մը գտնելով ուր Հուշկապարիկ մը բնակած էր ատեպատն է: Քարայր մը գտնելով ու վրան հանգչելու համար եղեգե անկողին նոք, զայն բնակարան ըրավ ու վրան հանգչելու համար եղեգե անկողին մը շինեց ու եղավ ձգնավոր: Եվ ամենմեկ ժամ ձգնավորը Աստված կը գովեր, անոր համար որ անիկա թույլ տված էր իրեն պահել անոր և անոր հրաշալի մեծութեան մասին քիչ մը ծանոթութիւն:

Արդ, իրիկուն մը երբ ձգնավորը նստած էր քարայրի առջին՝ զոր բնակարան ընտրած էր, շարաբարո երիտասարդ մը տեսավ, որ շատ գեղեցիկ դեմք մը ուներ և որ կ'անցնենք բարակ հագուստով, ձեռքերը պարապ: Ամեն իրիկուն, ձեռքը պարապ, երիտասարդը անցավ և ամեն ամառու վերադարձով, ձեռքերը ծիրանիով ու մարգարիտներով լեցուն. որովհետև ավազակ մըն էր անիկա՝ որ վաճառականներու կարավանները կը կողոպտեր:

Ու ձգնավորը դիտեց զայն ու զթաց անոր վրա: Բայց բան մը չըսավ. որովհետև դիտեր թե ով որ կը խոսի, հավատքը կը կորսնցնէ:

Աստու մը, երիտասարդը երբ կը վերադառնար, ձեռքերը ծիրանիով ու մարգարիտներով լեցուն, կանգ առավ, հոնքերը պստեց, ոտքը ավազին զարկավ ու ըսավ ձգնավորին.— Ինչո՞ւ անցած պահուս ինձի այդ կերպով կը նայիս: Ի՞նչ է ան զոր աչքերուդ մեջ կը տեսնեմ, որովհետև ոչ մեկ մարդ ինձի այդ կերպով նայած չէ, և այդ բանը ինձի համար փուշ է ու տաղտուկ:

Ձգնավորը պատասխանեց.— Իմ աչքերուս մեջ տեսածդ գութն է: Գո՞ւթն է որ իմ աչքերուս մեջն քեզի կը նայի:

Երիտասարդը արհամարհոտ քրքիչ մը արձակեց ու դառն շեշտով մը ըսավ ձգնավորին.— Ես ծիրանի ու մարգարիտներ ունիմ ձեռքերուս մեջ, և դուն միջը հանգչելու համար եղեգե անկողին մը լոկ ունիս: Դուն ի՞նչ գութ կրնաս ունենալ իմ մասին. և ի՞նչ պատճառով ունենայիր այդ գութը:

— Կը զթամ քու վրադ, ըսավ ձգնավորը, որովհետև Աստուծո գիտությունը չունիս:

— Այդ գիտությունը թանկագին բան մըն է, հարցուց երիտասարդը, քարայրին մինչև մուտքը հառաջանալով:

— Անիկա ավելի թանկագին է քան աշխարհի բոլոր ծիրանին ու մարգարիտները, պատասխանեց ձգնավորը:

— Ու դուն ունի՞ս զայն, հարցուց ավազակը, ա՛լ ավելի հառաջանալով:

— Ատենոք, հապա՛, պատասխանեց ձգնավորը. Աստուծո կատարյալ ծանոթությունը ունեի: Բայց, իմ անմտութենես, ինձմե հանեցի ուրիշներուն ցովեցի զայն: Եվ սակայն, նույն իսկ հիմա, ինչ որ կը մնա ինձի այդ ծանոթութենեն, ինձի համար ավելի՞ թանկագին է քան ծիրանին ու մարգարիտները:

Երբ երիտասարդը հելուզակը ասիկա լսեց, ձեռքը գտնված ծիրանին ու մարգարիտները նետեց ու պողպատե կորածայր թուր մը քաշելով ըսավ ձգնավորին.— Տո՛ւր ինձի անմիջապես այդ Աստուծո գիտությունը՝ զոր ունիս, եթե ոչ անկասկած քեզ կսպաննեմ: Ինչո՞ւ չպիտի մեռցնեմ մեկը՝ որ իմինես ավելի մեծ գանձ մը ունի ձեռքի տակ:

Ձգնավորը թևերը բացավ ու ըսավ.— Ինձի համար լավագույն չպիտի՞ ըլլար մինչև Աստուծո արքայության սահմանները երթալ ու գովաբանել զինքը, քան աշխարհի մեջ ապրիլ անոր գիտութենեն զրկված: Մեռցո՛ւր զիս, եթե այդ է փափաքդ. բայց ես քեզի պիտի շտամ աստվածգիտությունս:

Երիտասարդ ավազակը ծնրադրեց ու թախանձեց, բայց ձգնավորը չուզեց անոր խոսիլ Աստուծո վրա, ոչ ալ անոր տալ ուզեց իր գանձը: Երիտասարդը ոտքի ելավ ու ըսավ ձգնավորին.

— Թո՛ղ ուզածիդ պես ըլլա: Գալով ինձի, ես Յոթը Մեղքերուն քաղաքը պիտի երթամ, որ ասկե քալելով երեք օր մինակ հեռու է, և իմ ծիրանիիս փոխարեն հաճույքներ պիտի տան ինձի, ու մարգարիտներուս տեղ զըոսանքներ պիտի ծախեն:

Եվ ծիրանին ու մարգարիտները ժողվելով արագորեն հեռացավ: Ձգնավորը զայն կանչեց ու թախանձագին հետևեցավ անոր: Երեք օրվան միջոցին, ճամբան բռնեց զնաց երիտասարդ ավազակին ետևեն, հորդորելով որ ետ դառնա ու Յոթը Մեղքերու քաղաքը չմտնէ:

Ատեն ատեն երիտասարդը ձգնավորին կը դառնար, կը կանչեր զայն ու կ'ըսեր.— Կ'ուզե՞ս տալ ինձի Աստուծո այդ գիտությունը՝ որ ծիրանին ու մարգարիտներեն ավելի թանկագին է: Եթե կ'ուզես տալ զայն ինձի, քաղաքը չեմ մտներ:

Եվ միշտ ձգնավորը կը պատասխաներ.— Կու տամ քեզի ինչ որ ունիմ, այդ միակ բանեն զատ: Որովհետև զայն քեզի տալ թույլատրված չէ ինձի:

Ու երրորդ օրվան վերջալույսին, Յոթը Մեղքերու քաղաքին ծիրանեգույն մեծ դուռներուն մոտեցան:

Ու քաղաքեն մեծ հաճույքի մը աղմուկը կու գար, որուն հանդեպ երիտասարդ ավազակն ալ ուրախացավ ու ձեռքը վեր առավ դուռը զարնելու համար:

Այս վայրկյանին, ձգնավորը առաջ վազեց, երիտասարդին քղանցքեն քաշեց ու ըսավ անոր.

— Երկաթե՛ ձեռքերդ ու բազուկներդ վզի՛ս անցուր. ականջդ լավ մը շրթունքներուս դիր, ու քեզի պիտի տամ ինչ որ կը մնա ինձի Աստուծո գիտութենեն:

Երիտասարդը կեցավ: Եվ երբ ձգնավորը տվավ իր աստվածգիտությունը, հողին վրա կքեցավ ու լացավ, ու մեծ խավար մը իր աչքերեն ծածկեց քաղաքն ու ավազակը, այնպես որ ա՛լ չտեսավ զանոնք:

Մինչդեռ հոն կը մնար արտասովազին, զգաց որ մեկը իր քովը ոտքի կեցած էր. արույրե ոտքեր ու բարակ բուրդի պես մազեր ունեի ան: Եվ անիկա վեր վերցուց ձգնավորը և ըսավ անոր: Մինչև այսօր Աստուծո կատարյալ գիտությունը ունեիր. հիմակ Աստուծո կատարյալ սերը պիտի ունենաս: Ինչո՞ւ ուրեմն կու լաս:

Եվ համբուրեց զայն:

ԾԱՆՈԹԱԳՐՈՒԹՅՈՒՆՆԵՐ

Միսաք Մեծարենցի՝ մեզ հասած բանաստեղծական ժառանգությունը կազմված է «Բարախումներ», «Միածան», «Նոր տաղեր» ժողովածուներից և տարրեր ասրիների հեղինակած 46 քերթվածներից:

«ԱՄԱՍԻԱ»

Փողովածուն Մեծարենցը կազմել է Կ. Պոլիս տեղափոխվելուց հետո և 1903-ի գարնանը հանձնել է Կեդրոնական վարժարանում իր հայերենի ուսուցիչ, հրապարակախոս ու բանասեր Հրանտ Ասատրիան (1862—1928): Հեղինակը ժողովածուից տպագրության է հանձնել երկու բանաստեղծություն:

Հիշատակը — գրված է ուսուցիչ և բանաստեղծ Կարյուն (Սարգիս) Մկրտչյանի (1866—1892) մահվան տասներորդ տարեկիցի առթիվով:

Փունջերը — տպագրվել է՝ «Հանրագիտակ», հանդես, Կ. Պ., 1903, մարտի 10, թիվ 10, էջ 214: Ստորագրությունը՝ Մ. Մեծատուրյան: Չոնված է մանկավարժ, բանաստեղծ ու հրապարակագիր Գրիգոր Շահինյանին (1876—1902): Մեծարենցի տպագիր առաջին ստեղծագործությունն է:

Առևտուրը — տպագրվել է՝ «Հանրագիտակ», 1903, հուլիսի 12, թիվ 28, էջ 579: Ստորագրությունը՝ Միսաք Մեծատուրյան:

Անդամ — բանաստեղծության մեջ հիշատակված Կապույտ-Բուրբ բլուր է Անտարենցի ծննդավայրում:

«ՄԻԱԾԱՆ»

Փողովածուն, «Ռսկի արվիչի տակ» խորագրով Մեծարենցը մտադրվել էր հրատարակել 1906-ին Վահրամ Թաթուրի «Լուսնի տակ երգեր» շարքի հետ՝ միևնույն զբոսայգում: Գրաքննությունը արգելեց այդ հատորիկի տպագրությունը, և բանաստեղծը հարկադրված եղավ հրատարակության ներկայացնել առանձին ժողովածու՝ «Միածան» վերնագրով: Զանազան պատճառներով գրությունը տպագրությունը ձգձգեց և լույս տեսավ 1907-ի մայիսի կեսերին: «Միածանը» իր վրա բեկոնց ժամանակի գրական քննադատության ուշադրությունը և առաջ բերեց կրքոտ վեճեր:

Կայծակ — տպագրվել է՝ «Մասիս», հանդես, Կ. Պ., 1905, սեպտեմբերի 10, թիվ 28, էջ 444:

Քրքուններ — առաջին անգամ տպագրվել է՝ «Մաղիկ», հանդես, Կ. Պ., 1903, ապրիլի 19, թիվ 12, էջ 140: Ստորագրությունը՝ Միսաք Մեծատուրյան: Երկրորդ անգամ հրատարակվել է՝ «Մասիս», 1905, սեպտեմբերի 10, թիվ 28, էջ 444: Մեծարենցը կանացի կեղծանուն է ընտրել՝ տուրք տալով ժամանակի գրականության մեջ տարածված սովորությունը:

Ցայգանվազ — «Սեռենատ» վերնագրով տպագրվել է՝ «Մասիս», 1904, հոկտեմբերի 2, թիվ 40, էջ 634: Ստորագրությունը՝ Միսաք Մեծատուրյան:

Երգի պահեր — տպագրվել է՝ «Մասիս», 1905, մարտի 26, թիվ 5, էջ 73: Ստորագրությունը՝ Միսաք Մեծատուրյան:

Մտերմիկ տեսիլներ. — տպագրվել է՝ «Մասիս», 1905, դեկտեմբերի 17, թիվ 37, էջ 59: Զրանիվներ՝ ծերունի արտահայտությամբ ակնարկել է ծննդավայրի անվավոր շրաշաքը:

Յեսթաբներու շուրիճ տակ — տպագրվել է՝ «Մասիս», 1905, մայիսի 21, թիվ 13, էջ 196: Ստորագրությունը՝ Մ. Մ. Մեծատուրյան:

Այգեբզ — տպագրվել է՝ «Մասիս», 1905, ապրիլի 30, թիվ 10, էջ 154: Ստորագրությունը՝ Շավասյ ծիածան: Կոչնակը վաճճին արտահայտությունը վերաբերում է Մեծարենցի ծննդավայրի Քառասուն մանկանց վանքին, որ կառուցված էր Եփրատի ափին: Խոնջ իրիկունն արագուհի... — առաջին անգամ «Սիրո Քափառումներ (Չայնակ)» վերնագրով է Շավասյ ծիածան ստորագրությամբ տպագրվել է՝ «Մաղիկ», 1904, հունիսի 26, թիվ 26, էջ 174, երկրորդ անգամ՝ «Մասիս», 1905, հուլիսի 9, թիվ 20, էջ 314:

Ցեռոտ անդորոսյուններ — տպագրվել է՝ «Մասիս», 1905, մայիսի 28, թիվ 14, էջ 13: Ստորագրությունը՝ Շավասյ Միածան:

Վերադարձի երգ — «Միրեբզ» վերնագրով տպագրվել է՝ «Մասիս», 1904, օգոստոսի 14, թիվ 33, էջ 519: Ստորագրությունը՝ Շավասյ Միածան:

Կիրակմուտօ — տպագրվել է՝ «Մասիս», 1906, մարտի 1, թիվ 1, էջ 7: Բնաբանն անված է Վերջ կիրակմուտից ժամերկից (սևույն զուարթի) շարունակությունը: Քրիստոնեական եկեղեցին շարաթվա առաջին օրը՝ կիրակին, համարում էր Քրիստոսի հարության հիշատակին նվիրված (տերունական) օր: Կիրակիին նախորդած երեկոները նույնպես տոնական էին, աներում խունկ էին ծխում և մոմեր վառում:

Նուպաներ — տպագրվել է՝ «Մասիս» 1905, հունիսի 25, թիվ 18, էջ 284: Հեղինակը այս բանաստեղծությունը տպագրելիս առաջին անգամ գրած է Միսաք Մեծարենց ստորագրությանը, որից այնուհետև չի հրաժարվել:

Տապի ճոզաներ — Կապույտ-գար — տե՛ս «Բարախումներ» ժողովածուի «Անդամ» բանաստեղծության ծանոթագրությունը:

Աշեանային ճեմարյուններ — «Աշեանային խոհեր (Միրեբզ)» վերնագրով տպագրվել է՝ «Մասիս», 1905, նոյեմբերի 26, թիվ 34, էջ 539:

Գարունը կ'ապրեցնե — տպագրվել է՝ «Մասիս», 1904, նոյեմբերի 3, թիվ 44, էջ 698: Ստորագրությունը՝ Շավասյ Միածան:

Սոնետին — տպագրվել է՝ «Մասիս», 1904, դեկտեմբերի 31, թիվ 52, էջ 825: Ստորագրությունը՝ Շավասյ Միածան: Սոնետինը (սոնետինա) կամերային երաժշտության փոքր տեսակ է:

Վայրկյաններ — տպագրվել է՝ «Մասիս», 1904, դեկտեմբերի 24, թիվ 49, էջ 775: Ստորագրությունը՝ Շավասյ ծիածան:

Մերջաղներ — տպագրվել է՝ «Մասիս», 1906, ապրիլի 15, թիվ 8, էջ 115:

Արևին — տպագրվել է՝ «Մասիս», 1906, մարտի 18, թիվ 4, էջ 61:

Միրեբզ — տպագրվել է՝ «Մասիս», 1905, նոյեմբերի 11, թիվ 34, էջ 609:

Ցայգն է պայծառ... — տպագրվել է՝ «Մասիս», 1905, մայիսի 7, թիվ 11, էջ 170—171:

Ստորագրությունը՝ Մ. Մ. Մեծատուրյան:

Իրիկուն Ծայներ — տպագրվել է՝ «Մասիս», 1906, ապրիլի 29, թիվ 10, էջ 151:

Ատուվան արևին մեջ — տպագրվել է՝ «Մասիս», 1906, մայիսի 20, թիվ 13, էջ 206:

- Ժողովածուն լույս է տեսել 1907-ի նոյեմբերի կեսերին և «Միածանի» նման, գրական քննադատության մեջ դարձել վիճարանությունների առարկա:
- Ջալալեհ դարձիհ — տպագրվել է՝ «Մասիս», 1906, հունիսի 3, թիվ 15, էջ 227:
- Անգարա — տպագրվել է՝ «Մասիս», 1906, հուլիսի 22, թիվ 19, էջ 291:
- Ջրուռ — տպագրվել է՝ «Մասիս», 1906, օգոստոսի 5, թիվ 21, էջ 323: Աստվածամայրն է կայներ — Եկատի ունի հայրենի գյուղի Աստվածամոր եկեղեցին:
- Աստվածամայր — «Աստվածամայր, աստվածամայր» խորագրով տպագրվել է՝ «Մասիս», 1906, օգոստոսի 19, թիվ 23, էջ 306: Բնարանն առնված է Գրիգոր Նարեկացու «Մատենան ողբերգութեան» պոեմից (բան 2, գ): Մրբության կույսը — խոսքը Մարիամ Աստվածածնի մասին է, որն ըստ Նոր կտակարանի լինելով կույս, ծնեց Հիսուս Քրիստոսին:
- Մեկնոց — արձակ տարբերակը հավանաբար տպագրվել է Կ. Պոլսի «Սուրհանդակ» թերթում, ապա արտատպվել՝ «Գեղարվեստ» հանդես, Թիֆլիս, 1908, № 2, էջ 65:
- Դամասկյան վարդը պատատվող կամ հյուսվող նուրբ վարդի տեսակ է, որ իր անունն ստացել է Սիրիայի Դամասկոս քաղաքից: Ամեն մեկնոցի — քրիստոնեական եկեղեցին մեկնոցի (գերեզմանատուն այցելելու և հանգուցյալների գերեզմանն օրհնելու) օրեր էր համարում ծննդյան, Ձատիկի (Հարություն), Վարդավառի, Վերափոխման (Համբարձման) և Խաչվերաց (խաչի վերացման) տոներին հաջորդող օրերը:
- Անանուն — տպագրվել է՝ «Մասիս», 1906, հունիսի 3, թիվ 15, էջ 227: Վահրամ Թաթուլը բանաստեղծության գրության շարժառիթի մասին վկայել է. «Թոփ Գարու Մեծարենցը տեսնելու գացած էի. առաջարկեց քիչ մը դաշտ բարձրանալ, ճամփանցրենի արտի մը եզերքը պատահամբ ցանկապատի մը տակ պլտիկ ծաղիկ մը գտնելով հարցուց. «Վայրի՞ ծաղիկ, անունդ ի՞նչ է»: Ու քիչ անդին ծունկերու վրա «Անանունը ստեղծագործեց...» («Նավասարդ», հանդես, Բուքրեշ, 1925, պրակ 9, էջ 75):
- Բաղձանք — ձեռնարկ է բանաստեղծ, թարգմանիչ ու քննադատ Արտաշես Հարությունյանին (1873—1915):
- Հավը — առաջին անգամ արձակ ձևով տպագրվել է՝ «Սուրհանդակ», 1906, դեկտեմբերի 2, թիվ 2380, երկրորդ անգամ, չափածոյով՝ «Մասիս», 1907, մարտի 31, թիվ 19, էջ 375:
- Իրիկվան մեջ խորին... — տպագրվել է՝ «Մասիս», 1907, մարտի 17, թիվ 17, էջ 335:
- Իրիկվան իղձ — օրիորդ Նարդիկը, որին ձեռնարկ էր բանաստեղծությունը, գրասենյակում նավորություն էր:
- Իրիկուն — Վահրամ Թաթուլի մասին տե՛ս «Անտիպ բանաստեղծ մը» հոդվածի ծանոթագրությունները:
- Ի՛նչ արքեցույթյամբ... — տպագրվել է՝ «Արևելյան մամուլ», հանդես, Ջմլուռիա, 1907, օգոստոսի 1, թիվ 31, էջ 784—785: Գեղամ Բարսեղյանը (1883—1915), որին ձեռնարկ է քերթվածը, բանաստեղծ էր, արձակագիր ու հրապարակախոս:
- Այս բաժնում ամփոփված են Մեծարենցի՝ ժողովածուներում շամփոփած, «Նոր աղբյուր» հետո հեղինակած, ինչպես նաև ետմահու հայտնաբերված ու հրատարակված բանաստեղծությունները:
- Իրիկվան դեմ — տպագրվել է՝ «Մասիս», 1905, հունիսի 25, թիվ 18, էջ 284:
- Փոշին — ձեռնարկ է արձակագիր, բանաստեղծ և հրապարակախոս Ռուբեն Զարդարյանին (1874—1915):
- Դեղին վարդեր — տպագրվել է՝ «Մաղիկ», 1903, ապրիլի 19, թիվ 12, էջ 140: Ստորագրությունը՝ Սիրահույզ Պերպերյան:
- Հիշատակ (Սիրեբգ) — տպագրվել է՝ «Հանրագիտակ», 1903, ապրիլի 26, թիվ 17, էջ 361: Ստորագրությունը՝ Մ. Կ. Մեծատուրյան:
- Տղու մը մահը — տպագրվել է՝ «Հանրագիտակ», 1903, մայիսի 10, թիվ 19, էջ 396: Ստորագրությունը՝ Մ. Կ. Մեծատուրյան:
- Բաժնված սիրտեր — տպագրվել է՝ «Մասիս», 1903, հունիսի 14, թիվ 24, էջ 377: Ստորագրությունը՝ Միսաք Կ. Մեծատուրյան, Միածան: Բանաստեղծության թիվան իր հայտարարած մրցույթով հայտարարել է «Մասիսի» խմբագրությունը: Մեծարենցը ներկայացրել է ուսն քերթվածը և շահել հինգերորդ մրցանակը:
- Պետրոս Դուրյան — տպագրվել է՝ «Մասիս», 1905, ապրիլի 2, թիվ 6, էջ 94: Ստորագրությունը՝ Շավառյ Միածան:
- Սիրո ուղին — տպագրվել է՝ «Մասիս», 1903, հուլիսի 12, թիվ 28, էջ 444: Ստորագրությունը՝ Մ. Կ. Մեծատուրյան:
- Հիշատակը — տպագրվել է՝ «Մասիս», 1903, սեպտեմբերի 27, թիվ 39, էջ 619: Ստորագրությունը՝ Մ. Կ. Մ.:
- Աչքերդ — տպագրվել է՝ «Հանրագիտակ», 1903, նոյեմբերի 15, թիվ 46, էջ 941: Ստորագրությունը՝ Մ. Կ. Մեծատուրյան:
- Աջնան ծաղիկներ — տպագրվել է՝ «Մասիս», 1904, հունիսի 5, թիվ 23, էջ 365: Ստորագրությունը՝ օր. [խորդ] Ս. [իրանույշ] Պ. [երպերյան]:
- Քուն — տպագրվել է՝ «Մասիս», 1904, հոկտեմբերի 16, թիվ 42, էջ 664: Ստորագրությունը՝ Շավառյ Միածան:
- Եկուր — տպագրվել է՝ «Մասիս», 1904, հուլիսի 24, թիվ 30, էջ 469: Ստորագրությունը՝ Շավառյ Միածան:
- Ցայգերդ — տպագրվել է՝ «Մասիս», 1904, մարտի 20, թիվ 12, էջ 185: Ստորագրությունը՝ Մ. Կ. Մեծատուրյան:
- Երազ օրն — տպագրվել է՝ «Մասիս», 1904, մարտի 20, թիվ 12, էջ 186: Ստորագրությունը՝ օր. Ս. Պ.: Քանթիլենը միջնադարի եվրոպական պոեզիայում բանաստեղծության տեսակ է, որ երգվում էր երաժշտական գործիքների ընկերակցությամբ:
- Սպասում — տպագրվել է՝ «Մասիս», 1904, ապրիլի 2, թիվ 17, էջ 267: Ստորագրությունը՝ Մ. Կ. Մեծատուրյան:
- Իրիկունը — տպագրվել է՝ «Մասիս», 1904, մայիսի 8, թիվ 19, էջ 302: Ստորագրությունը՝ օր. Ս. Պ.:
- Ա՛ն իմ սի՛րտս է... — տպագրվել է՝ «Մասիս», 1904, նոյեմբերի 19, թիվ 46, էջ 732: Ստորագրությունը՝ Շավառյ Միածան: Տավիղը եվրոպական — հունական դիցաբանում է՛րը (եվրո) քամիների տիրակալն էր, որի տավիղի լարերը արևածագի ծամանակ հնչում էին ամենաթևեթև քամուց իսկ:

Ազեցաբեմ — տպագրվել է՝ «Մասիս», 1905, մարտի 12, թիվ 3, էջ 44: Ստորագրու-
թյունը՝ Եվաթայ Միսաճան:
Միսաճան Ենթյաններ — «Գրկերնդիսանուն» վերնագրով և Եվաթայ Միսաճան ստորագրու-
թյամբ առաջին անգամ տպագրվել է՝ «Մաղիկ», 1904, հունիսի 26, թիվ 26, էջ
174, երկրորդ անգամ՝ «Մասիս», 1905, դեկտեմբերի 10, թիվ 5, էջ 64:
Հոգեհանգիստ — տպագրվել է՝ «Արևելյան մամուլ», 1907, դեկտեմբերի 5, թիվ 49,
էջ 1216:
Կազը, Խուլը, Համը — տպագրվել են՝ «Տարեցույց Նշան Պապիկյան», Կ. Պ., 1908,
էջ 185—186:
Ատուն — տպագրվել է՝ «Արևելյան մամուլ», 1907, հոկտեմբերի 31, թիվ 44, էջ
1092: Հեղինակը մտադիր է եղել քերթվածը զետեղել «Նոր տաղերի» «Ըլլայի»,
ըլլայի» շարքում, բայց ինչ-ինչ պատճառով դուրս է մնացել:
Քղբիկը — տպագրվել է՝ «Արևելյան մամուլ», 1907, նոյեմբերի 7, թիվ 45, էջ 1126:
Տա՛ր ինձի, Տեր... — տպագրվել է՝ «Լույս», հանդես, Կ. Պ., 1908, հունվարի 1, թիվ 1,
էջ 22: «Հայր մեր» — տերունական աղոթք, որը ըստ քրիստոնեական եկեղեցու,
արտասանվել է Հիսուսի շրթերով և որի իմացությունը պարտադիր էր յուրաքանչյուր
քրիստոնյայի: Դուրյան Սրբազանի մասին տես «Նղիշե եպիսկ. Դուրյան» հոգ-
վածի ծանոթագրությունները:
Մանիշակ ու մամառ — տպագրվել է՝ «Մաղիկ տղոց», հանդես, Կ. Պ., 1908, հունվարի
3, թիվ 34, էջ 418:
«Սենյալիզմը» — տպագրվել է՝ «Լույս», 1908, հունվարի 26, թիվ 5, էջ 150—152: Ստո-
րագրությունը՝ ճշգրիտ: Բանաստեղծության մեջ Սենյանցի անդրադարձել է «Միա-
ժան» և «Նոր տաղեր» ժողովածուների մասին արտահայտված կարծիքներին: Գրու-
թյան շարժանքը «Լույսում» տպագրված Ալիբալանի (Ալեքսանդր Փանոսյան,
1859—1919) «Քննադատը. Անկեղծություն» երգիծական ոտանավորն է, որտեղ նա
պատմում էր իր գրական մուտքի և բանաստեղծական անդրանիկ ժողովածուի նկատ-
մամբ քննադատության վերաբերմունքի մասին: Սենյանցի բանաստեղծության մեջ
կեղծանուններով հանդես են բերված ժամանակի գրական մի շարք դեմքեր. Դավիթ
Կուլան — անհայտ, Առյուծ Ալիյան — Ալ. Փանոսյան, Մեռեան Բալսամյան — բա-
նաստեղծ, արձակագիր և քննադատ Մերուժան Պարսամյան (1883—1944), Ավանդ
Տերանցյան — ուսուցիչ, հրապարակագիր և քննադատ Երվանդ Տեր-Անդրեասյան
(1865—?), Նովիկ Աման — խմբագիր, հրապարակախոս ու արձակագիր Ենոք
Արմեն (1882—1968), Անկուպ Քարակոպի — բանաստեղծ և հրապարակագիր Հա-
կոթ Տեր-Հակոբյան (1881—1960), Դրանիկ Ճրագ — բանաստեղծ և արձակագիր
Տերան Զրաբյան (Ինտրա, 1875—1921), Շանաեչ Եկուրյան — բանաստեղծ, ար-
ձակագիր, քննադատ ու արվեստարան Տիգրան Զյոկյուրյան (1884—1915), Քազմուր
Ջատիկյան — Արտաշես Հարությունյան (տե՛ս «Նոր տաղերի», «Քաղձանք» բա-
նաստեղծության ծանոթագրությունը), Օհան Ազատկիցի — ուսուցիչ, լեզվաբան ու
գրականագետ Հովհաննես Գազանճյան (1870—1915), Երամ Տեռաճյան — հրա-
պարակախոս, արձակագիր և խմբագիր Արամ Անտոնյան (1881—1962), որի առա-
ջարանով լույս է տեսել «Միաժանը», Զանդիկ Քոչյան — հրապարակախոս և խմբա-
գիր Բյուզանդ Քելյան (1859—1927), Եղյամ Պատեղյան — Գեղամ Բարսեղյան
(տե՛ս «Նոր տաղերի», «Ի՛նչ արբեցությամբ» բանաստեղծության ծանոթագրու-
նքը), Եղառազ Արփիյան — հրապարակախոս ու խմբագիր Տիգրան Արփիարյան
(1854—1914), Զատիկ Արզազիր — բանասեր ու պատմաբան Հարություն Մրմրյան

(1860—1926), Կիստրա Փաթեթյան — Փայլակ (տե՛ս «Հետամնաց բարեկենդան»
հոդվածի ծանոթագրությունները): Բանաստեղծությունում հիշատակված Զազմագ-
ճրյալը փողոց է հին Պոլսում, ուր գտնվում էին նաև գրավաճառանոցները, Սելյաճը
Ցելյանն է:
Միրեզ — տպագրվել է՝ «Արևելյան մամուլ», 1908, փետրվարի 27, թիվ 9, էջ 211:
«Ջարթի՛ք, փառք իմ, զարթի՛ք» — օգտագործված է Ներսես Շնորհալու «Երգ ի
պաշտման գիշերույց» սաղմոսի սկզբաբաժնի:
Միտք ու բնություն — տպագրվել է՝ «Լույս», 1908, մարտի 18, թիվ 12, էջ 407:
Իրիկեակերչ — տպագրվել է՝ «Արևելյան մամուլ», 1908, մարտի 18, թիվ 12, էջ 272:
Միրեզ — տպագրվել է՝ «Արևելյան մամուլ», 1908, ապրիլի 1, թիվ 14, էջ 318: Հեղի-
նակի կենդանության օրոք հրատարակված վերջին ստեղծագործությունն է:

ԱՐՁԱԿ ԷՋԵՐ

Ցայգային — տպագրվել է՝ «Մասիս», 1905, հունիսի 11, թիվ 16, էջ 254: Ստորագրու-
թյունը՝ Մ. Կ. Մեծատուրյան:
Ցայգանվագ — տպագրվել է՝ «Բյուզանդիոն», օրաթերթ, Կ. Պ., 1905, հունվարի 8,
թիվ 2529: Ստորագրությունը՝ Եվաթայ Միսաճան:
Հատվածիկներ — տպագրվել է՝ «Մասիս», 1905, ապրիլի 16, թիվ 8, էջ 120: Ստորա-
գրությունը՝ Եվաթայ Միսաճան:
Ջրին ծառ — տպագրվել է՝ «Սուրհանդակ», 1906, օգոստոսի 5, թիվ 2278:
Որքին տե՛րեր — տպագրվել է՝ «Սուրհանդակ», 1906, օգոստոսի 26, թիվ 2296:
Աչներգ — տպագրվել է՝ «Սուրհանդակ», 1906, սեպտեմբերի 16, թիվ 2314:
Տեղերին երգը — Տպագրվել է՝ «Սուրհանդակ», 1906, սեպտեմբերի 30, թիվ 2326:
Ատուն — տպագրվել է՝ «Սուրհանդակ», 1906, դեկտեմբերի 2, թիվ 2380:
Մեծմայրիկը — տպագրվել է՝ «Մանզումեի էֆթյար», լրագիր, Կ. Պ., 1907, օգոստոսի
11, թիվ 1888:
Այս իրիկուն... — տպագրվել է՝ «Փունջ», հանդես, Կ. Պ., 1908, հունվարի 1, թիվ 16—
17, էջ 261—263:
Ձեռքեր — տպագրվել է՝ «Մաղիկ», հանդես, «Կազանդեք», բացառիկ, Կ. Պ., 1908,
հունվարի 1, էջ 48—50:

ՀՈՂՎԱՄՆԵՐ

Եղիշե եպիսկ. Դուրյան — տպագրվել է՝ «Մասիս», 1905, ապրիլի 9, թիվ 7, էջ 101—
103: Ստորագրությունը՝ Եվաթայ Միսաճան: Հոդվածում ուղղագծվում է Պետրոս
Դուրյանի եղբոր՝ հոգևորական գործիչ, բանասեր ու պատմաբան Եղիշե (Միհրան)
Դուրյանի (1860—1930) գրական դիմանկարը: Սկսած 1904-ից Ե. Դուրյանը մա-
մուլում տպագրել է կրոնական քերթվածներ, որոնցից մի քանիսը քննության է
առել Սենյանցի:
Գ. Ջոհրայ — տպագրվել է՝ «Մասիս», 1905, մայիսի 14, թիվ 12, էջ 188—190: Ստո-
րագրությունը՝ Եվաթայ Միսաճան: Հոդվածում բնութագրված է նովելիստ ու հրա-
պարակագիր Գրիգոր Ջոհրայի (1861—1915) բանաստեղծական հիմնական ժա-
նանգրությունը. 1899—1902 թթ. Ջոհրայը հրատարակել է ինը քերթված, որոն-
ցից Մեծարևնյա քննության է առել վեցը («Համակերպություն», «Շարքում», «Նար-
ցից Մեծարևնյա քննության է առել վեցը»

- կրկն», «Ձատի առթիվ», «Վառարանը», «Անձանոթը»): Սրանցից բացի հողվածում մեջբերումներ են կատարված Ջոհրայի «Վերագործը» նորավեպից, «Ապրիմ-մեռ-նիմ» արձակ թերթվածից և «Ռեթեոս Պերպերյան» գրական դիմանկարից:
- Իհնադատության փորձ մը «Միածան»ին առիթով — 1906-ի մայիսի վերջերին, «Միածանը» հանձնելով հրատարակության, Մեծարենցը գրել է սույն հողվածը՝ հույս ունենալով, որ «Քերես նոր կողմնալույսեր կարենա սփռել մութ անկյունե-րու մեջ»: Ինչ-ինչ պատճառներով մնացել է անտիպ, հրատարակվել է 1932-ին:
- 1 Ինտրայի պարագան — նկատի ունի 1906-ի նոյեմբեր-դեկտեմբերին հրատարակված Ինտրայի «Ներաշխարհ» իր հեղինակին դիտված» հողվածը:
- 2 Բիելյան ... Արածանի — Բիելյանը գտնվում է Մեծ Հայքում, Եփրատ գետի վտակ Արածանիի (Արևելյան Եփրատ) ձախ ափին:
- 3 «Անջանե» — Մ. Պարսամյանի բանաստեղծությունների անդրանիկ ժողովածուն (Կ. Պ., 1904): «Մաքիե երկվորյալ» արտահայտությանը ակնարկված է սույն բա-նաստեղծի «Պատրանքի ծաղիկներ» նոր ժողովածուն (Կ. Պ., 1907):
- 4 Գոյանյան ղև ոչ տրցակա... — խոսքը էդուարդ Գոյանյանի (1880—1957) մասին է, որի բանաստեղծությունները առանձին գրքույկով («Արևելքի ծաղիկներ») հրա-տարակվեցին 1910-ին միայն:
- 5 «Մրմուռ» ... «Հիշատակաց ծաղիկներ» — առաջինը Վահան Մալեյանի (1871—1967) ժողովածուն է (Կ. Պ., 1890), երկրորդը՝ (Կ. Պ., 1893) Ռուբեն Որբերյանինը (1874—1931): Երկու հեղինակներն էլ հետագայում, 1900-ին, հրատարակորեն զըժ-գոհել են իրենց առաջին ժողովածուներից:
- 6 Սե-ժարժ տը Պուլիե — ֆրանսիացի բանաստեղծ, արձակագիր ու թատերգակ Ստե-ֆան ժորժ դը Բուլիե-Լեպլիտեն (1876—1947) նատյուրիզմի (Մեծարենցի ար-տահայտությանը՝ բնութենապաշտության) գրական ուղղության հիմնադիրներից է:
- 7 Քենադատ մը — նկատի ունի բանաստեղծ Վահան Թեքեյանին (1878—1945), որը Մեծարենցի նշած դիտողությունը արել է Ալեքսանդրիայի «Շիրակ» հանդեսում (1905, թիվ 1):
- 8 Վեդյե Պոլ (1844—1896) — ֆրանսիացի սիմվոլիստ բանաստեղծ:
- 9 Ուրիշ քենադատ մը — խոսքը միսիթարյան բանասեր ու բանաստեղծ Կարապետ Տեր-Սահակյանի (1882—1915) մասին է, որը Մեծարենցի բանաստեղծության մասին իր կարծիքը հայտնել է 1905-ի նոյեմբերին «Բազմավեպ» հանդեսում:
- Անտիպ բանաստեղծ մը — սույն հողվածի է՝ «Արևելյան մամուլ», առաջին եռամսյա հա-վելված, էջ 92—99: Հողվածը նվիրված է Կեղրոնական վարժարանում Մեծարենցի դասընկեր Վահրամ Թաթուլի (1887—1943) «Նուսնի տակ երգեր» բանաստեղծա-կան շարքի քննադատությանը (տե՛ս «Միածանի» ծանոթագրություններ): Համոզ-վելով, որ ընկերոջ թերթվածներին վիճակված չէ առանձին գրքույկով լույս տեսնել, Մեծարենցը որոշել է դրանք ներկայացնել հասարակայնությանը:
- 1 Մալամե Ստեֆան (1842—1898) — ֆրանսիացի սիմվոլիստ բանաստեղծ:
- 2 Ռանտել — բանաստեղծության տակ, որ ունի ինքնատիպ հանգավորում:
- Քենադատությունը — սույն հողվածի է՝ «Մանգուսի էֆրյար», 1907, հունիսի 16, թիվ 1840: Գրված է Տիգրան Զյուլուրյանի «Միածան», Միաք Մեծարենցի» գրախոսու-թյան և դրա կցված նույն Արմենի ծանոթագրության («Մասիս», 1907, հունիսի 9, թիվ 28—29, էջ 581—583) առիթով:
- 1 Հրատարակչին մատնանշումին... — ակնարկը վերաբերում է իր «Ինքնադատության

- փորձ մը «Միածանին» առիթով» հողվածին, որ հեղինակը մտադիր էր հրատարակել:
- 2 Գեղարվեստական խնդիր դարձած է... — Ե. Արմենը, որ 1906-ի դեկտեմբերից «Մա-սիս» խմբագիրն էր, ապրիլի 7-ին ընթերցողներին հայտնել էր, թե նորաստեղծ «Մասիս» Մատենադարան» շարքով հրատարակելու է Մեծարենցի «Միածանը», «Մասիս»-ի հետ զեղարվեստական խնդրի մը մասին անհամաձայնության պատ-րենցի — Ա. Շ.) հետ զեղարվեստական խնդրի մը մասին անհամաձայնության պատ-ճառով նախընտրեցինք Մատենադարանին շեղել անոր («Միածանի» — Ա. Շ.) հրա-տարակությունը:
- 3 Միպի (Չապել Ասատուր, 1863—1934) — բանաստեղծ, արձակագիր:
- 4 Կեղարված անունի — ակնարկում է այն, որ Մերուժան Պարսամյանը սկզբնապես իր շափածո և արձակ ստեղծագործությունները տպագրել է՝ թարգմանվելով Մառի Հովհան-նիսյան կեղծանվան տակ:
- Նախկինցին նետ — սույն հողվածի է՝ «Նույս», 1908, հունվարի 19, թիվ 4, էջ 133—137:
- 1 Անջե մտեհի — համաձայն Աստվածաշնչի, երբ Մովսեսը հոտ էր արածեցնում ան-պատում, վառվող, բայց անշեջ մորենու միջից նրան հայտնվեց աստվածը:
- Հետամնաց բարեկեցալու — սույն հողվածի է՝ «Բյուզանդիոն», 1908, մարտի 13, թիվ 3488:
- Հողվածը պատասխան է «Նոր տաղերին» նվիրված մի գրախոսականի, որի հեղի-նակն է բանաստեղծ ու արձակագիր Ժակ Սալյապլյան-Փայլակը (1880—1915):
- 1 Էմբրոն (Էմբրոն) Ռալֆ (1803—1882) — անգլիացի արձակագիր, թատերգակ և քննադատ:
- 2 «Էմբրոն» — կնոջ կամ տղամարդու երկար վերնազգեստ:
- 3 Moderne (ֆր.) — նոր, նորագույն, մոդեռն:
- 4 Afficheur (ֆր.) — հայտարարություններ և ազգագրի փակցնող:
- 5 Լեզվական առաքելության փառատեսչիկ ցանկացողներուն — հեղինակն ուղղված է Ե. Արմենի դեմ, որը իր որոշ զեղարվեստական երկեր գրում էր «ապագա աշխար-հ» հարբով:
- 6 Հովհաննու Հայտնություն — նոր կտակարանի գրքերից մեկը, որի հեղինակն է հա-մարվում Հովհաննես առաքյալը, ուր նկարագրվում է նրա տեսիլը:
- 7 Cordon-bleu (ֆր.) — հմուտ խոհարարուհի:
- 8 Լանանյե, ապուխտե, յալանի տոլմասիե — Փայլակի բառերն են: Նշանակում են՝ կաղամբով, ապուխտից, թիվով (պատուց) տոլմա:
- 9 Կը հանձնարարե Գոյանյան մեկ բարեկամի... — էդ. Գոյանյանը Մ. Պարսամյանին «Պատրանքի ծաղիկներ» ժողովածուի առիթով խորհուրդ էր տվել անկեղծ ու ինք-նատիպ գրել չկարողանալու դեպքում կարգալ ու վայելել ուրիշների գրածը («Նույս», 1908, թիվ 9, էջ 309):
- Աղեղ ու կապուր — Մեծարենցը մտադիր է եղել հողվածը տպագրել Սուրեն Համա-զասպ կեղծանվամբ, սակայն մնացել է անտիպ և հրատարակվել է 1934-ին: Ուղղ-ված է նույն Արմենի դեմ:

ՆԱՄԱԿՆԵՐ

Պահպանվել է յոթ նամակ: Սրանցից հինգն ուղղված են Տիգրան և Օֆելյա Գա-սապյան ամուսիններին, մեկը՝ բանաստեղծ Արտաշես Հարությունյանին և վերջինը՝ Վար-դան Ասլանյանին:

Տիրքան Գասապյանը (?—1915) մասնագիտությամբ բժշկ էր, բայց զբաղվում էր գրականությամբ, գրել է բանաստեղծություններ ու հոդվածներ: Օֆիլյա Ներկարյան-Գասապյանը (մ.հ. 1954) բժշկական կրթությունն ստացել էր Ամերիկայում, վերագրվել է Գ. Պոլիս, ուներ գրական հետաքրքրություններ: Գասապյանները Մեծարենցի մտերիմներն էին, հաճախ են այցելել նրան ու ցույց տվել մասնագիտական ու բարոյական օգնություն: Վարդան Ասլանյանը (մ.հ. 1915) Մեծարենցի քրոջ ամուսինն էր, հետաքրքրվել է գրականությամբ, մամուլում հաճախ է հանդես եկել հոդվածներով:

- 1 «Լույս»ի հոդվածը — խոսքը Օ. Ներկարյանի «Հայրի մեջ» հոդվածի («Լույս», 1907, օգոստոսի 25) մասին է, որով հեղինակը հորդորում էր հայ կնոջը աշխատել ու օգտակար լինել հասարակությանը:
- 2 Ատաբազար — հայաշատ քաղաք Թուրքիայի հյուսիս-արևմուտքում, Օ. Ներկարյանի ծննդավայրը: Հաստատվելով Ատաբազարում, Գասապյան ամուսինները Մեծարենցին հրավիրել են իրենց մոտ:
- 3 Պեպի — Օ. Գասապյանի մորեղբոր զավակը:
- 4 Փունջը — Գասապյանները Ատաբազարից Մեծարենցին են ուղարկել թաղարով ծաղիկ:
- 5 «Քափուր» — անուշաբույր մուգ կարմիր վարդ:
- 6 Ջիմառա — գյուղ Սեբաստիայի նահանգում, Եփրատի աջ ափին:
- 7 Քարլայլ (Կարլյլ) Թումա (1795—1881) — անգլիացի հրապարակախոս, պատմաբան, փլիխոփա: էմերսոնի մասին տե՛ս «Հետամնաց բարեկենդան» հոդվածի ծանոթագրություններում:

ԹԱՌԳԱՆՈՒԹՅՈՒՆՆԵՐ ԵՎ ՓՈՒԱԳՐՈՒԹՅՈՒՆՆԵՐ

- Նուսնզ** — տպագրվել է՝ «Մասիս», 1905, մայիսի 7, թիվ 11, էջ 171: Ստորագրությունը՝ Շավասպ Միածան: Ճիճֆրի Չոսրը (Ջեֆրի Չոսեր, 1340—1400) անգլիացի բանաստեղծ է և արձակագիր: Մեծարենցի ծանոթագրության մեջ հիշատակված է Չոսերի «Քենտրբերյան պատմվածքներ» շափածո պատմվածաշարը: Պոզաչիթի Տասնորյակ — նկատի ունի իտալացի գրող Ջիովանի Բոկաչչոյի (1313—1375) «Դեկամերոն» ժողովածուն: Նուսնզ — բանաստեղծության տեսակ, ունի իր տարատեսակներին:
- Ջյունին տակ** (ճամբու պատմվածք) — տպագրվել է՝ «Մասիս», 1906, հուլիսի 15, թիվ 18, էջ 284—288: Մամին-Սիբիրյակը (Մամին Դեբուրի Նասիբաուլի, 1852—1912) ռուս գրող է: Նրա պատմվածքի բուն վերնագիրն է «Խոստովանություն», առաջին անգամ լույս է տեսել 1894-ին Պետերբուրգի «Միր բոժի» ամսագրում: Պատմվածքը 1906-ին ֆրանսերեն թարգմանությամբ հրատարակվել է Փարիզի «Լեմվյու դե ռեվյու» հանդեսում, որտեղից էլ Մեծարենցը կատարել է իր փոխադրությունը:
- Ռեյմեն** — պեյմեն: Souffre-dioeur (ֆր.) — քաղցրահամ նոխազ:
- Պիմի** (Կապիկի մը պատմությունը) — տպագրվել է՝ «Սուրհանդակ», 1905, դեկտեմբերի 23 (1906, հունվարի 5), թիվ 2388: Բրտեարտ Քիպլինգը (Ջոզեֆ Ռեդյարդ Կիպլինգ, 1865—1936) անգլիացի գրող է: Նոր Կիենա — Նոր Գվինեա (Կղզի խաղաղ օվկիանոսում): Ս. Յրանչիսկաս (Յրանցիսկ Ասիդցի) — քարոզիչ, մուրդների օրգանի հիմնադիրը (1182—1226), որին վերագրվել են հրաշագործ հատկություններ:
- Միքո քաղումը** — տպագրվել է՝ «Մասիս», 1907, ապրիլի 21, թիվ 22, էջ 434: Թովմաս Լրվ Փիմոն (Պիկոկ, 1785—1866) անգլիացի բանաստեղծ է, արձակագիր և քննադատ:

- Հայտնական օրոք — տպագրվել է՝ «Մաղիկ տղոց», 1907, մայիսի 26, թիվ 39—40, էջ 20, էոժեն Ֆիլար (Ֆիլդ, 1850—1895) ամերիկյան բանաստեղծ է, հուլիսի է մանկական բանաստեղծություններով:
- Փոքրիկ կապույտ տղան** — տպագրվել է՝ «Մաղիկ տղոց», 1907, հունիսի 30, թիվ 49—50, էջ 80:
- Երկարածից խավային երկիրը, Գառաստանատունը, Իմաստություն սովորեցնողը — հրապարակվել են հոմանուն Հայտնի չէ, թե «Քեյման» որ գրողի հեղինակությունն է: Թափառ Ուայլը (Օսկար Ուայլդ, 1854—1900) անգլիացի արձակագիր է, թատերագույն և քննադատ:

Ալապատր—սպիտակ, թափանցիկ գաշեքար

Ալուցք, ալք—խորուժյուն, խորք, խոր տեղ

Ակաղնուն—լեցուն, լիուլի

Ակատ—փայլուն, գեղեցիկ քար, ազատ

Ակնվանի—լեռնարյուրեղ

Աղբյուս—աղբակույտ

Աղոթկեր—աղաչական

Աղջություն—մթություն

Աղտաղտուկ—աղաշատ, աղի

Աղփուն—տկար, թույլ

Ամբարձուղեղ—բարձրաճուղ

Ամբոս—անուշահոտ բույս

Ամպզուլ—ամպշող

Այծհորան—այծերի հոտ

Այծտերև—բուրավետ թուփ

Անդ (եր)—հանդ (եր)

Անդեորդ—նախրապահ, տավարած

Անդեայիկ—անդրաշխարհի, հանդերձյալ

Անդեոթյուն—մատանջություն, տխրություն

Անկապաշտ—անկումայնության հետևորդ, դեկադենտ

Անկարծ—անսպասելիորեն, հանկարծակի

Անձնյուր—ամեն մեկը

Անվարտի—բացահայտ, մերկապարանոց

Անուշույք—քաղցրավենիք

Աշնաներփել—աշնան գույն տալ

Առածիգ—երկարածիգ, ձգվող

Առիգած—զոզնոց, ծածկոց

Առնավական, առնավոթյուն—պապենական, վաղեմի(ություն), հնություն

Աղաքանի—ասեղով կարելու թել, դերձան

Ասմագուն 1. տե՛ս հիրիկ 2. երկնագույն, կապուտակ

Ավաշ—ծայն, մեղեղի

Ավլուկ—ավլված աղբ

Ավոտ—առավոտ

Ատոք—լի, լեցուն հասկ

Արիշ—խաղողի որթի նեցուկ, խշմար

Արծպա—օճառախոտ

Արմատաբի—արմատապես, հիմնովին

Արևակ—արևաքար, ծիածանիկ

Բադրոն—նստարան

Բազմաստեղ (նյան)—շատ ճյուղեր ունեցող

Բալ—մեզ, մառախուղ, մշուշ

Բալածիգ—մշուշոտ, մշուշի նման ձգված

Բանվանդ—ապարանջան

Բացը մնալ—աղքատանալ, ունեղրկվել

Բնապատում—բնագետ

Բոք (поп)—քահանա

Բուստ—մարջան

Բուրումենեղց—բուրումնալի, բուրավետ

Գաղիշ—դեզ, բարդոց

Գաղձ—մոլախոտ

Գեղոր—գարդ

Գլխիկ—սյունի գլխին հազցրած փայտիկ

Գուլա—բուլա, ծվեն

Գրգլլակ—ցնցոտի

Դաբիր (ա)—սրբարան

Դարիճենիկ—դարչին, կինամոն

Դեղնել—վարանել

Դեղձան—բաց դեղնավուն, խարտաշ

Դերենի—ձախողել, ի դերև հանել

Դեղերուտ—մսեղ, մկանուտ

Դրասանգված—ծաղկազարդված, զարդանկարված

Եկհանիկ—կարմրակատար ճնճղուկ

Եղերդ—դառնահամ արմատով բույս, որ բովելով խառնում են սուրճին

Ետիս—հոտ

Երկվան—կասկածելի, երկբայելի

Երկնուղեղ—երկինք ձգվող ճյուղերով

Երփներփուն—երփներանգներով փոփոխվող

Զակատիլ—բաղձալ, կարոտել

Զամբուլ—իշամեղու

Զանակ—ոսկու և արծաթի կտոր

Զաղփաղփուն—թույլ, տկար

Զարմանունի—զարմացնելու շափ գեղեցիկ կին

Ջրսեցուցիչ—զվարճալի

Ջյումբուլ—զմբուխ

Ջավաք—զովություն

Ջվարբուն—հրեշտակ

Ջզանույշ—հավերճահարս

Ջնգառենի—ոտքի տակ տալ, տրորել

Ջնքաղբել—կոխտեղ, տրորել

Թակաղ—կոշնակի թակ (դուռը բախելու)

Թարշիշ—հակինթ

Թեֆարիգ—անուշահոտ բույս, որից օծանելիք են պատրաստում

Թխմվել—խցկվել

Թմբի—լորենի

Թոշ—թոշնած, թառամած

Թպխախ—խսկ և խեկ, հար և նման

Թռան—շրջազգեստի զարդ

Թարիեղ—նարինջ

Թևնակ—նավակի թի

Ժտել—համարձակվել, հանդգնել

Իգա—վարստեղ

Իրախնդիր—իրական

Լալուն—ողբ, լաց

Լամբակ—պինջակի կրծքակալի վրա թելից սարքած օղակ

Լեյակ—եղրեանի, յասաման

Լիարակ—լիաշրջան, լիովին լուսավորված

Լիթա (ֆր.)—ցուցակ, ցանկ

Լյոպ տալ—լողալ

Լոզիկ—թիկնոց

Լոռսամ—լոռով՝ չրիմուռներով պատած, լոռն ծամեր ունեցող

Լսնակապույտ—սպիտակավուն կապույտ

Լուսամեղ—լուսեղեն մեջք ունեցող

Լայծ—հեղուկ, հեղուկային

Լաւշ—լուրթ կապուտակ, երկնագույն

Խաղաք—վետիկտանք, ծփանք

Խամանիկություն—խեղդատակություն

Խառապելալ—խաթարալա, գլխացավանք

Խավաքարդում—կուտակում, խճողում

Խելխուլ—խելահեղ, կատաղի
Խեռ—անհնազանդ, ստամբակ
Խեծիղ—ցնծություն, ուրախություն
Խեկապատար—խեկալից
Խշախ—հարդանկողին
Խորխ—օձի շապիկ
Խայտուկ—մորմոր, կսկիծ
Խուլի (թրթ.)—զառնուկ
Խպնուտ—ամոթխած
Խտրոց—շափանիշ, սահման
Խուլ—խրճիթ

Մարբին—բուրավետ խոտաբույս, ծոթրին
Մաղկապատար—ծաղիկներով լի
Մայրի—ծառի տեսակ
Մխան—ծխանուլ
Մորձուր—ծոր, ձորակ

Կաթնածիր—կաթ տվող, պարզևող
Կախիլ—իլիկ
Կախուրեան—կախուլի ճոճք
Կարի—սաստիկ, ուժգնորեն
Կարկեհան—նռնաքար, թանկարժեք քար
Կայթել—թռչկոտել, ցատկոտել
Կափույր—փական, պատյան
Կապտել—հափշտակել
Կեղերջ—ցավագին աղաղակ
Կերպել—կերպարանք տալ
Կրտուկ—տկարանալ, թուլանալ
Կլկլալ—ծխելու հարմարանք, նարգիլ
Կղկաթել—կարոտել, անձկալ
Կնատ—կնամարդի, կնոջը վայել
Կնդուկ—անուշահոտ խեծ
Կոժկոժել—մեղմ կարկաշել
Կոշկոտ կապած—քոտտ, փառակալած
Կոտառեք—խիստ ցավ, կսկիծ (վերթի)
Կունձ կապել—փունջ անել
Կուր—մակույկ
Կրկնեղույթ—օդատեսիլ, միրամ

Հակուրջի—ճոճք
Համագրավ—ընդգրկելով
Համբուր—առասպելական հրեշ, հուշ-կապարիկ
Համբուն—շարունակ, անընդհատ

Համել (համեհալ), համեցում—հապաղել,
ուշանալ, ուշացում
Համորեն—ամբողջ, բովանդակ
Համպար—բուրավետ բույս, մշկենի
Համորդի—ուշացած, հապաղող
Հայտնաբարբառ—հրապարակով ասած
Հայրատ—ցանկասեր, վավաշուս
Հանգրիճում—կցմցում, կարկատանք
Հանգույն—նման, պես
Հանի—մամիկ, տատ
Հապո՞ն—հապա՞, դե՞
Հարացույց—նախագաղափար, աստվա-
ծային կամք
Հելպեթ—հավանաբար, անշուշտ
Հեղակարծ—անսպասելի, հանկարծակի
Հեղզ—ծուլ, դանդաղ
Հեմեն—բուրդ էլ, բուրդով էլ
Հեշտական—ախորժելի, քաղցր
Հեշտություն—հանույթ, բերկրանք
Հեստ—անհնազանդ, ըմբոստ
Հետևակ (ուրյուն)—հաղորդ (ում)
Հեց—հենված, ապավինած
Հիբ—1. երկնագույն կապույտ կամ ձի-
բանագույն, 2. եռագույն մանուշակ
Հիբիկ—գեղեցիկ ու բուրավետ ծաղիկ
Հիբություն—խեղճություն
Հնամի—հնամյա
Հողվրտի (ֆ)—գերեզման (ներ), գերեզմա-
նատուն
Հատան—հոտավետ, անուշաբույր
Հալորեն—դանդաղորեն, ծալորեն
Հայր—գեթ, պարարտ
Հուն (հոն—այնտեղ բառից)—հրեն
Հուսամ—նարդոս (ծաղիկ)
Հուսկ—վերջին
Ջայնյակ—սոնետ (բանաստեղծության
տեսակ)
Չյունածիր—ծյունաճերմակ
Ղենչակ—զոզնոց, սրբիչ
Ճականան—իզամուլ, վավաշոտ
Ճանաչավուխտ—բազմագույն
Ճամուկ—նախշավոր, զարդարուն
Ճայիկ—էգ ձի
Ճանեկեն—ճերմակ ու սև բիծերով

Ճապկտուն—արագաստ
Ճապրոտ—երկաթյա ճանկ
Ճոկան—զավազան
Ճոկ տալ—կոտնել, խույս տալ
Ճոզած—վտիտ, թույլ
Ճոնիկ—մանկական նայլակ
Մագտաֆ—բուրումնավետ խեժ
Մաղմաղ—մարմանդ կրակ
Մածնում—կպչելը, փակցնելը
Մասխարա—խեղկատակ
Մարախ—մորեխ
Մարմաշ—շղարջ
Մեղեխիկ (ե)—ազնիվ բար (ից)
Մետ—կշեռքի նժար
Մետաֆառնչ—մետաքսյա շարքերով, հեն
քով
Մբար—խավար, մութ
Մոյոջ (ազույն)—փիփերթ (ազույն)
Մրկող—ալրող, խանձող
Մարտ, մրտենի—մշտադալար թուփ
Նամետ—նամոտ, խոնավ
Նայ—խոնավ, թաց
Նայադ—գետերի հավերժահարս, ջրահարս
Նատիր—զենիթի հակադիր կետը
Նափառ—շուրջառ, պատմունակ
Նեյ—երաժշտական գործիք
Նիմփարտն—հավերժահարսերի (Նիմֆե-
րի) բնակատեղի
Նկան—հաց, բլիթ
Նկնություն—խեղճություն
Նյուս—ծիու կոնակ, ուս
Նորգետ—նոր, բուրդովին նոր
Նորագայված—նորացված
Նկնահատակ—կարճահասակ, թզուկ
Շահաղ (ած.)—իշխանական, նախարա-
րական
Շահապարամ—հոտավետ բույս, ոռհանի
տեսակ
Շահարիկ—անտառային ոգի
Շահպրակ—անուշահոտ բույս
Շառագույն—կարմրագույն, շիկակարմիր
Շառայլ—ցուր, ճառագայթ

Շառափ—տեղատարափ, հորդ անձրև
Շարամանված—հյուսված
Շափյուղա—կապույտ գույնի թանկագին
բար
Շափրակ—պսակ (ծաղիկ)
Շափիլ—ծառից թափված տերև
Շեր—գեղջիկան երգ
Շերաս—շերամ
Շիդ—փոքր տերև
Շոգի, Շոգուլի—գորշի
Ռահն—սին, դատարկ
Ռակման—ոսկեհյուս, ոսկիով մանված
Ռակեսար—ոսկյա, ոսկեզեն
Ռի—արջազուլ
Ջարանեար—շարաճճի
Ջիսով—հանդիմանաճքով
Ջիսույթ—անհոգություն
Պակուցում—ա՛հ, վախ, սարսափ
Պանար—ընտանի եղջերավոր անասուն
Պայ, պայիկ—դիցարանական ոգի, դիցա-
նույշ, ֆեյա
Պանանա—բանան (արևադարձային պը-
տուղ)
Պանդույթ—հիմար, ապուշ
Պասուֆ—ծարավ, պապակ
Պատարուն—լցված, հորդացած
Պարանցիկ—պար բռնող, պարող, պա-
րելով
Պարապեղում (եյ)—ամբափակում (ել)
Պարեզոտ—պատմունակ, փարաշա
Պարեխ—ժայռ
Պարիկ—հեթիաթային ոգի, փերի
Պարտասած (ուն)—սաստիկ հոգնած (ու-
թյուն), ուժասպառ եղած
Պարունակ—շրջանակ, շրջան
Պարուտակ—թաղանթ
Պիսակ—բիծ, պուտ
Պենեֆ—պենանք, զարդարանք
Պոշ (թրթ.)—դատարկ բան
Պոզվաթիկ—պողպատյա
Պանզ—բթմատով ու միջնաճատով հար-
ված հասցենիլը

Պոպուտալ—զոռալ
Պոր—կարապ
Պորփյուր—կարմրագույն գեղեցիկ բար
Պոսակելի—պուտյա գործիկ
Պրիսմակ—պրիզմա
Պուպրիկ—խաղալիք, տիկնիկ
Ջամբել—կերակրել, սնուցել
Ջանջիլ—ազնիվ կտավ
Ջերուտ—տաքուկ, ջերմին
Ջերին—չնչին
Ռանահորդ—ճանապարհորդ
Սամարոդ—ծեքծեքվող, կոտրատվող
Սարակ—փոքր սար
Սարբիև—1. խլամար 2. շտեմարան
Սիրաբեր—սիրով ջերմացած
Սիկ—տիղմ
Սկրթել—հեռացնել, պոկել, ազատվել
Սղոխ—զով բամի
Սնդուս—մետաքսյա կտոր, դիպակ
Սուբել—հոսեցնել
Ստալխ—խնկի տեսակ
Ստգտանֆ—հանցանք
Սրանակ—առագաստ, վարագույր
Սրական (սրակարան)—տաշտ կամ սկա-
վառակ զոհերի արյան համար
Սրտապատար—սիրտը լեցուն
Սույլ—սուլոց, սուլելը
Սուտակ—կարմիր գույնի թանկագին բար
Վայրավատին—ցիրուցան, խառնիխուռն
Վարատական—աստանդական, հալածա-
կան
Վարեցոց—ստորին տեսակի, էժանագին
Վարչամակված—վարչամակ՝ թաշկինակ
կամ քող կապած
Վարադիտակ—վարապոր
Վերելակելի—վեր ելնել, բարձրանալ
Վիժակ—վարագույր
Վիտակիլ—վետվետալ, վիտակ-վիտակ—
մետաքսյա ընտիր կտորի՝ վիտակի
պես վետվետացող

Տախտապարոզ—գետնատարած, գետնին
պսակեցնող
Տաղտապանք—շարշարանք, նեղութուն
Տեսք—կապուկ, կապ
Տերտ—դարդ, ցավ, վիշտ
Տիվ—ցերեկ
Տիվագոլ—ցերեկվա տաքութուն
Տողանցք—շարք
Տրեզ—ոսկյա, արծաթյա կամ մետաքսյա
թելերից հյուսած բարակ ծապավեն

Տասուցիչ—զայրացուցիչ

Ուլ(ն)—վիզ, պարանոց
Ռծագուրի—չստած
Ուլ—ուղի
Ուզեշ—ծառի ճյուղ, որթի մաս
Ուղխ—գետ
Ուրեխ—ուրեխ—տեղ-տեղ

Փաղփ(ուն)—փայլ(ուն)
Փանախի—չնչին, նվաստ, անարգ
Փապար—խոռոչ, անձավ

Փարփառ—փայլուն, վառվռուն
Փողփողենէջ—փայլուն իջվածքով, շող-
շողալով
Փստուտա—կայծոռիկ, լուսատտիկ
Փփին—նետ

Քայռ—զոհարազարդ մանյակ
Քարմարցանկ—կապարե նյութ կավե
ամանները փայլեցնելու համար
Քարշեպ—քարե պատվար
Քմշոտ—քմահաճ
Քոզեխ—ապարանջան
Քրքել—նվագել
Քրքում—բուրավետ բույս
Քցաք—կրոնավորի զխարկ, ծածկոց
Քուղ—թել
Քուվայթ—արմավագույն

Օղանույշ—օղային ողի

Օրեկ—հնացած

Յուլիա—ոսկինարգես

ԲՈՎԱՆԳԱԿՈՒԹՅՈՒՆ

Միսախ Մեծարեճց

ԲԱՐԱԿՈՒՄՆԵՐ

	17
Գիշերին երազանքը	17
Հիշատակը (Ձմրան ցրտին հովերեն վերջ)	18
Փունջերը	18
Նոր տարին	19
Աստղերը	19
Արևազալը	20
Մարմնի վերք, սրտի վերք	21
Կյանքի երգը	22
Հիվանդի հեքեր (Ցայգերգ)	23
Գեղին վարդեր (Փթթեցե՞ք միշտ, դեղին վարդեր, լեվա՞ծ վարդեր)	24
Հիշատակ (Գիշերն է լուռ, մութը պատած է շորս դին)	25
Տեղատարափ	25
Անդարծ (Գյուղին արևը կը հատնի լռին)	

ԾԻԱԾԱՆ

	27
Ձմրան պարզ գիշեր	28
Սիրերգ (Գիշերն անույշ է, գիշերն հեշտագի՞ն,)	29
Կայծեր	

Թրթռումներ	30
Ցայգանվագ	30
Նրազի պահեր	32
Շերամին նիւշը	33
Մտերմիկ տեսիլներ	33
Ճերմակ վարդեր	34
Աքասիաներու շուքին տակ	34
Այգերգ (Սարերուն մեջ կը կոծկոծի այգուն՝ կունակը վանքին)	35
Գետափի երազանք	36
Խոնջ իրիկունն արագորեն...	36
Ցնորոտ անդորրովթյուններ	37
Վերադարձի երգ	37
Կիրակմուտք	38
Նոպաները	39
Տապի նոպաներ	39
Աշնանային հեծովթյուններ	40
Գարունը կապրեցնե	41
Հովին անցքը	42
Սոնադին	43
Վայրկյաններ	45
Այգերգ (Այգն է ծաղիկ երազով ի ու բալածիգ՝ թեթևորեն.)	46
Մթնշաղներ	46
Նավակները	47
Մեղունները	48
Բյուրեղի գլուխներ	49
Իզներ	50
Ցայգանկար	51
Արևին	52
Ցայգային	53
Միրերգ (Ճառագայթի պես, ոսկեվարս ու նրբին,)	55
Ուտիներու շուքին տակ	56
Ցայգն է պայծառ...	58
Իրիկվան ձայներ	59
Ատուվան արևին մեջ	60
Կապույտ հածումներ	62

Վայրկյան	63
Ջորեն դարձին	64
Մառխուղ	65
Անձրե (Բացաստանը վարագուրեց անձրեին քողքն ամպային)	66
Անդարձ (Լուսնի լույսը ծառերին ծաղիկի պես էր կախվեր.)	67
Սիրերգ (Տրցակ մը հուսամ ու տրցակ մը ուրց)	68
Ջրտուք	69
Ատուվածամար	70
Անձրե (Համբույրն անձրեին կը թրջե շափշափ)	71
Առնչություն	72
Զյունի ցնծություն	72
Մեռելոց	73
Երկու սրինգ	73
Անանուն	74
Իրիկնային	74
Այգային	74

Հովերգություն մը

Գարնան Հյուղը	75
Հյուղին Գարունը	75
Երգը	76
Մրուրը	77
Հյուղին Աշունը	78

Ըլլայի՛, ըլլայի՛

Իրիկունը (Սա իրիկունն ըլլայի՛ ես)	79
Հովը (Ալիքներուն վրա ոստոստող հովն ըլլայի՛)	80
Հյուղը	82
Բաղձանք	83
Հովը (Պատուհանըս մատնահարեց ու անցավ.)	83

Տերևները կըսեին	84
Կերթա արևն իր գատիկին...	85
Իրիկվան մեջ խորին...	86
Իրիկվան իղձ	87
Իրիկունս (Իրիկունս է բարի՛, բարի՛, ու լիաձեռն ու հոտեան,)	88
Լուսնակ քուրիկիս	88
Ի՛նչ արբեցությամբ...	91

ԱՅԼ ԲԱՆԱՍՏԵՂՍՈՒԹՅՈՒՆՆԵՐ

Երգը (Լուսինն հայլվույն մեջ անվակին հեզասահ)	93
Մութին տակ (Սուկում)	94
Իրիկվան դեմ	95
Հուշապսակ	95

Արհամարհանք

Փռշին	96
Ծաղկե քառյակ	96
Մերժում	97
Դեղին վարդեր (Դեղին վարդեր մայիսի)	98
Հիշատակ (Միրերգ) (Մութ ըստվերներ, ծավի լույսեր ցիրուցան՝)	98
Տղու մը մահը	99
Բաժնված սիրտեր	100
Պետրոս Դուրյան	101
Սիրո ուղին	102
Աշնան ծով	102
Հիշատակդ	103
Աչքերդ	103
Աշնան ծաղիկներ	104
Մշուշին մեջեն	105
Քուն	105
Յկ՛ւր (Միրերգ)	107
Մահը (Մանուկները կը խոսակցին)	108
Ցայգերդ	109
Երազ օրեր (Քանթիլեն)	109
Սպասում	110

Իրիկունը (Ածուներուն մեջ հիրերուն քընքույշ)	111
Ա՛ն իմ սի՛րտս է...	111
Աղերսանք	113
Սիրաձայն հծծյուններ	114
Տեսիլ	115
Հոգեհանգիստ	116
Կաղը	117
Խուլը	118
Համրը	118
Առտուն	119
Քղթիկը	119
Տո՛ւր ինձի, Տե՛ր...	121
Մանիշակ ու մամուռ	123
«Սենպուլիզմ»ը	124
Միրերգ (Ջյունին վրային կերթաս, ա՛րև ձյունածաղիկ,)	127
Միտք ու բնություն	128
Իրիկնավերջ	129
Միրերգ (Երբ մը մեկնիմ ես քու քովեդ,)	129
Խունկ ու արցունք	130
Տվայտանք	130
Խենթե՛ր	131
Երգ (Քո՛ւյր, մոտեցի՛ր կըրակին,)	133

ԱՐՁԱԿ ԷՋԵՐ

Ցայգային	135
Ցայգանվազ	136
Հատվածիկներ	137
Ջրին ծառը	139
Որթին տերևը	141
Աշներդ	142
Տկճորին երգը (Արձակ բանաստեղծություն)	144
Առտուն	146
Մեծայրիկը	147
Այս իրիկուն... (Արձակ բանաստեղծություն)	152
Ջեռքերը	154

ՀՈՂՎԱԾՆԵՐ

Նշիշն եպիսկ. Գուրյան	157
Գ. Զոհրապ	160
Ինքնադատության փորձ մը «Միաձան»ին առիթով	165
Անտիպ բանաստեղծ մը	175
Քննադատությունը	184
Նարեկացիին հետ	191
Հետամնաց բարեկենդան	196
Ազնղ ու կապարճ	202

ՆԱՄԱԿՆԵՐ

ԹԱՐԳՄԱՆՈՒԹՅՈՒՆՆԵՐ ԵՎ ՓՈԽԱԴՐՈՒԹՅՈՒՆՆԵՐ

Նաանգ	212
Զյունին տուկ (ձամբու պատմվածք)	212
Պիմի (Կապիկի մը պատմությունը)	220
Միրո թաղումը	225
Հոլանդական օրոր	225
Փոքրիկ կապույտ տղան	226
Նրկարածիգ խավային հրկիրը	227
Դատաստանատունը	228
Իմաստություն սովորեցնողը	229
ՄԱՆՈԹԱԳՐՈՒԹՅՈՒՆՆԵՐ	
ԲԱՌԱՐԱՆ	

ՀԱՅ ԴԱՍԱԿԱՆՆԵՐԻ ԳՐԱԴԱՐԱՆ

ՄԻՍԱԲ ՄԵՇԱՐԵՆՑ

ԵՐԿԵՐ

Библиотека армянской классики

МИСАК МЕЦАРЕНЦ

Сочинение

(На армянском языке)

Издательство «Советакан грох»

Ереван, 1986

Խմբագիր՝ Ա. Ս. Քիշոյան

Նկարիչ՝ Մ. Ռ. Սոսոյան

Գեղ. խմբագիր՝ Գ. Ցու. Գյուլամիրյան

Տեխ. խմբագիր՝ Վ. Գ. Ալազյան

Վերստուգող սրբագրիչ՝ Կ. Ն. Մամիկոնյան

ИБ 5148

Հանձնված է շարվածքի 11.06.86 թ.: Ստորագրված է տպագրության 31.07.86 թ.:
Փորձատ՝ 60×84¹/₁₆: Թուղթ՝ տպագր. № 1: Տառատեսակ՝ «Գրքի սովորական»: Տպագրության՝ բարձր: 14,88 պայմ. տպ. մամ., 15,22 պայմ. ներկ. թերթ., 11,8 հրատ. մամ.:
Տպաքանակ՝ 51 000: Պատվեր՝ 403: Գինը՝ 1 ո. 30 կոպ.:

«Սովետական գրող» հրատարակչություն, Երևան—9, Տերյան 91:

Издательство «Советакан грох», Ереван-9, ул. Теряна, 91.

ՀՄՍՀ հրատարակչությունների, պոլիգրաֆիայի և գրքի առևտրի գործերի պետական կոմիտեի Հակոբ Մեղապարտի անվան պոլիգրաֆկոմբինատ, Երևան—9, Տերյան 91:

Полиграфкомбинат им. Акопа Мегаларта Госкомитета Арм. ССР по делам издательств, полиграфии и книжной торговли, Ереван-9, ул. Теряна, 91.